

२०

पिछोड़ी बांह न देहो दान ।
 सूधे मन तुम लेहु गुसाईं राखो हमारो मान ॥
 मार्ग रोकि रहे नन्दनन्दन सब गुण-रूपनिधान ।
 वदन मोरि सुसकाइ मामिनी नयन वाण सन्धान ॥
 नन्दरायके कुंवर लाड़िले सबके जीवन प्राण ।
 परमानन्द स्वामी मोहन हो तुम ते कौन सुजान ॥

२१

मोहन तुम कैसे हो दानो ।
 सूधे रहो गहे पति अपनी तिहारे जीकी मैं जानी ॥
 हम गूजरी गंवारि अहीरो तुम हो सारङ्गपानी ।
 मटुकी लई उतारि शीर्षते सुन्दरि अधिक लजानी ।
 कर गहि चीर कहा ऐंचत हो वोलति चतुर सयानी ॥
 सूरदास प्रभु माखनके हित प्रेम प्रीति चित ठानी ॥

२२

आज दधि देखों तेरो चाखि ।
 कहि धों मोल किते बेचिगौ सत्य वचन मुख भाखि ॥
 जोई तू कहे सोई हीं देहीं सङ्ग सखा सब साखि ।
 जो न पत्याइ ग्वालि तू हमको कण्ठस्यो ले राखि ॥
 ले चले सङ्ग घर दाम देन को जनायो नेकु कटाखि ।
 कुम्भन दास प्रभु गोवर्द्धन धर रसवश लियो तताखि ॥

२३

रघुक चाखन दे रो दह्यो ।
 अद्भुत खाद अरण्य सुनि मोपे नाहिन परत रह्यो ॥
 ज्यों ज्यों कर अम्बुज कुच भूमपति त्यों त्यों
 मर्म लह्यो ।

नन्दकुमार क्वीलो ढोटा अञ्जल धाड़ गह्यो ॥
 हरि हठ करत दास परमानन्द इह मैं बहुत सह्यो ।
 इन बात नि खायो चाहत हो सेत न जात बह्यो ॥

२४

किशोरी अङ्ग अङ्ग भेटो श्याम हि ।
 कण्ठतमाल तरल भुज शाखा लटकि मिली ज्यों
 दाम हि ॥

गिरिवर धरण सुरति रति नायक रति जीत्यो
 सङ्गाम हि ।
 सूर कहे ए उभय सुभट बिच क्यों जु वसे रिपु
 काम हि ॥

२५

किशोरी देखत नयन सिरात ।
 वलि वलि जाउं मुखारविन्दकी चन्द्र मन्द ह्वै जात ॥
 श्याम कञ्चुकी तामें शोभित कञ्चन कलस न मात ।
 मानो मदन दोउ कुच ऊपर नील वस्त्र फहरात ॥
 नकबेसरि और उरभि पीताम्बर देखत मुनि सुरभात ।
 या मुख देखे सूरदास प्रभु उड़े पुराने पात ॥

२६

सघन कुञ्जते उठे मोर ही श्यामा श्याम खरे ।
 जलद नवीन त्रिया मिलि दामिनि वर्षि निशा उघरे ॥
 शिथिल रसन पट नील पीताम्बर आलस्य युत पहरे ।
 ककुक बुन्द रति अम कणिका वादर वरण धारे ॥
 भूषण विविध हुतौ मिड़वारी अतिरस उमड़ि परे ।
 कज्जल अधर तमोल नयन रस अङ्ग अङ्ग भिला परे ॥
 प्रेम प्रवाह कुटी मानो सरिता टूटी माला गरे ।
 शोभा अमित विलोकि सूर सुख नाहि न जात तरे ॥

२७

देखि सखि चार चन्द्र इकठोर ।
 चितवति रही नितम्बिनि प्रिय सङ्ग सार सुताकी और ॥
 हे विधु नील श्याम-घन जैसे हे विधुको गति गोर ।
 ताके मध्य चार शुक राजत हे फल आठ चकोर ॥
 शशि शशि सङ्ग प्रवाल कुन्द अलि तहां अरुभि
 दो मोर ।

सूरदास प्रभु उभय रूपनिधि वलि वलि युगल
 किशोर ॥

२८

यशोमति आनन्द कन्द नचावति ।
 पुलकि पुलकि हुलसाति देखि मुख अति सुख
 पुञ्ज हि पावति ॥

बाल युवा वृद्धा किशोर मिलि चुटकी दै दै गावति ।
 नूपुर खर सिन्धित ध्वनि उपजत शिव विरिञ्चि
 विस्मावति ॥
 कुञ्चित ग्रन्थित अलक मनोहर भूपकि वदन
 पर आवति
 जनु भगवान् मनहुं घन विधु मिलि मकर चांदनो
 लजावति ॥

१८

मांगत दधि माखन उठि प्रात ।
 ह्रीं दधि मथन करनकी बैठी तहां आई अररात ॥
 कछो यशोदा रियो रोहिणी हंसि हंसि बैठी खात ।
 ब्रजपति प्रिय और मागत हैं कहि कहि तीतरी बात ॥

१९

तुमपे कौन दुहावत गया ।
 गूढ़ भाव सूचित अन्तर गति अति सुकामकी नैया ॥
 गूढ़ प्रीति तासीं मिलि कोजि जो होइ तिहारो दैया ।
 ज्यों भावे त्यों मिलत सबनि सो इहे सिखाई मैया ॥
 ले जु रहै कर कनक दोहनो बैठे हो अधपैया ।
 परमानन्द स्वामी हठ मागो ज्यों घर खसम गुसैया ॥

२१

वसे मेरे नयन में नन्दलाल ।
 सांवरो सूरत माधुरो मूरति राजीव नयन विशाल ॥
 मोर मुकुट मकराकृत कुण्डल अरुण तिलक दिये
 भाल ।
 शङ्ख चक्र गदा पद्म विराजत कौसुभ मणि वनमाल ॥
 बाजूबन्द जरी के भूषण नूपुर शब्द रसाल ।
 दास गोपाल मदनमोहन प्रिय भक्तनके प्रतिपाल ॥

२२

क्यों विसरे वह गाइ चरावनि ।
 वाम कपोल वाम भुज पर करि दक्षिण भौंह
 उचावनि ॥
 कोमल कर अङ्गुलि गहि मुरली अधर सुधा षष्ठीवनि ।
 चढ़ि विमान जे सुनत देव तिय तिन हु मोह
 उपजावनि ॥

हार हाम उर स्थिर चपला अरु अद्भुत रूप
 मिलावनि ।
 दन्त धरे लण रहति चित्र ज्यों गेयन सुधि विसरावनि ॥
 मोर मुकुट अरण नि पल्लव कटि मल्लव स्वरूप
 बनावनि ।
 चरण रेणु वाञ्छत कम्पत भुज सरितन गमन
 थंभावनि ॥
 आदि पुरुष जों अचल भुतिव्ये सङ्ग सखागुण गावनि ।
 वन वन फिरत कबहुं मुरली कर गिरि
 चढ़ि गाइ बुलावनि ॥
 लता विटप मन माह प्रकट ह्वे फलभर भूमि
 नवावनि ।
 तत्क्षण हरित होत प्रति अवयव मधुधारा उपटावनि ॥
 सुन्दर रूप देखि वन लाला मत्त मधुप खर गावनि ।
 आदर देत सरोवर सारस हंस निकट बैठावनि ॥
 बल सङ्ग अरण पुहप शोभा गिरिशिखर नाद
 पुरवावनि ।
 धिविध भांति बन गमन विचक्षण नूतन तान बतावनि ॥
 सुगत नाद ब्रह्मादिक सुरगण अधिक चित्त मोहावनि ।
 चलत ललित गति हरत ताप ब्रजभूमि शोक
 विनशावनि ॥
 ब्रज युवती मन मेन उदय करि स्थिरता ठहरावनि ।
 दिव्यगन्ध तुलसी माला उर मणि धर गाइ गनावनि ॥
 वेणुनाद वञ्चित करि सब हरिणो भौंह छिड़ावनि ।
 कुन्ददाम शृङ्गार सकल अङ्ग यमुना जल उकरावनि ॥
 सुदित सकल गन्धर्व देवगण सेवा उचित करावनि ।
 गिरिधर वल्ल ले ब्रजगेयनके आवत चरण कुवावनि ॥
 वेणु बजावत ब्रज सुख देवे गाय नि ले ब्रज आवनि ।
 गावत गोप विशद कान्ति सङ्ग फिरत घर भावनि ॥
 घूमत मद दृग देत मान ककु श्रुति कुण्डल
 भल्लाकावनि ।
 बदर सदृश आनन सब सूचित विधु ज्यों अङ्ग
 सिरावनि ॥

गुण गावत ह्वै प्रकट रूप सों घोष वियोग बुभावनि ।
चारि याम हरिके सङ्ग क्रीडत लीला माह समावनि ॥
यह लीला चित वसो लसो नित गोपीजन सुख

पावनि ।

दोजे दास रसिक को यह फल ब्रज जनपद

रज धावनि ॥

३३

जब ते श्याम शरण मैं पायो ।

तब ते भेंट भई श्रीवल्लभ निज पति नाम बतायो ॥

और अविद्या काडि मलिन मति श्रुतिपति सों

दृग दृढ़ायो ।

कृष्णदास सब युग जन खोजत अब निश्चय

मन आयो ॥

३४

प्रकटे श्रीवल्लभ राजकुमार ।

जय जय श्रीगिरिधर श्रीगोविन्द बालकृष्ण जु उदार ॥

गोकुलपति ब्रजपति श्रीघटुपति शोभित तन घनश्याम ।

करुणापति श्रीकल्याण राय जू रसिक जननि

सुखधाम ॥

श्रीसुरलो धर प्रभु बालक श्रीवल्लभकुल सकल समास

विष्णुदास गोपाल लीला वपु गावत वेद पुरान ॥

३५

श्रीगोकुल युग युग राज करो ।

या सुख भजन प्रतापते क्षण इत उत न टरो ॥

पावन रूप दिखाय प्राणपति पतितन पाप हरो ।

विश्वविदित दीन गति प्रेत निज गति निवम धरो ॥

श्रीवल्लभकुल कमलनि दीपक यश मकरन्द मरो ।

नन्ददास प्रभु षट्गुण सम्पन्न श्रीविठलेश वरो ॥

३६

जे जन शरण गए ते तारे ।

दीनदयाल प्रकट पुरुषोत्तम श्रीविठल नाथ ललारे ॥

जितनौ रवि छायाको कणिका तितनि दोष हसारे ।

सुहरे चरण प्रताप तेजते ते-ते तत्क्षण तारे ॥

माला कण्ठ तिलक माथे दे शङ्ख चक्र वपु धारे ।

माणिकचन्द्र प्रभुके गुण ऐसे महापतित निस्तारे ॥

३७

महा श्रीवल्लभ के ह्वै गाजो ।

चरण अम्बुज गहि मान अन्य तजि स्वामी

पदते भाजो ॥

गोता भागवत निगमसे साखी तो काहे को लाजो ।

गीतगोविन्द विखमङ्गल सोमा को कहि सके

अनदाजो ॥

श्रीपुरुषोत्तम इन हो तेपेये यह दृढ़ मति तुम साजो ।

सगुण दास कहि युवती सभामें गिरिधर महल

विराजो ॥

३८

अपुन पै अपनी सेवा करत ।

आपुन प्रभु आपुन सेवक ह्वै अपनी रूप उ धरत ॥

आपुन धर्म कर्म सब जानत मर्यादा अनुसरत ।

स्रोतस्वामी गिरिधरण श्रीविठल भक्तवत्सल वपु धरत ॥

३९

हम तो श्रीविठल नाथ हि जानि ।

आन देव सेवन कत करिण नहि कहु उरमें आनि ॥

कोज भजो सुरपति कोज गणपति व्रत कोज

भजो वेद पुरानि ।

कोज रवि चन्द्र भजो शिव शङ्कर कोज भजो

प्रकट प्रमानि ॥

कोज भजो सनकादिक मुनि नारद कोज भजो

कर्म निदानि ।

कोज भजो अंश कला अवतारे काज अक्षर

क्षर थानि ॥

कोज भजो नेति नेति कहि निर्गुण कोज भजो

पद निर्वानि ।

कोज भजो तन्त्र मन्त्र यन्त्रनको फिरत सबे भहराने ॥

कोज भजो नव अरु सात पदार्थ मुक्ति ले सके दाने ।

करुणानिधि गिरिधर भजि दृढ़ करि हरिबाला

रस पाने ॥

४०

श्रीवल्लभके नन्दन फिरि आए ।
 वैई रूप वैई फिरि क्रीड़ा करत आपु मन माए ॥
 वे फिरि राज करत श्रीगोकुल वैई रीति प्रकटाए ।
 वैई शृङ्गार भोग क्षण क्षणके वैई लीला गाए ॥
 जे यशोमति की आनन्द दीन्हों सो फिरि ब्रजमें आए ।
 श्रीविठ्ठल गिरिधर पद अम्बुज गोविन्द उर में लाए ॥

४१

प्रगद्यो प्राची दिशि पूरण चन्द्र ।
 यों ही प्रगटे श्रीवल्लभ गृह सुर नर मुनि आनन्द ॥
 अद्भुत रूप अलौकिक महिमाजन जनतायों भाष्यो ।
 शीतस्वामी गिरिधरण श्रीविठ्ठल लोक वेद मत राख्यो ॥

४२

यह कलि परम शुभग जन धन्य श्रीविठ्ठलनाथ
 उपासी ।
 जो प्रकटे ब्रजपति विठ्ठलेश्वर तो सेवक ब्रजवासी ॥
 ब्रजलीला भूलयो चतुरानन कुल टारो ब्रतरासी ।
 अब लों शठ अवगणत अभागे करत परस्पर हासी ॥
 आत्या सहित आपु भए हैं हितू दीन्हों नर प्रकासी ।
 देखियत लोक स्वरूप अलौकिक ज्यों गङ्गा सरिता सी ॥
 परिहरि सदन सदा हरि यश गावत मुक्ति
 भक्ताकी दासी ।
 वदत न कछु भीम भव-वैभव भजनागन्द उपासी ॥

४३

यशोदा कहा कहों हों बात ।
 तुम्हरे सुतके करतव मोपे कहत कहे नहिं जात ॥
 भाजन फोर डोरि सब गौरस ले माखन दधि खात ।
 जो वरजो तो आंखि दिखावे रंचहु नाहिं सकात ॥
 और अटपटो कहां लों वरनों कुवत पाणि सो गात ।
 चतुर्भुज प्रभु गिरिधरके गुण हों कहति कहति
 सकुचात ॥

४४

ग्वालिन तोहि कहत क्यों आयो ।

मेरो कान्ह निपट बालक क्यों चोरी माखन खायो ॥
 बृष्णि विचारि देखि जिय अपने कहा कहों हों
 तोहि ।
 कष्टुकि वन्द तोरे यह कैसे सो ससुष्णि परति
 नहिं मोहि ॥
 चतुर्भुज दास लाल गिरिधर सों भूठी कहति बनाय ।
 मेरो श्याम सकुच को लरिका पर घर कबहुं न जाय ॥

४५

बालक ही ते चोरी ए हो जानत ।
 माखन दूध धख्यो उन छाड़्यो बहोरि अचानक
 भाजन भानत ॥
 अब हीं लाल मेरो सर्वस्व मूस्यो और उलटे तुम
 कैसी कैसी वानत ।
 कुम्भन दास प्रभु सङ्ग लागी डोलति गोवर्द्धनधर
 अज हुं न मानत ॥

देवगान्धार—अठताला

मानि मानि री मोहन द्वार ठाढ़े ।
 तेरी तो प्रकृति आनि पियकी पीरो न जाने बातें तो
 बहुत उफाने त्यों त्यों ते हृदय आगार कपाट
 दिखे गाढ़े ॥
 वर्ष रैन कारो तो सों बहि लगी भारी ऐसि री
 लालन पर तन मन धन वारि फेरि प्राण दीजे काढ़े ।
 सुनत वचन प्यारी कण्ठ लागी गिरिधारी गोविन्द
 प्रभुको हृदय प्रेम जल सों बुझायो आए विरहानल
 दाढ़े ॥

२

कछु व कही न जाइ तेरी उनकी विकट बात ।
 आन आन प्रकृति कैसे वनि आवे जो तू डार डार
 ता वे हैं री पात पात ॥
 अब कहा कहति सोइ जाइ कहीं प्रियतम सों छाड़ि
 देहु इत उतकी पांच सात ।
 अब एते पर गोविन्द प्रभु सुमुख मनावत तेरो
 बातनि बातनि भयो प्रात ॥

विनती करत प्यारी की सखी लालन सुरली नेक
बजाइये ।

जानति हों सकल कला गुण नि शिरमौर ढीठ्यो
दीजत ताते घोष राजकुंवर हम हु तान डे सुनाइये ॥

जैसे खग शृंग द्रुम पशु वेली सरिता मोही तैसे
हमारी सखि निको मन रिभाइये ।

गोविन्द प्रभु सकल कला प्रवोण ताते हमारे
श्रवणनि सुख उपजाइये ॥

लहेते दे मेरो उरहार ।

जाइ कहीं गी नन्द राय सों यह तेरो व्यवहार ॥

मेरी दुलरी मेरो कङ्कण मेरो गजरा हार ।

तेरे घरको मील सबेई मेरो सहज शृङ्गार ॥

बहुत दिनन को भगरो ठान्यो उर मणि कञ्चनहार ।

भगरति भगरति गई कुञ्जमें व्यास कियो निर्वार ॥

कुञ्ज सदन ते मदन जौति उठे घन दामिनो से भोर ।

व्रज तरुणी वृषभानु नन्दिनी नागर नन्दकिशोर ॥

राजत है वनमाल ग्रीव उर बनो बलाका डोर ।

मनहु पाकशासन शरासन सो शीर्ष चन्द्रिका मोर ॥

परिभृत वेणु हंस हंसिनि मन चातक नयन चकोर ।

सुरली अधर मधुर कल गरजत ललित राम

मिलि घोर ॥

वर्षे प्रेम नौर रस सरसे दर्शे अनुपम जोर ।

देखे प्रभु ऐसे मनमोहन आवत व्रजकी खोर ॥

भले तुम आए मेरे प्रात ।

रजनी सुख कहूँ अनृत कियो प्रिय जागे सारी रात ॥

भूपि भूपि आवत नयन उनोदे कहा कहं यह बात ।

ज्यों जलरुह तकि किरण चन्द्रको अति समीत

मुंदि जात ॥

कहूँ चन्दन कहूँ वन्दन लाग्यो देखियत सांवल गात ।

मङ्गा सरस्वती मानो वसुना अङ्ग हि मांभ लखात ॥
भलौ करी प्रण बोल निबाहे मेरे यह प्रभात ।

चौत स्वामी गिरिधर शुनि बातें वदन मोरि
सकुचात ॥

सांचे भए आए प्रभात ।
नन्दनन्दन रजनौ कहां जागे कहिये सांवल गात ॥

पीक कपोल नि लगे तुम्हारे जावक भाल लखात ।
उर हि विराजत विनमुण माला मोतन लखि

सकुचात ॥

भली करी अब तहीं पग धारो जहां वितार्ई रात ।
चौत स्वामी गिरिधर काहे को भूठो सोहैं खात ॥

मोहन करतें दोहनि लीनी मोपद वहरा जोरें ।
हाथ धेनु स्तन वदन त्रियातन छोर छांछि छल छोरें ॥

आनन रही ललित पय छोटें काजत छवि टण तोरें ।
मानहु निकसि कलङ्क कलानिधि दुग्धसिन्धु

मधि खोरें ॥

दे घूँघट पट ओट नील हंसि कुंवर सुदित मुख मोरें ।
मनहु शरत् शशि को मिलि दामिनि घेरि लियो

घनघोरें ॥

यह विधि रहसत विलसत दम्पति हेत हिये
नहिं थोरें ।

सूर उमगि आनन्द सुधानिधि मनो विलावलि फोरें ॥

अब ही देखे नवल किशोर ।
घर आवत ही तनक भए हैं ऐसे तनके चोर ॥

ककु दिन करि दधि माखन चोरी अब चोरत
मन मोर ।

विवश भई तन सुधि न स'भारति कहति बात
भई भोर ॥

यह वाणी कहत ही लजानी समुक्ति भई जिय बोर ।
सूरश्याम मुख निरखि चलो घर आनन्द लोचन लोर ॥

१०

युवती एक आवत देखी श्याम ।
 हुमकी ओट रहे हैं आपुन यमुना तट गई वाम ॥
 जल हलोरि गागरि मरि नागरि जब ही शीर्ष
 उठायो ।
 घरको चलो जाइ ता पावें शिरते घट ढरकायो ॥
 चतुर ग्वालिक कर गह्यो श्यामको कनक लकुटिया
 पाई ।
 और नि सी करि रहे अचगरो मोसीं लगत कन्हाई ॥
 गागरि लै हंसि देत ग्वालिक कर रीतो घट नहिं लेहीं ।
 सूर श्याम ह्यां आनि देहु भरि तब हि लकुट
 कर देखीं ॥

११

गोपिका अति आनन्द मरी ।
 माखन दधि हरि खात सखनि सङ्ग अति
 आनन्द खरी ॥
 कर लै ल मुख स्पर्श करावति उपमा बड़ी सुभाई ।
 मानहु कञ्ज मिलत शशि को लिये सुधा कौर
 कर आई ॥
 जा कारण शिव ध्यान लगावत शेष सहस्र मुख गावत ।
 सोई सूर प्रकट ब्रज मोतर राधा मन हि चोरावत ॥

१२

मन मन हंसति राधिका गोरी ।
 ऐसे श्याम रहत ब्रज भीतर वृभक्ति है मई भोरी ॥
 तुम उनको कहूँ देखे हैं के शुनी कहति हो बात ।
 चतुराई नौके गहिं राखो मुख सुरिके सुसिकात ॥
 कब हं ता कहूँ सङ्ग परि हो तब हो लीजि चीनि ।
 सूर श्यामको पीताम्बर मेरो बेसरि लीजो छीनि ॥

१३

तुमको कैसे श्याम लगे ।
 न्हात रही जलमें सब तरुणी तब तुम कहां खगे ॥
 अङ्ग अङ्ग अवलोकन कौहीं कौन अङ्गपर रहे पगे ।
 भूख्यो न्हान ज्ञान तन भूली नन्द सूरु उतते न उगे ॥

जानति नहीं कहूँ नहिं देखे मिलि गई ऐसे
 मनहु संगे ।
 सूरश्याम ऐसे तें देखे मैं जानति दुःख दूरि भगे ॥

१४

श्याम अति राधा विरह भरे ।
 कवहूँ सदन कवहूँ आनि हीं कवहूँ पौरि खरे ॥
 जननी आतुर करति रसोंई देखि देखि हरि जात ।
 कहा अवेरे करति तू अब री भूख लगी अति प्रात ॥
 मैं वलि जाओँ श्याम घन सुन्दर अब बैठो तुम आइ ।
 सूर सखा सङ्ग सबे बोलावहु हलधर नहीं बताइ ॥

१५

मेरे नयन नि हीं सब खोरि ।
 श्यामवदन क्वि निरखि जु अटके बहुरे नहीं बहोरि ॥
 जो मैं कोटि यत्न करि राखति घूँघट ओट अगोरि ।
 तो उडि मिले वधिकके खग ज्यों पलक पिञ्जर
 नि तोरि ॥
 बुद्धि विवेक बल बचन चातुरी पहिल हि लई
 अंजोरि ।
 अति अधीन मई सङ्ग डोलति ज्यों व गुड़ी वश डोरि ॥
 सब धीं कौन हेत हमसों बहुरि हंसत मुख मोरि ।
 मनहु सूर दोउ सिन्धु सुधा भरि उमगि चले मिति
 फोरि ॥

१६

मैं जानी पिय मनकी बात ।
 धरणी पगनख कहा करोवत अब सीखे ए घात ॥
 तुम जानत जिय हम हि सयाने अरु सब लोक
 अयावे ।
 रैन वसत कहूँ भोर हमारे आवत नहीं लजाने ॥
 यह चतुराई पढ़ो ताही पे सौ गुण हमते न्यारो ।
 धन्य धन्य सूरदास के स्वामी काहे हमन विसारो ॥

१७

पिया पिय नहिं मनायो माने ।
 श्रीमुखवचन मधुर मृदु मादक कठिन कुलिश हुते
 जाने ॥

शोभित सहित सुगन्ध श्याम कच कल कपोल
अरुभानि ।

मनहुं विधुन्तुद ग्रस्यो कलानिधि तजत नहीं
विनु दाने ॥

बाल भाव अनुसरति भरति दृग अग्र अंशुकन आने ।
जनु खच्चरोट युगल जठरातुर लेत सुभक्त अकुलाने ॥
नयन निकट ताटङ्क गण्ड मण्डल पर कविन वखाने ।
जगु खद्योत चमकि चलि सकत न निश्रिगत
तिमिर हिरानि ॥

यह शुकिके अकुलाय चले हरि कृत अपराध क्षमाने ।
सूरदास प्रभु मिले परस्पर मानिनि मिलि सुसकाने ॥

१८

कितते आये हो नन्दलाल ऐसो कौन बाल जा
धोखे तुम आइ हार हूँ भांकि ।
मिटति नहीं चितवनि हित चित को ओ है टेव
तिन तिन में पहिंचानि नयन बांके ॥

कबहुं जंभात कबहुं अङ्ग मारत अटपटात
मुख बात न आवत रैन कहं धों थाके ।
सूरदास प्रभु रसिक शिरोमणि रसिक रसिकई
जानि नाम लेहु रहे जाके ॥

१९

मैं जाने हो जू ललना तहीं निशि धरिये जहां नयो
नेहरा ।

मंह को हलभराई मोह सों कहन आये जियकी
जासों ताही सों तुम विनु सूनो वाको गइरा ॥

निशाके सुखकी बात कहि देत अधर नयन उर
नख लागी कवि देहरा ।

वेग सवारे पग धारिये सूरके स्वामी ना तरु भीजे
गो पियरो पट आवतु है पिय मेहरा ॥

२०

जोई जोई प्यारे करे सोई मोहि भावे भावे मोहि
जोई सोई सोई करे प्यारे ।

मोकी व भावति ठौर प्यारिके नयन निमें प्यारे भये
चाहें मेरे नयननिके तारे ॥

मेरे तन मन प्राणहु ते प्रियतम प्रिय अपने कोटिक
प्राण प्रियतम मो से हारे ।

ओहित हरिवंश हंस हंसिनी श्यामल गौर कहो
कौन करे जलतरङ्गिनी न्यारे ॥

२१

प्रात समय दोज रस लम्पट सुरति युव जय युत
अति फूल ।

प्रेम वारिज घन इन्दु वदन पर भूषण अङ्ग हि
अङ्ग विकूल ॥

ककु रछ्यो तिलक शिथिल अलकावलि वदनकमल
मानहु अलि भूल ।

ओहित हरिवंश मदन रङ्ग रङ्गि रहे नयन वेन कटि
शिथिल दुकूल ॥

२२

आजु तो युवति तेरो वदन आनन्द भरो पियके
सङ्गमके सूचत सुख चैन ।

आलस्य वलित बोल सुरङ्ग रङ्गे कपोल विथकित
अरुण उनीदे दोउ नयन ॥

रुचिर तिलकलेश कोर्ति कुसुमकेश शिर सोमन्त
भूषित मानो तेन ।

करुणाकर उदार राखत ककू न सार अशन वसन
लागत जब देन ॥

काहेको दुरति भिरु पलटे प्रियतम ओर वश किये
श्याम शिखै शत् मेन ।

गलित उरसि माल शिथिल किङ्किणी जाल ओहित
हरिवंश लता गृह सैन ॥

२३

आजु प्रभात लता मन्दिरमें सुख वर्षत अति हर्ष
युगल वर ।

गौर श्याम अभिराम रङ्ग भरे लटक लटक
पग धरत अरुणि पर ॥

कुच कुङ्कुम रञ्जित मालावलि सुरतिनाथ श्रीश्याम
धाम धर ।

प्रिया प्रेमके अङ्ग अलङ्कृत चिञ्चित चतुर शिरोमणि
निज कर ॥

दम्पति अति अनुराग मुदित कल गान करत
मन हरत परस्पर ।

श्रीहित हरिवंश प्रशंस परायण गायन अलि स्वर
देत मधुर तर ॥

२४

प्यारे बोलि भामिनी आजु नौकी यामिनी ।

भेंटु नवीन मेघ सौदामिनी ॥

मोहन रसिक रायरी मारी ता सों जु मान करै ऐसी
कौन कामिनी ।

श्रीहित हरिवंश अवन नि शूनत श्रीप्यारी राधिका
रमण सों मिली गजगामिनी ॥

२५

कौन चतुर युवती प्रिया जाहि मिलत लाल
चौर हूँ रैन ।

दुरवत क्यों बहुरे शुनि प्यारे रङ्गमें गहोले चैम
में नयन ॥

उर नख चन्द्र विराजै पट अटपटे से वैन ।
श्रीहित हरिवंश सुरति राधापति प्रमथित मैन ॥

२६

आजु निकुञ्ज मञ्जुमें खिलत नवल किशोर नवीन
किशोरी ।

अति अनुपम अनुराग परस्पर शुनि अभूत
भूतल परयोरी ॥

विद्रुम स्फटिक विविध निर्मित घर नव कर्पूर
पराग न थोरी ।

कोमल किशलय शयन सुपेशल ता पर श्याम
निवेशित गोरी ॥

मिथुन हास परिहास परायण पौक कपोल कमल
पर भोरी ।

गौर श्याम भुज कलह मनोहर नीवी बन्धन
मोचत डोरी ॥

हरि उर मुकुर विलाकि अपनपौ विभ्रम विकल
मान युत भोरी ।

चिवुक सुचारु प्रलाह प्रबोधित प्रिय प्रतिविम्ब
जनाइ निहोरी ॥

लति नेति वचनानृत शुनि शुनि ललितादिक
देखति दुरि चोरी ।

श्रीहित हरिवंश करत करधूनन प्रणय कोपि
मालावली तोरी ॥

२७

अति हि अरुण तरे नयन नलिन री ।
आलस्य युत इतरात रगमगी भये निशि जागरमें

खिन्न मलिन री ॥
शिथिल पलक में उठति गोलक गति विधयो

मोहन मृग सकतु चलि न री ।
श्रीहित हरिवंश हंस कल गामिनि सन्भ्रम देति

भंवरिनी अलिन री ॥

२८

बनो राधामोहन की जोरी ।
इन्द्र नीलमणि श्याम मनोहर सात कुम्भ तन गोरी ॥

भाल विशाल तिलक हरि कामिनी चिकुर चन्द्र
विच रोरी ।

गजनायक प्रभु चालि गयन्दिनिगति वृषभानु
किशोरी ॥

नील निचोल युवति मोहन पट पीत अरुण
शिर खोरी ।

श्रीहित हरिवंश रसिक राधापति सुरतिरङ्ग में बोरी ॥

२९

आजु भावारी किशोर भावतो विचित्र और कहा
कहाँ अङ्ग अङ्ग परम माधुरी ।

करत केलि कण्ठ मेलि बाहुदण्ड गण्ड गण्ड स्पर्श
सरस हास रासमण्डल युरी ॥

श्याम सुन्दरी विहार वांसुरी मृदङ्ग तार मधुर घोष
नूपुरादि किङ्किणी चुरी ।

देखति हरिवंश आलि नृत्यनी सुगन्ध चालि वारि
फेरि देति प्राण देह सो दुरी ॥

३०

मञ्जुल कुल कुञ्जदेश राधा हरि विशद वेश
राकानभ कुमुदबन्धु शरत् यामिनौ ।

श्यामल द्रुत कनक अङ्ग विहरत मिलि एक सङ्ग
नीरद मनो नील मध्य लसति दामिनो ॥

अक्षय पीत नव दुकूल अनुपम अनुराग भूल
सौरभ युत शीत अनिल मन्द गामिनी ।

किसलय दल रचित शयन बोलत प्रिय चाटु वैन
मान सहित प्रति प्रतिकूल कामिनी ॥

मोहन मन मथत भार परशत कुचनी विहार वेपथ
युत नेति नेति वदति भामिनी ।

नर वाहन प्रभु सुकेलि वहु विधि भर भरित भेलि
सौरत रस रूप नदी जगत् पावनी ॥

चलहि राधिके सुजान तेरे हित सुख निधान
रास रच्यो श्याम तट कलिन्द नन्दिनी ।

नृत्यत युवती समूह रागरङ्ग अति कतूह बाजति
रस भूल सुरलिका आनन्दिनी ॥

वंशीवट निकट जहाँ परम रमण भूमि तहाँ सकल
सुखद वहे मलय वायु मन्दिनी ।

जाती ईषट्ट विकास कानन अतिशय सुवास
राका निशि शरदु मास विमल चन्दिनी ॥

नरवाहन प्रभु निहारि लोचन भरि घोष नारि
नख शिख सौन्दर्य काम दुःख निकन्दनी ।

विलास हि भुज ग्राव भेलि भामिनी सुखसिन्धु भेलि
नव निकुञ्ज श्यामकेलि जगत् वन्दिनी ॥

३१

नन्दके लाल हरो मन मोर ।

होँ रूपनो मोतिन लर पोवति कङ्कर डारि गये
सखि भोर ॥

वङ्ग विलोकनि चालि छवेली रसिक शिरोमणि
नन्दकिशोर ।

कहि कैसे मनु रहे अवन शुनि सरस भधुर
सुरलीको घोर ॥

इन्दु गोविन्द वदनके कारण को भये नयन चकोर ।
अहित हरिवंश रसिक रस युवती तू ले मिलि

सखि प्राण अकोर ॥

३२

अरुण अधर तेरे कैसे कै दुराज ।

रवि शशि शङ्खि भजन किय अपवश अद्भुत रङ्गनि
कुसुम बनाज ॥

शुभ को सेवक शिव कौसुभ मणि पङ्कजदल नि ले
अङ्ग नि लुपाज ।

हर्षत इन्दु तजत जैसे जलधर सो भ्रम टाँढ़ि
कहाँ हीं पाज ॥

अन्ध न दम्भ कछू नहिं व्यापत हिमकर तपे ताहि
कैसेके बुभाज ।

अहित हरिवंश रसिक नवरंग पिय भृकुटि भौंह
तेरे खञ्जन लराज ॥

३३

अपनी बात मोसोँ कहि रो कामिनी आंगी मोगी
रहति गर्वको माती ।

होँ तीसो कहत हारी सुनि रो राधिकाप्यारी
निशिको रङ्ग क्यों न कहत लजाती ॥

गलित कुसुम वेणी सुनि रो सारङ्ग नयनी छूटो लट
अंचरा वदत अरसाती ।

अधर नि रङ्ग रङ्ग रच्यो रो कपोलनि युवती चलत
गजगति अरभाती ॥

रहसि रमी छवेली रसन वसन टेली शिथिल
कसनि कञ्चुको उर राती ।

सखि सोँ शुनि अवन वचन मुदित मन चली
अहित हरिवंश भवन सुसुकाती ॥

२४

आजु मेरे कहे चलो मृगनयनी ।
गावति सरस युवति मण्डल में प्रिय सङ्ग मिले भली
पिक वैनी ॥
परम प्रवीण कोक विद्या में अभिनय निपुण
लाग गति लेनी ।
रूपराशि शुनि नवल किशोरी पल पल घटति
चांदनी रेनी ॥
श्रीहित हरिवंश चली आतुर मन राधारमण
सुरति सुख देनी ।
रहसि रभस आलिङ्गन चुम्बन मदन कोटि कुल
भई कुचेनी ॥

२५

आजु देखि ब्रजसुन्दरी मोहन बनी केलि ।
अंश अंश बाहु दै किशोर जीर रूपराशि मानो
तमाल अरुभि रही सरस कनक बेलि ॥
नव निकुञ्ज भ्रमर गुञ्ज मञ्जु शीष प्रेमपुञ्ज
गान करत मोर पिकति अपने खर सो मेलि ।
मदन मुदित अङ्ग अङ्ग बीच बीच खर तरङ्ग
पल पल हरिवंश पिवत नयन चखक भेलि ॥

२६

शुनि मेरो वचन क्वोलो राधा ।
ते पायो रससिन्धु अगाधा ॥
तू वृषभानु गोपकी बेटो ।
मोहनलाल रसिक रस भेटो ॥
जाहि विरिञ्चि उमापति नाए ।
ताप ते वन फूल बिनाए ॥
तेरो रूप कहत नहिं आवे ।
श्रीहित हरिवंश ककुक यश गावे ॥

२७

खिलत रास रसिक ब्रज मण्डन ।
युवति मु अंश दिये भुज दण्डन ॥
शरदु विमल नभ चन्द्र विराज ।
मधुर मधुर सुरली ध्वनि बाज ॥

अति राजत घनश्याम तमाला ।
कञ्चन वलि बनी ब्रजवाला ॥
बाजत ताल मृदङ्ग उपङ्गा ।
गान मथत मन कोटि अनङ्गा ॥
भूषण बहुत विविध रङ्ग सारी ।
अङ्ग सुगन्ध दिखावति नारी ॥
वर्षत कुसुम मुदित सुरयोषा ।
शुनियति दिवि दुन्दुभि कल घोषा ॥
श्रीहित हरिवंश गमन मन श्यामा ।
श्रीराधारमण सकल सुख धामा ॥

२८

मोहन लालके रस माती ।
बन्धु गुप्त गोवति कत मो सों प्रथम नेह सकुचाती ॥
देखि संभारि पीत पट ऊपर कहा चूनी राती ।
छूटी लर लटकति मोतिनकी नख विधु अङ्कित छाती ॥
अधर विख खण्डित मख मण्डित गण्ड चलत
अरुभाती ।
अरुण नयन घूमत आलस्य युत कुसुम गलित
लटपाती ॥
आजु रहसि मोहन सब लूटी विविध आपनी घाती ।
श्रीहित हरिवंश अवण शुनि भामिनि भवन
चली सुसुकाती ॥

२९

तेरे नयन करत दोऊ चारी ।
अति कुलकात समात नहीं कहं मिले हैं कुञ्ज
विहारो ॥
विधुरी मांग कुसुम गिरि गिरि परे लटकि रही
लट न्यारी ।
उर नख रेख प्रगट देखियति है कहा दुरावति प्यारी ॥
परी है पीक शुभग मण्डन पर अधर नि रङ्ग सुकुमारी ॥
श्रीहित हरिवंश रसिकिनी भामिनि आलस्य
अङ्ग अङ्ग भारी ॥

४०

नयन नि वारो कोटिक खञ्जन ।
चञ्चल चपल अरुण अनियारे अग्रभाग बन्यो अञ्जन ॥
रुचिर मनोहर वङ्ग विलोकनि सुरति समरदल
गञ्जन ।

श्रीहित हरिवंश कही न बने छवि सुखसमुद्र
मनरञ्जन ॥

४१

राधा प्यारी तेरे नयन सलोल ।
तै निज भजन कनक यौवन तन लिये हैं
मनोहर मोल ॥
अधरनि रङ्ग अलक लट कूटी रञ्जित पीत कपोल ।
तू रस मग्न भई नहिं जानति ऊपर नील निचोल ॥
तेरे कुचयुग पर नखरेखा प्रगटानो शङ्कर
शिर शशि टोल ।
श्रीहित हारवंश कहति कछु भामिनो अति
आलस्यसौं बोल ॥

४२

रौ सजनौ आजु गोपाल रास रस खेलतु पुलिन
कल्पतरु तीर ।
शरद् विमल नभचन्द्र विराजे रोचक त्रिविध समीर ॥
चम्पक वकुल मालती मुकुलित भक्त मुदित
अलि कीर ।
देशी सुगन्ध राग रङ्ग नीको ब्रज युवतिनकी भीर ॥
मधवा मुदित निशान बजायो व्रत छाड़्यो मुनि धीर ।
श्रीहित हरिवंश गमन मन श्यामा हरत मदन
घन पौर ॥

४३

आजु नोकी बनी राधिका नागरी ।
ब्रज युवति यूथ में रूप अति चतुरई सोलह शृङ्गार
गुण सबनते आगरी ॥
कमल दक्षिण भुजा वामभुज अंश सखि गावति
सरस मिलि मधुर स्वर राग रौ ।

सकल विद्याविदित रहसि हरिवंश हित मिलित
नव कुञ्ज वर श्याम बड़ भाग रौ ॥

श्रीकृणाय नमः

विलावल—तिताला

धन्य आजु यह दर्श दियो ।
धन्य धन्य जासों अनुरागी तन जानी नहिं और वियो ॥
हम ता श्याम यह भली भावती भले भली मिलि
भली करी ।
यह मेरे जिय अति हि अचम्बित तो विकुरत क्यों
एक घरी ॥
जाहु तहीं सुख दीन्हों मोको वै शुनि के रिस पावेगो ।
सूर श्याम अति चतुर कहावत वह सों मन न
मिलावेगो ॥

२

क्यों आये उठि भोर यहां ।
काहे को इतनो शरमाने रैन रहै फिरि जाहु तहां ॥
हम को कहा इतो गरुवाई उनही वरो न
संभारो जू ।
उन आये ह्यां नाहीं जान्यो अज हूं लै यग धारो जू ॥
हम हूं बोलि वहां हीं लोजी डर उनके हम हू कोली ।
सूर श्याम तिन हो सुख दीजियो विलसे मङ्ग
तुम को ले ॥

३

रसिक रसिकई जानि परी ।
नयन नितें अब न्यारे हजे तब ही तें अति रिस
निमरी ॥
तुम यौवन अरु सो नवयौवनि एते पर सब गुण
नि भरी ।
लाज नहीं मेरे गृह आवत जाहु जाहु करि त्रिय
भहरौ ॥

अञ्जन अधर कपोल नि वन्दन पीक घलक छवि
देखि डरी ।

सूरश्याम रति चिह्न दिखावन मेरे आये भले हरी ॥

बार बार मैं कहति हों पिय नहीं सिधारो ।
आये हो मनहरण का हरि नाम तुम्हारी ॥
भली बनी कवि आजु की क्यों लेत जंभाई ।
रैन आजु सोये नहीं रति काम जगाई ॥
वह रति तुम रति नाथ हो हम कैसे भावे ।
सूर श्याम तुम बहु गुणी जे तुम हि रिभावे ॥

आय गई ब्रजनारी तहां ।
सोंह करत प्रिय प्यारी आगे आनन्द विरह महां ॥
प्यारी हंसो देखि सखियनि को अन्तर रिस है भारी ।
नयन सैन दे अङ्ग अङ्ग निरखति प्रिय शोभा अधिकारी ॥
श्याम रहे मुख मूँदि सकुचि के युवति परस्पर हरे ।
सूर प्रभु अङ्ग अङ्ग अनूप कवि कहं पायो केहि करे ॥

तब नागरी कहति सखियनि सों एते पर ए सोंह करे ।
दर्शन प्राप्त देत हैं हमको निशि और निके चित्त हरे ॥
तुम ही देखि लेहु अङ्ग बानिक एते पर क्यों सही घरे ।
कृपा करे अब तहीं सिधारो मो आगेति अब जु टरे ॥
यह कवि देखि सनाथ भई मैं अब ताही पर जाइ ठरे ।
सूर श्याम रिस देखि चले डरि कही सखी
अब ह्यां न फिरे ॥

प्रिय कवि निरखत नागरी अङ्गदशा भुलानी ।
अन्तर्गत आनन्द भरो ललिता हर्षानी ॥
सहचरि सों कहि सुमन ले हरि फेट भराये ।
अति अधोन पिय ह्वै गये वश परे पराये ॥
मामं सुमन विक्काव हो पग निरखि निहारे ।
फूले फूल धर धरे डलिया चुनि डारे ॥
ऐसे वश प्रिय वामके सुख सूरज जाने ।
जे जेहि माव निहारि भजे तेहि तैसे माने ॥

लाल उनीदे भये ।

राजत हैं रतनारे नयन मानहु नलिन नये ॥
पीक कपोल ललाट महावर वन्दन वलित खये ।
जनु तन जामें सव्य अरुण दल कामके वोज बये ॥
विन गुण हार पयोधर मुद्रा हृदय सुदेय ठये ।
अञ्जन अधर सुधामन्त्र लिख्यो रति दिच्या ले न गये ॥
सूर श्याम विशुरे कच मुख पर नख नाराच हये ।
ता ऊघर आनन्द इन्दु जनु मानहु समर जये ॥

नयन उनीदे मये रङ्ग राते ।

मानहु सुरङ्ग सुमन पर सजनौ फिरत अङ्ग मदभाते ॥
प्रेम पराग पांखुरी पलदल प्रफुल्ल मदन लता ते ।
शुभग सुवास विशाल विलोकनि प्रकट प्रीति
करि ता ते ॥
तैसो ई मारत मन्द जम्हावरि मिलत सुदित
कवि या ते ।
सीचे सूरश्याम माननि कर हित सों केलि कला ते ॥

काहे को पिय भोर हो मेरे गृह आये ।
इतने गुण हमपे कहां जे रैन रमाये ॥
ताहो पै पग धारिये चकित मैं जाने ।
विनगुण गड़ि माला रहो नहीं कहं विहराने ॥
आये हो सुख देन को ऐसो हितकारो ।
सूर श्याम तुम को को वैसी नारो ॥

कृपा करी उठि भोर हो मेरे गृह आये ।
अब हम भई बड़ भागिनो निशि चिह्न देखाये ॥
जावक माल नि सोहियो नोके वश पाये ।
नयन देखि चकित भई क्यों पान खवाये ॥
अधर नि पर काजर बन्धो बहु रङ्ग कढ़ाये ।
वन्दन विन्दली भाल की भज आप बनाये ॥
यह मो सों तुम ही कही उर चत अरुणाये ।
सूर श्याम यश राशि हो धन्य त्रिया हंसाये ॥

१२

हृषि श्याम त्रिय बांह गही ।
 चूक परी हम को यह बख्शो आवन को कहि
 गये हरो ॥
 रिसनि उठी भहराइ भटकि भुज कुवत कहा पिय
 शरम नही ।
 भवन गई आतुर ह्वै नागरि जे आई सुख सब कही ।
 मेरे महल आजु ते आवहु सोह नन्दकी कोटि कही ।
 सूरदास जब लो जग जोषी मिलो नहीं वरु
 काम दही ॥

१३

बहुरि मिलहुगो कालि हो चित समझि सयानो ।
 मेरो कछी न क्यों करे क्या होहि अयानो ॥
 अमल हि औषध अनल है सब जानि रहो हो ।
 काहे को हठ करति हो बे काज वही हो ॥
 धरणीधर व्याकुल खरे रो गर्व गहीली ।
 सूर कछी शुनि मानि ले मैं कहति सहेली ॥

१४

नन्दसुनु बहुनायक अनृत हि रहे जाई ।
 वह अभिलाष करति रही ता को विसराई ॥
 वासर ऐसो हो गयो निशि याम तुलानो ।
 नारि परी अति सोचमें विरह अकुलानी ॥
 आवन कहि गये सांभ हो अज हं नहीं आये ।
 को धौं कतहुं रमि रहे फग परे पराये ॥
 वे हो है बहु नायको लायक गुण भारो ।
 सूर श्याम कुमुदा भवन सुधि करि पग धारो ॥

१५

भलो कीन्हीं आए हो ललना हमारे मोर भए मोरे ।
 हम हिं दिखावन रतिके चिह्न जानति हीं
 उनि किये बहुत निहारे ॥
 काहे को होत उघारे प्रीतम लोक निहारि
 देखि हैं खोरे ।
 रसिक प्रीतम तुम ह्माई सिधारो जाके निशि वसि
 भए दृगनि लाल लाल डोरे ॥

१६

भली करो जू आए सवारे ।
 बहुरि प्रभात काउ दोहोदगो प्रकट देखिये
 अङ्क नि नारे ॥
 पहने पीत नील पट ओटे ऐसीको चतुर धन भावत ।
 एते मान देह सुधि भूली तुम ही आपुनपो विसरावत ॥
 पाउ धारिये बहुत वेर भई कर गहि कनक तलख
 बैठारे ।
 परमानन्द प्रभु तुम से ओर को सन्ध्या वचन वदे
 नहिं टारे ॥

१७

रसिक शिरोमणि नन्दलाल । (रङ्ग भोने हो)
 लाड लड़ाई नवल बाल ॥ ”
 जावक लागो सोहे शिथिल पाग । ”
 प्रिया मनाये भूरि भाग ॥ ”
 रूप छके लोचन घुमात । ”
 प्रेम उमगि ऐंड़ात गात ॥ ”
 उर सोड़े मलगञ्जी माल । ”
 मदन मत्त डगमगी चाल ॥ ”
 बाहु ओं उगळ्योक फूल । ”
 दिये है उसीसो सुखको मूल ॥ ”
 अलक निकसि रही शोभा देतु । ”
 काम केलिके विजय केतु ॥ ”
 महकि रहो तन अति सुवास । ”
 अलि गावत कीर्ति रास रास ॥ ”
 जाहो सों मिले हमें चैन । ”
 सहि न सकत वह गूढ़ सैन ॥ ”
 राम राय प्रभु सुनत हसे । ”
 कोउ भागवान्के हिये वसे ॥ ”

१८

रति रसकेलि विलास हास रङ्ग भोने हो ।
 कोउ सुन्दरि नारिके लगे गात रङ्ग भोने हो ॥
 अरुण नयन अति रसमसात रङ्ग भोने हो ।

मनो भोर भये जलजात रङ्ग भौने हो ॥
 बोलत बोल प्रतीतिके रङ्ग भौने हो ।
 सुन्दर सावल गात लाल रङ्ग भौने हो ॥
 प्रिया अधर रस पान मत्त रङ्ग भौने हो ।
 कहत कई बात लाल रङ्ग भौने हो ॥
 अति लोहित दृग रगमगी रङ्ग भौने हो ।
 मनो भोर जलजात लाल रङ्ग भौने हो ॥
 चाल शिथिल भ्रू भाल शिथिल रङ्ग भौने हो ।
 शशि मुख शिथिल जंभात लाल रङ्ग भौने हो ॥
 केश शिथिल राकेश शिथिल रङ्ग भौने हो ।
 वयक्रम शिथिल सिरात लाल रङ्ग भौने हो ॥
 गोविन्द प्रभु नन्दसुत किशोर रङ्ग भौने हो ।
 बहुनायक विख्यात लाल रङ्ग भौने हो ॥

१६

सांभके सांचे बोल तिहारे ।
 रजनी अन्त जागि नन्दनन्दन आए हो निपट सवारे ॥
 आतुर भए नील पट ओटे पौरे वसन विसारे ।
 कुम्भनदास प्रभु गोवर्द्धनधर भले वचन प्रतिपारे ॥

२०

तुम्हारे पूजिये पिय पाइ ।
 कैसी कैसी उपजत तुम पै कहत बनाइ बनाइ ॥
 असन अधर क्यों श्याम भए क्यों परे पट पलटाइ ।
 रुचिर कपोल पौक कहाँ लागी उर जयपत्र लिखाइ ॥
 गिरिधर लाल जहाँ निशि जागे तहीं देहु सुख जाइ ।
 कुम्भनदास प्रभु छाड़ो अटपटो अब तुम्हें को
 पतिआइ ॥

२१

कहो धौं आज कहाँ वसे लाल भोर भए आये
 उगमगत पग ।
 खरे सकारे क्यों उठे मोहन बोलत तमचर खग ॥
 कज्जल अधर लटपटी पाग उर विलुलित कुसुम
 माल कुच पर स्त्रग ।
 अरुण नयन आलस्य जंभात प्रिय रैन कियो जग ॥

रतिके चिह्न तन प्रकट देखियत काहेको दुराव
 करत श्याम शुभग ।
 कुम्भनदास प्रभु रसिक गिरिधर परे चतुर
 नागरी फग ॥

२२

कहो धौं कहाँ तुम रैन गंवाई लाल अरुण
 उदय आये ।
 कौन सकोच श्याम घनसुन्दर तमचर बोलत
 उठि धाये ॥
 आंखि देखि कहा साखि बृभिये रतिके चिह्न
 तन प्रकट लगाये ।
 कुम्भनदास सुजान गिरिधर काहे को दुरत प्रिय
 जानि पाये ॥

२३

ऐसी बात न लालन क्यों मन माने ।
 उत्तर बनाइ बनाइ तासो कहिये जो इह न जाने ॥
 रतिके चिह्न प्रकटत देखियत है कैसे दुरत दुराने ।
 कुम्भनदास प्रभु गोवर्द्धनधर हो तुम खरे सयाने ॥

२४

आज अरुण अरुण डोरे लालके दृगनि लागत हैं भले ।
 वन्दन परे पगन अलि मानो कज्जल दलनि पर चले ॥
 लालको पगिया में न समात कुटिल अलि संभिले ।
 नन्ददास मधुप पुञ्ज मानो सोवततें कलमले ॥

२५

आवत लाल गोवर्द्धनधरो उगमगो चाल लटपटी पाग ।
 आलस्य मैन सरस रङ्ग रञ्जित प्रियाप्रेम नव नव
 अनुराग ॥
 विलुलित माल मलगुजी उरपर सुरति समरकौ
 लगे पराग ।
 चुम्बन श्याम अधर कल गावत रतिसुख भाव
 विलावल राग ॥
 यलटि परे पट नील सखीके रस मह भौलत
 मदन तड़ाग ।

हृन्दावन वोधिनि अवलोकत कृष्णदास लोचन
बड़ भाग ॥

२६

कहां दुरत प्रिय जान शिरोमणि रतिके चिह्न
देखियत है न्यारे ।

अरुण नयन घूमत आलस्य मह ककुक जंभात
अधर मसि कारे ॥

श्याम अङ्ग नभ नख पद न्यारे चन्दन छांट बने
मानो तारे ।

अवर अनेक कहां ला वरणो इह नागरता जु
आए ही सवारे ॥

मोहनलाल गोवर्द्धनधारो कटितट नौल वसन
बने प्यारे ।

कृष्णदास कहहु धों प्रीतम चतुर पीत पट कहां
विसारे ॥

२७

माया कौन्हीं बलवोर आए तमचरके बोल ।
नागर नन्दलाल कुंवर पहिरे नौल निचाल ॥
मोहन रगमगी अलसात कमल नयन अति सलाल ।

अधरनि नख रेख बनो अरुण श्याम कपोल ॥
मृगमदकी तिलक रच्यो सिन्दूरके भोल ।

ऊपर नख चिह्न रत्न क्यों दुरत अमोल ॥

कृष्णदास प्रभु गिरिधर मांगत मनओल ।
अपनी पोताम्बर दे लियो मदन भोल ॥

२८

मोहन कुन्ददाम उरपर कुच कुङ्कुम रञ्जित बनो ।

गन्ध लुब्ध अलि पंक्ति न तजत केलि धन धनो ॥

मोहन अधर श्याम मुख जंमानि सङ्गम श्वास सनी ।

अवर चिह्न अगणित प्रिय न गनो गणना गनी ॥

कृष्णदास प्रभु नवरङ्ग युवति नि चिन्तामनी ।

गोवर्द्धनधरण धीर रसिकनि चूड़ाभनी ॥

२९

लाल तेरे चपल नयन अनियारे ।

नन्दकुमार सुरति रस भीने प्रेम रङ्ग रतनारे ॥

ककु असरीधे चकित चहँ दिशि नव वर यौवन वारे ।
मानो शरद् कमल पर खञ्जन मधुप अलक घुघरारे ॥
ए जु मीन घनश्याम सिन्धु में विलसत लेत भुलारे ।
गोवर्द्धनधर जान मुकुट मणि कृष्णदास प्रसु पारे ॥

३०

सोई मली जिन तुम विरमाये ।
पूजा करि मामिनो सब निशि तव पद उर नख
कुसुम चढ़ाये ॥

अरुण दिशा अब ही नहिं देखी रटत मधुघ
कमल नि समुदाये ।

रूपनिधान रसिक नन्दनन्दन कौन सकोच
सवारे आये ॥

सन्ध्या वदे बोल मनमोहन कौन्हीं भली और
अवराए ।

आलस्य नयन जंभात अधर वर रतिके चिह्न नहिं
दुरत दुराए ॥

अपने पीत पट दिये सखी को छोनि लए नौल
वसन पराए ।

कृष्णदास प्रभु गिरिवर धर प्रिय युवति सदसि
उदार कहाए ॥

३१

लालन तहां हो जाहु जाके रस लम्पट अति ।
सालस्य नवन देखियत रसभरे प्रकट करत
प्यारी रति ॥

अधर दशन क्षत वसन पीक सह अरु कपोल
अमविन्दु देखियति ।

नख लेखनि तन लिखी श्यामपट जयपताका रण
जीत्यो रतिपति ॥

कैतव वाद तजो पिय हम सों जैसे तन श्याम
तैसे हो मन हो अति ।

गोविन्द प्रभु पिय पाग संवारहु गिरत कुसुम
शिर मालति ॥

२२

आजु खरे ई शिथिल देखियत हो बहु रसभरे लाल ।
सब निशि जागे अति शिथिल अरुण दोऊ अम्बुज
नयन विशाल ॥

शिथिल भ्रूषण कटि वसन शिथिल अति शिथिल
मलगुजी माल ।

लटपटो पाग शिथिल अलकावलि विगलित
कुसुम गुलाल ॥

शिथिल शिखण्ड शोध लटकि रहे आए भोर
डगमगत चाल ।

शिथिल वेणु ककु कहत आनकी आन गोविन्द
प्रभु पिय हो बेहाल ॥

विलावल—एवाताला

जानि पाए हो लालना वलि वलि ब्रज नृपति कुंभर ।
जाके सब निशि जागे आये तहां ई अनुसर ॥

अपनी प्यारीके रतिके चिह्न हम हि दिखावत
आए देत लोन दाढ़े पर ।
गोविन्द प्रभु सांवल तन तैसे ई हो मन जनमत ही
तव हूं युवति प्राण हर ॥

वलि वलि पाउ धारिये आजु ककु मेरो लहनो
ब्रजनृप सुत भोर आए हो रसभरे ।

भई बड्डी बार पाउ धारिये हमनि वाजी वास्यो
अगर जावा से वीरा ले आगे धरे ॥

कहि न सकति एक बात लालन जाके निशि वसे
ताके वसन पलटि परे ।

गोविन्द प्रभु प्रिय जान शिरोमणिके बल दोऊके हरे ॥

प्रात समय दधि मथति यशोदा प्रसुदित कमल
नयन मुण गावति ।

अति हि मधुर गति कण्ठ सुधर अति नन्द
सूनुके चित हि बढ़ावति ॥

नील वसन तन सलिल सजल मन दामिनि
विम्ब भुजदण्ड चलावति ।

चन्दन दनि लट लटकि क्वौली मनहु अमृत
रस राहु चुरावति ॥

गोरस मथत नाद एक उपजत किङ्किणो सुनि सुनि
अवण रमावति ।

सूर श्याम अञ्जल गहि ठाढ़े काम कसोटी कसि
दिखरावति ॥

४

नन्दजूके बारे कान्ह छाड़ि दे मथनिया ।
बार बार कहे माता यशोमति रनिया ॥
नेकु रह्यो माखन देहों मेरे प्राण धनिया ।
आरि जिनि करो वलि गई हों न्योछनिया ॥
सूर नर सुनि जाकों ध्यावे सुनि जनिया ।
सूर श्याम देखि सब भूली गोप धनिया ॥

५

नेक रह्यो माखन द्यो तुम को ।
ठाढ़ी मथति जनति दधि आतुर लवनी नन्द सूनु को ॥
मैं वलि जाओं श्याम घनसुन्दर भूख लगी तुम्हें भारी ।
बात कहूं की बृभति श्याम हि फिर करत महतारी ॥
कहति बात हरि ककु न ससुभत भूठे हि भरत
हुंकारी ।

सूरदास प्रभुके गुण तुरत हि विसरि गई नन्दनारी ॥

६

बातन ही सुत लाइ लयो ।
तब लो मथि दधि जननी यशोदा माखन करि
हरि हाथ दयो ॥
लै लै अधर परस करि जेवत देखत फूल्यो
मात हियो ।

आपु हि खात प्रशंसत आपु हि माखन रोटी
बहुत प्रियो ॥

जो प्रभु शिव सनकादिक दुर्लभ सुतहित वश
करि नन्द त्रियो ।

यह सुख निरखत सूरज प्रभु को धन्य धन्य पल
सुफल जियो ॥

दे रो भैया दोहनो दुहि हों मैं गया ।
 माखन खाये बल भयो करि नन्द दुहैया ॥
 कजरी सेंदुरी धूमरो धोरौ मेरो गया ।
 दुहि ल्याजं मै तुरत ही तू करि दे घैया ॥
 ग्वालनि को सर दुहत हं बूझहु बल भैया ।
 सूर निरखि जननो हंसो तब लेति वलैया ॥

बाबा मोकीं दुहन सिखायो ।
 तेरे मन प्रतीति न आवै दुहत दुहत अङ्गुरिय
 नि भाव बतायो ॥
 अङ्गुरिन भाव देखि जननो तब हंसिके श्याम हि
 कण्ठ लगायो ।
 आठ वर्षको कुंवर कहैया इतनी बुद्धि कहंति पायो ॥
 माता लै दोहनो कर दोहौं तब हरि हंसत
 दुहन को धायो ।
 सूर श्याम को दुहत देखि तब जननो मन अति
 हर्ष बढ़ायो ॥

जननी मथति दधि दुहत कन्हाई ।
 सखा परस्पर कहत श्याम सों हम हंतै तुम
 करत चंडाई ॥
 दुहन देहु कहु दिन अरु मोकीं तब करि हो
 मो सम सरिआई ।
 जब लौं एक दुहोगे तब लौं चारि दुहों तो
 नन्द दोहाई ॥
 भूठे हि करत दोहाई प्रात उठि देखहिंगे तुम्हरो
 अधिकारई ।
 सूर श्याम कह्यो कालि दुहैंगे हम हू तुम ह
 मिलि होड लगाई ॥

उठि प्रात ही राधिका दोहनो कर लाई ।
 महरि सुता सों तब कह्यो कहं चली अतुराई ॥
 खरि क दुहावन जाति हो तुम्हरो सेवकाई ।

तुम ठकुराइनि घर रह्यो मोहि चैरो पाई ॥
 रीती देखी दोहनो कत खीभत धाई ।
 कालि गई अवसर के ह्वां उठे रिसाई ॥
 गाइ गई सब प्याइके प्रात हि नहिं आई ।
 ता कारण मै जाति हों अति करत चंडाई ॥
 यह कहि जननी सों चली ब्रज को समुहाई ।
 सूर श्याम गृह द्वार हो गौ करत दुहाई ॥

सुता महर वृषभानुकी नन्द सदन हि आई ।
 गृह द्वारे हो अजिरमें गउ दुहत कन्हाई ॥
 श्याम चितै मुख राधिका मन हर्ष बढ़ाई ।
 राधा मुख हरि देखिके तन स्मृति भुलाई ॥
 महरि देखि कीर्ति सुता तेहि लियो बोलाई ।
 दम्पति को सुख देखि के सूरज बलि जाई ॥

आजु भोर हो राधिका यशोमति गृह आई ।
 महरि कह्यो हंसि दधि मथो वृषभानु दुहाई ॥
 शुनि आयस ठाढ़ो भई कर नेत सुहाई ।
 रीती माट विलोव हो चित जहाँ कन्हाई ॥
 उनकी गति हा कहा कहाँ जिन दृष्टि चुराई ।
 लई या नोई वृषभ सों गइया विसराई ॥
 यशोदा निरखे दूरितें मनमें मुसिकाई ।
 सूरदास दम्पति कथा मोपे वरणि न जाई ॥

महरि कहति री लाड़िलो किहि मथन शिखायो ।
 कहुं मथनी कहुं माट है चित कहाँ लगायो ॥
 क्यों मेरे घर आइ के ते सब विसरायो ।
 मथन नहीं मोहि आव हो तुम सोंह दिवायो ॥
 तिहि कारण मै आइके तब बोल रखायो ।
 तब नन्द घरनी मथि दधि यहि भांति बतायो ॥
 हंसि बोली तब राधिका कह्यो अब मोहि आयो ।
 सूर निरखि सुख श्यामको तहं ध्यान लगायो ॥

दधि मथति ग्वालि गर्वीलो री ।

कनक भुनक कर कङ्कण बाजे बाहु डुलावति
ढोली री ॥

कृष्णदेव दधि माखन मांगत नाहिं न देति
हठीली री ।

भरी गुमान विलोवनि लागी अपुने रङ्ग रङ्गीली री ॥
हसि बील्यो नन्दलाल लाड़िलो ककु एक बात
कहौली री ।

परमानन्द नन्दनन्दनको सर्वस्व दियो है छवोली री ॥

१५

दधि मनुष्यन करे नन्दरानी हो ।
बारे कन्हैया आरि न कीजे छाड़ि न देहु मथानी हो ॥
वारी मेरे मोहन कर पिरांइगी कौन चित्तमें ठानो हो ।
हरि सुसिकाइ जननि तन चितयो सुधि सागरकी
आनी हो ॥

जे गुण सरस्वती छन्दनि गाए नेति नेति मधु
वाणो हो ।

परमानन्द यशोदा रानी सुत सनेह लपटानी हो ॥

१६

प्रात समय उठि यशोमती दधि मन्थन कीन्हों ।
प्रेम सहित नवनीत ले सुतके सुख दीन्हों ॥
औटि दुग्ध घैया कियो हरि रुचि सो लीन्हों ।
मधु मेवा पक्वान्न ले हरि आगे कीन्हों ॥
इह विधि नित्य क्रीडा करे जननी सुख पावे ।
गोविन्द प्रभु आनन्दमें आंगनसे धावे ॥

१७

भूलो दधिको मन्थन करिवो ।
देखत रसिक नन्दनन्दन को डगमगे पग धरिवो ॥
रहि गई चिते चित्त जैसे एकटक नयन निमेष
न धरिवो ।
चतुर्भुज प्रभु गिरिधरण जनावो नाहीं मैं मणि
माणिक हरिवो ॥

१८

देखा री माई कैसी है ग्वालिन उलटी रई मथनिया
विलोवे ।

विनु नेती कर चञ्चल पुनि पुनि नवनीते टकटोवे ॥
निरखि स्वरूप चोहटि चित्त लाग्यो एकटक
गिरिधर सुख जोवे ।
कुम्भनदास चिते रह्यो अकवक श्रीरे भाजन धोवे ॥

१९

ए री आनन्द में दधि मथति यशोदा कनक
मथनिया घूमे ।
निर्तत कान्ह ललित लोचन पग परत अटपटे भूमे ॥
चारु चखोडा मध्य कुटिल कण अम सुकृता ताह्र मे ।
मनो मकरन्द विन्दु ले मधुकर सुत हित प्यावत भूमे ॥
बोलत श्याम तोतरी बतियां हसि हसि दतियां दूमे ।
सूरदास वारी छवि जपर जननी कमल मुख चूमे ॥

२०

आज सखी री प्रात समय दधि मन्थन उठी अकुलाई ।
भरि भाजन मणि खम्भ निकट धरि नीत लियो
कर जाई ॥
सुनत शब्द हरि ता समीध हसि उठि आए हरुवाई ।
मोही बाल विनोद मोद अतिनयननि नृत्य दिखाई ॥
लो तन प्रतिविम्ब विलोकति रीभी सहज स्वभाई ।
चितवनि चलनि हरो चित चञ्चल चिते रह्यो
चित चाई ॥
माखन पिण्ड लयो दोऊ कर तब ग्वालि रची
सुसिकाई ।
सूरदास प्रभु सर्वस्वको सुख सको न हृदय समाई ॥

२१

छवि सो डोलति भुज छवि सो डोलति कटिपर
वेणो या विलोवनि पर वारों री कौटि नाच ।
दधिको घुमर अरु ध्वनित चाल अरु ध्वनित
घण्टिका ध्वनित जे नूपुर करत सांच ॥
गौर आरक्त अति शोभित सुख अमको वदन ऐसो
मनहु कनक लागी आंच ।

धौधौके प्रभुको मन मोहति एई कर भेद इह नेतकी
सैंच खांच ॥

२२

भावत हरिके बाल विनोद ।
 कौसो राम निरखि सुख प्रहसित प्रमुदित रोहिणी
 मात यशोद ॥
 अङ्गन पङ्क राग तन शोभित चल नूपुर ध्वनि सुनि
 मन मोद ।
 परम सनेह बढ़ावत मात निरव किरव
 किठत उठि गोद ॥
 अतिशय चपल सदा सुखदायक निशदिन रहत
 केलि रस ओद ।
 परमानन्द प्रभु अम्बुज लोचनि फिरि फिरि चितवत
 ब्रज जन कोद ॥

२३

बालदशा गोपालकी सब काहू भावे ।
 जाके भवनमें जात हैं ले गोद खिलावे ॥
 श्यामसुन्दर मुख निरखि के अविरल सचु पावे ।
 लाल बाल कहि गोपिका हसि भलो मनावे ॥
 चुटकी दे दे प्रेमसो करताल बजावे ।
 परमानन्द प्रभु ताच ही शिशुता हि जनावे ॥

२४

बालविनोद गोपालकी देखत मोहि भावे ।
 प्रेम पुलकि आनन्द भरी यशोमती गुण गावे ॥
 बल समेत घन सांवरो आंगनमें धावे ।
 वदन चूमि कोरा लियो सुत जानि खिलावे ॥
 शिव विरिञ्चि सुनि देवता जाको पार न पावे ।
 सो परमानन्द ग्वालिको हसि भलो मनावे ॥

२५

हरिको विमल यश गावत गोपाङ्गना ।
 मणिमय अङ्गण नन्दरायके बालगोपाल तहां
 करे रङ्गना ॥
 गिरि गिरि उठत घुटुरुचनि टेकत जानि पाणि
 भरो छगनको मङ्गना ।
 धसर धुरि उठाय गोद ले मात यशोदाके प्रेमको
 भंजना ॥

त्रिपद पुहमिना पीत वन आलस्य मयो अब जो
 कठिन भयो देहरो को लङ्घना ।
 परमानन्द प्रभु भक्त वत्सल हरि रुचिर हार बर कण्ठ
 सोहे वङ्घना ॥

२६

मणिमय अङ्गण नन्दके खेलत दोज भैया ।
 गौर श्याम जोरो बनौ वलि कांवर कन्हैया ॥
 नूपुर कङ्कण किङ्किणी रन भुन भुन बाजे ।
 मोहि रहि ब्रजसुन्दरी मनसा सुत लाजे ॥
 सङ्ग सङ्ग यशोमति रोहिणी हित कारण भैया ।
 चुटकी दे दे नचाव ही सुत जानि कन्हैया ॥
 नील पीत पट ओढनी देखत मोहि भावे ।
 बाललीला विनोद सो परमानन्द गावे ॥

२७

यह तन वारि डारों कमल नयन पर सांवलियो
 मोहि भावे रे ।
 चरण कमलको रेणु यशोदा ले ले शिरसि चढ़ावे रे ॥
 ले उरुंग मुख निरखन लागो राई नोन उतारे रे ।
 कौन निरासो दृष्टि लगाई ले ले अञ्जल भारे रे ॥
 तू मेरो बालक तू मेरो ठाकुर तोहि विश्वभर राखे रे ।
 परमानन्द स्वामो चिरञ्चोवहु बार बार यों भाखे रे ॥

२८

तनक कनक की दोहनी दे दे रो भैया ।
 तात दुहन सिखवन कछो मोहि धोरो गैया ॥
 हरि विषमासन बैठके मृदु कर धन लोन्हों ।
 धार अटपटी देखिके ब्रजपति हंसि दीन्हों ॥
 गृह गृहते आईं सवे देखन ब्रजनारी ।
 सचकित तन मन हरि लियो हंसि घोष बिहारो ॥
 द्विज बुलाइ दक्षिणा दई मङ्गल यश गावे ।
 परमानन्द प्रभु लाड़िलो सुखसिन्धु बढ़ावे ॥

२९

बाबा जी मोहि दोहन शिखाज ।
 गाय एक सूधो सो मिलवहु हों नौके दुहंके वलदाज ॥

ले नोई मेली चरण निमें लाडिलो कुंवर नोवत
वत्सराज ।
घाणि पयोधर धरे धेनुके माजन वेगि भरो उबटाऊ ॥
तब नन्दरानी नयन सिरानो द्विज बुलाइ दक्षिणा
दिवाऊ ।
वारि फेरि पीताम्बर हरि पर परमानन्द दासहिं
पहिराऊ ॥

३०

बोलन लागी मैया मैया ।
बाबा कहत नन्दरायसों अरु हलधर सों मैया ॥
खेलत फिरत सकल गोकुलमें घर घर व्रजत बधैया ।
परमानन्द दासको ठाकुर व्रजजन केलि करैया ॥

३१

नन्द जूजे लालनकी छवि आकी ।
चरण पैजनियां घुम घुम बाजे चलत पूंछ गहि वाकी ॥
अधर अरुण दधि मुख सों लपव्यो अति राजत
तन छोटिं छाकी ।
परमानन्द प्रभु बालक लीला चितवनका फिरि पाकी ॥

३२

हरि लीला गावति गोपीजन आनन्द ही में
निशि दिन जायो ।
बाल चरित्र विचित्र मनोहर कमल नयन व्रजके
सुखदायी ॥
दाहन मण्डन खण्डन लेपन गृह मञ्जन सुत
पति सेवा ।

चारि याम अवकाश नहीं दाय सुमिरन कृष्ण
देवदेवा ॥
भवन भवन प्रति दीप विराजित कर कङ्कण नूर बाजे ।
परमानन्द प्रभु घोष कुतूहल देखि भांति सुरपति
लाजे ॥

३३

सो गोविन्द तुम्हारो व्रज बालक ।
प्रकाट मए घनश्याम चतुर्भज धरे दनुजकुल कालक ॥

कमला पति त्रिभुवन पति नायक भुवन चतुर्दश
नायक सीई ।
उत्पत्ति प्रलय कालको कर्ता जाके किये सवे
कछु होई ॥
सुनहु नन्द उपनन्द कथा इह ईश चीर समुद्र को
बासी ।
वसुधा भार उतारन आयो परब्रह्म वैकुण्ठ निवासी ॥
ब्रह्मा महादेव इन्द्रादिक विनती कै इहां ले आए ।
परमानन्द दासको ठाकुर बहुत पुण्य तप कै
तुम पाए ॥

३४

प्रात समय गोपी नन्दरानी ।
मिश्रित धन्य उपजत हियो सर दधि मन्यत
अरु माट मथानी ॥
तोच्छ लोलके पोल विराजत कङ्कण नूर कुणित
एक रस ।
रज्जु कर्षत भुज लागत छवि गावत सुदित
श्यामसुन्दर यश ॥
चञ्चल अचपल कुच हारावली वेणी चल खसित
कुसुमाकर ।
मणि प्रकाशन ही दीप अपेक्षा सहज भाव राजत
ग्वालिन घर ॥
चढ़ि विमान देवता गोकुल अमरावती विशेषी ।
परमानन्द घोष कुतूहल जहां तहां अद्भुत
छवि पेशी ॥

३५

आछि आछि बोल गड़े ।
कहा करीं उत्तर नहिं निकसत श्याम मनोहर
चतुर बड़े ॥
मेरे नेक आव रो मामिनि रहसि बुलावत रूख चढ़े ।
परमानन्द स्वामी रति नागर प्रीति वखवन
कांवर लड़े ॥

३६

देखी माई हरि ज की लोटनि ।

यह छवि निरखि निरखि नन्दरानी अंसुआ पूरि
 टरि परत करोटनि ॥

स्पर्शत आनन मनु रधि कुण्डल अखुज अवत सोप
 सुत जोटनि ।

चञ्चल अधर चरण कर चञ्चल चञ्चल अञ्चल
 गहत बकोटनि ॥

लेति छिड़ाइ महरि कर सों कर दूर भई देखति
 दुरि ओटनि ।

सूर निरखि मुसिकाइ यशोदा मधुर मधुर बोलत
 मुख वोटनि ॥

३७

माधव तनिकसो वदन तनिकसे चरण भुज
 तनिक माखन ।

तनिकसो कपोल तनिकसी भृकुटी तनिक हसन
 हरि लेत हैं मन ॥

तनिकसे अधर तनिकसो दतियां तनिकसे वसन
 तनिकसे आभरन ।

तनिक हिं तनिक सूर निरवारों तनिक कृपा कीजे
 तनिकां शरन ॥

३८

बाल विनोद अङ्गनमें को डोलनि ।
 मणिमय भूमि शुभग नन्दालय वलि वलि गई

तोतरी बोलनि ॥
 कठुला कण्ठ रुचिर केहरि नख वज्र माल लई

नन्द अमोलनि ।
 वदन सरोज तिलक गोरोचन लट लटकनि

मधुपगण टोलनि ॥
 लोन्यो कर स्पर्शत आनन पर ककुक् खात ककु

लग्यो कपोलनि ।
 कहे जन सूर कहां लीं वरणों धन्य नन्द जीवन

जग तोलनि ॥
 गोपाल दुरे है माखन खात ।

३९

देखि सखो शोभा जो बढ़ी है श्याम मनोहर गात ॥
 उठि अवलोकि ओट ठाढो हूँ किहि विधि है

लखि लेत ।
 चकित नयन चहं दिशू चितवत और सखनिको देत ॥

सुन्दर कर आनन समीप हरि राजत इह आकार ।
 जनु जलरुह तजि बैर विधु सों लिये मिलत उपहार ॥

गिरि गिरि परत वदनते उर पर हे दधि सुतके विन्दु ।
 मानहु शुभग सुधाकण वर्षत प्रियजन आगम इन्दु ॥

बालविनोद विलोकि सूर प्रभु थकित भई ब्रज नारि ।
 पुरत न वचन वर्जिबे को मन रही विचारि विचारि ॥

४०

देख्यो मैं दधि सुतमें दधि जात ।
 एक अर्चभो सुनि रो सजनी रिपुमें रिपु जो समात ॥

तापर कीर कीर पर पङ्कज पङ्कजके हे पात ।
 सुन्दर वदन विलोकि श्यामको चिते नन्द मुसिकात ॥

ऐसी प्रीति बढ़ी पसुयाले कहत कही नहीं जात ।
 ऐसी ध्यान धरत जे हरि को तिन ही सूर वलि जात ॥

४१

शोभित कर नवनीत लिये ।
 घुटरुन चलत रेणु तन मण्डित मुख दधि लेप किये ॥

चारु कपोल लोल लोचन छवि गोरोचन को
 तिलक दिये ।

लट लटकन मानो मत्त मधुपगण मादक मधुहिं पिये ॥
 कठुला कण्ठ वज्र केहरि नख राजत रुचिर हिये ।

धन्य सूर एको पल यह सुख का शत कल्प जिये ॥
 बाल विनोद खरे जिय भावत ।

४२

सुख प्रतिविम्ब पकरिवे कारण हुलसि घुटरुवनि
 धावत ॥

कमल-नयन माखनके कारण करि करि सैन वतावत ।
 शब्द जोरि बोल्हो चाहत हरि प्रकट वचन नहिं

आवत ॥

अनेक ब्रह्माण्ड खण्डकी महिमा शिशुता माह

दुरावत ।

सूरदास स्वामी सुखसागर यशोमति प्रीति बढ़ावत ॥

४२

नन्दधाम खेलत हरि डोलत ।

यशोमतो करति रसोई भीतरि आपुन किलकत

बोलत ॥

टेरि उठो यशोमतो मोहन कहि आवहु घुटुखनि

धाई ।

वैच सुनत माता पहिंचानी चले घुटुखनि पाई ॥

ले उचाइ अञ्चल गहि पीकति धूरि भरौ सब देह ।

सूरज प्रभु यशोमती रज भारति कहां भरौ यह खेह ॥

४४

धन्य यशोमति बड़ भागिचि लिये कान्ह खेलावे ।

तनक तनक भुज पकरिके ठाढ़े होन शिखावे ॥

लखरात गिरि परत हैं चलि घुटुखनि धावे ।

पुनि क्रम क्रम भुज टेकिके पग हेक चलावे ॥

अपने पाइन कव चलो मो देखत धावे ।

सूरदास यशोमती इह विधि सो जु मनावे ॥

सूहा-विलावल—तिलावा

चलन चहत पाइन गोपाल ।

ले लगाय अङ्गरो नन्दराती मोहन मूर्ति श्याम

तमाल ॥

डगमगात गिरि परत पाणि पर मुज भ्राजत

नन्दलाल ।

जनु औधर औ धरत अधोमुख धुकति धरणि मानहु

तमि नाल ॥

धूलि धौत नत नयन नि अञ्जन चलत अटपटी चाल ।

चरण कणित नूपुर ध्वनि मानो सर विहरत जैसे

बाल मराल ॥

लट लटकनि मानो चारु चखोड़ा सुठि शोभा

शिशु भाल ।

सूरदास ऐसो सुख निरखत जो जोजे जगमें बहुकाल ॥

२

गहे अङ्गरिया सूनुकी नन्द चलन शिखावत ।

अरबराय गिरि परत हैं कर टेकि उचावत ॥

बार बार ककि श्याम सों ककु बोल बोलावत ।

दिधा हे दतियां भई अति छवि मुख पावत ॥

कवहुं कवहुं कर छांड़ि नन्द पकरे फिरि गावत ।

कवहुं धरणि घर बैठि जात मनमें ककु आवत ॥

कवहुं गोद ले हर्षिके जियमें बहु भावत ।

सूर श्याम मुख देखि महर मन मोद बढ़ावत ॥

३

वलि वलि जाउं मधुर स्वर गावहु ।

अब की वेर मेरे कंवर कन्हैया नन्द हि नाचि

दिखावहु ॥

तारी दे दे अपने कर की परम प्रीति उपजावहु ।

आन यन्त्र ध्वनि श्रुनि उर तपकत मो भुज कण्ठ

लगावहु ॥

जिन शङ्का जिय करहु लाल मेरे काहे को भरमावहु ।

बाहु उचाइ कालिको नाई धोरो धेनु बुलावहु ॥

नाचहु नेक जाउं वलि तेरो मेरे साध पुरावहु ।

रतून जड़ित किङ्किणि घग नूपुर अपने रङ्ग बजावहु ॥

कनक खम्भ प्रतिविम्ब आपनो नव नवनीत खवावहु ।

परम दयालु सूरके उरते हरि टारे नहिं भावहु ॥

४

चलत श्यामपे राजत पैजनि पग चाय मनोहर ।

डगमगात डोलत अङ्गणमें निरखि विनोद मग्न

मोहे सुर ॥

अरु मन सुदित यशोदा जननी पाछे फिरति गहे

अङ्गरो कर ।

मनहु धेनु टण्ण छांड़ि वत्स हित प्रेम पुलकि चित

द्रवत पयोधर ॥

कुण्डल लोल कपोल विराजत लटकन ललित

लटुरिया भूपुर ।

सूर श्याम सुन्दर अवलोकनि विहरत बालगोपाल

नन्द घर ॥

५

कल बल ते हरि हारि परे ।

नव तरङ्ग नवीन जलद पर मानहु हे शशि

आनि अरे ॥

तव गिरि कामठ सुरासुर सर्प हिं धरत न मन

मह तेकु डरे ।

तिन भुज भूषण भार परत कर गोपिनके आधार धरे ॥

विम्ब वदन मानहु मथि काव्यो विहसनि मनहु

प्रकाश करे ।

सूरश्याम दधि माजन मीतर निरखत मुख मुखते

न टरे ॥

६

सिखवति चलन यशोदा मैया ।

अरबराइ कर पाणि गहावति डगमगाय धरणी

धरे पैया ॥

कबहुंक सुन्दर वदन विलोकति उर आनन्द भरि

लेति वलैया ।

कबहुंक कुलदेवता मनावति चिरञ्जीवी मेरो

लाल कन्हैया ॥

कबहुंक बलको टेरि बुलावति इह अङ्गण

खेलहु दोऊ भैया ।

सूरदास स्वामी सुखसागर अति प्रताप बलकत

मन्दरैया ॥

७

भावत हरिके बालविनोद ।

श्याम राम मुख निरखि निरखि सुख प्रमुदित

रोहिणि जननि यशोद ॥

अङ्गन पङ्क परसत तन मण्डित चलत कुणित नपुर

मनोमोद ।

परम सनेह बढ़ावत मारिन निर्दिकार बैठत

चढ़ि गोद ॥

आनन्दकन्द सकल सुखदायक निशदिन रहत

केलि रस ओद ।

सूरदास प्रभु अम्बुज लोचन फिरि फिरि चितवत

व्रजजन कोद ॥

८

आंगन श्याम तचाव हो यशोमति नन्दरानी ।

तारो दै दै गाव हो मधुर खर वानो ॥

पायन पुर बाज हीं कटि किङ्किणी कूजे ।

नान्हीं नान्हीं एड़ियन अरुणता फल विम्बन पूजे ॥

यशोमति गान श्रुने अरण तव आपु हि गावे ।

तारो बाजत देख हो पुनि नारो बजावे ॥

केहरि नख उरपर करै श्रुति शोभाकारो ।

मनहु श्याम घन मध्य में नव शशि उजियारो ॥

गभुवारे शिर केस हैं बने घूंवरवारे ।

लटकन लटके भाल पर विधु मध्य गण तारे ॥

कठला कण्ठ चिवुक तरे सुख दशन विराजे ।

खञ्जन विच शुक आनिके मनो परो हि राजे ॥

यशोमती सुत हि नचाव हो कृवि देखति जियते ।

सूरदास प्रभु श्यामके सुख टरत न हियते ॥

९

माधव तनक चरण अरु तनक तनक भुज तनक

वदन बोले तनक से बोल ।

तनकसे करनि पर तनक माखन लिये देखत

तनक याके सकल भुवन तनक कपोल ॥

तनक श्रुने जो यश सो पावत परम गति तनक कहत

ता सो नन्द सुवन ।

तनक रोक्ष पर देत सकल तनु तनक चितौनि

चितके हरन ॥

तनक हसनि सुसकानि तनक पुनि तुतरे वचन

उच्चरण ।

तनक हि तनक तनक करि आवे सूर हि तनक

दौजे तनक शरण ॥

१०

आज सखी मणि खम्भ निकट जहाँ है

गोरसकी गोरी ।

निज प्रतिविम्ब निरखि सिखवत शिशु प्रकट करो
जिनि चोरो ॥
अर्ध विभाग आज ते हम तुम भली बनी यह जोरी ।
माखन लेहु कतव डारत हो तुम बालक मति भोरो ॥
हिस्सा न लेहु सबे चाहत हो यहै बात है थोरी ।
मिथी रुचिर और चाहत हो देउ कहा भरि भोरी ॥
शनि प्रिय वचन धैर्य न रह्यो तब रसिक हस्यो
सुख मोरी ।
सूरदास प्रभु सकुचि चले हरि सघन कुञ्जको खोरी ॥

११

बाल गोपाल विराजत आज ।
इन्दु वदन दधि विन्दु परे तन कर नवनीत
मनोहर साज ॥
किधों प्रकट मकरन्द कमल में कोन्हों उदित समाज ।
कुञ्चित केश सुदेश नवल तन मिलि आए हैं
करनको राज ॥
चुटकी दे जु नचावति सुन्दरी कटि किङ्किणि
नपुर कल बाज ।
दास गोपाल मदनमोहन छवि चितवत सकल
विसारे काज ॥

१२

वड़ भागिच गोकुल की नारि ।
माखन रोटी दे जु नचावति पगदाता सुख लेत
पसारि ॥
शोभित वदन कमलदल लोचन शोभित केश मधुप
अनुहारि ।
शोभित मकर कुण्डल छवि शोभित मृगमद
तिलक लिलारि ॥
शोभित गात चरण भुज शोभित शोभित
किङ्किणी करत उचारि ।
शोभित नृत्य करत परमानन्द गोपवधू वर
भुजा पसारि ॥

१३

खेलत घर आंगन गोविन्द ।
निरखि निरखि यशोमती सुख पावति वदन
मनोहर राका इन्दु ॥
कटि किङ्किणी चन्द्रमय मणिको लट सुकताहल
जाल ।
परम सुदेश कण्ठ केहरि नख विच विच वज्र प्रवाल ॥
कर पोहोँची पाइन पनसूरा तन राजत पट पीत ।
घुटुरुन चलत वत्स सङ्ग विहरत सुख मण्डित
नवनीत ॥
सूर विचित्र चरित्र कान्हेके वाणी कहत न आवे ।
बालदशा अवलोकि सनक मुनि योगध्यान विसरावे ॥

१४

हीं वलि वलि जाओ छवीले लालकी ।
सूर धूरि घुटुरुवनि डोलनि बोलनि वचन रसालकी ॥
छिटकि रह्यो चहं दिग् जु लटरिया लटकनि
लटकन भालकी ।
मोतिन सहित नासिका नथुनौ कण्ठ कमलदल
मालकी ॥
ककु एक हाथ ककुक सुख माखन चितवन नयन
विशालकी ।
सूरदास प्रभु प्रेम मगून है टिग न तजत
ब्रजबालकी ॥

१५

बार बार यशोमती सुत बोधति आओ चन्द्र तोहि
लाल बुलावे ।
मधु मेवा पकवान मिठाई आपु खात पुनि तोहि
खवावे ॥
हाथ हि पर तोहि लौन्हें खेले नेकु नहीं धरणी
बैठावे ।
जल भाजनमें करि के उठावे याही में तू तन
धरि आवे ॥

जलपुट आनि धरणी पर राख्यो नहि आन्यो
वह चन्द्र दिखावे ।

सूरदास प्रभु हंसि मुसिकाने बार बार दोऊ
कर नावे ॥

१६

ख्योगो री मैया चन्द्र हि ख्यो गो ।

कहा करी जलपुट भोतरको बाहिर लपकि
गह्यो गो ॥

इह तो कलमलात जल महिआ कैसे कर जु गह्यो गो ।
वह तो निपट निकट ही देखत वरजे ह न रह्यो गो ॥
तेरे प्रेम उदित भयो माता बौराये न बह्यो गो ।
सूर श्याम कह कर गहि ल्याओ शशि तन ताप दह्यो गो ॥

१७

ले हो हरि चन्द्र ले ।

कमल नयन वलि जाइ यशोदा नीचे नेकु चिते ॥
जा कारण तुम शुनि सुन्दर सुत कीर्णो इती अने ।
सोइ सुधाकर देखि दामोदर या भाजन में हे ॥
नभते निकट आनि राख्यो है जलपुट यत्न जुते ।
अब अपने कर काढ़ि मनोहर जाहि भावे ताहि दे ॥
अगम गगन गति ते आन्यो है पक्षी एक पठे ।
सूरदास प्रभु इतनो बातको कत मेरो लाल हठे ॥

१८

सोहत दधिकी छींट श्याम गात ।

जब जननोके करते ले दोऊ करे करि ककु डारत
उरपर ककु कलके हंसि खात ॥
और मांगत में होत विलम्ब तब धरणी में लोटि जात ।
रसिक प्रीतम सों करति निहारे रानी यशोमति मात ॥

१९

महा महोत्सव गोकुल ग्राम ।

प्रेम सुदित गोपी यश गावति ले ले श्यामसुन्दरको
नाम ॥

जहां तहां लोना अवगाहति खरिक खोरि दधि
मन्यन धाम ।

परम कुतूहल निश अरु वासर आनन्द ही वीतत
सब याम ॥

नन्दगोप सुत सब सुखदायक मोहन मूर्ति
पूरण काम ।

चतुर्भुज प्रभु गिरिधर आनन्द निधि नख सिख
रूप शुभग अभिराम ॥

२०

हो वारी नवनौत प्रिया ।

दिन उठि देन उराहनो आवति चोरो लावति
घोष त्रिया ॥

तुम बलराम सङ्ग मिलिके इह आंगन खेलो
दोऊ भैया ।

निरखि निरखि नैननि शत्रु पाऊं प्राण जोवन
तन सांवरिया ॥

जोई भावे सो लीह मेरे प्यारे मधु मेवा दधि दूध घैया ।
चतुर्भुज प्रभु गिरिधर काके घर तुम ह ते ककु
बहुत श्रेया ॥

२१

कान्ह सो कहति यशोदा मैया ।

मेरे मोहन अनूत न जइये घर हि खेलो दोउ भैया ॥
ए तरुणो यौवन मदमाती भूठे हि दोष लगावे दैया ।
तुम तो मेरे प्राण जोवन धन मथिके दूध
पिवाओगो घैया ॥

चतुर्भुज दास गिरिधरण कछो तब हो वन जाओ
चरावन गैया ।

सुनि जननी मन अति हर्षानी मुख चुम्बति
अरु लेति वलैया ॥

२२

घर घर डोलत माखन खात ।

ग्वाल बाल सब सखा सङ्ग लिये सूने भवन धंसि जात ॥
जब ग्वालिन जल भरि घर आई तब हिं भजे
मुसिकात ।

चतुर्भुज प्रभु गिरिधरण लाल सों नाहिं न कछ
विसात ॥

२३

मोहन चलत बाजत पैजनौ पग ।
 शब्द सुनत चकित ह्वे चितवत त्यों त्यों ठुमकि
 ठुमकि धरत हैं डग ॥
 मुदित यशोदा चितवति शिशु तन ले उकड़ लावे
 कगठ शुभग ।
 चतुर्भुज प्रभु गिरिधरण लाल को ब्रजजन निरपत
 ठाढ़े ठग ठग ॥

२४

मैया मोहि बड़ो करि ले री ।
 दूध दही छत माखन मेवा जब मांगीं तब दे री ॥
 ककू हवश राखहु जिनि मेरी जोइ जोइ मो ही
 रुचे री ।
 हों हूं सबल सबहिन महं जे से सदा रहों निर्मे री ॥
 रङ्गभूमि मह कंस पकारों घीसि बहाजं नेरी ।
 सूरदास स्वामीको लौला राख्यो मथुरा जे री ॥

२५

क्रीडत प्रात युगल यदुवौर ।
 माखन मांगत मात न मानति भुक्तत यशोदा तीर ॥
 मध्य जननी सन्मुख सङ्कर्षण ऐंचत कान्ह
 सिरो शिर चीर ।
 मानहु सर सुनि सङ्ग उभय द्विज कर मराल
 अरु नील कटीर ॥
 सुन्दर श्याम गहे कवरी कर मुक्ता माल गही
 बलवौर ।
 तारन नभ छयो आपापनु मानहु लेत निवेरें सोर ॥
 सूर सु कवि इह वरणि न आवे उपमा कही परति
 नहिं धीर ।
 सनक सनन्दन नित्य उठि ध्यावत अरु गावत
 जाको सुनि कीर ॥

२६

बाल दशा गोपालकी सब काङ्ग प्यारो ।
 ले ले गोद खिल्लाव ही यशोमति महतारो ॥

पीत भगुलि तन सोह ही सिर कुलह विराजि ।
 छुद्र घण्टिका कटि बनी पाय नूपुर बाजि ॥
 सुरि सुरि नाचे मोर ज्यों सुर नर मुनि मोहे ।
 कृष्णदास प्रभु नन्दके आंगनमें सोहे ॥

२७

ऐसे लरिका कतहुं न देखे बाट सुचालि
 गांउकी माई ।
 माखन चोरत माजन फोरत उलटि गारि दे
 सुरि सुसिकाई ॥
 तब हीं देन उराहनो आई कहा करों जो ना
 कहि आई ।
 सुनहु यशोदा तुम ठकुरायनि तुम सों कहत
 मेरो बोरआई ॥
 पाछे ठाढे मोहन चितवत धीरे हीतें चारो लाई ।
 परमानन्द दासको ठाकुर पचयो चाहत चोरो खाई ॥

२८

तेरे लाल मेरो माखन खायो ।
 घोर दुपहरी देखि घर सूनी डोरि डंढोरि अब हिं
 घर आयो ॥
 खोलि कपाट पैठि मन्दिरमें सब दधि अपन
 सख नि खवायो ।
 क्रीकें हु तें चढ़ि जखल पर अनभावतो धरणी
 ढरकायो ॥
 दिन दिन हानि कहां लो सहिये ए टोटा जु भले
 ढङ्ग लायो ।
 परमानन्द प्रभु बहुत बचति हीं पूत अनोखो
 तें हि जायो ॥

२९

बहुते उपजत या टोटा पे कैसे धीं ले ले आवत ।
 हरि हरि हरि देखो री माई जानो जू बात दुरावत ॥
 विघमानद दधि दूध चुरायो फिरि फिरि मोहि
 बोरावत ।
 चतुर चोर विद्या सम्पूरण गढ़ि गढ़ि कौलि बनावत ॥

जो न पतियाहु सोह ले मो सो सांची शपथ करावत ।
 तेरे वल्ल जात जे हे शिव ता पर हाथ दिवावत ॥
 वदन मोरि मुसकाइ चलो है फिरि उरहन मिस
 आवत ।

परमानन्द दासको ठाकुर श्याम मनोहर भावत ॥

३०

भाजि गयो मेरो भाजन फोरि ।
 कहा कहीं शुनि मात यशोदा अरु खायो माखन
 सब चोरि ॥

लरिका शत पचास सङ्ग लोन्हें रोके रहत
 गांवकी खोरि ।

मार्गमें कोज चलन न पावत लेत दोहनी हाथ
 मरोरि ॥

समुझि न परे या टोटाकी रीति घोष गोरस टंडोरि ।
 आनन्द फिरत फागु सौ खेलत तारी दे दे
 हसत मुख मोरि ॥

को यह कांवर कौनको टोटा सब ब्रज बांध्यो
 प्रेमको डोरि ।

परमानन्द दासको ठाकुर लेति वलैया अचर कौरि ॥

३१

आओ गोपाल शृङ्गार बनाजं ।
 अति सुगन्धको करौं उबटनो उदमोदक नहवाजं ॥
 अङ्ग अङ्गोच्छि गुहं तेरी वैणो फूलन रचि रचि भाल
 बनाजं ।

सुरङ्ग लाल जरतारी चीरा रतन खचित शिर पेंच
 सजाजं ॥

वागो लाल सुनहरी छापा हरी इजार चरण विरचाजं ।
 पटुका सरस बैजनी रङ्गको हसलो हैम हुमेल धराजं ॥

गजमोतिनके हार मनोहर वनमाला ले उर
 पहिराजं ।

ले दर्पण देखो मेरे बारे निरखि निरखि उर नयन
 सिराजं ॥

मधु मेवा पक्वान्न मिठाई अपने कर ले तुम्हें जीवाजं ।

विष्णुदास को इह कृपाफल बालचरित हों
 निशदिन गाजं ॥

३२

पीताम्बरको चोलना पहिरावति मैया ।
 कनक छाप ता पर दियो भोनी एक तैया ॥
 सून लाल चुनावकी जरकशी चोरा ।
 हसुली हैम जरावकी उर राजत हीरा ॥
 ठाढ़ी निरखे यशोमती फूली अङ्ग न माय ।
 कज्जर ले विन्दुका दियो ब्रजजन मुसिकाय ॥
 नन्द बबा मुरली दर्ई एक तान बजावे ।
 जोई सुने ताको मन हरे परमानन्द गावे ॥

३३

नयनन देखि री गिरिवरधर ।
 सहचरो कहति द्वितीय सहचरो सौं प्रेम मुदित
 प्यारी राधावर ॥

भूषण भूषित अङ्ग मनोहर कनक कान्तिहर ।
 चित्त वृत्त हरत विश्व युवतिनके सर्वस्व देत
 उदार कमलकर ॥

उपमा काहि देहुं को लायक वरणों कहा किशोर
 वयसवर ।
 सुरति अन्त लटकत ब्रज आवत कृष्णदास बड़ भाग
 कल्पतर ॥

३४

राधे वसन श्याम तन चीन्हीं ।
 सारङ्ग वदन विलास विलोचन हरि सारङ्ग जानि
 रति कौन्हीं ॥

सुधा पान करिके नोकी विधि रच्यो शेष मुद्रा
 फिरि दीन्हीं ।

सूर सुवेश आहि रति नागर मुज आकर्षि वाम
 कर लीन्हीं ॥

३५

कमल मुख देखत तृप्ति न होइ ।
 इह कहा जाने बात सुहागिन रह्यो निशा भरि सोइ ॥

ज्यों चकोर चाहत उडराजे रही चन्द्र मुख जोइ ।
नेकु अकोर देति नहिं राधे चाहति पिय हि निचोइ ॥
हरि तो अपुनो सर्वस्व दीन्हों एक प्राण वपु दोइ ।
भजन भेद न्यारो परमानन्द जानत बिरला कोइ ॥

२६

कमल मुख देखत को न अघाय ।
सुनि री सखी लोचन अलि मेरे मुदित रहे अरुभाय ।
मुक्तामाल लाल उर ऊपर जनु फूलो बन घाय ।
गोव नधर अङ्ग अङ्ग पर कृष्णदास वलि जाय ॥

३०

माई कौन गोपके ए दोउ नागर ढोटा ।
इनकी बात कछू कहत न आवि गुणन बड़े देखत
के छोटा ॥
अग्रज अनुज सहोदर दोऊ गौरश्याम ग्रंथित
शिर चोटा ।
सन्तदास वलि उभय सूरतकी लीला ललित सर्व
विधि नोटा ॥

३८

तू मेरी लाज गंवाई हो यशोमतिके ढोटा ।
देह विदेहो हू गई मिलि घूंघट ओटा ॥
कमल नयन तुम कुंवर हो हलधरते छोटा ।
हैल छवीले रूप सम्भई लोट कपोटा ॥
श्रीगोपाल तुम चतुर हो हम मतिकी बोटा ।
परमानन्द सो जान हो जाहि प्रेमको चोटा ॥

३९

मद गजराज कीसी चाल ।
भुजवर दण्ड सुण्डकी शोभा हरि लीन्हों नन्दलाल ॥
चूरण कच कुञ्चित अनेक अङ्गुशसे लटकत भाल ।
चामर चार अवतंश मञ्जरी मदकण अमजल जाल ॥
गन्ध अन्ध आवत अलि घेरे गुञ्जत मञ्जु रसाल ।
मोर पक्ष फहरात वात वश जनी भलकत हैं ढाल ॥
धातु विचित्र बनी तन शोभा गल गल दामन माल ।
हठि कुलधर्म ढाह ढाहत हैं नयन कटाच विशाल ॥

घनन घनन घण्टिका कणित कटि उपजत
शब्द सुताला
खनन खनन सङ्कल से नूपुर बाजत लजत मराल ॥
युवतीहृदय सरस सरसिजमें जनु खेले बहु काल ।
मानो अङ्ग अङ्ग लपटाने उनके मनसे बाल ॥
मुरली रव गुञ्जार सुनत ही कम्पित चित्त व्रजबाल ।
रस रूसनो गदाधर यों भयो वन वेलो बेहाल ॥

४०

आजु शृङ्गार निरखि श्यामा को नौकी बन्यो
श्याम मन भावत ।
यह कवि तन हि लिखायो चाहत कर गहि के
नख चन्द्र दिखावत ॥
मुख जोरे प्रतिविम्ब विराजत निरखि निरखि मनमें
सुसिकावत ।
चतुर्भुज प्रभु गिरिधर श्रीराधा अरस परस दोउ
रीभि रिभावत ॥

४१

प्रात समय नन्दनन्दन श्यामा आवत देखे कुञ्जगली ।
नवघनश्याम तरुणि दामिनि मिलि राजत रूप
अनूप अली ॥
लटपटी पाग शीर्ष कार मुरली लोचन घूमत
भांति भली ।
शिथलित चीर मलगुञ्जी अङ्गिया काम कामिनी
देह क्ली ॥
चार याम निशि जागत बीती उर उमग्यो
अनुराग बली ।
कञ्जल अधर नयन रङ्ग बीरो मदन नृपतिकी
सैन्य दली ॥
सूर वदन पङ्कज रस पीके अलक मधुपकी पंक्ति चली ।
प्रफुल्लित प्रीति परस्पर देखियत तरुणि उदय ज्यों
कमल कली ॥

४२

देखि री वाके चञ्चल तारे ।

कमल मीन कहं कहां एती क्वि खञ्जन ह न जात
अनुहारे ॥

वे देखि चार कुटिल भुज ऊपर कुञ्चित अलक
मनो अलि वारे ।

बिडरत भजत मानहु काड़े रथ जनु सशङ्क शशि
लङ्गर डारे ॥

वे देखि निमिष नमत मुरली पर कर मुख नयन
एक भए चारे ।

मानो जलरुह सो वे ऋतु जे विधु करत नाद वाहन
चुचुकारे ॥

हरिको रूप सकल ब्रजमोहन सब युवती जन
प्राणधन वारे ।

सूर सखी निज रही चिते तन मन क्रम वचन चित्त
अन्त न जा रे ॥

४२

बने हैं विशाल कमलदल नयन ।
ताहू में अति चार विलोकनि गूढ़भाव सूचित
सखि सैन ॥

वदनसरोज निकट कुञ्चित वाच मनहु मधुप
आए रस लैन ।

तिलक तरुण शशि कहत ककुक हसि मोहन
मधुर मनोहर वैन ॥

मदन नृपतिके देश महामद बुद्धि बल वसि
न सकत है चैन ।

सूरदास प्रभु दूत दिन हि दिन पठवत चरित
चुनोती दैन ॥

४४

मनोहर नयन की यह भांति ।
मानो दूरि करत बल अपने शरत् कमलकी कांति ॥

इन्दीवर राजीव कुशोशय जीते सब गुण जाति ।
अति शोभा आनन्द कन्द दृग फूले दिन अर राति ॥

खञ्जरीट मृग मीन विराजत उपमाको अकुलाति ।
चितवनि चार विलोकति चञ्चल एको चित्त न समाति ॥

अन्तर करत निमिष लागि अन्तर युग हि समान
विहाति ।

सूर सखी अति रसिक राधिके निमिष खरे अनखाति ॥
४५

आलस्य युत देखियत जो भामिनी ।
राजत हैं रतनारे नयननि प्रिय सङ्ग जागत
गई यामिनी ॥

बाहु उठाय जोरि जमुहानी एहानी कमनीय
कामिनी ।

भुज कूटत क्वि यो लागत मानो टूटि भई हे टूक
दामिनी ॥

कुच उताङ्ग पर रची कञ्चुकी शोभित त्रिबली उदर
खामिनी ।

मानो मदन नृपतिके तंबू हरि मन जीखी
राधिका नामिनी ॥

विद्युरी अलक शिथिल कच डोरी नख चत चुरित
मराल गामिनी ।

द्विगुण सुरति करि श्रीगोपाल भजि प्रमुदित
विद्यादास खामिनौ ॥

४६

जा रस रसिक कौर मुनि गायो ।
याही रटत रटत निशि वासर शेष सहस्र मुख
पार न पायो ॥

गावत शुक नारद मुनि सारद कमल कोकरस
तउ न चखायो ।

तरणितनया तट निकट वंशीवट हृन्दावन वीथिन
वहायो ॥

सो रस रसिकदास परमानन्द ले राधा उर बीच
दुरायो ।

यद्यपि रमा रहत चरणन तर निगमनि अगम
अगाध बतायो ॥

आनन्दकी निधि नन्दकुमार ।

परब्रह्म नट मेघ नराकृति जगमोहन लीला अवतार ॥
 श्रवणनि आनन्द लोचन आनन्द मनमें आनन्द
 आनन्द मूर्ति ।
 गोकुल आनन्द गोपिन आनन्द आनन्द यशोदा
 आनन्द मूर्ति ॥
 सब दिन आनन्द धेनु चरावत वेणु वजावत
 आनन्द कन्द ।
 खेलत हसत कुतूहल आनन्द राधापति
 वृन्दावन चन्द ॥
 शुक मुनि आनन्द भक्तन आनन्द निज जन
 आनन्द हास विलास ।
 चरण कमल मकरन्द पान करि अलि आनन्द
 परमानन्द दास ॥

विलावल—तिताला

सेवा औ गोपाल को मेरे मन भावे ।
 मनसा वाचा कर्मणा उर आन त आवे ॥
 करि दण्डवत सनेहसों सन्मुख शिर नावे ।
 लोचन भरि भरि भावसों हरि दर्शन पावे ॥
 प्रेम नियम निश्चय करि हरिके गुण गावे ।
 यह प्रताप फल परशुराम हरिभक्ति दृढ़ावे ॥

२

यह न होय जैसे माखन चोरी ।
 जात किते बल बाहु कड़ाए मूसे धन सम्पत्ति
 सब मोरी ॥
 तब तिन दिनन कुमार कान्ह तुम अपने जान
 हम हु मति भोरी ।
 अब भए कुशल किशोर कान्ह तुम हम भई सजग
 समान किशोरी ॥
 नख शिखते चित्त चोरि सकल अङ्ग चीन्हें पर कत
 करत सरोरी ।
 एक सुनि सूर हरो मेरो सर्वस्व अरु उलटौ
 डोलौ सङ्ग डोरी ॥

३

अब मेरी खेलन जात वलैया ।
 जब ही मोहि देखि लरिकन सङ्ग तब हो खिभावत
 हैं बल भैया ॥
 मोसों कहत तात बसुदेव हैं देवको तीरी मैया ।
 मोल लयो कछु दे वसुदेव हि करि करि यतन
 बड़ैया ॥
 अब बाबा करि कहत नन्दसों अरु यशोमतिसों मैया ।
 ऐसे कहि कहि मोहि खिभावत तब उठत मोहि
 खिसैया ॥
 पाछे नन्द सुनत हैं ठाढे तब हसि हसि उर लेया ।
 सूर नन्द बलराम हि हटक्यो शनि मन हर्ष कन्हैया ॥

४

माखन खात पराये घरको ।
 नित प्रति सहस्र मथानी मथिये मेघ शब्द
 दधि माट घमरको ॥
 कितक अहीर जीवत घर मेरे दधि मथि लेत
 माखन कोमरको ।
 नव लक्ष धेनु दुइत जिनके नित बड़ो नाम है
 नन्द महरको ॥
 ताके पुत्र कहावत हो तुम चोरो करत
 उघारत फरको ।
 सूर श्याम तुम कितनो क खैहो दधि माखन
 मेरे जहां तहां ढरको ॥

५

नन्द घरनि सुत भलो पढ़ायो ।
 ब्रज वीथिनि पुर घरनि धरणी में बाट घाट
 सब शोर मचायो ॥
 लरकनि मारि भजत काहके काहुको
 दधि दुग्ध लुढ़ायो ।
 काहके घर करत मंडाई मैं ज्यों त्यों करि
 पकरि जु पायो ॥

अब तो याहि जकरि करि बांधों इन सब
तुम्हारो गांव भजायो ।
सूर श्याम भुज गहि नन्दरानी बहुरि कान्ह
अपने हित लायो ॥

लालन वारी तेरे या मुख ऊपर ।
माई मेरी दौठि जिनि लागे कबहूँ मसि विन्दु
कार्घी भूपर ॥
सर्वस्व मैने पहिले ही दियो नान्हीं नान्हीं दतियां
दूपर ।

अब कहा सूर करे न्यौछावर अपने हो
लालन लटूपर ॥

जब नन्दलाल नयन भरि देखे ।
एकटक रही संभार न तनको मोहन सूरति पेखे ॥
श्यामवरण पीताम्बर काँके अरु चन्दनकी खोर ।
कटि किङ्किणि कलराव मनोहर सकल त्रियनके
चितके चोर ॥
कुण्डल भलक परत गण्डनि पर आइ अचानक
निकसे भोर ।
श्रीमुख कमल मन्द मृदु मुसकनि लेत कर्षि
मन नन्दकिशोर ॥
मुक्तामाल राजत उर ऊपर चितए सखी जब
इह ओर ।
परमानन्द निरखि अङ्ग शोभा ब्रज वनिता डारति
दृण तोर ॥

बांधों आजु तोहि को छोरे ।
बहुत लङ्गरयो कीन्हीं मोसो भुज गहि अब
जखलसों जीरे ॥
जननी अति रिस जानि बंधाए चिते वदन लोचन
जल ठोरे ।
जखलसां कटिसों गहि बांध्यो दाम बहुत सब तोरे ॥

यह शुनि ब्रज युवती सब धाई कहति कान्ह अब
काहे न चोरे ।
सूर श्यामको बहुत सतायो चूक परी हमते यह भोरे ॥

कहा करों हरि बहुत खिभाई ।
सहि न सकी रिस रिसमें मरि गई दई बहुत
ढोव्यो जु कन्हाई ॥
मेरे कहे नाहिने मानत करत आपनी टेक ।
भोर उराहनो ले ले आवति ब्रजकी वधू अनैक ॥
फिरत जहाँ तहाँ धूम मचावत घर नाहि रहत सचेत ।
सूर श्याम त्रिभुवनके कर्ता ता सों यशोमती
कहत अचेत ॥

यशोदा तेरो मुख हरि जोवे ।
कमल नयन हरि हलक नि रोवे बन्धन छोरि रौ
जननी यशोवे ॥
जो तेरो सुत खरोई अचगरो अपने कोख को जायो ।
कहा भयो जो घरको ढोटा चोरो माखन खायो ॥
तुरत दोहनी दह्यो जमायो जा क्षण पूजन पायो ।
ता घर देव पित्त काहे को जा घर कान्हर आयो ॥
जाको नाम लेत अब भाजे कर्म फन्द सब काटे ।
सोई हरि प्रेम दांव री बांधे जननी सांठि लिये डांटे ॥
सूरदास प्रभु भक्त हेतु ह्वे देह धरे तुम पाए ।
दुःखित जानि दोज सुत कुवेरके तिन हित आपु
बंधाए ॥

जाहु चली अपने अपने घर ।
तुम सब हिन मिलि ढोठ कखो यह अब आई
बन्धन छोरन वर ॥
मोकीं अपने बावाकी सों कान्ह हि अब न पत्थाउं ।
भवन जाहु अपने अपने सब लागति तिहारे पाउं ॥
मोकी जिनि बरजोरो कोज देखो हरिके ख्याल ।
सूर श्याम सों कहति यशोदा बड़े नन्दके लाल ॥

१२

तब हि श्याम एक बुद्धि उपायी ।
 युषती गई घरनि सब अपने गृह कार्य जननी
 अटकायी ॥
 आपुन गए यमल अर्जुन तर स्पर्शत पत्र
 उठे भहरायी ।
 दिये गिराय धरणि दोऊ तर वर तब कुवेर सुत
 प्रकटे आई ॥
 हे कर जोरि करत दोऊ स्तुति चारणजाति न
 प्रकट दिखाई ।
 सूर धन्य व्रज जन्म लियो हरि धरणीकी
 आपदा नशाई ॥

१३

धन्य धन्य धन्य ऋषि आप हि पाए ।
 आदि अनादि निगम नहिं जानत ते हरि प्रकट
 देह धरि आए ॥
 धन्य नन्द धन्य मात यशोदा धन्य अङ्गन जहां
 बैठि खिलाए ।
 धन्य श्याम जहां दाम धाए धन्य जखल धन्य
 माखन खाए ॥
 दीनबन्धु करुणानिधान प्रभु राखि लिये
 शरणागत आए ।
 सूर श्यामके चरण शीर्ष धरि स्तुति करि
 निज धाम सिधाए ॥

१४

कौन मेरे आंगन ह्वे जु गयो ।
 जगमग ज्योति वदनकी माई सपनी सो जु भयो ॥
 हों दधि मेलि भवन शुनि सजनी लेनु गई जु मथानी ।
 कमलनयनकी नाई चितयो वह मूर्ति मैं जानी ॥
 कर नहिं चलत देहगति याको बहुत खेद मैं पायो ।
 परमानन्द प्रभु चरण शरण गहि रहतो कित
 गृह आयी ॥

१५

नन्दके लाल हरो मन मोर ।

हों अपने मोतिन लर पोहति कांकर डारि गए
 सखि भोर ॥
 वङ्क विलोकनि चारु छवेली कुटिल कमान
 भौंहकी कोर ।
 कहु काको मन रहे अवन शुनि सरस मधुर
 सुरलोकी घोर ॥
 शशि विचित्र वदनके कारण तरसत हैं दृग
 विहङ्ग चकोर ।
 सूरदास प्रभुके मिलिवेकी कुच श्रीफल हों करत
 अकोर ॥

१६

इनि नयन निसों मानी हारि ।
 अनुदिन ही उपरान्त आन रुचि बाढ़ी सब लोग
 निसों रारि ॥
 तदपि निडर चलि जात चपल दोऊ घूँघट सघन
 कपाट उधारि ।
 निगम ज्ञान प्रतिहार महाबल लाज लकुट कर
 रहत निवारि ॥
 श्रीगोपाल कौतुक मन अपी तबते चतुरनि भई
 चिन्हारि ।
 सूरदास लोभनि के लोने सिरपर सही जगत्की गारि ॥

१७

सखी हों जागों तो कोऊ टिग नाहीं उठि लागो
 अकुलान ।
 मैं जान्यो सांच हि मिले माधव भूलि रही अनुमान ॥
 नींद हि मैं सुरभाइ मदन हों राखी प्रथम पञ्च सन्धान ।
 तामें और तिमिर माई री चपल कुटे छवि वान ॥
 सूर शक्ति जैसे लक्ष्मण तन वह व्रणको कहु
 अङ्ग न आन ।

१८

लाज सुजीवन मूरि मुकुन्द हि ज्यो व रहे तव प्राण ॥
 रहि री ग्वालि यौवन मदमाती ।
 मेरे छगन मगन से लाल हि कत ले उखंग
 लगावति छाती ॥

खीभत ते अब ही राखे हैं नान्हीं नान्हीं उठति
दुग्धकी दांती ।

खिलन दे घर जाहि आपने डोलति कहां
इतो इतराती ॥

उठि चली ग्वालि लाल लागे रोवन तब यशोमती
लाई बहु मांती ।

परमानन्द ओट दे अञ्जल फिरि आई नयननि
सुसिकाती ॥

१८

गावत गोपी मृदु मधुवाणी ।
जाके भवन वसत त्रिभुवन पति राजा नन्द
यशोदा रानी ॥

गावत वेद भारती गावत मावत नारदादि मुनि ज्ञानी ।
गावत शिव कालगण गन्धर्व गोकुलनाथ माहात्म्य
जानी ॥

गावत चतुरानन गज-आनन गावत शेष सहस्र
सुख रास ।

मन क्रम वचन प्रीति पद अस्बुज अब गावत
परमानन्द. दास ॥

२०

अङ्ग सब मिलि लागी दुःख देन ।
अपनी पिशुनता कहा कहीं सखि वध ना कियो कुचैन ॥
लोचन भ्रमर मए उड़िवेको वदनकमल मधु लैन ।
कान नेम व्रत लियो सुननको विना वदन विधु वैन ॥
नासा खसत वचन नहिं निकरत मन न धरत
ककु मैन ।

पगान चलत इक पेंड नोठि के तन पुर पसरो मैन ॥
अब लाज ब्रजनाथ निकट तोहि तो लो इह सब सहै न ।
सूर निमिष सम हीत युग हि युग क्यों विरमाजं रैन ॥

२१

इह बल कितकु जानि यदुरायी ।
तुम जु चले हम अबल निपे ते तरकि वहां छिटकायी ॥
कहियत है अति चतुर सकल विधि जानत
और उपायी ।

तो जानीं जो अब एको क्षण सकी हृदय ते जायी ॥
सूरदास स्वामी श्रीपतिको भावत अन्तर भायी ।
सहि न सके रति वचन उलटि हसि लोन्हीं
कण्ह लगायी ॥

२२

श्यामा तू अति श्याम हि भावे ।
बैठत उठत चलत गोचारत तेरो ही नाम ले ले गावे ॥
पीत हि पीत सुमन भूषण सजि पीताम्बर उर लावे ।
चन्द्रवदनि शनि मोर चन्द्रिका शीर्ष सुमुकुट बनावे ॥
अति आसक्त दर्श सभ्रम मिलि अङ्ग अङ्ग सजु पावे ।
विकुरत तोहि कासि राधे कहि कुञ्ज कुञ्ज प्रति धावे ॥
तेरोइ ध्यान धरे तन निरखत वासर विरह नसावे ।
सूर श्याम रसराशि रसिक सखि कैसे अन्तर आवे ॥

२३

मानि मनावो मौन रही ।
सकुच समेत सखी उठि आतुर वनकी गैल गही ॥
विधु सुख निरखि मूँदि करि लोचन पुनि
विधुवदन चही ।

दर्श स्पर्श तदरूप आजु निज भूमि नख लेखि कही ॥
पुहप सुरङ्ग सारङ्ग सिपु ओटि दिखावत चतुर लही ।
पाणिसे परसत शीर्ष परस्पर मुसकाने तब ही ॥
हृण तोरे दिन जात जिते गुण काटति रेख मही ।
सूर श्याम बहुरो मिलि विलसहु जाति अवति अब ही ॥

२४

न्याय दिन दूल्ह ही नन्दलाल ।
रीभि विकाय तहां वसे जहां नव दुलही ब्रजवाल ॥
शिथिल पाग गति डगमगे ही वसन मलगजे गात ।
शोभित हो तुम रसभरे मानो व्याह भए जागे रात ॥
नयन ललोहे घूमरे ही चितवत चित्त हरि लेत ।
कहे मगवान् हित राम राय प्रभु हसन वधाई देत ॥

अलया-विलावल—तिताला

ग्वालनि पूरण प्रगव्यो नेहु ।
दधि भाजन शिरपर धरे ताहि कहति गोपाल हि लेहु ॥

ब्रज वीथिनि ब्रजपुर गलो हो जहां तहां हरिनाम ।
 समुभाई समुझे नहीं ताहि शिख दे विथक्यो ग्राम ॥
 लज्जा लहरि तरङ्गिणी हो गुरुजन गहिरो धार ।
 दुहु कूलनि परिमिति नहीं ताहि तरत न लाई बार ॥
 सरिता निकट तड़ागके दीन्हें कूल विदारि ।
 नाम मिथो सरिता भई अब कौन निवारि वारि ॥
 दीपक तो मन्दिर जरे हो बाहर लखे न कोय ।
 तृण परसत प्रज्वलित भई अब गुप्त कहांते होय ॥
 पान किये ज्यो वारुणी हो मुख बोलत न संभार ।
 धरणि धरत पग डगमगी वाके विथुरी अलक ललार ॥
 कौन सुने कासों कहीं हो कौने सुरति सकोच ।
 कौने डर पथ अपथको अब को उत्तम को पोच ॥
 विधु माजन ओछो रथो हरि शोभासिन्धु अपार ।
 उलटि मग्न तामें भई अब कौन निकारम-हार ॥
 चित्त चुरायी नन्द के हो सुरली मधुर बजाय ।
 जिहि लज्जा जग लाजिये सो लज्जा गई है लजाय ॥
 प्रेम मग्न भई ग्वालिनो हो सूरदास प्रभु सङ्ग ।
 श्रवण नयन मुख नासिका हो ज्यो कधुकी भुजङ्ग ॥

कहा करी वैकुण्ठ छि जाई ।

जहां नहीं नन्द जहां नहीं यशोदा जहां नहीं
गोपी ग्वाल नहीं गाई ॥

जहां नहीं जल यमुना को निर्मल और नहीं
कदम्बको छाई ।

परमानन्द प्रभु चतुर ग्वालिनो ब्रजरज तजि मेरो
जाइ वलाई ॥

अद्भुत एक अनुपम राग ।

युगल कमल गजपर क्रीडत ता पर सिन्धु करत
अनुराग ॥

हरि पर सरवर सरपर गिरिवर गिरिपर फूले
कञ्ज पराग ।

रुचिर कपोत वसत ता ऊपर ता पर एक अमो
फल लाग ॥

फल पर पुष्प पुष्पपर पल्लव तहां रहत शुक पिक
सृग खाग ।

खञ्जन धनुष चन्द्रमा ऊपर तहां वसत एक
मणिधर नाग ॥

इह रस विरस होत नहिं कबहूँ शोभा क्षण हु
करत नहिं त्याग ।

सूरदास स्वामिनी रसिकवर तव हेतु बाढ़ो
सिन्धु सुहाग ॥

४

ललित कथा इक कहीं लड़ेते मेक रुक सुनहु
छाड़ि दे पारि ।

सूर्य वंश नृपति दशरथ के भए सुभट सुन्दर
सुत चारि ॥

तामैं बड़ी रामचन्द्र राजा जनक सुता जाके वर नारि ।
पञ्चवटीको चले राज्य तजि तात वचन माथे पर धारि ॥

श्रीवैकुण्ठनाथ धरणीधर विहरत वन तापस
अनुहारि ।

मार कुटिल सबल राक्षस अति कानन वसत विघ्न
सब टारि ॥

कपट रूप रावण सीताको ले गयो लङ्का
सिन्धुके पारि ।

जानकी हरण सुनत सूरज प्रभु चौकि उठे लयो
धनुष संभारि ॥

५

सुनु सुत एक कथा कहूँ प्यारी ।

कमल-नयन मन आनन्द उपज्यो रसिक शिरोमणि
देत हुंकारी ॥

दशरथ नृपति हुते रघुवंशो तिनके प्रकट भए
सुत चारी ।

तिनमें राम एका व्रतधारी जनक सुता ताके वर नारो ।
तात वचन मानि राज्य तज्यो है भ्राता सहित

चले वनचारी ।

तिन उठि जाइ कनक मृग मारो राजीवलोचन
केलि विहारी ॥
रावण हरण सीय को कीन्हो सुनि रघुनन्दन
नींद निवारी ।
परमानन्द प्रभु चाप रटत कर लक्ष्मण देहु जननि
भ्रम भारी ॥

अहो मेरो प्राण पियारी ।
भोर हि खेलन कहां धौ सिधारी ॥
कुङ्कुम भाल तिलक किन कीन्हो ।
किन मृगमदको विन्दु दीन्हो ॥

विन्दु जु मृगमद दियो माथे निरखि शशि
संशय परो ।
एक शरत् निशाको कला पूरण मान मद दर्पहि हरो ॥
हेरि मुख हसि कहति जननी अल्प वेणी किन शुद्धे ।
सूरके प्रभु मोहि आश्चर्य रचौ किन मन्मथ मई ॥

नन्द-महर घर मैया सोहे ।
जिन मेरो वदन जू फिरि फिरि जोहे ॥
खेलत बोलि निकट बैठारो ।
ककु मनमें आनन्द कियो मारो ॥

मनमें जो आनन्द कियो मारो निरखि सुत
विह्वल भई ।

बाबा जूको नाम बूझो ताहि हसि गारी दई ॥
पाटी तो पारि संवारि भूषण गोदमें सेवा भरौ ।
सूरके प्रभु हर्षि मनमें विधाता सों विनती करौ ॥

इह सुनि बात कीर्ति सुसिकानी ।
मैं नन्दरानीके जियकी जानौ ॥
मेरी सुता है रूपकी रासी ।
वे तो कान्ह वनवासो उदासी ॥

कान्ह उदासी वनवासो रङ्ग टङ्ग इह कहा बने ।
कनक मणि टिग रत्न अमौलिक कांच कक्षन
क्यों सने ॥
ललिता विशाखा सों कछो भुकि ललो तनि तुम
कित रही ।
सूरके प्रभु भवन बाहिर जान मति दीजो कहीं ॥

दिव दश पांच अटक जब कीन्हो ।
कुंवरिको कृष्ण दिखाई दीन्हो ॥
सुरभि घरी तन सुधि न संभारे ।
कंवरि कुण्डसी मुजड्यम कारे ॥

कारे भुजङ्गमसो प्यारो गारड़ चारि सबे ।
एक नन्दनन्दन मन्त्र विनु आली इह विष दाबो
नहीं दबे ॥
मनुहारि करि गोहन बुलाए सकल विष देखत नसे ।
सूरके प्रभु जोरो अविचल जीयो युग युग मन वसे ॥

विहसि उठी तब वदन पखारो ।
निरखि मोहन तन अचर संभारो ॥
सुरि बैठी मन भयो हुलासा ।
कीर्ति गई अपुने पति पासा ॥

अपुने जु पतिपे नई कीर्ति प्रीति रीति बड़ाइये ।
मन्त्र कीन्हो व्याहको सब सखो मङ्गल गाइये ॥
वृन्दावन में रच्यो स्वयंवर पुष्य मण्डप छाइये ।
सूरके प्रभु श्याम दूलह राधिका वर पाइये ॥

विधिवत् विधि सब कीन्हो ।
मण्डल भरि के भांवरी दोन्हो ॥
विविध कुसुम वर्षावे ।
तहां मानिनि मिलि मङ्गल गावे ॥

कन्द

मावे जू मानिनि मिलिके मङ्गल कहति कङ्कण
कोर ह ॥

हैसे नहीं गिरि उचक्रि लीन्हों लाल हसि मन
मोर ह ॥

कोरो न कूटे डोरना इह प्रीति रीति अनिमन भई ।
सूरके प्रभु युवति जन मिलि गारो मन भावती दई ॥

१२

जिन व्रत धरिके देवी पूजी ।
तिनके मन अभिलाष न दूजी ॥
देवी नन्द सुत होहु पति मेरे ।
याही होय अनुग्रह तेरे ॥

कन्द

करि अनुग्रह वर दियो जब वर्ष भर लौ तप कियो ।
तैलोक्य सुन्दर पुरुष भूषण शील गुण नाहिं न वियो ॥
उबटि खोरि शृङ्गारि सखिय नि कुञ्ज चोरो अनौ ।
वर्षभर जा का तप किया साधरी विधना वानी ॥

सुकुट रचि के मोर बनायो ।
सो माथे धरि हरि घर आयो ॥
तन सांवर है पीत दुकूल ।
जाहि देखि धन दामिनी भूल ॥

कन्द

दामिनी घन छवि कोटि वारों जब निहारों मुखकवी ।
कुण्डल विराजत गण्ड मण्डित नहिं न शोभा
शशि रवो ॥

या छविकी उपमाको नाहीं सकल है गुण जाही ।
मानो मोर निर्गत सङ्ग डोलत सुकटकी परकाँही ॥
गोपी न्योते आई ।

सुरली ध्वनि पठे ज बुलाई ॥
तहां सब मिलि मङ्गल गाए ।
बहु विधि फूलन मण्डप छाए ॥

कन्द

छाए जो फूल निकुञ्ज मण्डप पुलिनमें वेदी रची ।

बैठे श्रीश्यामा श्यामवर तैलोक्यकी शोभा सची ॥
इत कोकिल गण करे कुलाहल उत सकल व्रजनारो ।
आई जु न्योते दुहं दिशतें देति आनन्द गारो ॥
रास मण्डलमें सब भुज जोरो ।
हरि हैं श्यामल राधा जू गोरो ॥
पाणि गृहण विधि जब कीन्हों ।
मण्डल भरि भांवरो दीन्हों ॥

कन्द

दीन्हों जो भांवर रास मण्डल प्रीति गांठि
हृदय परो ।
शरत् निशा पूर्णिमा विमल शशि निकट वृन्दा
शुभ घरो ॥

गाय गीत पुनीत सखियनि वेद रचि मङ्गल ध्वनो ।
इत नन्दसुत वृषभानुतनया रासमें जोरो बनी ॥
मन मनसे नव राती ।

द्रुम फूल अनगन अनभांती ॥
वन्दी जन हरि यश गावे ।
मधवा बहु वादित बजावे ॥

कन्द

बाजे सुबाजे सकल नभ सुर पुष्पाञ्जलि वर्ष हीं ।
सुनि दिव्य व्योम विमान दीपक जैसे मधुकर वर्ष हीं ॥
शुनि सूरदास हि भयो आनन्द पूजी मनको आशा ॥
श्रीनन्दनन्दन लाल दूलह दूलहिनो श्रीराधा ॥

१३

श्रीललिता जूके आजु बधायो ।
श्रीवृन्दावन व्याह रचायो ॥
आली न्योति पठाई ।
वे मङ्गल निधि न्योती ल्याई ॥

कन्द

ल्याई जु न्योती साजि सखियनि मण्डली
अद्भुत रची ।
बांधि वन्दनवार चहुं दिश व्याह विधि वेली सची ॥
सङ्केत देवी पूजि ललिता रहसि अति आनन्द भरी ।

नवल राधे दुलहिनी को दूलह वर पायो हरो ॥
 देवो बहू मांति पुजाई ।
 विधना इह विधि आनि मिलाई ॥
 सोइ राधे जिन हरि आराधे ।
 प्रेम लग्न सोई हरि सङ्ग साधे ॥

कन्द

साधि हरि सङ्ग लग्न ललिता रहसि मङ्गल गाइयो ।
 विविध कुसुम विचित्र सौं रवि महा मण्डप छाइयो ॥
 उबटि राधे दुलहिनी तन श्यामके उबटन कियो ।
 शृङ्गार करि सिर गूंधि मीरो सुकुट मोहनके दियो ॥
 कर सौं कर जोरि बैठाये ।
 भांवरि दै दै हसिके फिराये ॥
 तब हंसि ललिता दई है बधाई ।
 वे तो फूली अङ्ग न भाई ॥

कन्द

फूली अङ्ग न भाइ ललिता रङ्ग भरि अङ्ग अङ्ग रही ।
 या व्याहकी रस रीति सखि री जाति नह

मोपे कह्यो ॥

धन्य धन्य दिन इह रात्रि घन्य धन्य धन्य निज
 कुल शुभ घरी ।

धन्य धन्य नन्दकुमार दूलह दुलहिनी राधा वरी ॥

दूलह वो होत सयानो ।
 शोराधा जूके रूप लुमानो ॥
 क्षण एक विलम्ब न कीजे ।
 आंचर सो जोरनो कीजे ॥

कन्द

कियो अञ्चर जोरनो मिलि सखी चार गोनीको कियो ।
 करि दिये कुञ्ज प्रवेश दोऊ धन्य ललिता को हियो ॥
 नवल सखी अनिक छवि पर वारने हो वलि गई ।
 आजु अचल सुहाग को कहु जात नहीं मोपे कह्यो ॥

१५

ब्रज दूलहकी सुघर घोरी ।
 विधना मानो सांचे ढोरी ॥

वाको ललित वदन मन मोहे ।
 अवरण कपोल चमकि चित पोहे ॥
 वाके लोचन चञ्चल तारे ।
 मानो हे नग दीप उज्यारे ॥
 वाके काननकी छवि ऐसी ।
 काम कतरनी चञ्चल जैसी ॥
 वाके दन्त बतीसी हीरा ।
 जोभ ललित खाये मानो वीरा ॥
 वाके अरुण अधर अति दीसे ।
 फूल भरे जव हरे हरे होसे ॥

कन्द

फूल भरे सुदेश हीसत दृगनि अति सुख पाइये ।
 मीरे नन्दनन्दन प्राणपतिकी सुघर घोरी गाइये ॥
 वाके केस वार सुठार मनो मखतूल मोतिन सुहो ।
 मन रिभावन मनहु सावन मासमें फूली जुहो ॥
 वाकी पीठिकी जिनि डीठि लागो मिलि रह्यो
 मोटी पुठी ।

भिलमिले प्रतिविम्ब तापर मानो मैन घटा उठो ॥

वाको पूंछ चामर अति बाढ़ी ।
 मन्मथ मानो सांचे धरि काढ़ी ॥
 वाके कञ्चन नाल बनाए ।
 चरण शरण चन्द्र चलि आए ॥
 वाके चारो खुर अति भलकें ।
 दृग निरखत लागी नहीं पलकें ॥
 वाकी खेल छवोली छातो ।
 मखमलकी पश्म सुहाती ॥
 बाकी चाल विचक्षण सोहे ।
 देखत सबके मन मोहे ॥
 वाको नख शिख रूप सुहायो ।
 मखमली उर तान बनायो ॥

कन्द

मखमली उरतान भलमले पर रतून जटित

लगाम जी ।

जोन परम प्रवीण जगमगी मानो मूर्ति काम जी ॥
सवार नन्दकिशोर दूलह चित्त सब हिनके हरे ।
हृषि राई लोन वारे आरती यशोमती करे ॥
धन्य धन्य यह सुख श्याम घन प्रभु टुगनि अति
सुख पाइये ।

मेरे नन्दनन्दन प्राणपतिकी सुघर घोरी गाइये ॥

१६

बूभति जमनी कहां हुतो प्यारी ।
कक्षां इह भाल तिलक रुचि दीन्हों किन कच
गूंधि मांग शिर पारी ॥
नन्दघरनि यशोमती कहियत है मोमों कछो
हमारो आरी ।

तिल चांवरी मैलि गंभामें फरिया फारि दई
मोहि सारी ॥

मेरो नाम बूभि बूभि बाबाको तेरो नाम बूभि
दई हसि सुगारो ।

मोतन चिते चिते टोटा तन ककु सविता
तन ओल पसारी ॥

बोलि लये वृषभानु भावतो हसि हसि बातें
बूभि दुलारी ।

सूरदास रससिन्धु बड़ो अति दम्पती मनसैं इह
विचार ॥

अ कु ज मङ्गल

सेरन्धौ सोई उठि फरकत बाहु सुलोचन वाम ।

सुन्दर सगुन मए आजु ऐहें मेरे सुन्दर श्याम ॥

कंद

श्यामसुन्दर आइते इह साइके गरे लाइ हैं ।

दे अलिङ्गन प्रेम सो मन सुखसमूह बर्षाई हैं ॥

मन हि मन हुलसाति अति ही प्रेमपुञ्ज बढ़ाई हैं ।

पूरण करि हैं मनोरथ सब अङ्ग सङ्ग लगाइ हैं ॥

भूषण विविध रचे अङ्ग अङ्ग प्रति कहे न जाई ।

कञ्चुकि कसि जो लई श्याम अङ्ग भलके अधिकाई ॥

कंद

अधिकाइ भलके सुरङ्ग चूनरि लाल रङ्ग सुहावनी ।
पीत लहंगो बन्यो हि अतलस देखि मवकी मावनी ॥
दोउ जो लोचन आजि सूक्ष्म नयन सैन बनावनी ।
चूरी दहं कर पहरि हरी सुपरम फाव फबावनी ॥
वेणी शुभग गुही सुगन्ध तैल लगाइके नौके ।
सब हि बनाव कियो जाते हरण होय मन पीके ॥

कंद

प्रियके मन हरहि जैसे ऐसी मोतिन मांग भरी ।
टीकावलो बहु परम सुन्दर जटित नग जगमग करो ॥
वेसरि रुचिर नासा विराजे माणिक्य बनी अति
कण्ठसरी ।

हार हाटक जटित नग सब चलत मोती थरथरी ॥

फूलन सेज रची परम मृदुल पय फेन समान ।

तकिआ रुचिर धरे गलमसुरी मानहु चन्द्रभान ॥

कंद

चन्द्रभानु सम गलमसुरी मानो देत शोभा अति घनो ।

चादर विछाइ लगाइ सौरभ बहु सुगन्धन सों सनी ॥

इह विधि मनाहर साजि बैठी महा सुभट

कञ्चनतनी ।

हुलसाति पुलकति मन हि मनमें आइ हैं

त्रिभुवन धनी ॥

फूल हरा जो धरी अपने हाथ सुधारि संबारी ।

नखशिख रूप बना मन्मथ कोटि देउ वलिहारी ॥

कंद

वलिहारि मन्मथ कोटि छवि पर और उपमा

लाज ही ।

क्षण भवन क्षण बाहर विलोकति साज सब

विधि साज ही ॥

मुसिकाति मन मन विवश ह्वे के अद्भुत छवि

काज ही ।

मञ्जुल मनोरथ करति मन मन आइ हैं प्रिय

आज ही ॥

प्राणपति आइ गए निरखत ही भई उठि ठाढ़ी ।
हृदय लगाइ लई आनन्द लहरि उभगि अति बाढ़ी ॥

कन्द

बाढ़ी जु आनन्द लहरि बहुविधि श्यामसुन्दर
वश परी ।

रतिकेलि भोगविलास सब निशि जागि याके
सङ्ग करी ॥

जो गाइ है इह रसिक लीला परम रस आनन्द भरी ।
कहि सूर वाके सब मनोरथ पूरि हैं मधुहा हरी ॥

श्रीयमुनाजीके वद

श्रीयमुना करुणा मई विनती सुनि लीजे ।
दर्शन ते पावन सदा सुभिरत अघ छोजे ॥
मज्जन तव जल पावनौ मन शुद्ध करि लीजे ।
गावत वेद पुराणमें यम ते सुख जीजे ॥
भाव भक्ति वरदान ही मोकी वर दोजे ।
श्रीविठ्ठल गिरिधरणके गाआ गुण रस भोजे ॥

२

श्रीयमुना गोपाल हि भावे ।
जे यमुनाके दर्शन कोन्हें कोटि जन्मके पाप नसावे ॥
जे यमुना स्नान करत हैं धर्मराज लेखो न गणावे ।
यमुना जल पान करत हैं बहुरो सङ्कट थीर
न आवे ॥

पद्मपुराण कथा सब ऊपर धरनी सारवाह यश गावे ।
ते तीर्थ ए प्रगट जगत्में परमानन्द प्रसादे पावे ॥

श्रीगङ्गाजीके पद

घरमेश्वरी देवी मुनि वन्दे पावन देवो गङ्गे ।
वामन चरण कमल नख रञ्जित शीतल वारि तरङ्गे ॥
मज्जन पान करत जे प्राणी त्रिविध ताप दुःख भङ्गे ।
तीर्थराल प्रयाग प्रकट भयो जब बनौ यमुना
वेणी सङ्गे ॥

भगीरथ राज सगरकुल तारण वाल्मीक यश गायो ।
तव प्रताप हरि मक्ति प्रेमरस जन परमानन्द पायो ॥

अथ आरती

बाती कपूरकी ज्योति जगमगे आरती विठ्ठलनाथ
विराजे ।

घण्टा ताल पखावज आवज सम खरनि
सारदा साजे ॥

या क्विकी उपमा कहा कहीं कोटि काम
निरखत लाजे ।

श्रीवल्लभ प्रेम प्रताप भरे नित आनन्द मङ्गल
गोकुल गाजे ॥

२

श्रीवल्लभ पुरुषोत्तम रूप ।
सुन्दर नयन विशाल कमल रङ्ग मुख मृदु बोलत

वचन अनूप ॥
कोटि मदन वारों अङ्ग अङ्ग पर भुज मृणाल अति
सरस स्वरूप ।

देवोजी बड़ धारण प्रगटे दास शरण लक्षण
सुत भूप ॥

२

रूप स्वरूप श्रीविठ्ठल राय ।
वेद विदित पूरण पुरुषोत्तम श्रीवल्लभ मृदु
प्रकटे आय ॥

कटपटी पाग महारस भीजे अति सुन्दर मन
सहज स्वभाय ।

चीत स्वामो गिरिधरण श्रीविठ्ठल अगणित महिमा
कह्यो न जाय ॥

३

श्रीवल्लभ सुत परम कृपाल ।
तैसेइ श्रीगिरिधर श्रीगोविन्द बालकृष्ण जू
नयन विशाल ॥

महामोह दोष दुःखो जन प्रकट मए षट्
दर्शन ईश ।

जीव अनेक किये कृतार्थ कोमल कर धरत पर शीश ॥

जाको दर्शन सुर नरको दुर्लभ शरणागतको
सुलभ अपार ।

जन्म मरण भवबन्धन छूटे जिन श्रीमुख देख्यो
इक बार ॥

श्रीवल्लभ व्रजपति श्रीयदुपति मोहन मूरति
श्रीघनश्याम ।

जन भगवान् जाय बलिहारी इह शुनि जर्षी
तिहारी नाम ॥

५

धन्य धन्य माता तू तुलसी बड़ी ।

नारायण ले माथे चढ़ी ॥

जे कोऊ तुलसी की सेवा करे ।

कोटि पाप क्षणमें परिहरे ॥

जे कोऊ तुलसी को फेरी देत ।

सहज जन्म सुफल करि लेत ॥

दान पुण्यमें तुलसी होय ।

कोटिक फल पावे नर सोय ॥

जे घर तुलसी करत निवास ।

सो घर सदा कृष्णको वास ॥

कृष्णदास कहै बारम्बार ।

तुलसीकी महिमा अपरम्पार ॥

६

यमुना जल घट भरि चली चन्द्रावली नारि ।

मार्गमें खेलत मिले घनश्याम मुरारि ॥

नवन निसों नयन जुरे मन रह्यो लुभाइ ।

मोहन मूर्ति जिय वसो पग धरो न जाइ ॥

तबकी प्रीति प्रकट भई यह पहिली भेंट ।

परमानन्द ऐसे मिले जैसे गुर चेंट ॥

७

सुन्दर टोटा कोनको सुन्दर मृदु वानी ।

जौन बतायो ग्वालिनी जायो नन्दरानी ॥

सुन्दर भाल तिलक दिये सुन्दर मुसकानी ।

सुन्दर नयननि हरि लियो कमलनि को पानी ॥

सुन्दरता तिहुँ लोक की या ब्रजमें आनी ।

परमानन्द यशोमती सब सुख लपटानी ॥

=

कमल-नयन कमलापति त्रिभुवनके नाथ ।

एक प्रेमते सब बने जो मन होय हाथ ॥

सकल लोककी सम्पदा जो आगे धरिये ।

भक्ति विना माने नहीं जो कोटिक करिये ॥

दास कहावत कठिन है जो लोँ चित्त राग ।

परमानन्द प्रभु सांवरो पैयत बड़ भाग ॥

८

आवति भोर भये कुञ्ज वन ते कहुँ कहुँ अरुमे

कुसुम केशमें ।

रति रस रङ्ग भोनी सोहे सारी तन भोनी भूषण

अटपटे अङ्ग अङ्ग छवि देखियत सुदेशमें ॥

ओपमें ओप भई विरहज ताप गई शरत् चन्द्र

नहीं गणति लेशमें ।

चतुर्भुज प्रभु गिरिधर सङ्ग निशा जागो युवती

शिरोमणि घोष देशमें ॥

१०

मांग मलगुजी तिलक आधो अधर नि रङ्ग

आई सगसगाति ।

चपल नयन आलस्य हि बनावत भौंह भुजङ्गनि

लसलसाति ॥

मानके मृङ्गल खूटे चोली के बन्द टूटे घदनकी

ज्योति ककु अवर हि भांति ।

कुच नखरेखा बनी किलकत काम तनो मानहु

कनक घट माणिक्य कांति ॥

पलटि परे पट कहहु कहै ते बोलत बोल ककु

अटपटाति ।

केश कुसुम शशि पद नख पूजत चलत मधुर

गति डगमगाति ॥

सुरति समर जीत्यो मदन नृपति ते ताही ते अधिक

फुली अङ्ग न माति ।

कृष्णदास स्वामी लाल गोवर्धनधारी सङ्ग रति
विलास सुख भले वीती राति ॥

११

आई रति रण जीते भामिनी बांधी काळ कटितट
घट फेटक ।

रिभयो सकल कला गुण नागर कछु तेरे नयननि
मह चेटक ॥

मले नछत्र भले सयुण निमें सखी कमल नयन
सों ते बदी सहेटक ।

ऐसी कही अब हीं आवति हीं आपुन चलो जहां
वस हेटक ॥

डगमग चरण धरति धरणी तल गजमद तसत
निरखि गतिकी लटक ।

तसत भुजङ्ग निरखि शिर वेणो भूषण निरखि
तसत मणि हाटक ॥

मोहन लाल गोवर्धनधारी कर वर कमल गही
तुम्हारी लट ।

काम केलि शय्या पर नचई कृष्णदास प्रभु
सुरतिरङ्ग नट ॥

१२

याही गुणते सुन हो प्यारी तू मोहन गोपाल हि माई ।
सकल शृङ्गार साजि मृगनयनी अवसर भले वेगि
चलि आई ॥

लहंगा लाल भुमककी सारी पचरङ्ग शिर
ओढ़नी बनाई ।

नव रङ्ग उर तनसुखकी चोली कसुंभो वरण
प्रिय हेतु रंगाई ॥

मृगमद पत्र लिखि कुचयुग बिच कुसुमनि
माल अनुपम माई ।

उर कर शिरसि कनक मणि अलङ्कृत निरखत
रतिघति रह्यो लजाई ॥

कृष्णदास स्वामी सुखसागर तासों सखिन मा
अरुभाई ।

मोहन लाल गोवर्धनधारी अपनी जागि हसि
कण्ठ लगाई ॥

विलावल—चर्चरी

तू जू प्रीतसकी भावती लाल भावतो तेरो ।
मन ही मन मिलि रह्यो मोहि देखत कियो
रतिरण भैरो ॥

हिलग हृदय महंकी जानिये शुभग दूरते नेरो ।
कृष्णदासमि नाथ कैल गिरिघर पायो
रसिक सुख केरो ॥

२

अति रगमगी देखियत है प्यारी हसति वदति
आलस्य सों बोल ।

डगमगि चलति प्रकट दश हिमकर पद नख
पूजत चञ्चल लोल ॥

गौर अङ्ग महं अधिक बने सखि कदम्ब कुसुम
रङ्ग पीत निचोल ।

पलटि परे तेहं नहिं जाने रसमें मग्न मानो
मदन कलोल ॥

कृष्णदास स्वामी सङ्ग सजनी निशि भूली प्रिय
सुरति हिंदोल ।

मोहन लाल गोवर्धनधारी दे सर्वस्व तू लीन्हीं मोल ॥

कहां लो वरणों तेरे वदनकी ज्योति भलक ऊपर
वारों कोटि चन्द ।

अवण पाल ताटङ्ग सोहत मानो रवि शशि युगल
परे मन फन्द ॥

उधमा कहत न ब कमलकी नाक शुक मोहित
भौह लच्छन्द ।

खञ्जन भौत न भजत अलक अलि अति शोभन
लपट मकरन्द ॥

कृष्णदास प्रभु गोवर्धनधर अब मिले मैं देखे
दूटे कछुको बन्द ।

भिन्न सेतु विहरत तू करिणी अति नागर हरि
मत्त गवन्द ॥

शोभा वर्णि न जाई री माई जो मुख जीभ होइ
लख कोरी ।
नन्दरायकी अङ्गुरी लागी गिरिधर प्रिय बलरामकी
जोरी ॥

बड़े भाग देखे नौ तन भई जेतिक कङ्क ते ती
ते ती थोरी ।
कृष्णदास वलि वलि चरणनकी तनमन फूल
गावे नाचे होरी ॥

कञ्चन मणि मर्कत रस ओपो ।
नन्द सूनके सङ्गम मुख वर अधिक विराजत गोपी ॥
करति विधाता गिरिधर प्रिय हित सुरति ध्वजा
सुख रोपी ।

वदन कान्ति से सुनि री भामिति सघन चन्द्र
श्री लोपी ॥
प्राणनाथके चित्त चोरन को भौंह भुजङ्गनि कोपी ।
कृष्णदास स्वामी वश कोन्हें प्रेमपुञ्जकी चोपी ॥

कटितट सोहत है मणिदाम ।
पीत काळ पर अधिक विराजित न्याय लजावत काम ॥
कोहे न मोहन को चित्त मोहति चपल कुटिल
भ्रू वाम ।

अनुक्षण रटत वेणु कल कूजित शुनि राधि तव नाम ॥
तेरे नील पट ओटि रसिक वर लेत दिवसके याम ।
कृष्णदास प्रभु गोवर्द्धनधर शुभग सौमा अभिराम ॥

हैल कवीलो लाल रङ्गीलो देखहि किन कानन आई ।
रूपनिधान रसिक गिरिधर प्रिय हौं तोको लेन
पठाई ॥

सघन निकुञ्ज नवल चित्रसारी विविध लता
कुसुम नि छाई ।
पिक अलि सङ्ग करत कोलाहल मलय पवन
वहे सुखदाई ॥

रतिवति मृग बांध्यो खेलनके कमल पत्र ले
सेज बिछाई ।
कृष्णदास प्रभु सुरति सुधानिधि युवति सभा इह
कीर्ति गाई ॥

सावरे गोविन्द सङ्ग रङ्ग निशि जागी सोहे लोचन
उनींदे मानो वन्धुकाके फूल ।
सुनहि सुन्दर सुजान गोवर्द्धननाथ मिले सुरतिके
हिन्दोलना तें लीन्हों प्रेमभूल ॥
मदन कला अति रसाल सङ्गीत कला सुनि पुनि
रूपराशि ऐसी कौन तेरे सम तूल ।
कृष्णदास स्वामिनौ मनोज भेष राधिका वदन
ज्योति निरखि नभसि सघन चन्द्र भूल ॥

ए तेरे तन लागो प्यारे अङ्गकी ओप सो रङ्ग
शुनि सखि काहे को दुरावति ।
अपने सयान न गणति अवरको जैसे तैसे हमारे
तू नयन सुरावति ॥
बोलनहार तुहो युवतिनि महं मो सिन क्यों
बातन बीरावति ।
घरके भेद न जानति नागरि मनकी प्रीति आंखिनि
ससुभावति ॥
मोहन लाल गोवर्द्धनधारी सों रहसि मिली कोकिल
खर गावति ।
कृष्णदास प्रभु नटवर नायक रसिक शिरोमणि
सुविधि रिभावति ॥

ए मेरे मन भावत मदनगोपाल ।
हैल मनोहर हेम लता युवतिनि श्याम तमाल ॥
ए री शम्भु दग्ध मन्त्रथके अनुक्षण अबहि
करत प्रतिपाल ।
हन्दावन भुवि सुरति सुधानिधि कूजित वेणु रसाल ॥
कृष्णदास प्रभु रसिक शिरोमणि अम्बुज नयन विशाल
नव भूषण कुच विच धरि राख्यो गोवर्द्धनधर लाल

११

अरुणोदये आवति है रसमसो सुसुखि उरसि
 वर लचकत हार ।
 पीत काकनी कटितट बांधे तू हि मई मानी
 नन्दकुमार ॥

मीर चन्द्रिका सुकुट धरे शिर युवति भावको
 विगत विचार ।
 प्रियकी सुरली अपने अधर धरे कर कूजति सह
 लोचन अनुसार ॥
 तन्मय रसिक लाल गिरिधर सों देखति दश दिशि
 सुरति विहार ।

कृष्णदास प्रभु अपने रूपरस वश कियो सर्वश्व
 दान उदार ॥

१२

प्रियके प्रीतिको फूल जनावत रो तेरे नव लोचन चल ।
 अरुणोदय सरसीरुहको ओ जीतन चाहत अरुण
 तेज बल ॥

मिटत नहीं अभ्यास अधरको सुरति सेज कूजो
 सुकण्ठ कल ।

कृष्णदास प्रभु गिरिधर सङ्गम भोजि उरज विमल
 सुख अमजल ॥

१३

तेरे उर सोहत सुनि सुन्दरि प्रिय सङ्गमको
 अमजल बूंद ।

कुच ऊपर मञ्जरी विराजत मनहु अमृत घट
 दीन्हों रति मूंद ॥

सुख जंमात जीतति अम्बुज वन मोहति रसिक
 दशन कलि कूंद ।

कृष्णदास प्रभु गिरिधर रस मरि वश कियो मदन
 उगत पद खूंद ॥

१४

हरि भज भामिनि शुभग सयानी ।
 शरत् कालकी घटा सदृश तू कत गरजति अलसानी ॥

हों पठई नवरङ्ग राय पति साँचि अमृत मधुवानो ।
 विरह अनल सशङ्कित प्रीतम रसिक राय सुखदानो ॥
 दूत धर्म अति निपुण दूतिका सरल स्वभाव हि आनो ।
 कृष्णदास प्रभु गिरिधर प्रिय के अवकी करह
 लपटानी ॥

१५

तेरे चपल नयन युग खञ्जन ते नोके ।
 तापहरण अति विदित विश्व महं देखत शतदल
 लागत फीके ॥

श्याम श्वेत राते अनियारे गिरिधर कुंवर विशद
 सुख जीके ।

सुनि कृष्णदास सुरति कौतुक वश प्यारी दुलरावति
 अपने पीके ॥

१६

तेरे चरण की हों शरण ।
 राखो राखो दयाल भूर्ति रसिक गिरिवरधरण ॥
 काम क्रोध यदा दाह्यो कुविधि लाग्यो शरण ।
 कृपा दृष्टि जिवावन घनश्याम अम्बुज चरण ॥
 निरखि नखमणि ज्योति वैभव मुदित अन्तःकरण ।
 कृष्णदास नि तेरोई बल विरह जलनिधि तरण ॥

१७

अधरचन्द्र तिलक ओराधके कुङ्कुमको ता महं
 मृगमद रसविन्दु ।

मानहु श्याम मन लागि रह्यो श्यामसुन्दरको
 चिवुक मोहन श्याम विन्दु ।

सखिन ते दुराउ करत पीकत बिच कुच युगमहं
 अमजल विन्दु ।

कृष्णदास प्रभु गिरिधर जानो रीभि दियो चुम्बन
 सोहत पीक विन्दु ॥

१८

देखि रो नयननि गिरिवर धर ।
 सहचरी कहति द्वितीय सहचरी सों प्रेम मुदित
 प्यारी राधावर ॥

भूषण भूषित अङ्ग मनोहर वसन मनोहर कनक
कान्तिहर ।

चित्तवृत्त हरत विश्व युवति निके सर्वस्व देत उदार
कमलकर ॥

उपमा कहा कहीं को लायक वरणी कहा
किशोर वयसवर ।

सुरति अन्त लटकत व्रज आवत कृष्णदास षड् भाग्य
कल्पतर ॥

१९

राधा रङ्ग भरी नहिं बोलति ।
मोहन मदन गोपाल लाल सौ अपना यौवन
त लति ॥

चाहति मिलन प्राण प्यारे को मेरो इ मन ठक
टोलति ।

छांट हि बहुत चातुरी भामिनि कत हमसो भक
भोलति ॥

प्रात हीन लाग्यो सुनि सजनी अब ही तमचरी
बोलति ।

कृष्णदास प्रभु निरिवर धर हेतु सारङ्ग नयन
सलोलति ॥

२०

एक हि हाथ टेके ठाढ़ी दधि मथनिवां शीर्ष लिये ।
भगरति भरि बात कहति ढीठ भई दुजो कर
हरिमुख निपट निकट किये ॥

चलति फिरि चलति जाति नहिं चलि जानत
सतर भौंहे किये ।

कृष्णदास प्रभु तन भुकि स्पर्शति नयन और
बैन और हिये ॥

२१

चली जाति उत गेहको सुरि सुरि हरि देखति इत ।
कबहुं कैं इहि मिस ठाढ़ी हँ लावण्य हि सुधारति
कबहुं ओढ़ति अञ्जल बनाइ बनाइ टिम जित तित ॥

भूठैइ सोच सोच सोच रहति पुनि डगरति
अटपटामि ककु भूली सौ भ्रमित चित ।

कृष्णदास प्रभुके रूपगुण मन अरुभो ताते सुरभि
न सकति सकति अकति हित ॥

२२

काहे बांधति नाहिं न छूटे केश ।
शशिमुख पर घन धारा कूटी ककुक जु चलो उर देश ॥

अङ्ग अङ्ग यह शोभा कहा कहं निशि जागि आई
और ही बेश ।

कुम्भनदास अति ओपते ओप भई गोवर्द्धनधर
मिले व्रज युवति नरेश ॥

२३

मोतिन मांग विथुरी शशिमुख पर मानो नचत
आये करन पूजा ।

अञ्जल फरहरात उरपर कांधो कामध्वजा ॥
विरह राहुते कूटि सकल कला विमल भई देखत
सुखुजा ।

कुम्भनदास प्रभु गोवर्द्धनधर अधर सुधा कियो पान
कण्ठ मेलि उदार भुजा ॥

२४

तू तो आलस्य भरो देखियत है री रसी ।
रजनी चोरि ताते आंखिन लागी अरु अकेली

भामिनी कुञ्ज वसी ॥
घर विरोधते रूसी काहु जानो नवनको दिन
गति हीनसी ।

कुम्भनदास गिरिधरके कण्ठकी यह जानति हों
तैं तो गिरी पाई मोतिन माल लसी ॥

२५

अजब देखियत वदन डहडह्यो प्यारी रगमगी
नयन तरे रङ्गभरे ।

मानहु शरद कमल ऊपर उन्मद युगल खञ्जन लरे ॥
रसिक शिरोमणि लाल सुशीतल कमल कर उर धरे ।

कुम्भनदास कहि काहे न फूले गिरिधर प्रिय
सब दुःख हरे ॥

२६

काहेते आज विद्युरी प्यारी क्यों न बांधइ अलक ।
 भौह कमान नयन रतनारे मानो न लागी पलक ॥
 रतिरस सुखकी फूल जनावति मद गयन्दकी
 चाल मलक ।
 कुम्भनदास मिली गिरिधर को मानो कोटि चन्द्रकी
 भलक ॥

२७

जानो मैं आजु मिलो प्यारे सों ते अपनो भाषतो
 ही री कियो ।
 सकल रैन साथ रसरङ्ग खेलत पलक सों पलक न
 लागन दियो ॥
 कण्ठ लागि भुजा दे शिरहाने रसिक लालको
 अधर सुधारस पियो ।
 कुम्भनदास प्रभु गिरिवरधर को अङ्ग भरि भेंटि
 जुड़ायो हियो ॥

२८

रसमसे नयन तेरे निशाके उनींदि ।
 काहेको दुरति जू उलटो बात प्रात ही जो ध्वनी दे ॥
 वदन आलस्य में आलस्य की जंभाय वो अति
 अलसात वचन छोदे ।
 कुम्भनदास प्रभु गिरिधर मिले तो हि सकल
 अङ्ग सेवो दे ॥

२९

सखी री जिनि व सरोवर जाहि ।
 अपने रसको तजि चक्रवाकी विहुरि चलति
 मुख चाहि ॥
 सकुचत कमल अकाल पाइके अलि व्याकुल
 दुःख दाहि ।
 तेरे सहज आन यह सति इह अपराध कहि काहि ॥
 यह अद्भुत शशि रच्यो विधाता सरस रूप
 अनुसाहि ।
 कुम्भनदास प्रभु गिरिधर सागर देखत उमंगी ताहि ॥

२०

नन्दनन्दनके अङ्कते सुरली सुन्दर चतुर हरति ।
 नूपुर मुख मूदिके अङ्कन अङ्कन पग धरणि धरति ॥
 कनक वलय कङ्कण मुजानि युग उके पुकरति ।
 कुम्भनदास गिरिधरके मुद्रित नयन देखति चकित
 मन्द हास रस जागनते डरति ॥

— ० —

श्रीगणेशाय नमः ।

श्रीसरस्वत्यै नमः ।

श्रीगोपीजनवल्लभाय नमः ।

अथ ध्रुपदादि गान प्रारम्भः ।

देवीं सरस्वतीं नत्वा गणेशं प्रणमाम्यहं ।
 सङ्गैतरागकल्पद्रुम रागसागरप्रकाशितः ॥
 नीलाम्बरा वैष्टितमौरदेहां
 विम्बाधरां कुण्डलमण्डितायां ।
 श्रीकृष्णवक्त्राम्बुजदत्तनेत्रां
 भजामि रार्धा सकलार्थसिन्धुः ॥

भगवानुवाच—

नाहं वसामि वैकुण्ठे योगिनां हृदये न च ।
 भङ्गता यत्र गायन्ति तत्र तिष्ठामि नारद ॥

अथ नादमहिमा—

सुखनि सुखनिधानां दुःखितानां विनोदः
 अवणहृदयहारी मन्मथस्याग्रदूतः ।
 अतिचतुरः सुगम्यो वल्लभो कामिनीनां
 जयति जयति नादः पञ्चमस्योपवेदः ॥

अथ भैरवराजध्यान—

गङ्गाधरः शशिकलातिलकस्त्रिनेत्रः
 सर्पे विभूषिततनुः गजकृत्तिवासा ।
 भास्वत् त्रिशूलकर एष नृमुण्डधारी
 शुभ्राम्बरो जयति भैरव आदिरागः ॥

धैवतांस ग्रहन्त्यास क्वचित् गान्धार ईरितः ।
प्रथमा मूर्च्छना ज्ञेया भैरवे परिकीर्तिता ॥

भैरव—चीताला

सा रे रे ग म प ध नि सप्त स्वर मो मनसैं ऐसे आए ।
आरोही अवरोही सरगमकी ऐसे होत

नि ध प म ग रे सा ॥

पुनि द्विगुण कोच्ये ता ऐसे लौच्ये स्वरनकी तत्र
आवे सबनको मतिमें कण्ठ को सुधार ।

धानिसा निसारे सारिग रेगम गमप मपध पधनि
धनिसा सानिध निधप धपम पमग मगरे गरेसा ॥

दूसरा भाग

द्विगुण सरगम कियो विचार गुरुनपे सिखके
स्वरन को सुधार ।

सारिसा सारिगरेसा सारिगमगरेसा सारिगम पमगरेसा
सारे गम पध पम गरेसा सारे गम पधनि सा ॥

निध पम गरेसा नि ध प म ग रे सा धप मगरेसा ।
पमगरे सा मगरेसा रेसा सारिसा सारे गसा सारे
गमसा सारे गमपसा ॥

सारे गम प ध सा सारे गमपधनिसा सानि सानिधसा
सा नि धपसा सानिधप मगसा सानि धप मगरे सा ।
सा नि नि धनि नि धप सानि नि धप मग पमगरेसा
मग रेसा धुरपद मध्य सदा रङ्ग बनाई ॥

ग नि रे साग ममपनि नि पग सम्पूर्ण गुणियन
मिल गायो ।

सप्तस्वर तीन ग्राम कोमल अति लेहो नि नि नि
धधध पपप ममम गगरेसा ॥

गाग मगरेसा सामगा पनिध प म म प म गमगरेसा ।
मपधसा सा रे सा नि नि सा नि नि ध निनिसा
नि निध सासा निध निनि धप धधपम पपमग
मम गगरेसा ॥

सप्तसुर समपूर्ण में यों सरि गम विचारि सा सारे सा ।
रे रे रे गरेग गगमगम ममपम पपपध ध धध धनि
धनि निनि सानि सासा ॥

सानि सानिनिनि धनि धध धपध पप पमप मम म
गम गग गरे मरे ।

रे रे सारेसा सोई गुरुन मन मान अति डरे ॥

निरे सासा गम प ध सा राग भैरव भ्रमत
सङ्गीत गायो ।

मम पम मम पधसा सासारे सामगरेसा नि सानि
ध प नि नि नि धधध पपप ममम मगरे सा ध्यायो ॥

संपूर्ण सप्तस्वर इकईश मूर्च्छना गमधप मगरे
सानि ध सारे गसारे गम ध सानि ध प मगरे सा ।
गम धनि सा नि सा नि ध नि धप ससगसा गननि
ध प म ग रे सा ॥

४

जय सारदा भवानी भारती विद्या नाम वेद यश गावे ।
वाणी वाक् इडा देवी सरस्वती मन भावे ॥

मङ्गला ज्ञानरूपा वरणमालनो वीणा पुस्तकधारिणी
जे तोहे ध्यावे ।

कहे विलास तय ताप मिटे निर्बोध बोध होवे
वाञ्छित फल पावे ॥

५

महा वाक्वादिनो सम्मुख हृद्ये अब हृद्ये हो ।

याहि तें त्रिभुवन मानो याते तू मवानो ज्यों
ज्याके मनकी इच्छा सोई सोई पूजे हो ॥

रिद्धि सिद्धि तब ही पाइये मात जब तब चरण
कूजे हो ।

तानसेन यह प्रसाद मांगत जहां तहां चुरत फुरत
रसरङ्गकी तहां करतु जे हो ॥

६

चन्द्रवदनी मृगनयनी तारा मध्य तारका गङ्गपुतरी
कालिन्दी इह विधि डीरे बनाय कीर्हीं त्रिवेनी ।

कूटि पीत कण्ठ दोपक मुखकी ज्योति होत तामें
गुप्त सरस्वती मिली ऐन मेनी ॥

सुन्दर रूप अनुपम शोभा त्रिविध रजोगुण सतोगुण
तामस गुण राजत लाल श्वेत श्याम तरण तारणी
मुक्ति देनी ।
निर्घत ही आनन्द होत तव दर्श स्पशत ही
तेरो रूप अपरम्पार कहां लीं बखाने तानसेनी ॥

७

सरस्वती सुप्रसन्न ही मोको वाक्वानी ।
षड्ज ऋषभ गान्धार इन इन स्मरण साधे तब
रागरङ्ग गुरुप्रसाद आवत तानसानी ॥
रूपकी निधानी इन्द्राणी सिंहलानी महिषासुरमर्दनी
जगज्जननी गुणनिधानी ।
तानसेन मांगे तान ताल खर श्रीदुर्गे भवानी
कीजिये दया मोहे दीन जानी ॥

८

जो कोई ध्यावे सरस्वती चरण शरण को ताको
देत विद्या वाक्वानी ।
अर्थ धर्म काम मोक्ष चारो फल की दानी ॥
वाक्यवादिनी तू ही माता आदि ज्योति रूप निधानी
इन्द्राणी शिवानी मङ्गला ज्ञानरूपा सारदा वरदानी ।
तानसेन सेवक यह मांगे तान ताल राग रङ्ग दे
दया कर मोहे दीन जानी ॥

९

तू आदि भवानी जगजानी मानी सर्वाणी
सर्व कला दे विद्या वरदानी ।
अम्बे जगदम्बे असुर संहारणी तरण तारणी
तान ताल शुद्ध रागरङ्ग अक्षर देवानी ॥
सप्तस्वर तीन ग्राम इकईश मूर्च्छना उच्चाश कोटि
तिनके लक्षण सब जियमें आनी ।
वैजू बावरो रावरो सेवक यह मांगे मूर्तिमान
राग मेरे गरेमें समानी ॥

१०

जय सरस्वती गणेश महादेव शक्ति सूर्य सब देव
देहो मीय विद्यावर कण्ठ पाठ ।

भैरव मालकीष हिंगुल दौषक श्रीमिघ मूर्तिवन्त
हृदय रहे ठाठ ॥
सप्तस्वर तीन ग्राम इकईश मूर्च्छना बाईश सुर्त
उनच्चाश कोट ताल लाग डाट ।
गोपाल नायक हो सब लायक आहत अनाहत
शब्दसों ध्याओं नाद ईश्वर वसे मो घाट ॥

११

तुम ही गणपति देव बुद्धिदाता शीर्ष धरे गज शृण्ड ।
सिद्धेश्वर नाम तुम्हारो कहियत जे विद्याधर
तीन लोक मध्य सप्त द्वीप नव खण्ड ॥
जे जे ध्यावे ते ते फल पावे चन्दन लेप किये
भुजदण्ड ।
तानसेन तुमको नित्य सुमिरत सुर नर मुनि
गुह्य गन्धर्व भुण्ड ॥

१२

पूजो रे गणेशको गुनि ।
रिद्धि सिद्धिके दाता विघ्नहरण दुनि ॥
जिन ध्यायो तिन पायो मन इच्छा भनि ।
बखुशके प्रभुको ध्यावत सुर नर मुनि ॥

१३

लम्बादर गज-आनन गिरिजासुत गणेश एक रदन
प्रसन्न वदन अरुण वेश ।
गर नारि गुह्य गन्धर्व किन्नर यक्ष तुम्बर मिलि
ब्रह्मा विष्णु आर्ती पुजवत महेश ॥
अष्ट सिद्धि नवनिद्धि मूपक वाहन विद्यापति तुही
सुमरत तिनबो शेष ।
तानसेनके प्रभु तुमको ध्यावे अविघ्न-रूप
विनायक रूप स्वरूप आदेश ॥

१४

साधो विद्याधर गुणनिधान गुणदाता सरस्वती
माताको कर आदेश ।
नमोनमः रिद्धि सिद्धिके स्वामी सकल विद्या प्रवेश ॥

ज्यो इनकीं ध्यावे मन इच्छा फल पावे
दूर होत तनके क्लेश ।

तानसेन प्रभु तुम हीको ध्यावे ब्रह्मा विष्णु महेश ॥

१५

ए गणराज महाराज दे विद्या जगदीश ।

सप्त स्वरसों गाजं बजाजं सर्व राग रागिणी

पुत्रवधुन सहित कृतीश ॥

लेत बाईस सुरति इक्कीस मूर्च्छना उनघ्यास

कोटि तान आवे वैन ।

ताललय सङ्गीत मत सो सप्त ध्याय सो बुद्धि प्रकाश

होव तानसेन प्रथम कः राग तीस रागिणी ए ऐन ॥

१६

आगु नी शोस सप्तस्वर तीन ग्राम उरपति रप लाग

उठि भेश ।

अतीत अनाघात सम विषम लेश तानसेन तब

गुणी कहावे वरेश ॥

१७

प्रथम नाम गणेश को लेहे जा सुमरे होवे

सर्वसिद्ध काज ।

गौरीनन्दन जगवन्दन लम्बोदर नाम जपत सकल

सृष्ट सुर नर मुनि शेष राज ॥

विघ्नविनाशन सब दुःखनाशन मङ्गलदायक ढुण्डिराज ।

तानसेन तेरी सुति करे सब देवन सरताज ॥

१८

गौरीनन्दन सदा सुखदायक जय जय जय गुरु गणेश ।

कोटि विघ्न भञ्जन खण्डन सर्वदुःख शत्रु गञ्जन

जाके पिता महेश ॥

भक्ति मुक्ति अभय वर प्रसन्नवदस पूजे इन्द्रादि देव

औ दिनेश ।

महानाद सेन कहे मैं मांगत हूं तुमसो दीजे अनेक

सुख सम्पत्ति सुति कर थके फणीश ॥

१९

प्रथम मनाजं गणेश ।

गौरीनन्दन जगवन्दन लम्बोदर नाम जपत सकल

सृष्ट मुख शेष ॥

२०

प्रथम नाम गणेश को लीजिए जा सुमरे होए

सिद्धि काम ।

जय गिरिजानन्दन जगवन्दन लम्बोदर तोहि जपत

आवे रिद्धि सिद्धि होय सुख धाम ॥

अष्ट सिद्धि नव निद्धि पाये सुख विश्राम ।

कहे वैजू षावरो निशदिन सुमिरो नाद विद्या

प्राप्त होय लिए नाम ॥

२१

सुरारी त्रिभुवनपति इन्द्र ऐरावतपति शेष नाम हैं

फणपति ।

चीर उदधि सलिलपति कौसुभ मणि रत्न पति ॥

दिनकर दिनपति शशि उडगणपति हनूमान् बलपति

नारद भक्त पति सृष्टङ्ग साजन पति ।

चिर चिरञ्जीव रहो शा अकबर नरपति तानसेन

ताननपति ॥

२२

सङ्गत ससुद्र सों भेद उक्त युक्ति साधे वानी ।

प्रथम आकार भूमि साधे सप्तस्वर तीन ग्राम

स रि ग म ष ध नि कण्ठ वर्ण बनाए तानसानी ॥

२३

कर्तार तुमको कौनों सब लायक मेरो मुत्रिकल

कर दो आसान ।

जो तोहे तक आवे मन इच्छा फल पावे सब दान ॥

गुणियनको सुखदायी महाराज बहादुर गुणनिधान ।

राखत सब को मान सुन्दर सुजान ॥

२४

प्यारे पठरं कि धों तू आप हीते लागो री मनावन ।

प्राणेश्वरके सुखकी बतियां पै न होये री ही नौके

जानत जैसी तुमहो सिरी लागी बनावन ॥

या स्वरनको कान न कराहुं ॥

२५

अनन्त ब्रह्माण्ड नायक परब्रह्म श्रीश्रीधर महाराज ।
 कृपासिन्धु भक्तपाल सुखकर रख ले मेरी लाज ॥
 यह विनती कबूल कीजिए तुम जगत् शिरताज ।
 श्रीलक्ष्मीनारायण कार्य पूर्ण करो सरो आछे काज ॥

२६

जात न सोपे चलो सजनी री जाय कहो क्यों न
 आवे सवेरे ।
 कि धों उपाय तु हीं कर विग न पाय परे ॥
 कहु आगे को श्रीरो भांति भई उरकी अब और
 लखे रङ्ग डारत घनेरी ।
 काहे ते हो बड़ आए नितम्ब गई कटि काहे ते
 अब मेरी ॥

२७

महम्मद रसूल अल्लह कीन्हें तुम्हें जातपाक ।
 तुम जो रहे कादर की बन्दगी से मन बिच
 करम कर एक ही ताक ॥

२८

कीजिए कृपा सोपे दुगें भवानो दया करो
 जगज्जननि तेरे ही चरण लागी ।
 योगयोगेश्वरि भोग महेश्वरि जगत्तारणि
 तव नाम जपत मय मागी ॥

२९

चली चण्डमुण्ड भारवे को महाकाली कठिन कर
 सुख काली दरसत है ।
 भर भर घटे घट कलन टड़ावन दानव विडारत
 अट अट कह विहसत है ॥
 ओटे गज खाल गरे मुण्डन के माल नयन लाल हसे
 लाल जजमो लसत है ।
 महा विकराल देवी दैत्यनको काल ताको वदन
 विशाल जगी ज्वाला निकसत है ॥

३०

सर्वाणी सर्वकला माई सरस्वती सारदा
 श्यामसुन्दरी शूलहरणी ।

कुमदहरणी कामदायिनी काली कल्याणकरणी
 कुन्दरदनी ॥
 कमलवदनी क्रूरकन्दनी नित्य कारका चली
 काशोरानी कारिणी कालहरणी ।
 परमेश्वरी पार्वती परम पुण्य पावनी ॥
 परम्परा चण्डघापहरणी पावनी पृथुकरणी ।
 जगराज दास श्यामवरणी महाकाली तारण तरणी ॥

३१

सरस्वती आदिरूप नाद ब्रह्म वीणा बजावत ।
 मनावत पूर्ण गुणी मन इच्छा फल पावत ॥
 मणिको मन्दिर सोनेको कलसा जगमग ज्योति
 लागी धाता पग ध्यावत ।
 इडा देवी वाक्षाणी सारदा तानसेन की दीजे
 खरताल रानरङ्ग शुद्ध मुद्रा गावत ॥

३२

मोहन सृष्टिके आधार तन को अब राख
 लीजे गोपाल ।
 नयन प्राण सुख दीजे तनते दुःख दूर कीजे
 इतनी विनती मेरी शनि लीजे हाल ॥
 पतितपावन करुणासिन्धु दीन दुःखभञ्जन अनेक
 रूप लीलाधारी भक्तवत्सल युग युग भए कृपाल ।
 मदनमोहन मधुसूदन सुरारी गज सुदामा द्रौपदी
 सहायकारो तानसेन प्रभु भक्त प्रतिपाल ॥

३३

मो सों ज्यों अवध बढ गए सांभ किए आए भोर भए ।
 ऐसी की चतुर सुघर नारी जिन तुम्हें विरमाए
 ऐसे सुख दए ॥
 अधरन अञ्जन कङ्क पीक पलक लीक श्रीरन सो
 चित्त ही बहु भांतन सों लए ।
 शाहगके शाह आज वहां पाय धरो जहां कीन्हें
 नेह नए ॥

३४

तोको प्यारे पठई कि धों तू आपते आई मनावन ।

प्राणेश्वरके मुखकी बतियां ऐन होवे नारी हों नौके
जानत जैसी तू मोसो री लागी बनावन ॥
या मुख की अब कान न करहों अनमिल पियसो
कह्यो न परत तेरो भौहैं तनावन ।
कहा कहीं राजाराम सो तो सी री पठावे हमारे
गृह बनावन ॥

अथ हीली रङ्गिन गान प्रारम्भः

मङ्गलाचरणम्—

नमामि हृदये श्रेष्ठलोलाचीराब्धिशायिने ।
लक्ष्मीसहस्रलीलाभिषेव्यमानकलानिधे ॥
येषां श्रीमद्दयशोदासुतपदकमले नास्ति भक्तिर्नराणां ।
येषामाभीरकन्याप्रियगुणकथने नानुरक्तारसज्ञा ।
येषां श्रीकृष्णलीलालितपदकथास्वादरो नैव कर्णे
धिक् तान् धिक् तान् धिगीतान् कथयति नियतं
कीर्तनस्थो मृदङ्गः ॥

जन्मान्तरसहस्रेषु तपोध्यानसमाधिना ।
नराणां क्षोणपापानां कृष्णे मक्तिः प्रजायते ॥
मङ्गलं भगवान् विष्णुः मङ्गलं गरुडध्वजः ।
मङ्गलं पुण्डरीकाक्षः मङ्गलायतनो हरिः ॥
गोलोके गोकुले राधाकान्तो यहिभुजः स्वयं ।
वासुदेवगृहे साक्षात् चतुर्भुजः स्वयं हरिः ॥
ब्रह्मेति परमात्मेति कृष्णसु भगवान् स्वयं ।
परब्रह्म स्वयं ज्योतिः कुतस्तेजस्विना विना ॥
कृष्णिर्भूवाचकः शब्दः शिष्य निवृत्तिवाचकः ।
तयोरैक्यात् परब्रह्म कृष्ण इत्यभिधीयते ॥
वसन्ते वासन्ती कुसुमसुकुमारैरवयवै
भ्रमन्तो कान्तारि बहुविहितकृष्णानुशरणां ।
अमन्दं कन्दर्पं ज्वरजनित-चिन्ताकुलतया
बलहाधां राधां सरसमिदमुच्चे सहचरी ॥

अथ वसन्तध्यान—

धूताङ्कुरे नैव कृतावतंसो विचूर्णमानो ऽरुणनेत्रपद्मः ।
पीताम्बरो काञ्चनचारुदेहो वसन्तरागो युवतीप्रियस्र ॥

वसन्त—यत्

ललित-लवङ्गलता-परिशोलन-कोमल-मलय-समोरे ।
मधुकरनिकर-करम्बित-कोकिल-कूजित-कुञ्ज-कुटीरे ॥
विहरति हरिहर सरस-वसन्ते ।
नृत्यति युवतिजनेन समं सखि विरहिजनस्य दुरन्ते ॥
ध्रुव
उन्मद-मदन-मनोरथ-पथिक-वधूजन-जनित-विलापे ।
अलिकुल-सङ्कुल-कुसुमसमूह-निराकुल-वकुलकलापे ॥
मृगमद-सौरभ-रभस-वशंवद-नवदल-माल-तमाले ।
युवजन-हृदयविदारण-मनसिज-नखरुचि-किंशुक-जाले ॥
मदन-महोपति-कनकदण्ड-रुचि-केशर-कुसुम-विकाशे ।
मिलित-शिलीमुख-पाटलि-पटल-कृत-स्मर-तूण
विलासे ॥

विगलित-लज्जित-जगदवलोकन-तरुण-करुण-
कृतहासे ।
विरहि-निकन्तन-कुन्त-मुखाकृति-केतकि-दन्तुरितासे ॥
माधविका-परिमल-ललिते-नवमालिकयातिसुगन्धौ ।
सुनि मनसामपि मोहन-कारिणि तरुणकारण-बन्धौ ॥
स्फुरदतिमुक्त-लता-परिरम्भण-पुलकित-मुकुलित-चते ।
वृन्दावन-विपिने परिसर-परिगत-यमुना-जल-पूते ॥
श्रीजयदेव-भणितमिदमुदयति हरिचरण-
स्मृति-सारम् ।

सरस-वसन्त समय-वनवर्णनमनुगतमदन-विकारम् ॥

भैरवी—धमार-यत्

कान्ह ऐसा वंशी बजाई मोह लई नई नार ।
श्यामसे सैन कर रही है सन्मुख रीभर रही है
रिभवार ॥
ऊदे वर्णकी जो पहरि है चूनर अंगियाको रङ्ग
गुल अनार ।
दे अक्षर मुख ऊपर ठाढ़ी सोहत जरद किनार ॥

कान्ह जू कहा दोगी मोको देखी ऐसी नौकी नार ।
नख शिख ठोक चन्द्र जैसी मुख वाकी कुच मानो
जैसे अनार ॥

वयस की है थोरो उमङ्गकी है पूरो विष शिकरी
ज्यों कचनार ।
मतिको चातुर ज्यों परख की पारखी तुम हूँ सों
सरस सुनार ॥

ए रो मोसों होरी खेलन आये श्याम कुंवर नन्दलाल ।
अबोर गुलाल की भोरी भर भर डारत रङ्ग गुलाल ॥
केशर रङ्ग पिचकारी छिरकत डार प्रेमकी जाल ।
कृष्णानन्द रङ्गमें भौजोई फगुवा लए ब्रजवाल ॥

डारत केशर पिचकारी सखी मोये कुंवर कन्हैया ।
बाट घाट मोहे रोकत रुंधत कहा करुं मेरी दैया ॥
वन कुंजनमें कुच भुज टकटोरत सङ्ग ही लोम
खरे हैं चबैया ।
साज सकुच काङ्गकी न माने देङ्गो में नन्द दुहैया ॥

मोरं सइयां ले आए गवनवां री मैं तो खेली
होरी गर लाय लाय ।
बहुत रही बाबुल घर सजनौ अब पियके रङ्गभं
रङ्गी हूँ आय
गुण अवगुण सब माफ करे है कृष्णानन्द में
रहो हूँ समाय ॥

श्याम जू डार देखे हो धूमधाम होरी की ब्रजमें
मग चलन न पावे कौज नार ।
लरे भगरि मुख मीजि वरवश गारो गावे दे दे तार ॥
अबोर गुलाल लाल घुमड़नमें रही न काङ्गकी संभार ।
रसिक सनेह रस वश कर लई मोहन कृष्ण सुरार ॥

भली वैणु बजाई रावरे हीं कान्ह होरी धूम मचाई ।
सप्त स्वरन इकईश मूर्छना मधुर मधुर सुखदायी ॥
ढफ मृदङ्ग औ रवाब स्वरमण्डल सुरली तानन छाई ।
रसिक कैल रस वश कर डारो भैरवी गाय सुनाई ॥

बाबुल घर दुलहन बहुत रही अचपल हूँ
पिया पय धाय ।
बाबुल तेरो व्याह रच्यो है हरे हरे बांस मंगाय ॥
गुड़िया खेलीनी रहै ताकमें नहीं खेलनको दाय ।
सात सहेली में रहो अकेलो सइयांके देश चलि जाय ॥
गुण अवगुण ले चलो गहो शरण पिया पे जाय ।
श्रीकृष्णानन्द में रङ्ग गई दुलहन ब्रह्म में रहो समाय ॥

ऐसो ठीठ सांवरो रो गोरो कर धर लिपट रह्यो
वरजोरो ।
तक भुक भिभक रही मो मनमें सास ननदको
है मोहे चारो ॥
का करुं कित जाजं सखी री श्यामसुन्दर को लागो
मोहे तारो ।
सुन्दर श्याम मनोहर मूर्ति डारो रङ्ग मले सुख रोगो
कृष्णानन्द रङ्ग भरि सुरति फगुवा लेहो कृष्ण पे
किशोरो ॥

ककु कहो संभार मनमोहन लाल होरी खेलन
मो से आए हो ।
काङ्ग सों लपटत औ भटपत काङ्ग सों काङ्ग से
अङ्ग लगाए हो ॥
अतर अबोर अरगजा केशर पिचकारिन रङ्ग छाए हो ।
रसिक कैल अब मानत नाहीं होरी धूम मचाए हो ॥

मोरे बाबुलके घर आज सखी मोरे बाबुलके घर
आज पिया होरो खेलन आए लेके साज ।
लोक सकुच सब ही दूर डारुं खोल घुघट
पट तज हूँ लाज ॥
पांच पचीस लिए सङ्ग सखियां नानाविध ले समाज ।
श्रीकृष्णानन्द में रङ्ग रङ्गे हीं नेक न जाइ हीं भाज ॥

१२

मोरे बाबुल दौन्हों गवनवा मैं तो चलो हूँ सइयांके
नगर ।

आ मोरी गुइयां गरी लागो हमरे फेर के न होइ है
मिलनवा ॥

नैहरमें हम खेल गंवायो सासुर मए है चलनवा ।
पांच सहेली तामें अकेली सइयांको भयो है
अवनवा ॥

चार कहार मिल डालिया ले आवो कहां को
करो हो रवनवा ।

न्हाय धोय नए वस्त्र पहर कोशर तिलक चन्दनवा ॥
सज शृङ्गार दुलहन बन बैठी लाज सकुच उनमुनवा ।
बिदा करन कुटुम्ब सब आये नाज और बम्हनवा ॥
निरखत हो सब रह गये लोगवा नैनन नीर पुरनवा ।
अनृत चले ही बने अब होत कहा है काहूकी
वश न चलनवा ॥

अन्त बिदा हो चली है दुलहन पिय पिय लगी
रटनवा ।

कहे कबीर सुन रो दुलहन पियके धर ले चरणवा ॥

१३

कहु कह न गए समभाय मोरे राम यौवन
हमसे विदा मांगि ।

काहूके हाथ लिखूं ब्रज पाती काहुके हाथ सन्देश
मोरे राम ॥

आये वसन्त विरहके मांभ मैं पियके मिलन
अन्देश मोरे राम ।

एक वन ढूढ़ सकल वन ढूढ़ा करि योगनके भेष ॥
जबते गए पिया मए वहां होके फेर नहीं मिल्यो
प्राणेश ।

कृष्णानन्द में रङ्ग रह्यो हीं आय मिलो मोहै
नटवर वेश ॥

१४

मोरे नयनके ऊपर मारी सइयां पिचकारी ।

भर पिचकारी मुखपर मारी भीज गई तन सारो ॥
अबीर गुलाल ले रङ्ग में बोरी गावत दे दे तारो ।
कृष्णानन्द सों फगुवा लौन्हें तब छांडे वनवारो ॥

१५

इन मोहन वनवारो ने मोहे भीर ही आन जयाई ।
कह न सकत कहु लाजकी मारी नई नई प्रीति
लगाई ॥

अङ्ग कुवो जिनि बांह गहो मेरी हा हा करूं परूं पाई ।
हा हा सरक जा इस्क रङ्गीले देती मैं राम दुहाई ॥

१६

कोज मेरो कहा करेगो मैं तो पिया सङ्ग खेलों होरी ।
अपने अपने मन्दिरसे निकसो कोई सांवरी कोई गोरो ॥
पिया मेरो मैं पियकी सजनो पिय मांको रङ्गमें बोरी ।
कृष्णानन्द में रङ्ग गई हीं फगुवा ले हीं बहोरी ॥

१७

अजी तुम सांची कहो होरी खेल कहां आए ।
अधरन अञ्जन पीक कपोलन भाल महावर लाए ॥
डगमगात्र पग धरत धरणी मैं तीन तिलक कहां पाए ।
रसिक छैल भ्रमर घर घरके वैन तिया विलमाए ॥

१८

कैसे समभाजं कान्ह यौवन कहा मानत नाहीं ।
उमंगी यौवन ज्यां आवण भादों देती मैं राम दुहाई
अब के पिया मिल ले हमसे करो हो मेरी सहाई ॥

१९

हम से आंख छिपाए जात गौरी तेरो फौल
रहो कजरा ।

नासर पिया सों मिल आई सजनो टूट गई दुलरो
तिलरी मजरा ॥

२०

मोरी चटक चुनरिया रङ्गाव सइयां तो से ता खेलों ।
सालू सरस कुसुमकी अंगिया मैं अपने रङ्ग में रलों ॥

२१

मोरे सइयां ने कौन्हों अवनवा मैं ते खेलूंगो होरी
पोकी नगर ।

पांच पचीस लेहोँ सङ्ग सखियां अबीर गुलाल ले
अङ्ग रङ्गी हूँ सगर ॥

२२

काहे मार गए पिचकारी मोरे श्याम सुरङ्ग
चुनरिया में दाग परो ।
रपट भपट लपट गह्री बहियां नयन सैन दे
आय अरो ॥

२३

आवो बलमजी हमारे डेरे अबीर गुलाल मलों
मुख तेरे होरीके दिनन में ना कर भेरे ।
महम्मद शा पिया चतुर रङ्गीले दूर वसो या वसो
मेरे नरे ॥

२४

कान्ह जो आवेंगे मेरे होरी खेलनको देखूंगी मैं बड़े
खेलार ।
फगुवा लूंगी तब जान दूंगी रधिक हेल रिभवार ॥

२५

आज रङ्ग है रो ब्रज रङ्ग है लिये ग्वाल सखा
सब सङ्ग है ।
रङ्ग ही रङ्ग चहुँ ओर सखी रो फागु खेलनमें
उमङ्ग है ॥

रङ्गमहल ओ रङ्ग ही मजलिस रङ्ग वसन
कृष्ण रङ्ग है ।
रङ्ग सुरङ्ग पिचकारी रङ्ग ले बाजत मधुर मृदङ्ग है ॥

२६

रे होरी खेलनको प्यारी आवो नो हमार गली ।
अबीर गुलाल उड़ावो मनमान्यो फूली गुलाब की
कली ॥
अतर अरगजा पिचकारी केशर ले घूँघट ओट चली ।
प्यारे जियकी प्यारी वल्लभ गावत होरी अली ॥

२७

होरी खेलनको कैसे जाजं रे प्रिय मुखसो न
बोलै एक वार ।

हौँ अजान ककु जानत नाहीं परम चतुर प्रिय
सब गुणन भरे हैं श्रीकृष्ण रङ्ग कर्तार ॥

२८

जिन भिजवो कृष्ण सुरारी कर गहे पकरत
जात नार ।
लपट भपट बरजोरी करत है गावत दे दे तार ॥

२९

ए हो निपट ढीठ गिरिधारी लाल मोहै रङ्ग
हीमें बोरे रो ।
अबीर गुलाल मलत मुख मेरे हियसो हियजोरे रो ॥

३०

कवि तोरी मोहै प्यारी लगत है कहां लगाए
गुलाल लाल ।
सुन्दर कवि देख मन अटक्यो वंशो बजावत नन्दलाल
खेलन आए बनवारी लाल ॥

३१

लङ्गर माती फागुनमें एक ओर भीर भई गोपिनकी
एक ओर ग्वालके बाल ।
चहुँ ओरते मारत पिचकारी भीजी अतर गुलाल ॥

३२

अलबेले वारे कान्ह लाल तेरी मुरली
अधिक सोहावे ।
नयन प्राण सब तेरे ही वशमें जो मन रङ्ग बन आवे ॥
मधुर मधुर स्वर अधरन धर हरि रस भरी
ताम सुनावे ।

सुन्दर श्याम मनोहर मूर्ति बार बार वलि जावे ॥

३३

सखी मोरे अंगियामें अबीर मली रो ।
बहियां मरोरी चुरियां फोरी ऐसो रङ्ग करो रो ॥

३४

जागे मेरे भाग्य मैं तो तुम सङ्ग खेलूँ होरी ।
रसके कारण वश कर लोन्हीं कम्पन लागो छातो मारो
अपने प्रियसे मैं होरी खेलाँ घास ननदकी चोरी ॥

२५

सांवरे रसिया अनिक खेल कहां शीखे वेणु बजाय ।
तानन माननसो वश कीन्हों जादू साज सजाय ॥

२६

नयन विरहिया तेरे प्रियारे रङ्ग रस वश कर लीन्हों
जिया रे ।

बांक बख्श कहे जादू डारो सुन्दर श्याम मेरी
सूरत विसारे ॥

२७

अलबेली भई मदमाती सइयां पै रङ्ग डारोंगी ।
चोवा चन्दन अतर परगजा मुख मींङके बदला
लेओंगी ॥

२८

ए रो मैं तो बार बार नित्य नई होरी खेलन
प्रिय पैठाई ।

अम्बा बीरे टेसू फूले और फले जाही जुही ॥

२९

मैं तो डारुंगी रङ्ग गुलाल लाल सइयां मेरे आए ।
मैं तो भर भर केशर पिचकारी पियपे नाए ॥
अन्य भाग्य सुहाग है आए श्याम दर्शाए ।
मैं तो सीती थी रङ्गमङ्गलमें सुख नौंद लगाए ॥
अब मैं तो पड़ी हूँ अचानक जाग पिया मेरे धाए ।
इन विरहने खायो मांस हाड़ भयो साये ॥
अब मैं हाड़ लै के कित जाऊं सइयां मोहे चाहै ।
इन अंसुवनकी बड़ी बूंद धरणीमें पड़त है
मेरो जरत हियरा बुभाय सइयां मोहे चाहै ॥
साभीषमालीकी प्रीति पुरानो नित्य नई ।
अब मेरो दिन दिन बढ़त सुहाग सइयां मोरे
आए मैं तो डारुंगी रङ्ग० ॥

भैरवी—खेमटा

छि छि हारिले श्याम राधार काहे पारिले ना राधाय ।
जिनिलेन किशोरी होरी काज किये खेलाय ॥
जित्वा बोले कुञ्जे एले बसले प्रतिभाय ।
दिये खेलाय भङ्ग है त्रिभङ्ग धरले राधार पाय ॥

३

यदि खेलवे होरी बंशीधारी श्याम निकुञ्जे चल ।
राजपथेर मामि मरि लाजे ननदी कि बलवे बल
श्यामल ॥

३

सोइ केमने आनवो जल केमने सुख वांचाय ।
हाथे लिये पिचकारी आवोर खेलाय ॥
मत्त गज जिनि गति हेरि श्यामराय ।
हृदय कांपिछे पद भये नयन नाचाय ॥
आमार रूप आमार हैल जञ्जालेर प्राय ।
ब्रजवासी कुञ्जे आसि होरी खेलवे गांवो घासी,
कड़ाइचे कुङ्कुम आवोर खेलाय गुलाल उड़ाय ॥

४

यमुनाते नीरे याइते ना पारी पथे
मत्त होइये फिरे बङ्गविहारी ।
एके मोरा गोपवाला नाहि जानि होरी खेला
तबु नाहि छाड़े काला देय रङ्ग भारी ॥

५

भोर ही आयि मेरे गृह लाल होरी खेलन को
मदनगोपाल ।
लाल गुलाल मैं लाल बने हैं लाली लाल बने हैं
लाल ॥

६

होरी दे ख्याल बिचो दिल साड़ा अटका ।
सांवरे देलल साड़ा दिल सटका ॥
मनमोहन सोहन गवरू रङ्ग डारत असाड़ा चीर
भटका ।
अलबेली पाग सलोनी अंगिया जरकशी जामा
कटि तट पटुका ॥
लाल गुलाल ले गालां मलदा अजब खेल है नागर
नटका ।
रसिक छेल वृन्दावन कुञ्जन में लगा रहत ध्यान
निशा दिन घटका ॥

सखी मेरे श्यामने धूम मचाई ।
या आंगनमें कीज निकस न पावे पिचकारीम
रङ्ग छाई ॥

जन मींजो अनार गुलाबो कर लाई कुन्हाई
जात नार ।
फूलसो होत है चतुर नार काह जाने नाजूक
नरकी सार ॥

तोरो गारो मोहे प्यारी लगतु है निकस गई सुन्दर
मुख ते ।
चन्द्रमुखी मृगलोचनी कामिनी ऐसे दीप्त चन्द्रकी
भलकते ॥

सन्तो खेलो होरी समाज जगमें माच रही है धमार ।
दम्भ कपट लिए करमें डफ और रबावों कर दे तार ॥
पांच पचीस लिए सङ्ग अबला हंसि हंसि मिलि,
गावत, गार ।
ज्ञानकी रङ्ग ध्यान पिचकारी हंस हंस नाम रङ्ग
दो डार

कहे कबीर शूनो भाई साधो जगमें खेलो संभार ॥

११

नागर है के आप रूप है रो ।
हारी या नु हारो तरे मोको ये माना चूरी ॥
चोखे देह कागू पुन कारे राग नारी पाइये बरजोरी ।
को रे इह निवेदम फेरि देवा मानक जो नाहीं
ए मत होरी ॥

१२

फगुवा मांगन आयो री मेरी बारी कान्ह मोसे ।
अबीर गुलाल केशर रङ्ग ले के उमड़ धुमड़ रङ्ग
छायो ॥
ग्वाल बाल सब सखा सङ्ग ले होरी राग जमायो ।
कृष्णानन्द में रङ्ग रङ्गे हैं फगुवा लयो मन मायो ॥

१३

रङ्ग मर दीन्हों वसन हमारे रे सांवरे हो कान ।
श्रीचक आय भकभोरी मइको लपक भपक गही
छाड़ दई कुलकान ॥

१४

कान्ह ऐसे अनोखे खेलारो वनवारी ने रङ्ग डार
दई पिचकारी ।
सालू सुरङ्ग कुसुभी अंगिया भोज गई रङ्ग सारी ॥

१५

मस्तो कागुनकी कीजिए ज्यों चाल चलत गज हस्ती ।
गुलाब अतर चोवा चन्दन मुख मलि जाने न पावे
मार दूर खिस्ती ॥

१६

बरज्यो माने नहीं न नार होरी खेलत सब हार हार ।
बाजत बोन मृदङ्ग भांभ डफ और साज कटो तार
दे दे तार गार गावत है रहो नहीं काहु संभार
डफकी ध्वनि धुंकार ॥

१७

मोपे मोहन मदनगोपाल दए रङ्ग डार ।
नख शिख अङ्ग रङ्गमें बोरी मारि केशर पिचकार ॥

१८

मोरे नयनके मार चला पिचकारी ।
भर पिचकारी मोरे मुख पर मारी
मौज गई तन सारी ॥

१९

सखि मेरे यौवन धूम मचाई ।
जो कोउ पकरत बांह लोगनमें देति मैं रामदुहाई ॥

२०

पिया मोको सुरख चुनरिया रङ्गा दे ।
चोवा चन्दन और अरगजो केशर रङ्ग भरा दे ॥

२१

होरी खेलत ताहे आवत लाज काहेको प्रीति लगावत ।
एक तो रहो करहैयाकी पातर उंमगे जीवनवां
सतावत ॥

२२

ता दिन रङ्ग भये हँ जा दिन प्रियको मैं देखन पैहँ ।
योगिनी होके मैं वन वन डोलूँ अङ्ग विभूति रमै हँ ॥
बालकी गलसेली बने हँ लपक भपक गर लै हँ ।
प्रिय मोरा मैं प्रियकी सजनी प्रिय पर जियरा रमै हँ ॥

२३

सखी नयनसे नयन मिलाय रह्यो सैन में फागुवा
मनाय रह्यो ।
ताशिकी अंगिया जालीकी कुरती छतियनसीं छतिया
छुड़ाय रह्यो ॥

२४

अलबेली अकेली प्रियसीं खेले होरी रे वृन्दावनकी
कुञ्जगली ।
सालू सरस कुसुम्भी अंगिया और रङ्गमें रली मली ॥

सिन्धु-भैरवी-वत्

होरी खेले यौवन मदमाती इन सांवरेने वेणु बजाई ।
व्रजकी सखी सब दूर निकस गई गोकुल धूम मचाई
राधा कृष्णणी और सत्यभामा कुञ्जा खेल खेलाई ॥

२

मैं तो आप ही रङ्ग में बोरी कन्हैया मोपे रङ्ग न
डारो ।
व्रजकी सखी सब बन बन आई हम ही पे रङ्ग मारो ॥
मर पिचकारी मुख पर मारी मौज गई रङ्ग सारी ।
बरज रह्यो बरजो नहीं माने ऐसे ढीठ वनवारी
रसिक खेल व्रज कुञ्जविहारी हा हा कर मैं हारी ॥

३

जात कहां हो आज होरी जान न पाय ।
सासके तीर खेल नहीं माने गारी देत बनाय
खैचत चौर श्याम नहीं मानत मुरली देहे बजाय ॥

४

बीरी प्रियको मनाय ले फागुनके दिन चार ।
रूप यौवनकी गुमान न करिए बीती जात बहार ॥
प्रिय चातुर तू निपट अनारी प्रिय चरणन चित्त धार ।
कृष्णानन्द मैं रङ्ग री सुहागन लोक लाज तज डार ॥

५

मेरो हरवा चुभि चुभि जाय होरी मैं ना
खेलूँ गी फाग ।
अञ्जल पकर मेरो सब रस लीन्हों नेक न आई लाग
नासर पिया सीं होरी खेलों घर घर तेरो माग ॥

६

कान्ह मैं खेलीं तोसीं फाग मोरे गरवा लग लग जाय ।
बहियां मरोरत कुच मुख मीड़त नयनसे नयन
मिलाय ॥

७

सखी मैं कैसे खेलूँ होरी मोरे नयन वा
लग लग जाय ।
मनमोहन मन रस वश कर लीन्हों मेरे मनवाने
पग पग जाय ॥

८

पिचकारो मो पर मारी लली घेर घेर बोरत सारी ।
अपने री अपने मन्दिर से निकसी कोई सांवरी
कोई गोरी ॥

९

कौनके व्रजकी इजारदार मेरी अंगिया कर
दीन्हों तार तार ।
मेरो ही रङ्ग मेरी पिचकारी मोहे भिजावत
बार बार ॥

१०

चित्त फागुन गावत गारी मगवत भजन विसार
विसारी ।
ही ही करत हलाक दिवस निशि घर घर फिरत
है रतनारी ॥
नाचत गावत ताल बजावत तरह तरह के वेश
सुधारी ।
अशुभ अनेक बनाय विविध विधि मुखसे कहि
सपेति डारी ॥
ले ले धूरि उड़ावत धावत मदमाती नहीं टारत
ते टारी ।

नग्न गात्र नहिं होश वसन के हंसत हसावत
लागन गारो ॥

देखत लाखन पुरजन रिपुजन मागत फागुन
हा तपसो चोरो करि जनको तन डारत छाती पीटत
होरो जारो ।

लक्ष्मीपति नहीं मिले लाभ ककु नाहक हो नर
मरे कुचारी ॥

मुलतानी-भैरवी—पशुतो

होरो बा महरू आमद वक्त बहार आमद ।
मे पा शम्बर आरजे खूबा अतर अबीर गुलालरा ॥
रङ्ग आमेज बखूबी करदम् ये गुले रुखे लालरा ।
अज मए नाब बरामदे के मौसमे अजब
किनार आमद ॥

२

तुमने ए गुलसन चमन मचाई होरो ।
गुल तो सब खार हुये तेरो बन आई होरो ॥
अब गुलाल उठता है और रङ्गकी पड़ती फुहार
जिस तरफ देखते हैं अबरसी छाई होरो ।

कुङ्कुमाबाजो है और खेल है मस्त मग्न
प्यारे क्या खूब तेरे दिलको खुश आई होरो ॥

यह मजे हमने जो देखे प्यारे के यहाँ आकर
खूब सा खुश हुवा दिल आई क्या भाई होरो ।
बुलबुल चहचहे करे कुमरियां मस्त फिरे

फूल फल भूम रहे हाय क्या आई होरो ।

सिन्धु-भैरवी—पशुतो

आया फागुनका मचीना होरो सब गाय रहे ।
कोई वीण और कोई चङ्ग मटङ्ग बजाय रहे ॥
कोई कुङ्कुमा उड़े गुलाल घुमड़ उड़ाय रहे ।
कोई नाच नाच सङ्गोत भाव देखाय रहे

इश्क, रङ्ग में रङ्ग के होरो धूम मचाय रहे ॥

सिन्धु-भैरवी—यत्

लाल तेरे वलिहारी प्यारो मान न कीज ।
शेष विहाय धाय हिय सों लग अधर सुधारस पीज ॥

मौज सरोज मरे हरि हा हियरा हियरा धर लीज ।
भाग्यन सों फाल्गुन प्रिय पायो जन रामलला
सुख दीज ॥

२

बीरो मान न कर री तेरे यौवन की नवल बहार ।
यह यौवन तरुवर की छैयां रङ्गत नहीं दिन चार ॥
भाग्यन से फाल्गुन प्रिय पायो तन मन कर वलिहार ।
प्रिय चतुर तू निपट अयानी लाज सकुच तज डार ॥

३

प्रिय विदेश मैं तो भई हं बावरो का सङ्ग
खेलों मैं होरो ।
निशिदिन तरफत बोतत जात है कारो भई
रङ्ग गोरो ॥

४

रे मोरे होरो के खेलैया रङ्ग भरि मारो पिचकारी ।
अबीर गुलाल कुङ्कुमा भारत हमदम मैं तुमपे
वारो ॥

५

गोरो कुञ्ज भवन में हरि सङ्ग खेलो फाग ।
धन्य यौवन गुण तेरो तरुणता धन्य धन्य तेरो सुहाग ॥

६

गोरो मनमोहन ते काहे करत हो मान ।
भाग्यनसे फाल्गुन प्रिय पायो ऐसे सुन्दर नवल वर
कान ॥

७

गोरो सोच समझ तू का पर करत गुमान ।
यह संसार कीज नहीं तेरो शरण गहो हरि आन ॥

सिन्धु-जङ्गला भैरवी—तिलाला

सांवरा साड़ा भोज गई रङ्ग चोलियां मानू क्यों
भारदा पिचकारियां ।

नागर नन्द महरदा वे छेला तू अलबेला रङ्ग रङ्गीला
मैं मो अकेलो तू भी अकेला मैं तड़े नाल राजी होइयां ॥

२
रे में ता भौचक हो रही पिचकारिन काहे को मारी
भर पिचकारो मुखपर मारी भोज गई तन सारी ॥

३
रे दयो मारे पिचकारिन काहे को मारी ।
रंग पिचकारो मुख कुच मारी भोज गई तन सारी ॥
तेने सारी सारी भिजाई देया कुञ्जभवन गिरिधारी
लाल ।

अतर गुलाल कुच मुख मीजत गावत है दे दे कर
ताल ॥

४
छेलने डारो गुलाल री में तो सगरी भोज गई आज ।
चोवा रे चन्दन और अरगजा मारो पिचकारी
ब्रजराज ॥

५
हरे हरे हरि हरे हरे हीरो हर हरे बेर मेरे घरे खरे ।
हरि हरि हेर हेर हरत कहरत मन बेर बेर
रङ्ग भरे ॥

हरे हरे वसन आभूषण हरे हरे हरि हरि मित
सब हरे हरे ।
हरि हरि बोलत सब कुञ्जन हो ही हो ही बोलत
ररे ॥

६
धन्य भाग्य सद्ग्यां सङ्ग सोई चूक परि जाते प्रिय
बिकुरे योग नेम धन्य रे ई भ्रमत फिरत द्वार दशो
दिशा उरन देवे कोई कोई ।

प्रिय सङ्ग न जाऊंगी यह कुसाज विन धोए
जाके पिया जग मांभ सराहे सोई सोहागन
होई होई ॥

जिन नहीं प्रीति करी सद्ग्यां सङ्ग विषय वीज ले बोई ।
निशदिन लहर देत उर भीतर मन्त्र न लागे
कोई कोई ॥

गावे गूदर यह प्रीति पुरानी उदित रहे नहीं गोई ।
को हरिका गुण मावत सराह रे पिसल तिन पोई पोई ॥

सजनो अज हूँ न आयो प्रिय मेरा ।

एक विरह जैसे सेज दीपक नाहीं अधेरा ॥
को ऐसे बिच प्रिय को मिलावे सारी जहां बिच हेरा ।
यौगिनी होके डारू फेरा ॥

आत पड़ी विरहके सागर विषय पान न बेरा ।
विन प्रिय को मोहे पार उतारे प्राण जीवन धन मेरा
अब रे लहर भावत बहु बेरा ॥
अवध निखरानी प्रिय नहीं आए आगम होत अन्धेरा ।
गावे गूदर मोहे शपथ सद्ग्यांको काम कटक दल
घेरा अब रे जगत् दो दिनका वसेरा ॥

जो कोई राम ररे सोई जाने ।

जे जे भजे सो सुरपुर गएज नरज भक्ति सयाने ॥
ताकी महिमा क्या कहिवे को सागर दुहु सकुचाने
अजी सागर दुहु सकुचाने ॥
प्रिय मिलवे को सहज भाव है सहज दोनता वानी ।
जाके जप तप मान महीये वेदहु कहत बखानो ॥
जाकी गति मति ऐसी आवत है तबे भाग कहु जानी ।
गावे गूदर जब गुरुकी दया तब भी लगे अरु ध्यानो ॥

७
पिया मनमोहन मेरे प्यारे ने सखी भार ही
हीरो मचाई ।

अबीर गुलाल कुङ्कुमा केशर सारी सुरङ्ग भिजाई ॥
लपट भूषणके बहियां यह पकरो हरि हंस
कण्ठ लगाई ।

सुन्दर श्याम कमलदल लोचन चित्त मेरो लियो
चौराई ॥

बाजत बंशी अधर मधुर स्वर रसभरी तान शुनाई ।
कृष्ण रसिक रङ्गभीने रङ्ग में हीरो धूम मचाई ॥

१०
हीरोके रङ्ग माते आए कौन त्रिया सारी रैन खेलाए ।
लाल गुलाल सो लाल बने हो बोलत वचन प्यारे
तोतराए ॥

मोतियन हार चुभे हैं उर में अबीर अरगजा
गाल लगाए ।
भर पिचकारो भोहे मारो बागे अङ्गके सब ही रङ्गाए
कृष्ण रसिक प्यारे वहीं सिधारो जिन कुच भुज
सो तन लिपटाए ॥

११

साची कहो हमसे पिय प्यारे आज होरो रङ्ग
कहां मचाए ।
अबीर गुलाल कुङ्कुमा केशर कौन तिया सो
मुख हि मलाए ॥

अधर अञ्जन भाल महावर बोलत वचन सइयां
तोतराए ।
होरोमें वनवारो तिहारो कोरो किशोरो जेने रैन
जगाए ॥

हमसो अवध बढ अनूत विलाम रहे भोर भए तब
वदन देखाए ।
सूरश्याम तुम वहीं सिधारो को पहिंचानत
काके आए ॥

१२

सइयां होरो खोलो ताहीं जहां सारो रैन गंवाई ।
कौन नवल तिया तुम्हे रङ्ग रङ्गे रस वश कर
विरमाई ॥

१३

मेरे नयनके ऊपर मारो सइयां पिचकारो ।
भर पिचकारो मोरे मुखपर मारो अंगिया भोज
गई सारो ॥
वरज रहो वरजो नहीं मानत हा हा कर कर हारो ।
रसिक कृष्ण रस वश कर डारो बार बार वलिहारो ॥

१४

कोई मेरा कारे करे गो मैं तो पिय सङ्ग
खेलूंगी होरो ।
अघने रो अपने मन्दिरसे निकसी कोई सांवरी
कोई गोरी ॥

भैरवी—तिताला

सुन्दर मनमोहन प्यारे नन्ददुलारे होरो खेलन
आए मेरे धाम ।
कौन नवल तिया तुम्हे खेलाए रङ्गाए जगाए
चारो याम ॥
अधरन अञ्जन पीक कपोलन जावक तिलक लगाए ।
अबीर गलाल मुखसे लपटाए तीन तिलक
सूर प्रभु कहां पाए ॥

भैरवी—यत्

होरो खेल कहांति आए कौन तिया सारो रैच जगाए ।
अबीर गुलाल लाल मुख लागि रोरो अधिक सुहाए ॥
जागे पागे अनुरागी श्याम जू होरो रङ्ग रङ्गाए ।
सूरश्याम सांची कहो मोसे तीन तिलक कहां घाए ॥

भैरवी—तिताला

पिचकारो मारो वनवारो रे बिगारो है सारो
हमारी रे
बहियां मरोर डारो मुखसे दई गारो हा हा हा
कर हारो रे ॥
सङ्गकी सखी सारो देखे निहारो गावत सभो
दे दे तारो ।
अबीर गुलाल मुखमें मल डारो फाग रच्यो अति ही
हरि भारो
ब्रजको नारो रस वश कर डारो छाड़ो सूरश्याम
तेरे जाऊ वलिहारो ॥

२

भैरवी उदय आए हरि मेरे सांभके वचन कहां गए
तेरे होरो में कहां रङ्गे रे ।
लाल गुलाल लाल ललित लखि लीला लाली ले
लालन लिये संगरे ॥
काके केलि किये कौनके काङ्गकी कान करो
विभङ्गे रे ।

रस वश कर लिए सूरके प्रभुको भगुवा लोन्हें कौन
रङ्ग पगे रे ॥

भैरवी—यत्

मोरे प्रियके घौवन वा ढरकि जात ए हो कासे
कहं मैं जियको बात ।

सूनी सेज प्रीतम नहीं देखो ता पर विरह
लायो घात ॥

सख सपने की सम्पत् सजनी नयन खुले नहीं
आवे हाथ ।

गावे गूदर मोहे चैन न पावे जबत प्रिय भेरो
विछड़ो साथ ॥

काफी—भैरवी—यत्

मोरे प्रियके जोवन वा करत जोर ए रो ए हो सूनी
सेज मैं करत शोर ।

ताशकी अङ्गिया मसकन लागी उसग आए दोज
बन्दको तोर ॥

ए तो वीबन सइयां का खेलोना कहां छिपाजं
अङ्गके चोर ।

सारी अवध मोहे बैठ गंवाई तरप तरप जिय
भयो हु भोर ॥

योगिनी होके मैं भस्म चढ़ाजं प्रियको मैं दूढूं
कौन ओर ।

गावे गूदर प्रीतम वश नाहीं जन्म गंवायो कहीं
मोर मोर ॥

भैरवी—यत्

हमसे कहा छिपावे छिनरिया तोरी भोज गई
सब सारी ।

कर्म करावत नवन दुरावत सेन लगावत मारी ॥
वसन भूषण तरे कहंके कहं देखे रङ्ग परे

तोपे भारी ।

हों लो गई थी खेलनको अचपल अबके फाल्गुन
तोरी बारी ॥

सिन्धु-भैरवी—यत्

चलो प्यारी होरोके मौसमको बहार रो ।
तोसे खेलों फाग चलके फगुवा ले हों मन भाए
वाही सुमनके बाग रो ॥

पौल-भैरवी—यत्

होरो खेलन सइयां अजहं न आए वोती जात
बहार रो ।

तुम विन लाल गुलाल अंधेरो बनी अंसुअनकी
पिचकार रो ॥

भैरवी—यत्

अनी मैड़ा सांवलिया यानी होरी खेले उसी दे नाल ।
सांवली सूरत माधुरो मूरत करदा होरो दा ख्याल ॥

२

सूरत दा मतवाला मैड़ा होरी खेलन
योगीया यानी ।

कानन कुण्डल गल बिच सेली अलख अलख
बुलायानी ॥

अमानो एक योगी आया लाल दुशाले वाला ।
भिच्चा दे दी लैदा नाहीं सूरत दा मतवाला ॥
बाग लगाया बगीचा लगाया बीच लगाई क्यारी ।
उस क्यारी में क्या क्या बोया इशक महोबत यारी ॥

३

श्याम कैसी धूम मचाई होरी खेलत रङ्ग रचाई ।
अबीर गुलालके बादर छाए नई नई तान सुनाई ॥

भैरवी—चर्चरी

ए हो नन्दनन्दन ब्रजराज आज मोसे नाहक
रार करे ।

अश्वर पकर रङ्ग मोपे डारे आंखन अबीर भरे ॥
देखत बाल हृद ज्यों ठाढ़े तनक न लाज करे ।
छविनासक हम वसवो छाड़ो की नित उठ भगरे ॥

२

छिप छिप कुच्छन में रहत कन्हैया ।
जिन कोज बेचन जावो ले दहिया ॥

अरज घरज काहू की न मानत दिन ही लूटत कोज
नाहीं पुकैया ।

सुन लो शीख हमारी सब ही राखी लाज चाहे
जो गुसैया

बैठ रहो गृहमें हविनायक नाहीं तो हंसि हैं
ब्रजके वसैया ॥

३

मेरी अंगिया भोजि पिचकारी ना लावो ।
ऐसे ढीठ लङ्गर न देखो मनमें कछू तो लजावो ॥

४

क्यों फिकत हो गुलाल खाल मेरी आंखन में खटके ।
हों यमुना जल भरण जात थी शिरकी चुनरिया
भटके ॥

५

धूमधामसे खेले होरी डफ मृदङ्ग लागे बाजन ।
चित्त वृत्त तधन शिखर सङ्गे लै खेल मचावे साजन ॥
अपने रो अपने मन्दिरसों निकसी कञ्चन थार सब
विध ले साजन
कोई लपट कोई भपट रङ्ग ले कोई मरो जात है
लाजन ।

रसिक खेल गोकुलकी गैल मध्य खेल मच्यो ऋतु
फाल्गुन ॥

होरी धूम मचाई हो कान्ह बाजत वीणा मृदङ्ग
सुरली तान ।

अबीर गुलाल केशर रङ्ग छिरकत चन्दन वन्दन
सों धो सान ॥

ग्वाल बाल सब सङ्ग शोभित नाचत गावत
ले ले तान ।

रसिक कृष्ण प्रभु रस वश कर लीन्हीं यौवनको
मांगे मोसे दान ॥

७

ए हो रो हो रो चलो रो नन्द महर जू को पीरो
होरो होय रहो रो ।

बहोरि न पैहो रो ऐसो रो समय रो उठो रो
निरखो रो मनमोहन जो होरो ॥

कहो रो किशोरी गुलाल लहो रो घौत पिछोरी
छिरकि रङ्गोरी ।

कृष्णरूप प्रभुको परसो रो फगुवा लहो रो मन
मानो रो गोरो ॥

८

श्याम तैं ने होरो में धूम मचाई कोज गैल चलन
नाहीं पाई ।

काहूको लपटत भपटत दपटत काहू काहूको
कुच शकाई ॥

जबते लगो है वसन्त पञ्चमी तवते मति बीराई ।
कृष्णरूप रङ्गी ब्रज वनिता जादू टोना चलाई ॥

९

इन मनमोहन मोहे रस वश कर रङ्ग डारो ।
ब्रजके विहारो वनवारो गिरिधारो मोरो सुरङ्ग
चुनरिया भरो सारो ॥

चोवा चन्दन वन्दन कुङ्कुमा अबीर गुलाल केशर
पिचकारी ।

बाजत वीणा मृदङ्ग चङ्ग भांभ भनक रबाव किशरी
गावत सब मिक दे दे तारो

कृष्णरूप रसवश कर लई सब ब्रजवनिता चरण
स्पर्श कर भई बलिहारो ॥

१०

लङ्गर बिच ठाढ़ो हो रो हम ही सों वरजोरो करत है
भर भर सारे पिचकारी ।

लपट भपटके मोहे पकर लीन्हीं है अंगिया दई
मोरो फारो ॥

बरज रहो वरज्यो नहीं माने में हा हा हा
कर हारो ।

अबीर लगावत कुच सुख मोड़त रङ्गरस देत है
तारो ॥

११

मैं तो डारूनी रङ्ग गुलाल लाल मेरे आए ।
केसर रङ्ग बनाय राखूंगी अबीर गुलाल उड़ाए ॥

१२

तेरे मनमें कहा रे कन्हैया गुलाल मुख मींजत
वरजोरी चटके ।
नयन लगावत अङ्गुरी नचावत हंस हंसके देया
कैसेके मटकै ॥
तरुणी बारी कोई नहीं छांडी आय दिखावत
अपनी चटके ।
रसिकराय पुरुषोत्तम प्यारे अपनी बेरकी ययो रे
सटकै ॥

१३

मैं लाज मरी नहीं बोलौ सांघरे कैसे धूम
मचावत है ।
पहले तो मोहन सूधे बोलत पाछे गारी सुनावत है ॥
अबीर गुलाल कुङ्कुमा केसर पिचकारिन
वरसावत है ।
लपट भयट बहियां महे डारौ पुरुषोत्तम अङ्ग
लगावत है ॥

१४

मैं गमने नहीं जइ हूँ राम ॥
नवल बहुरिया चली गमनकी कर दुलहनके मेघ ।
नयन रोवे जो हंस मैं तो चली हूँ पियाके देश ॥
गमने न जइ हूँ टोने चलइ हूँ नहर धूम मचे हूँ ।
जो मेरे गमनेकी बात चले है तापर विष खे हूँ ॥
चलत चलत मोरे पाव पिराने सासुर है वडु दूर ।
गुण अवगुण मो में एकी नाहीं क्या ले मिलहुँ हुजूर
कहे कबीर पिया मैं पायो बाजत अनाहत तूर ॥

१५

अलबेली भई मदमाता सइयां पै रङ्ग डालूंगी ।
चोवा चन्दन अतर अरगजा मुख मीड़के बदली
निकालूंगी ॥

फगुवा लेहीं पकर मोहनको सुन्दर रूपछवि
भालंगी ।
पुरुषोत्तम प्रभुसों होरी खेलन नन्द महर
घर चालूंगी ॥

१६

सइयां नयन मारी पिचकारी रे ।
आय अचानक पकर लई मोहे दई है गारी
उघारो रे ॥
१७
मैं तो चली हूँ सइयांके देश नगर मोरे बाबुलदी तो
गमनवा रे ।
आवो सइयां गरे लागो हमारे भोर कद होवै
मिलनवा रे ॥

१८

कहां खेले हो होरी अजी तुम सांची कही ।
छलकी बतियां हमसों करत ही चले जावो छैला
वाहीके रहो ॥
नयनन किन यह अञ्जन दीन्हो नवल तिया को
चाह चहो ।
पुरुषोत्तम कहां होरी खेले सगरी रैन मोको
अनङ्ग दहो ॥

१९

इन माहन वंशीवारेने अरे मोहे भोर ही आन
जगाई रे ।
कह न सकत ककु लाजकी मारो नई नई
प्रोति लगाई रे ॥
अङ्ग नकुवो भुज न गहो मेरो हा हा करूँ परूँ
पाई रे ।
हा हा सरक जा इशक रङ्गीले देतो मैं राम
दुहाई रे ॥

२०

अब तो रंमाजंगी सारी सइयां मिले मोहे चतुर
खेलारी ।
रङ्ग वाही रङ्गरेज, वाही है हरे रङ्गकी छवि न्यारी ॥

बहु रूप बहु भेष किये है सुन्दर सरस अपारो ।
ब्रह्मरङ्ग प्रमुसों होरो खेलै एक ही रङ्ग रङ्गारो ॥

२१

ए रो मेरे पिचकारो मारो चटक सों कहा रो कहीं
सांवरे की मटक ।

हा हा करों सङ्ग लागो हो आवै काहको नहीं है
सांवरेको अटक ॥

लपट भपट अक्षर गह लीन्हों बहियां पकर लीन्हों
मोरी भटक ।

अबीर गुलाल केशर पिचकारो पुरुषोत्तम नहीं
माने हटक ॥

२२

सांवरे सङ्ग खेलन दे रो अबके फालगुनमें सुन रो
सजनी ।

मोहे जिन हटक एरी ननदिया तरपत वीतत
दिन और रजनी ॥

अबीर उड़ाजं गरे लगाजं लाज छाड़ कुलकाने
तजनी ।

तव यश गाजं मोहन रिभाजं कहा काम है काह
सों वाही मजो जो तेरो भजनी ॥

२३

बे छेला रङ्ग डार गवो रो भीज गई मोरी सारी
सगरी ।

हैं यमुना तट भरन गई जल वरजोरो मोरी
फोरी गगरी ॥

मानत नाहीं आम काहकी चलन न पावै कीज
मग डगरी ।

मोहन ठीठ मयो या व्रजमें कैसे वसे यह ऐसी
नगरी ॥

२४

आज रङ्ग है रो व्रज रङ्ग है रो मनमोहन मिले
मनभावन रो ।

श्यामसुन्दर प्रिय मेरे डेरे आइला मेरे जियाके
जियावन रिभावम रो ॥

२५

वरजोरी कन्हैया मोसे आय कौनो रे ।
आय अचानक रङ्ग मरो मोहे वरवश गरवा लगाय
लीनो रे ॥

हैं गुरुजनकी लाज सकुच रही अक्षर भपटके
लपट छीनो रे ।

मोहनकी छवि देखत रङ्ग गई विवश भई ककु कहत
न आवै अनोखो छेलवा रङ्गभौनो रे ॥

२६

नयो होरी को खेलार होरी खेल न जाने ।
काहको दलत और मलत काहको काहको
सुनावत ताने ॥

लाज सकुच सब डार दर्ई है मानत न काहको
आने ।

रसिक रङ्ग रङ्ग ही में बोरी काहको न पहिंचाने ॥

२७

होरी खेलन कैसे जाजं रो पिया मुखसे न बोलत
मोसे श्याम ।

औरनके सङ्ग रलियां करत है रो नकुचावत मोरी
देख छाम ॥

यह यति मोरो भइली सजनी मौजसे जानत
सगरो ग्राम ।

कंत न पूछत बात रो मेरो धन्य सुहागिन
भयो है नाम ॥

२८

चटक चुनरिया रङ्गा दे रे मइको रङ्गा दे ।
यह चुनरो मेरे नई ओढने की लाख यतूनसे
बना दे रे

मैं तो करूंगी भेष योगिनीका लागी लगन मोरो
तुमसे कफायत टढूंगी वन वन तइको लगा दे ॥

२९

कहां खिले हो होरो अजी तुम सांची कष्टो
नन्दनन्दन सावरे पूजों तिहारि दोज पांव रे ।

हमसों खेल कहि और सङ्ग खेले कौन नवल तिय
घर घरे पांव रे ॥

भाल मझावर अधरन अञ्जन तीन तिलक कहां
पाए रावरे ।
रसिक रङ्ग रगमगी रङ्गमें पाग पंचके सवारों ठांव रे ॥

३०

उठ चल री पिया सङ्ग खेलें फाग आछि रहस रहस
गरे लाम लाग ।
यह अवसर नहीं है झूठनकों मेरे कहे तू तज वैराग
हविनायक आए तोहे मनावन सौत सराहत
तरे भाग ॥

३१

फगुवा मांगे नन्दको खेल मोसे ।
सुन री सखी मैं क्या कहूं तोसे इतनी बात मैं
पूछूं तोसे ॥
तनियां टटोलत हो हो बोलत आय जुरत है
मोरे अगोसे ।
रसिक खेल छाड़त न गेल बहियां पकर सारी
अंगिया कोसे ॥

भरवी—यत्

होरी खेलन आई है बन बन चतुर सुघर हिल
मिलके नार ।
हम तो चाहत रससों खेलन वे तो मारत
पिचकार धार ॥
बाजत वीणा रवाब मृदङ्ग डफ मुहुवर भांभ
सुरचङ्ग कटतार ।
चन्दन वन्दन बूका रोरी छिरकत सबपे
रसरङ्ग डार ॥

सन्मुख आय यशोमतीकी लालन मेरे सन को
मोह लियो ।
जात रही यमुना जल भरण की कीर्धी सुरली
फूंक नयो ॥

एको घरी नहीं चैन है जोको तबसे वैसे जरत हियो ।
कुलकी लाज तजि गोकुल मा सुन्दर श्यामने
दर्श दियो ॥

तन मन धन है मोहनो मूर्ति करों न्योछावर
लोक तियो ।
नाहीं तो नीच मृत्यु है वियोगिनी विन मनमोहन
नीज जियो
मोहनको हियो वश कै तुम काजिम प्रेमके मद भर
भरके पियो ॥

३

होरी खेलन नहीं आए नन्दलाल कौन नवल तिया
तुम्हे विरमाए ।
रजनी अनूत कहां जागी मोहन रहस रहस गर लाए ॥
मोतियन हार चुमै कर कङ्कण अधरन तंबोल खवाए ।
रसिकराय रगमगी रातके फगुवा दिए मन भाए ॥

४

सखी इन मोहन ने धूम मचाई ।
होरी अवसर पायके रङ्गरस वश कर डारी सब
प्यारी हमरी चूनर भिजाई ॥

५

आज सुहागकी रैन री गावो बधावा सब मिलके
सुवासन ।
गुणी गन्धर्व सब मिल मङ्गल गायो जैहों सुमन री
वासन ॥

६

कछु कहे न गए समभ्थाय मोरे लाल हमसे
विदा मांगे यौवनवा मोरे राम ।
काङ्गके हाथ लिखूं ब्रज पाती काङ्गके हाथ
सन्देशवा मोरे राम ॥
जबसे गए पिया भए हैं वाहीके किन सौतिन
विरमाए मोरे राम ।
अब तो दर्श वेग दो प्यारे तलपत जिय वेग आए
मोरे राम ॥

ए री में तो बार बार नित्य नई होरी खेलन
पिय पै गई ।
अम्बा मोरे टेसू फूले और फूली है जुई ॥
नए नए द्रुम नए पल्लव नई ऋतु और तरुणी नई नई !
नवल तिया नव पिया नव यौवन रसिक रङ्ग
पिचकारो दई ॥

क्या गुलाल पिया मोपै डारो ऐसो चटक रङ्ग
अङ्ग हमारो ।
आवो सइयां मुझे देख सेजपर चन्द्र जैसा मुखड़ा
यौवन जैसे तारो
कृष्णानन्द लागि छर मेरे आनन्द केलि मदन
विस्तारो ॥

अनो आई सइयो होरी दो बहार री ।
अबीर गुनालके बादर छाप रङ्गकी परत फुहार री
केशर दो पिचकारो चलां दे मानो बरसत मेघ
अपार री ॥

सूही सारो मेरो बिगर जायगी मत मारो पिचकारो
हो लाला मत मारो पिचकारो हो ।
अधिक मोलको सारो हमारो जरकशी छोर
संवारी हो ॥
कारी कासर कटि काछनी तुम्हारे कोऊ न सकत
बिगारो हो ।
प्रेमरङ्ग पिचकार सों भिजई चितवत बश कर
डारो हो ॥

नयन गुलाल से लाल बन हो लाली न छिपत
ललाकी सलोनी ।
कुछ गलिनमें अलिन की टोली में टाहो कपोल
मिली है मिलोनी ॥

रङ्ग रङ्गीली सी पीली पिछौरी छोर सों गीली
गुलाब कलोनी ।
प्रेमरङ्ग प्रभु परकीया मोहन हारे सो हियसो
लगाए लोनी ॥

मेरो चुनरो वनवारी भिजई ।
अब कैसे जाजं ब्रज मोरी सजनी दधिकी मटकिया
छोन लई ॥
बहुत सही न कही यशोमती सो कौन कौन
सुतको सिखई ।
छविनायक जो रही सोई राखे जान दे जौन
गई सो गई ॥

देखो अब हीं जात है वनवारी मेरी आंखन चोवा
रङ्ग भर डारो ।
धाय धाय पकरै गर लावै बहियां पकर
अंगिया फारी ॥
राज करे यशोदा तेरो नन्दन दिनके होत है ठगवारो ।
वरज रही वरजो नहीं मानत लपट भयट
खैंचत सारो
कृष्णानन्द फाग रस मातो चितरातो तेरी वलिहारो ॥

रङ्ग भरे घर आए सइयां मोरे धन्य विरहिनीको
भाग री ।
सब सखियन मिल मङ्गल मावो चलो हो
सुमनके बाग री ॥
चलि के पूजो गौरी गणपति जिन मोरे दिहल
सुहाग री ।

कञ्चन थार कुसुम केसर रङ्ग तब खेलो प्रियसे
मैं फाय री
गावै गूदर पिया अपना पायो रहसों गरवा लाग री ॥

ऐसो निष्ठुर रङ्ग डारो कन्हैया मोरी अंगियामें लग
गयो दाग री ।

अबौर गुलाल कुडकुमा केशर हमसे मचायो फान री ॥
 ग्वाल बाल सखा चहं दिश घेरे केह मग जाऊं मैं
 भाग री ।
 गावै गूदर घर जाने दे मोहन रहों चरणमें लाग री ॥

१६

कामि कहं मैं तो जियकी हाल कीन्हीं सांवलिया
 ने बावरी ।
 जा तन लगे सोई तन जानै जाको विरह को घाव री ॥
 मेरे मन वसी सांवरी सूरत अब पति रहै के जाव री ।
 विरहको सागर सूभत नाहीं भई हं भ्रमरकी मैं
 नाव री ॥
 एक विरह दूजे लाज गुरुजनकी तौजे मिलन को
 चाव री ।
 नहीं रोवत नहीं हसत दुर्जन लखि सौतिन
 लगायो दाव री
 गावै गूदर उर वसहु विहारो मोड़े छवि भावत
 राव री ॥

१७

होरो खेलन अजहं गहीं आयो मेरे यौवनकी नवल
 बहार री ।
 तब कहा करि हो प्रीतम प्यारे ज्यो अब हीं लेहु
 संभार री ॥
 हम को नहीं सइयां तुमको लाज है लायो तू
 केहकी डार री ।
 जबते नयो भयो वांछी के दे गयो विवश पहार री ॥
 गावै गूदर मैं तेरो कहाऊं अब भरमों केह द्वार री ।
 टरक जात अज हं नहीं आयो यौवनकी नवल
 बहार री ॥

१८

मैं छोटी तोहें लाज न आवे वरवश गरवा
 लगावत री ।
 लपट भपट भकभोरो मइको नयनसो नयन
 मिलावत री ॥

मैं अबला तुम सुघर चतुर हो पिचकारिन
 रङ्ग चलावत री ।
 रसिक रङ्ग रस वश कर डारो फगुवा लेत मन
 भावत री ॥

१९

हमारे कर्मगत याहो लिखी तुम करहु सौत सङ्ग
 राज री ।
 सब सखियां मिल फाग खेलत हैं नानाविध
 कर साज री
 लक्ष्यानन्द तिहारो तिहारो सों तोहि न आवत
 लाज री ॥

२०

महिमा छाय रही चारो युग अवध पुरी खेलै
 फाग री ।
 सीताहरण मरण दशकन्धर लङ्कपुरी लायो आग री ॥
 तेंतीस बन्ध कूटे देवतनके आनन्द कारण शुभ
 लाग री ।
 लङ्काराज्य विभीषण दीनों मिलते ही बड़ भाग री ॥
 गावत वेद भेद रघुपति को नारद शारद नाग री ।
 अज महेश श्री वाल्मीक मुख खग हं माथो काग री ॥
 त्रेता चरित्र कियो गानाविध ताही भजो भय त्याग री ।
 गावै गूदर रङ्ग सेजं सियावर या रङ्ग को अनुराग री ॥

२१

मेरो मन उरभियो बार बार होरी खेलत अकेली
 नार री ।
 जाकी इच्छा सब जगकी मोछी ब्रह्मा रुद्र त्रिपुरार री ॥
 जो कोई गए भए वांछी के मार्ग रङ्ग मोहनौ
 डार री ।
 खेलत हार गए मही जपर बड़े बड़े नर अवतार री ॥
 नर वपुरनकी कीब चलावै डूबे बहें मंभ धार री ।
 गावै गूदर मन समभके खेलौ फागुन रूप
 बाजार री ॥

२२

जौन नगरसे मैं खेलल निकसी वाही नगर को मैं
जांव रो ।
है वा ननर डगर बहु तेरा लखो न परे वह गांव रो ॥
जो हीरो मोहे रामनगरमें अनाहत वाको ठाव रो ।
गावै गूदर गुरुदेव बतायो सब रङ्ग वा को नाव रो ॥

२३

इच्छाकारी प्रगट भई हीरो खेलत उत्पत्ति माया रो ।
आदि ज्योति कर्तार शब्द करि उत्पत्ति तौन
बनाया रो ॥
इब तीनो विस्तार किए महिमा सब उपजाया रो ।
पति आप ही उत्पत्ति पुनि आप ही आप ही
आन लखाया रो ॥
निर्गुण ब्रह्म सगुण हो आए वेद विदित गुण गाया रो ।
आदि अन्तमें सब जस मोह्यो किन हं अन्त
न पाया रो ॥
अक्षर ब्रह्म नाम अनन्त एक है घट घट में
लखाया रो ।
गावै गूदर यह रङ्ग अलौकिक लौकिक रङ्ग
समाया रो ॥

२४

इन्द्रादिक सुर सङ्ग लिये उमापति फाग मचायो रो ।
वृषभ चड़े शिव शोभित सुन्दर सिंहीनाद बजायो रो ॥
चमकत शिखर रविकी किरण सम लाल पुष्प
रङ्ग छायो रो ।
नारद मुनि कर वीणा बजावत सारद सङ्कुचित
गायो रो ॥
मुण्डमाल आभूषण तत्वन नन्दीगणकी पठायो रो ।
सुनत खबर रभादिक आयो नृत्यत सबकी
रिभायो रो ॥
सामवेद ब्रह्मा मुख उच्चारत आनन्द प्रेम बढ़ायो रो ।
शिवसो फगुवा लीन्हो गौरी बहुविध नाच नचायो रो
रामरङ्ग हर वर धर दीन्हो लीन्हो कर सुख पायो रो ॥

२५

हीरो ही रह्यो है नन्दके द्वार ।
अबीर उड़त औ कुडकुमा मार ॥
कोज ब्रजनारी चलत नहीं गैलन गारी गावत
नन्ददुलार ।
मृदङ्ग वीणा औ ताल डफ भनकत पिचकारन
घरी धार ॥
राधा धाय आय सुख मीड़त मोहब तन
धर लीन्हो हार ।
श्याम देख सकुचाने मन ही मन ले गुलाल कर
कुच पै डार
रामरङ्ग प्रभु अपन रङ्ग में बोर दई सब ब्रज की नार ॥

२६

कौन स्वरूप संवारूँ सखी रो मोरी आज
गमनवाकी रात रो ।
जब सन्मुख होइ हं प्रीतम सो कैसे करूंगी
मैं बात रो ॥
जो सुख कियो भयो दुःख आखुर मोरे जिय
कछू न सुहात रो ।
मिथनको आई सखी सहेली मई सद्ग्यां के
मैं मात रो
गावै गूदर मेरो नैहर छूटो अब सासुरके मैं जात रो ॥

२७

आज संदेसा आयो सद्ग्यांको मोरे करह गमनवाको
साज रो ।
नैहरमें हम खेल समायो सासुरको बड़ लाज रो ॥
सासुर में धौ कहा सुख होइ है मेरो छूटो नैहरको
राज रो ।
गावै गूदर जो पिया नहीं राजी तो नैहर आवै
मोहि बाज रो ॥

२८

फाग सुहाग मोरे घर नित्य है भोजी हं मैं तो
पियाके रङ्गमें ।

मो पै कोई पिचकारी न मारै लाल वसत है
 मोरे अङ्गमें
 भुरमट तनक उ नहीं मोहे भावत जबसे परो हं
 तुरावके सङ्गमें ॥

२८

मोहे बोरो सोई रङ्गमें कान्हा और कीन्हों जोई
 मनमाना ।
 भिजवत मङ्गको सब हिन जाना घर करि हं
 मैं कौन बहाना ॥

कौन अपना कौन बिगाना राखोंगी जाको काना ।
 दास रङ्गो है श्यामके रङ्गमें वाहो भावै रङ्ग न आना ॥

२९

मनमोहन मोहे अपनाय लई और सवनसों
 छोड़ाय लई
 मनमोहन रङ्गे मोरे रङ्गमें मैं मनमोहन रङ्ग मई ॥
 जान अजान जान भए दई ये कैसी आन ठई ।
 नहीं जानो ककु हरि अन्तर यति दास फांसी है
 आय नई

जा दिन सइयांको देखन पइ हों वा दिन रङ्ग
 मचे हों री ।

पिय मेरा मैं पियाकी सजनी पिया पै जियरा
 लुभे हों री ॥

रङ्ग वही रङ्गरेजु वही मैं तो सुरङ्ग चुनरिया
 रङ्गे हों री ।

भेरे तो जिय में ऐसी आवत है लपट भपट गरे
 ले हों री ॥

बालनकी सेली जो बने हों अङ्ग विभूति रमे हों री
 कृष्णानन्द यही आशा चित्त हर्षि धाय उर ले हों री ॥

३२

फालगुन का मस्त महीना ।

अबीर गुलालके बादर छाए वसन रङ्गाय सब ही
 को दौना ॥

हो हो हो कर गारी गावत कोइ काइ को नाहीं
 सखी चीना ।
 कोई नाचत कोई मृदङ्ग बजावत कोज डोलत है
 रङ्ग में भीना ॥

३२

चले जावो लला अब हां रे अबीर गुलाल मो पै
 जिन डारो ।
 भर पिचकारी मेरे मुखपर डारो सारी अक्षर फारो ॥

३३

श्याम कैसी मुरलिया बजाई है ए हो ध्वनि सुन
 उठ धाई ब्रजकी नार ।
 मुरली बजाय सबको मन मोहो मारी केसर
 पिचकार ॥

३५

आयो वसन्त कन्त घर नाहीं कैसे के चैन आये
 मोरी गुइयां ।
 एक वन फूल सहस वन फूले कोयल कुचुक सुनाये
 मोरो गुइयां ॥

भैरवी—तिलावा

साधो खेल लो जगमें होरो राम नाम है सांचा ।
 धरणी जल तेज पवन आकाश ए पांचो पचीसो
 मिलके जांचा ॥

काहेको भ्रम भूलत हो भूठ तजो सब वाचा ।
 जलसे उषजै जलसे फूले कुबुद्धि तजे यह कांचा
 कहै कबीर गूं गेका सपना गूं गा होय कर वाचा ॥

भैरवी—वत्

गोरी आया होरीका खेलार री ।
 अबीर गुलालके बादर छाए रङ्गकी परत फुहार री
 कृष्णानन्द हर्ष सर बाढ़ो नव तनमन दीन्हों
 मैं वार री ॥

३

ए हो नन्दनन्दन जू ठोठ लङ्गरवा सखी मोरी
 बहियां मरोरे री ।

स्रोतन के वे शरण गए हैं सखी मोरा हरवा तोरे री
उनकी चुनरिया रङ्गमें भिजोई मेरी तनियां
टटोरे री ॥

ए हो निपट ढोठ गिरधारी लाल ए री मुझ
रङ्ग ही में बोरे री ।

रसिया नेक कहा नहीं माने कर वरजोरे री ॥

अबोर गुलाल मलत मुख सखी री टुक नयन
जोरे री ।

ख्याल खुशाल करत अबवेला नन्द जूका किशोरे री ॥

ए हो मनाय लेत गोरी को सावरो सन्मुख
अबोर चलावे ।

सङ्ग मोरे सोवत अङ्ग ही छिपावत अपनो
भेद न बतावे
अङ्गुरी सैन पिया मोहे जमावे वरवश मरवा लगावे ॥

कहि दीज्यो हमारी राम राम जो काङ्ग को
मिलहिं श्याम ।

वगर नगर और द्वारे ही द्वारे होरीके खेलनकी
धूमधाम ॥

उमड़े यौवन पिया मानत नाहीं कैसे के राखूं मैं
थाम थाम ।

भूख पियास राधिका छाड़ा ध्यान तिहारो अष्ट याम
क्षणानन्द अरज द्रतनी मोरी क्यों छोड़ी प्रभु
ऐसी वाम ॥

भैरवी—तिताला

हो होरी खेलदा कंवर कन्हाई ।
कित बल जावां अनौ जाने न पइयां वे मर
पिचकार चलाई ॥

ले अबोर असी मुख डारदा कुच धर कण्ठ लगाई ।
हा हा करै दियां मन सकुचै दियां मैं अकेली पाई
रामरङ्ग मोहन मैड़ी गाल सुन कर धर रंगमें
भिजाई ॥

हो सांबरिया भर पिचकार चलाई ।
कोटि उपाय कियो री सजनौ तब हूं दर्द न आई ॥
कुच मुख करते धर लियो मेरो ग्वाल सों गारी गवाई ।
उरहन देन चलो री नन्द पै यशोमतो आगे सुनाई ॥
मगमें चली भेंट भई श्याम सो अङ्गमें भर समुभाई ।
रामरङ्ग दोऊ रङ्ग एक भए घरकी सुध विसराई ॥

डफ ताल बजावे होरी खिले कन्हाई हो नव
ग्वाल बाल ।

मोहन पीत वसन तन पहिरे उर सोहै वनमाल
पूर्ण चन्द्र बनो मुख जाको कंस को है यह काल ॥

ए सखी आय भुलाई हो ।
दूरते निरखत है नन्दनन्दन देखत चली पराय
भ्रपट श्याम धर लीन्हीं मन ही मन पकृताय कुच
धर लाल बनाई हो ॥

गोरस खाय मटकी घर फोरत कंसकी करत पुकार हूं
मैं अबला ककु और न मेरो आखूर जात गंवार
और अबोर उड़ाई हो ।

सङ्ग सखा मिल द्रत उत देखत कण्ठ सों कण्ठ लगाय
हा हा करत है चरण परत है कोई न होत सहाय
रामरङ्ग प्रभु लपटाई हो ॥

होरी याह व्रजमें नन्दनन्दन जू खेलत ।
बाजत बाजी बहुविध साजन मर मर सर रङ्ग मेलत ॥

पिचकारी मारन आई रे हो सांवरी सलोनी
पिय प्यारी ।
सांवरी सलोनी गोरी बन बन आई मैं अपने
साहब पर वारी ॥

नन्द महरवाके सुघर लाल मो की गेंद की चोरी
लगावत री ।

कुच तनियां और अङ्ग निहारत तापर घात
लगावत री ॥

लागो रहत सघन वनकुञ्जन जब देखत मोहे
आवत री ।

ठाढ़े देखत है सब ब्रजवासी ता बिच आपत्ति
मचावत री

गावै गूदर मैं तेरी चेरी काहे को हास करावत री ॥

कौन खेलाए भाजन विन बावरी ऐसो डोलूं
हरि विन होरी ।

तेल फुलेल सभी तज दीन्हो पान खान विसरो री
अब गिर दीन्हो सइयां तोरे वश मैं जावो तो जावो
रहो तो रहोरी ॥

होरी के दिनन तोकी लाज न आवै
मो को वर वश नयन लगावै री ।

एक तो रही करहैयांकी पातर उमंगे यौवन
सतावै री ॥

कहा कही वाकी सब नारी गणमें ए री भैरे
पिचकारी मारी चटक सो ।

एक तो ठीठ और पैड़ा न छोड़ै हो जो डरो मैं
वाके अटक सो ॥

कुछ मुखसे कहों तो निपट लजात है और अक्षर
गहत है भटक सो ।

हा हा करे और हो हो अचपल फिरके नाचै दिया
और ही मटक सो ॥

सिन्धु—भैरवी

मेरा हरवा चुभि चुभि जाय होरी मैं ना खेलौंगी
फाग ॥

अक्षर पकर मोरा मुख मल लीन्हो नेक न आई लाज ।
अबीर गुलाल मख्यो मुख मेरे कृष्णानन्द ब्रजराज ॥

पील—भैरवी

अतर गुलाब और चोवा चन्दन मेरे मल मल
जात वदन में ।

गहे पकरूं तो हाथ न आवै छिप छिप जात कुञ्जनमें ॥
लपट भपट बहियां गहे लीन्हो चिपट जात

हेला तनमें ।
वरज रही वरज्यो नहीं माने कहा जानूं क्या

वाके मनमें ॥
हा हा करत हों पइयां परत हों पिचकारी

न मारो अंगियनमें ।
अचपल होके लागो ही आवै जब देखूं तब ठाढो

अङ्गनमें ॥

होरो खेलत मन्दनन्दन री भानुसुता प्रिया
चन्द्रवदन री ।

भोड़ल अबोर गुलाल विविध लै अतर गुलाब
चन्दन री ॥

पिचकारिन की मार परस्पर देख रतिपति
लज्जित मदन री ।

वृन्दावन मध्य खेल रच्यो है कुञ्जभवन वन सघन
सदन री

जानकीदास रङ्ग ब्रज छायो वोथिन वोथिन सुख
सदन सदन री ॥

लाल गाय गाय ले ले नाम हमार मो को गारी
देत सबनमें ।

जात रही गोकुल दधि बेचन जब देखूं तब वन घनमें ॥
और सखिन सो मुख हू न बोलै मोरे लपट जात

अङ्ग अङ्गनमें ।
कौन उपाय करों ब्रज आली ऐसी वसो वाके

तन मनमें
गावै गूदर सास ननद चवाइन भठ सांच लगावै

भवनमें ॥

अब जान न पड़यो हो लला तुम आन पड़े
वश मेरे लला ।

गारी मैं दूंगी दिलाजं सबनमें मुख मौडूंगी
मैं तेरे लला ॥

पिचकारिन मार गए कुञ्चनमें कलका बदला
हीरे लला ।

कुन्दनदास प्रभु पकर लिए है मन माने फगुवा
देरे लला ॥

होरी खेलत हो हो रे लला बहियां त नहो बहियां
न गहो तुम जावो चला ।

काह को लपट और भपट काह को पकरत
हो जू चपला ॥

अबीर गुलाल कुङ्कुमा केशर पिचकारन मार दई
है भला ।

नन्द महरके ठीठ लङ्गरवा सुन्दर रूप देखाय कला ॥
आज रङ्ग होरी मा रङ्ग है साजन मिला बुरा भला ।

मिजामुद्दीन औलिया जग उजियारा मंह मांगे ।
बर मला ॥

पिया मासे आंख छिपाए कहा होत ए री तेरो
फैल रहो कजरा ।

पिया नाशर को मिल आई जो तुम टूट गई
दुलरो हार गजरा ॥

को खेलै तो से होरी बहियां पकर भकभोरो लला ।
वरज रही वरजो नहीं माने वरवश मलत
मुख रोरी लला ॥

यशोदा लाल ब्रजराज लाडलो होरी खेलन
मोसे आयो री ।

कर लोन्ह कचन पिचकारी केशर रङ्ग भरायो री ॥

अबीर गुलाल लिए भर भोरो चोवा चन्दन
लिपटायो री ।

ख्याल करत अलबेलो मोहन रसिया खेल कहायो रो ॥

फाल्गुनकी ऋतु आई सखी होरो खेलों गो
कुञ्जविहारी से ।

केशर रङ्ग रंगूंगी पोताम्बर फगुवा लूंगो
गिरिधारी से ॥

चोवा चन्दन लिपटाऊंगो अङ्गमें केलि करूं
घनवारी से ।

ख्याल खुशाल मन भाए फगुवा लूंगो खेल
खेलारी से ॥

अनियारे घनश्यामके नयन रङ्गमें भरे रतनारे री ।
निरखत लगत कके री तरसके उमंग भरे कजरारे री ॥
चितवत चित्त चोराय लेत हैं चञ्चल चपल अपारे री ।

ख्याल खुशाल लोभाय लियो मन नख शिखते
सुकुमारो री ॥

आज होरी खेलै पिय प्यारी री ।
अबीर गुलाल को धूम मची है रङ्ग भर मारी
पिचकारी री ॥

बाजत ताल मृदङ्ग भांभ डफ गारी देत सब नारो री ।
जानकौदास निरखि या कवि पर बार बार
वलिहारी री ॥

खेलन आए नन्द गांवते रङ्गभोने वरसाने ।
मृगमद रङ्ग अरगजा चोवा नरनारी सब साने ॥
विन काजर कजरारी अंखियां चढ़ीं मदन खरसाने ।
कण्ठजीवन लक्ष्मीरामके प्रभु प्यारे जी घर थर
थरसाने ॥

तक तक मारै पिचकारी मोरी अंगिया रङ्ग सी
भर डारो ।

वरजोरी मल्लत गुलाल वदनमें भोज गई तन सारी ॥
देखत पुरजन गुरुजन सब ही मानो विनती हमारी ।
अक्षर पकर बहियां भक्तभोरी तापर देत हो गारी ॥
अबीर उड़ावत धूम मचावत गावत दे दे तारी ।
कृष्ण रसिक प्रभु होरी खेलत गोकुल गैलमें न्यारी ॥

१४

केशर को पिचकारी भर मारी मेरे लग लग
जावै तनमें ।
अबीर गुलाल और चोवा चन्दन ले मल मल जावे
वदनमें ॥

मेरे लपट भपट कर बहियां गहे लीन्हों चिपट
गयो मेरे अङ्गनमें ।

जहां देखूं तहां आगे ही ठाढ़ो घर घर ब्रज
वन घनमें ॥

लपक भपक मेरे पाछे अरो है भाग जात है सदनमें ।
कृष्ण रसिक सङ्ग लागो ही आवै होरी खेलावै
फाल्गुनमें ॥

१५

छवि स्वामीकी रङ्ग अनादरी किये बहुत निखेद रो ।
सूत्रकारकी वाणी सुनकर अजमुख भाथो वेद रो ॥
पायो न आदि अन्त विन वाको ज्ञान ध्यान
कर भेद रो ।

गावै गूदर सत्र थाके खेल कर रह गयो भेद
अभेद रो ॥

१६

मनमोहन चतुर खेलार बन बनके समझ क्यों न
जइये रो ।
बनके जइए प्रिय को रिभइए तब मन वाको
लुभइए रो ॥

सुघर न होय सुघर हूँ जइए ना तर क्रूर कहइये रो ।
अशरफ़ पिया मेरो अति ही रङ्गीलो वा सो प्रीति
लगइए रो ॥

१७

अपने रङ्गमें रङ्ग ले रङ्ग रङ्गीले कैल क्वीले ।

निज।सुहीन औलिया महबूब इलाही प्रेमप्रोति
प्रसङ्गीले ॥

भैरवी—घत्

उमड़े यौवन पर रङ्ग न डार ए हो मने करूं
तोसे बार बार ।

यह विरहन भई नींदकी माती यौवन भयो तेरे
गरे को हार

गावै गूदर पिया बेग खबर ले सुखे पत्र नहीं
जुड़ेंगे डार ॥

२

नयन विरहिया तेरे पिया रे रङ्ग रस वश कर लीन्हों
जियारे ।

अंधियारे कारे कजरारे चञ्चल रतनारे हैं मतवारे
बांक बखूश कहै यदुरायो सो विन सइयां पियारे
सुरत विसारे ॥

३

पिया को मनाजं मैं घइयां परौंगी करूं योगिनको
भेश रो ।

येरवा वसन भस्म तन ल्याजं शीर्ष बढ़ाजं मैं केश रो ॥
पिया वसै हिय में जानत नाहीं टूटू जङ्गल परदेश रो ।
गावै गूदर पिया अपना मैं पायो जब गुरु दयो
उपदेश रो ॥

भैरवी—तिताला

जो यह फाग रच्यो भवसागर अजब खेलारी को
खेल रो ।

नटवा एक कला बहुतेरी रङ्ग सबन में मेल रो ॥
समझ ब्रूम मन आदि अन्त तक राख्यो न कोई
अहेल रो ।

गावै गूदर जो जियके डरे नहीं सोई सोई रङ्ग
बिच हेल रो ॥

४

श्रीगणेश अहिवात दे हमको फाल्गुन पियको
मनावत रो ।

कञ्चन थार सुगन्ध पुहुप ले नित्य उठ देव
मनावत री ॥

सोनीकी छल धरों शिर ऊपर धूप दीप मन मावत री ।

अबीर गुलाल कुङ्कुमा केशर ताल मृदङ्ग
बजावत री

कहे गूदर सुनी गौरीसुत मैं तेरे यश नित्य गावत री ॥

सुघर पिया हो रसिया होरो खेलन मो पै आए ।

सब ही वसन रङ्गाए तनमन रङ्ग बनाए ॥

गोप ग्वाल वार व्रजके सखा लिए अबीर गुलाल
उड़ाए ।

चावा चन्दन और अरबजा केशर रङ्ग छिरकाए ॥

जंगला—भैरवी

होरोके खेलैया भर भारी पिचकारी हो ।

सुरङ्ग चुनरिया सब ही घोरो ले गुलाल मुख
डारी हो ॥

होरो के खेलैया मोसे कोन्हीं वरजोरी हो ।

हैं यमुना जल भरन जात रही वर वश बहियां
मरोरी धर भक्तभोरी हो ॥

कञ्चनकी पिचकार केशर रङ्ग भर छिरकत
मेरी ओरी हो ।

चीर भटकावत टिग टिग आवत प्रेमरङ्ग प्रसु मांगे
मो सीं दोऊ करजोरी हो ॥

रे खेलवैया स्वामी आज मैं पायो नन्दकुमार
ऐसो कौन देहीं रङ्ग डार ।

अबीर गुलाल केशर कुसुम रङ्ग भर भर अपने हार ॥
ऐसी होरी खेलो मोहन से कर गहे करो विहार ।

छरभियो सखी मानो तलाद्दुमन में इन मोहे
नाच नचायो बहु बार ॥

सीई सीई नाच करो मोहनके अबके दाव है हमार ।
जाने न पावै नन्दमहर को सब सखियन को

करो जुहार ॥

दो कर मैं बांधो मनमोहनको प्रेम मोहनो डार ।

फगुवा लेहु देहु रङ्ग भरि भरि डार सुमनको हार
गावै गूदर प्रसु यद गहे लोजे जीवन तन मन सुधार ॥

श्याम मोहे भोर हो आन जगाई ।

कहे न सकत कछु लाजको मारो नई नई तान सुनाई
कृष्णानन्द निरखि प्रभुको मुख आनन्द उर न सभाई ॥

हमरी उमङ्ग चाहै होरी खेलनको सखो तेरे यौवन
ने धूम मचाई ।

सोती थी मैं अपने मन्दिर में मोहे विरहने
आन जगाई ॥

सब गोपिनमें नाचत राधा कान्ह ने मुरली बजाई ।

जो लोगन में बांह पकरि है दूंगो मैं राम दुहाई
अपने सइयां की मैं बालो भोला अंगिया कहां
मशकाई ॥

रे कन्हैया गुलाल मले और कुच पकरत है तेरे
जिय में कपट ।

नयन सैन करे और अङ्गुरी नचावे कहा होत है
लाख मटक ॥

तरुणो बारी नारी आवै व्रजमें सबको देखावे
अपनी चटक ।

राज करो ऐसी खेल यह अचपल आपी खिले
और जावे सटक ॥

मोरे सब अङ्ग भोजि मारो सइयां पिचकारी ।
अति बारी सुकुमारो नवल तिय अपने सइयां की प्यारी ॥

सिन्धु—भैरवी

बीरो डोले डगरमें तुम समभक्त नहीं गंवार ।
फाल्गुन के मिस उर अञ्जल दे यौवन भार संभार ॥

सखी री आज डगरमें खिलूंगो पिय से फाग ।
पिया मेरा मैं पिया को रे सजनो धन्य धन्य
मेरो भाग ॥

री बीरी पिय को मनाय ले फाल्गुनके दिन चार ।
प्रिय चतुर तू निपट भयानी बीतो जात बहार ॥

हमरी सुध बालम अज हूँ न लई री ।
आए वसन्त कन्त घर नहीं तो यौवन जात दई री ॥

मैं तो सगरी भिजोई लङ्करवाने छैलवाने डारो
गुलाल री ।

चोवा री चन्दन और अरगजा अबौर
उड़ावत लाल री ॥

भंभीटी-भैरवी—चीताला

सुन्दर वदन पे सोहत लाल गुलाल मदन गोपाल ।
सुकुट लटक झुकुटी मटक कुण्डल भलकन
दृगन चमकन कटि पट पीत बजावत सुरली तान
रसाल ॥

बाजत बीणा मृदङ्ग चङ्ग सुरचङ्ग औ जलतरङ्ग रङ्ग
छिरकत हृषीत व्रजवधू डार दई उर सुमन वनमाल ।
मन इच्छा सो फगुवा लीन्हो कौन्हो सब भातो
नयनन अञ्जन आज पकर बेवश कौन्हो नन्दलाल ॥

अधर धरे री वांशरी नृत्यत मण्डल श्याम ।
धनि सुन गोपौ भुक भूमत बढो अधिक तम काम ॥
ले गुलाल मुख मीड़त मेरो देखत सगरी वाम ।
चर्च रही व्रजकी वनिता सब जाय कहोंगी धाम ॥

जङ्गला—भैरवी

फाल्गुनके दिन चार खेल ले होरी ।
इस यौवनका मान न करिए यह यौवन दिन दो री ॥
इत तें आए कुंवर कन्हैया उत तें राधा गोरी ।
सखी सखन को सङ्ग ले दोज खेलत कृष्ण किशोरी ॥

भंभीटी-भैरवी—तिसाला

गोरी अंगिया तोरी सोधे में बीरी ।
नयन तिहारि कटाच सगत हैं अधरन पर
मोतियनकी जोरी ॥

चन्द्र सो वदन तेरो रो गोरो होरी की ऋतु थोरी ।
कटि केहरि कदली सो जङ्गा औ श्रीफल कुच
दोज बनो री
रसिक रङ्ग को रस वध कर लौन्हो चितवन
दृगन ठगोरी ॥

रङ्ग में बाट चलत यशोदाके लालन बोर दई
मोरी सारी ।
आवत थी मैं अपने घरते मिल गयो मोहे अचानक
आरी ॥

सागर रङ्ग बनाय मुहब्बत बहियां पकर दे मारी ।
सारीके बदले सारी लेजंगी और देजंगी गारी ॥

बोर दई अंगिया मेरी रङ्गमें ।
धर बहियां भक्तभोरी मोरी रस वध कर लई
अपने टङ्गमें ॥
गारी गाधत नयन नचावत पिचकारी मर
मारी अङ्गमें ।
चन्दन वन्दन अबौर गुलाल ले वरजोरी मुख मीड़त
रसरङ्गमें ॥

ए नन्दनन्दन व्रजराज कुंवर सो एरी मेरो
बाब्बा अधिक सबेह ।
सब सखियन मिल आई महर घर मोहन मांग्यो
दो चार दिना होली को अवसर घटे तो दूनो लेह ॥
अबौर गुलाल चन्दन वन्दन ले केशर कुङ्कुम
गालन देह ।
रसिकराय को रस वध कर लियो मनमान्यो
फगुवा लेह ॥

सखी जात मदमाती गोरी ।
आगे नाचत कान्हर प्यारि पौछे नाचत राधा गोरी ॥

बाजत ताल मृदङ्ग चङ्ग रङ्ग वीणा रवाव वांशरी
भोरी ।

भरत परस्पर सखियन मोहन बलिहारी बोलत
हो होरी ॥

होरी खेलत ब्रजराज भाज वनकुञ्जन में ।
अम्बवा मोरे वन घन फूले भ्रमरन पंक्ति
कोयलिया बोले रसिक आनन्द पुञ्जन में ॥

चला जा रे कन्हैया मैं गारी देत हं काहे को
खड़ा मोरे तीर रे ।

भर पिचकारी मेरे मुखपर मारी आखर जात
अहीर रे

कृष्णानन्द रङ्गत अलबेलो काहकी होर न पीर रे ॥

मनमोहन ने मेरी अंगिया रङ्ग भर डारो ।
इस अंगिया में लाल लगे हैं मोतिन लगी है भारी ॥

तोरे लला ने मोसे अचानक प्रीति करी रे ।
प्रीति करो कुकुरीति करी रे ॥

हो यमुना जल भरण जात रही शिरपर गागर
रङ्ग की मरी रे ।

हृन्दावन की कुञ्ज गलिन में हंस हंस बहियां
आन धरी रे ॥

ऐसो टीठ लंगर मनमोहन चोलिया टटोलत
घरो घरी रे ।

कृष्णानन्द भई मैं गावरी खड़ी पुकारत हरी हरी रे ॥

मनमोहन वनवारी सांवरो होरी को खेल बन
रह्यो री रङ्ग में ।

ग्वालबाल सङ्ग लिए होरी गावे उत राधे सखी
दिए है सङ्ग में ॥

सांवरे ने मरीची गोरी बहियां भोरी ।

मेरो रङ्ग मेरी पिचकारी और अबीर गुलाल
की भोरी ॥

कर भकभोरी छीनके हंस हंस और सखियन सों
खिलत होरी ।

कारे कहं ककु बन नहीं आवै घर सों निकसी थी
सासको चोरी

नहीं तो वज्रहन ऐसो रिभावती जात भूल
वाकी वरजोरो ॥

मैं अपने मोहन सों होरी खेलौंगी बनाय बनाय ।
अबीर मुलाल कुङ्कुमा केशर रङ्ग बरसाय बरसाय ॥

कान्हा कारी कमरिया तो पै कौन रङ्ग डारो ।
सुरङ्ग चुनरिया हमारो भिजोई तुम्हरो कहा बिगारो ॥

रसिया होरी खेलन मोसे आय ।

रंग वसन अङ्ग लगत सुहाए चोवा चन्दन लिपटाए ॥
अबीर गुलाल उड़ावत गावत ऋतु रस ककन ककाए ।

ख्याल खुशाल करन चित चाहत यौवन उमङ्ग
उठाए ॥

नन्दराय को कुंवर लाड़लो भयो री अनोखी
खेलारी ब्रजमें ।

रङ्गत केशर रङ्ग अबीर लगावत करत फिरत
मतवारी ब्रजमें ॥

हारी खेलन आई सब ब्रज गोरियां ।

कोई कर लिए कञ्चन पिचकारी कोई लिए
भर भर रङ्ग कमोरियां ॥

कोई लिए अतर परगजा केशर कोई लिए कुङ्कुम
चन्दन रोरियां ।

कोई लिए अबीर गुलाल सखी कर कोई चतुर
कोई लागत भोरियां

करत ख्याल श्याम रङ्ग मिलके ब्रजकुञ्जन में मिल
एक ठोरियां ॥

१७

श्याम तेरे देखन की मोरे नयनन बान धरी ।
मोहनौ मूर्ति निरखत हारी चितवन नेह भरी ॥
अब चित चाहत केलि करों ब्रज कुञ्ज कुञ्ज सगरी ।
ख्याल खुशाल मदनमोहन प्रिय निज वश प्राण करी ॥

१८

अभी मन मेरा सखी री मनमोहन मोह लिया ।
रूप मोहनौ डार ठगौरी चित्त वश कियो हिया ॥
कहा री करूं कहु कहत न आवै क्या जानूं
कहा किया ।

ख्याल खुशाल देखाय प्रीति को छकन छकाय दिया ॥

१९

होरी माच रही है आज नन्दनन्दन जू के द्वार ।
एक गावत एक मृदङ्ग बजावत एक नाचत दै तार ॥
भर मर भोरी गुलाल उड़ावत रही न काहू संभार ।
आवो सबै मिल होरी खेलै यह फाल्गुन दिन चार ॥
एक और भांभू डफ बाजत और सुरलौ भनकार ।
एक और तरुणी और बारी गावत दै दै तार ॥
ऐसी धूम मची है ब्रज में होरी होरी पुकार ।
अबीर अरगजा चन्दन वन्दन केशर की पिचकार ॥
अम्बर भिजोवत काहू की न मानत ऐसे लङ्गर
बट पार ।

काहू को भपट और लपट काहू को काहू को
देत हैं गार

सूरदास प्रभु फागु रची है वार बार वलिहार ॥

२०

हो मृगनयनी चलो होरी खेलन की ।
वृन्दावन में खेल रच्यो है उधर उधर रङ्ग भेलन की ॥
मनमोहन सोहन हैं रसिया ता सों छाड़ो मान
उठो मेलन की ।

लक्ष्मी रसिक को रस वश कर लो छाड़ देहो सब
फैलम की ॥

२१

दोज सुधर लाल होरी खेलत नौके समाज ।
इत श्रीराधाराणो गोरी उत सांवरे ब्रजराज ॥
नाना वसन आभूषण पहनके युगल अङ्ग छवि छाज ।
राजत है गौरश्याम अङ्ग द्युति कोटि कोटिरतिराज ॥
गोपो गोप सब आए बन बन विविध मण्डली साज ।
चित्त उमङ्ग सब गावत नाचत बाजत एक खर साज ॥
डारत रङ्ग गुलाल उड़ावत नेक न आवत लाज ।
कुलकी कान मान गुरुजनकी मन चित्त सों
गई भाज ॥

लखि लखि हंस हंस करत घरस्पर मनमाने
सब काज ।
नर नारी सब यह सुख विलसत कोज अटा
कोज छाज ॥

है सुरनी सिर मन्दिर मोरी है देव शिरताज ।
दासी दास हिय उर निरन्तर यहि छवि सों विराज ॥

२२

मोहे भोर ही जगावत रे काहेकी आनके ।
जिन सखिवन सङ्ग रेन गंवाई आशकू वहो
जावो जानके ॥

२३

हाथ मटु किया रङ्गकी मरी रे सइयांकी बाट देखों
कब की खरी रे ।
उनहीं के रङ्ग में भर पिचकारी मुख पर मार
दा घरौ घरी रे ॥

२४

कान्ह रङ्ग डार दियो मो पर मोर सास सुने
देहे गारी ।
मैं तुमको पहंचानत नाहीं स्वामी सुने मोहे
मारि अनारी ॥
ऐसे लङ्गर तुम लाला काहे बिगारी सारौ ।
लक्ष्मी रसिक मन सायो अब तो मैं तेरे वलिहारी ॥

भैरवी—तिताला

रे कन्हैया सांवरी मोहे रङ्ग भर डारी ।
भर मारी पिचकारी केशर रङ्ग सुरङ्ग चुनरिया
बिगारी ॥
सङ्गकी सखी सब दूर सटक गई हा हा हा कर डारी ।
कृष्ण रसिक ने रस वश कर लीन्हों गावत दे दे तारी ॥

रङ्ग डारी अंगिया भीजो चुनरी अब कैसे
घर जाऊं कन्हैया ।

सास ननदिया और जठनिया हंसो करंगे
नरनारो रे दैया ॥

सखी सहेली कौक टिग नाहीं वरवश मोरो
बहियां मरोरो रे वैया ।
कृष्ण रसिक रस वश कर डारो अब तो छोड़
लागूं तोरो पैया ॥

लाला अर नहीं कर रे मोहे छाड़ दे मोहे जान दे
यमुना जीके घाट ।

होली में तुम धूम मचाई गारो गावै नचावै लै काट ॥
अगर बगर के लाग सुनत है मोहे सास ननदी नाट ।
सङ्गर ठोठ वनवारो सांवरी रोक रङ्गो मांभ बाट ॥

रो ग्वालनी खेलतमें मेरी गेंद क्यों लई है चुराई ।
ग्वालबाल सङ्ग खेल मच्यो ते अंगियामें डराई ॥
लपट भपट बहियां गहे लीन्हों एक गई दो घाई ।
अबौर गुलाल मल्लो मुख रोरो पिचकारिन सों
भिजाई

कृष्णरूप हो गई रो ग्वारन सुधबुध सब विसराई ॥

श्यामसुन्दर व्रजमोहन प्यारे होरो खेलन आए हैं ।
अबौर गुलाल कुङ्कुमा केशर पिचकारिन रङ्ग
काए हैं ॥
चन्दन वन्दन बुका रोरो सब धारन में भर लाए हैं ।

सखी श्याम को श्याम सखिन का ले ले मुख
लपटाए हैं ॥

वीणा मृदङ्ग मुरचङ्ग डफ बाजत होरो राग
जमाए हैं ।

गोकुल महावन और वृन्दावन व्रजमें धूम मच.ए हैं ॥
हो हो कर बोलत सब डालत आनन्द उरन
समाए हैं ।

सुरनर मुनि सब देखत ठाढ़े सुधबुध सब विसगाए हैं
कृष्णरूप अनूप महा कवि निरख सब हो लुभाए हैं ॥

लूम—भैरवी

मोहे गरवा लगावै रे अकेली जानके ।
भौंह कमान नयन मृगलोचन तक तक मारत
वानके ॥

डगर मोरो रोकै कन्हैया श्याम तोहे मारुंगो
संनन में ।

सुन रो सखी मैं का कइं ता को गारा दे गया
देनन में ॥

मोहे होरो खेलावे लाल मनमोहन ।
अर पिचकारो मुखपर मारे अबार गुनान लगावै
लाल मनमोहन ॥

गारा-भैरवी—तिताला

ऐसो खेलारी रसिया मोरा होरो में करत है
वरजोरी ।

आप खिले और मइको खेलावै बहियां पकर
मोहे रङ्गमें बोरे और कहै हरि हो हरि होरो ॥
व्रजको सखो सब बन बन आई मनमोहन घर
मचो है होरो ।

हाथ लिए पिचकारी प्यारी अबौर गुलाल मले
सुख रादी ॥

रस माहीं रे बालम बहुत दिनन को थोरो ।
जो तेरा जो नहीं मानै बालम खोल चोली मोरो ॥

सखी रो खिलीं पियासे मैं फालगुनके दिन चारो ।
पिया मारा मैं प्रियका रो सजना सइयां मेरा
प्राण अधारी ॥

सांवरे ने मगमें जात नन्द जूके लाड़लेने रङ्ग भर
मारो पिचकारो ।
वरज रही वरज्यो नहीं माने बहुविध से समभाय
वर वश ही मेरो बहियां मरोरत ऐसे निपट अनारो ॥

नन्दमहर जूके सुघर कन्हैया सो मैं तो उनहीं सो
रङ्ग मचाऊंगो ।
कृष्णानन्द सोहाग फाग को हर्षि श्याम सङ्ग
लाऊंगो ॥

क' भोटो-मेरवी—तिताला

गोरिया होरिया खेल रो ले पिय सङ्ग कर कर प्यार
नन्दनन्दन तेरे द्वारे आए भर ले रङ्ग पिचकार ॥
भाग साहाग तिहारो रो आलौ घर बैठे आए हैं
सुरार ।

कृष्णरसिक रसवश कर ले रो अबीर गुलाल को डार ॥

छेल मेरो अंगिया में पिचकारो मार गयो ।
लपट भपटके बहियां गहे लौन्हीं अचरा पकर लयो ॥
होरो के मिश पाय के प्यारे जो तुम कहाँ सो सयो ।
कृष्ण रसिक अब छाड़ दे प्यारे जो कुछ भयो
सो भयो ॥

क्यों भर मारी पिचकारो बे छैला ।
सुरङ्ग चुनरिया सब हाँ भिजोई ता पर दई है
गारो बे छैला ॥
सङ्गकी सखी सब दूर निकस गई हाँ हाँ कर
हारो बे छैला ।

कृष्ण रसिक सब रङ्ग में बोरी अपने वश कर डारो
बे छैला ॥

सांवरा सलोना मेरा प्यारा बे होरो खेलन
मेरे घर आया बे
गावदा बजावदा धूम मचावदा साडा जिय
ललचाया बे ॥
अबीर गुलाल उड़ावदा आवदा सब सखियां दे
मन भाया बे ।
कृष्णरसिक रस रङ्ग दे नाजो रहस रहस गर
लाया बे ॥

होरो खेल ले हरिके सङ्ग प्यारी मान न करिए ।
मदनमोहन सोहन ते पायो चरण कमल
चित्त धरिए ॥
अबीर गुलाल कुङ्कुमा केसर पिचकारिन रङ्ग भरिए ।
कृष्णरसिक को रसवश कर ले चरण जाय तुम परिए ॥

होरो को छेल बन रह्यो रो रङ्ग में ।
मनमोहन व्रजवासो सांवरो इत ग्वाल बाल
लिए होरो गावे उत राधे सखा लिए है सङ्गमें ॥
ताल पखावज आवज सुरला वीणा मृदङ्ग रबाव
गावै चङ्गमें ।
रसिक रङ्ग व्रज धूम मचाई खेल मच्यो भारो
भीजे अङ्गमें ॥

मैं अपने मोहन सो होरो खेलौंगी रङ्ग बनाय बनाय ।
अबीर गुलाल कुङ्कुमा केसर रङ्ग बरसाय बरसाय ॥
लपट भपट मोहे पकर लौन्हीं है कलका
बदला चुकाय चुकाय ।
रसिक छेल सो फगुवा लूंगी पौताम्बर लेहुं
छिनाय छिनाय ॥

सब ही छाड़ मोही रंग में भिजोई आज कान्ह
होरो खेलत दिया ।

लाज तजो सब जगकी रङ्गोले कौन धरो याको
नाम कहैया ॥

८
होरी खेलत मनमोहत खेलवा ब्रजमें सखी ऐसी
धूम मचो है ।
केसर रङ्ग लिए फिरत रङ्गोले कोऊ न ग्वालि वाके
रङ्ग में बचो है ॥

१०
मनमोहन सो तेरी अंखियां लगी होरो खेल ले
गूजर बाल ।

फैट अबोर गुलालको भर ले तेरे घर आए
मदनगोपाल

कुङ्कुम केशर घोरके मल ले रसिक रङ्गोली ग्वाल ॥

११
प्यारो तेरे नयन दी पिचकारियां ।
तन मन प्राण सब हो भिजावत गावत यश
सुकुमारियां ॥

तोहो ते होरो रहत वन्दावन मूल फूल फल डारियां ।
सुन सुदु बचन लाल ब्रज जीवन भर लौन्हों
अकवारियां ॥

१२
अब ही जिन लीजे पिचकारो ।
कीजे लाज बड़नको तेरे अङ्ग अङ्ग पोताम्बर
ता में दूर गहो विहारो ॥
आवन दे आगे लागे जब तोहे भरण सुकुमारो ।
कृष्णदास हित फेर पाछे हूँ भर लीजे अकवारो ॥

१३
सखी मेरो मन हुलसानो वसन्त बहार आई ।
कोकिल कंजत अमरन गंजत अबुवा मोराई ॥
अबीर गुलाल कुङ्कुमा-केसर पिचकारिन रङ्ग छाई ।
टेसू फूले और फूले कुसुम दुम कृष्ण रसिक पाई ॥

१४
ब्रज में धूम मचो होरी खिले नन्दको लाल ।
घर घर तें वनिता सब आई अबीर लिए भर थाल ॥

कोई सखा ठाढ़ी रङ्ग छिरकत है कोई सुख
मलत गुलाल ।

वाजत ताल सुदङ्ग भांभ डफ घंघरू औ कठताल ॥
प्यारो लाड़लो श्याम नचावत देत सखी सब ताल ।
काज सखा पटका गहे ठाढ़ी कोई रोक रहो
ब्रजबाल ॥

फगुवा दे घर जाओ लना यशोमती नन्दके बाल ।
लाल सखी चरणन वलिहारो निरखत भई निहाल ॥
१५
खिले सांवरो ब्रज में फाग ।
डगर बगर में धूम मचो है डफ सुदङ्ग सङ्ग सुरलो
बजावै गावत वंशो में भिंभाटो राग ॥

काहके भाल गुलाल लगावै अपनो बार को
जावै भाग ।

विष्णुदास को पास बुलावै पकर लगावै लाग ॥

१६
खिलन लागि ब्रज में होरो नन्दमहरके लाल ।
बाजत वाणा सुदङ्ग चङ्ग वांशरी औ रबाव कठताल ॥
१७

पायन दूंगो तैं जी दान हो कोऊ ऐसी पिय को
मिलावै प्यारो रे ।

सांवरे होरोके दिनन में मो पै सब रङ्ग डारो रे ॥
अबोर गुलाल केसर पिचकारो भर मर मारो रे ।
धर बहियां भकभारो मोरो फिर हो गयो न्यारो रे ॥
सास ननद सो अब कहा कहि हूँ लाजन मारो रे ।
रसिक रङ्ग रस वश कर डारो कहु चेटक डारो रे ॥

१८
छाड़ो खेल मोरो गैल चतुर तोहे मारुंगी सैनन में ।
तेरो ई रङ्ग तेरो पिचकारा ताहे वीधुंगो रे नयनमें ॥
दृग कटाक्ष पिचकारो कर हो वश करुं दैननमें ।
रासिक रङ्ग सो फगुवा ले हौं जब देहौं जाननमें ॥

१९
रब्बा आन मिलावै फालगुन में माहोवाला ।
अपने रो अपने मन्दिरसे निकसो आटे जरद दुशाळा ॥

कोई गावत कोई नाचत आवत कोई सखा
देत है ताला ।

रसिक केल प्रभु आन मिलो तुम मोहन
मदनगोपाला ॥

२०

अंगिया ताशकी रङ्गभीनी यौवनवाके साथ ।
दूर से वचन कहो मेरे प्यारे कुवन न देहो ह्यथ ॥
भूषण डील मए अङ्ग अङ्गके मोतियन विधरे माथ ।
गावै गूदर दोऊ समय बराबर जब जिय होत सनाथ ॥

२१

आज महरके भयो है जगाती ।
छीन लेहो सकुट कामरी मूर्ख ग्वालिन
मही को माती ॥

दुग्ध लुटाय छीन लेहुं वसन तेरो कर मीनत
रहि हो पछताती ।

जाकर कहि हौं कंसरावसे पकर मंगावे तेरो
जन्म संघाती ॥

असुर संहारन जन प्रतिपालन माता यशोदाको
पूत न नाती ।

मारो कंस संशय जिन जानो को सन्माने अहोर को
जाती ॥

तव डर वश प्रभु चरण गछो है जब सर्वज्ञ
लगायो छाती ।

अज महेश सुर नर मुनि गन्धर्व जाकी रटना करत
दिन राती

गावै गूदर सो कियो वन कौड़ा जो भावे मन
चोर सोहाती ॥

२२

कैल मेरे नयनन में मनमोहन लागि रछो ।
दृष्टि परे नन्दनन्दन जब ते सब व्रत नेम बछो ॥
विन देखे मोहिं कल न परतु है दर्द न जात सछो ।
सुन्दर श्याम कमलदल लोचन जब ते मो चित्त हो ॥

मेरे चित्त बसो है सांवरो सूरत जो कहु भयो
सो सयो ।

जानकोदास श्याम रङ्ग राची जग उपहास लछो ॥
२२

दूंगी मैं नन्द दुहैया बहियां नाहीं गछो ।
देखत है सब लोक नगरके मानो श्याम कछो ॥
होरोके मिश्र मोहन प्यारे जो तुम कछो सो सछो ।
जानकादास प्रभु फेर मिलौंगो अब टुक
चिपटि रछो ॥

२४

कौन बढी ऐसी होरो रे छेला ।
पचरङ्गो चनर एकगङ्गो कोन्हीं रङ्ग सरबोरी रे छेला ॥
अबोर गुलाल कुङ्कुमा केसर अङ्ग अङ्ग रङ्ग
रोरी रे छेला ।
जानकीदास हा हा कर होरो ताऊ रसिक नहीं
होरी रे छेला ॥

२५

मेरो मन उमग्यो होरो खेलन को ।
मोहनके कुङ्कुम को चोट उघर उघर अङ्ग मिलन को ॥
उमग्यो मनुवा रहत न रोको पियको भुजन
भुज मेखन को ।
जानकोदास विलास रास सुख सरस रङ्ग रस
रेखनको ॥

जङ्गला—मेरवी

अरे भायानो हो माई होरोको शृङ्गार री ।
अबोर गुलालको बादर छायो रङ्गकी
परत फुहार री ॥

रे मेरे होरोके खेलैया रङ्ग मरि मागी पिवकारो ।
उड़त गुलाल अबीर कुङ्कुमा हमदम मैं तेरे
बलिहारी ॥

सइयां मो से रूसो रो कोऊ जाके मना लारो ।
जो पिया मोसे रूस रहो है विनतो करुं तिहारो
लिख लिख पतियां पठवों मैं पियाको ऐसा सखो
कोऊ जा रो ॥

जिन मोरी अंगिया भिजोई देया मैं तो उन्हीं को
रङ्ग में भिजाजंगी ।
सङ्गकी सखी सखा सब ले मैं तो कुच्छगलीन को
जाजंगी ॥
गारी भी दूंगी और रार करुंमो मैं ता राषा कन्हैया
बनाजंगी ।
बदला लूँ तो अबीर उड़ाजं जद अचपल हो होरी
गाजंगी ॥

मेरी अंगिया रङ्ग में बोरी भला मेरी जान मला
तुम से खेलौंगी हो हो होरी ।
बरजोरी हाथ लगावत छतियां सकुचावत है गोरी
हा हा करुं घर जान दे कैलवा बहुत दिननकी
थोरो ॥

आए फाल्गुन मास भ्रमाभ्रम खेलूंगी होरी ।
सुख मीडूँ गर लाय पिया सो फगुवा लो री ॥
सइयां को सुहाग होहुं फाल्गुन में काकी चोरी ।
पिचकारिन रङ्ग केसर छिरकों अबीर गुलाल
ले हों भर भोरी ॥

होरी मैं ना खेलूंगी फाल्गुन री मोरे हरवा
चुभि चुभि जाय ।
सुख मीडत वरजोरी कान्ह मोहे वरवष गरवा लगाय
कृष्णानन्द लाल गिरिधरके लागत फिर फिर पाय ॥

आए फाल्गुन में चल गोरी मद गज चाल चलाए ।
लोकलाज कुलकान तजी सब पिय लए गरवा लगाए ॥

बनवारी गही मोरी बहियां आज ।
अब देख सखी गई सगरी लाज ॥
हों ज्यों अचानक घरते आई मोहे मिल्यो है
जोर समाज ।

धाय लई लपटाय चाय सो निपट ढीठ वाको
नाहीं लाज ॥
निश दिन रार करत है सब सो अब वशबो
यहां नाहीं काज ।
छविनायक यासो तज दोजि अचल करे अब
ब्रज में राज ॥

भैरवी—यत्

उठ चल री पिया सो खेल फाग आछे रहस रहस
गरे लाग लाग ।
यह अवसर नहीं रूठनके मेरे कहे तू तज वैराग
छविमायक आए तोहे मनावन सौत सराइत
तेरो भाग ॥

बन बन होरी खेलैं ब्रजकी नारी मनमोहनके
सङ्ग कर शृङ्गार ।
बाजत वीणा रवाब भांभ डफ मुरचङ्ग औ
मुरलो सितार ॥
कोज गावत मीठे खर रवि सो कोज नाचत गति
दे दे तार ।
कोज गुलाल कोज अबीर उड़ावत कोज कुडकुम
पिचकारो मार ॥
कोज कर गहे हंस हंस सुख मीजत कोज गर
लावत बहियां डार ।
शिव ब्रह्मादिक औ सनकादिक निरख हर्ष बहु
सुमन भार
छविनायक सुख कहां लग वरणीं थाक रछो
रवि रथ अपार ॥

सावलिया अब न सहौंगी बहुत सही तेरो गारी ।
ऐसे भए तुम नन्दके लायक ब्रज की रीति बिगारी ॥
जो तुम कहियो एक सांवरे तो मैं कहियो चारो ।
जाय कहीं मैं नन्द बवा सो तुत देहि निसारो ॥
खेलत फाग श्रीवन्दावन में गावत दे दे तारो ।

अबीर गुलाल कुङ्कुमा केसर मारत भर भरके
पिचकारी
ऐसा ढोठ सूरको खामो कैसे बचे कोऊ
ब्रज को नारी ॥

४

री जीवन कैसे होय गो इन कान्हा ने चेटक लायो ।
उरभ रहो मोरी सुरभत माहों इन अखियन
वेर वसायो ॥
ए मन मानत ना सजनी कोटि भांति समभायो ।
कल न परत विन देखे सजनो मोहन रूप लुभायो ॥
तन मन नयन में सांवरी सूरत दर्शत हो सुख पायो ।
सुन्दर श्याम कमलदल लोचन कोटिक मदन लजायो
मग्न रूप दृगन में वग्न गयो कान्ह हिं कान्ह
छवि छायो ॥

काफ़ी—भैरवी

ग्वाल बाल पिचकारी सङ्ग ले आज कान्ह चढ़ि
आयो रो ।
होरी गार सुनावत मद्र को कर में कुङ्कुमा
छिपायो रो ॥
छिपत न बनत कहत है राधिका ललितादिक को
बुलायो रो ।
आय जुरी प्यारी ढिग गोपी होरी को साज
मंगायो रो ॥
दोज दल भुक्त कहत आवत है नयन की सैन
बतायो रो ।
भांभ सदक ताल डफ धुमकत मोहन वंशी
बजायो रो
रामरङ्ग श्रीवन्दावन में होरी खेल रचायो रो ॥

पौल—भैरवी

पकर ले जै हों नन्द बवापि हारे पे धूम मचावत रो ।
आप गावत गारी मो को सुनावत भपट भपट
ढिग आवत रो ॥

कोऊ एक ग्वाल अबीर ले आवत कोऊ पिचकार
चलावत रो ।
लेके कुङ्कुमा फेंक्यो सखिन पर भोड़ल अबीर
उड़ावत रो ॥
बाजत वीणा ताल डफ धुमकत होरी राग
जमावत रो ।
निकसन नहीं पावै ब्रजवनिता फिर फिर वंशी
बजावत रो ॥
महल सो भुंड निकल सन्मुख भई पकड़ मोहन
को छवावत रो ।
रामरङ्ग गिरिधर पर वग्न भए फगुवा लिए मन
भावत रो ॥

जङ्गला—भैरवी

धन्य धन्य भाग्य जीवन जन्म आज होरी खेलन
मोहन मेरे आयो रो ।
कौन रङ्ग डारों सांवरे पे जिन मेरे मनको
लोभायो रो ॥
कक्षन थार कुसुम केसर रङ्ग अबीर गुलाल
उढ़ायो रो ।
कौन पुण्य प्रगटे मारे सजनी घर बैठे धन पायो रो ॥

काफ़ी-सिन्धु-भैरवी—यत्

आज होरी खेलत में जबसे देखी वा सुन्दर सांवरे
की भलक पे भलक ।
सखी कहा कहीं मेरी अब लो न लागो नेक ह
तबसे पलक पे पलक ॥
एक तो मुकट पीताम्बरको शोभा निरख
दूजे दृगनकी छवि और दर्शनको चमक पे चमक ।
तीजे चाल चलत अति लागो सली वाके दोऊ
कपोलनकी थलक पे थलक ॥
बनमाला गरे अरण कुण्डल परे मीठे वैन करे गाय
मनको हरे नृत्य करत खरी नौकी लागी वाके
मुख ते अमकी बुन्दनकी ढलकपे ढलक ।

चोवा चन्दन अरगजा काहू से मलत काहू पे अबोर
गुलाल फोकत काहूके मुखपर पिचकारन मर भर
देत है रङ्गकी कलक पे कलक
एते गुण देख प्यारेके एरी सखी वाके प्रेमकी
जियामे मौज भई मोहि और भी ऐसी के सुध न
रही वाकी वंशीकी सुन के ललकपे ललक ॥

२

इतनी कोई कहियो हमारी मनमोहन व्रजराज
सांवरे सो ए हो नारी ।
पाय स्पर्श कर दर्शन कौन्यो हूँ जो दोऊ जोर
कर ठाढ़ी

फिर पाछे इतनी कह दीज्या मोहे काहे को
विसारी न ली सुध एक हूँ बारी ॥
फाल्गुन आयो भांभ डफ बाजै भौर भई अति भारी
मोहे तो आशा तिहारि मिलनको भूल गई सुध सारो
पिया तरफत हूँ न्यारी ।

मोहे गुलाल लाल विन तेरे भई है रेन अधियारो ।
अंसुअनको अब रङ्ग बनो है नयन बने पिचकारी
पिया छोरत हूँ हारो ॥

वृन्दावनको कुञ्च गलिन में दूँ दूत दूँ दूत हारो ।
दो दर्शन मोहि अपनो मौजसे ए हो कृष्णमुरारो
पिया मोहि आशा तिहारो ॥

२

अरे बारि मनको कपट कहां तज रे ।
जो तू आपन भलो रे चाहत बोरे नीको बचन
मेरो मान ले रसिया देख प्यारे समज रे ॥

४

भाज श्याम मेरे हारे हो आए होरो खेलन
अति चाव भरे ।

अङ्ग अङ्ग रङ्ग सो मौज रहो है अबोर गुलाल
भुजन पे परे ॥

मोर सुकट पोताम्बर सोहै और मुरली अधरान धरे ।

मौज ऐसी छविके वलिहारो निर्पत हो दुःख
दन्ह हरे ॥

५

क्या खूब ऐसो आन बजाई बन में कान्ह वांसरी ।
सखी ध्वनि सुन निकसन लागो सांसरी ॥
यमुनाके तोरे गज गोकुलकी भूल गई सब चरन
घासरी ।

होरो की धूम मची या ब्रज में आयो फाल्गुन
मास री

मौज हो तो मोहो या वंशोवारे विरहका
मनमें लागी फांस री ॥

परज—भैरवी

होरो खेलन को जो आए हो मो सों तो आवो
श्याम पर मांभके घटको ।

सुखसे विराजो धाम तिहारो उतारो पोताम्बर
खोलो कटको ।

करते मुरली धरो ओ बढ़ावो शोष ते अपने या
मोर सुकट को ।

सरज रङ्ग डारो हरे गुलाल मलो नेक नेक सो
उधारो घूँघट को

ऐसे नरम करके कर चकरो जो न लगे मोरो
बाँह को भटको ॥

२

ए तो खेल है मन मिलवे को ना तो वरजोरो
को है नहीं नटको ।

जब हम तुम मिल मौज करन लागे तब है
का को डर कौन को खट को ॥

टाड़ी—भैरवी

भाज होरो खेलनको मैं भाई हों चित्त धर ले
कर अबोर गुलाल रङ्ग ।

सुन्दर चतुर सुघर खेलारी जब जानांगी तब
दोगी मेरो सङ्ग ॥

बाजैगी वीणा रवाब मुरलिका भांभ चङ्ग और मृदङ्ग ।

मौज होवैगी तन तन मेरे जब जिय होवैगी
प्यारे उमङ्ग ॥

सुनो री मोरी सकल सभा ए री बूवाके खेलसे
राम बचावे ।

काहू सो लपट और भपट काहू सो धर पटके
अङ्ग लगावे ॥

हौं जो गई होरी खेलन को लाख तरि से रचावे ।
हौं जो कहत वो मानत नाहीं अपनि ही बात
मन भावे ॥

चोवा चन्दन और अरगजा अबीर गुलाल उड़ावे ।
धर बहियां भकभोरो मोरी अचपल होके आवे ॥

फाग में खांग मचावे अरी तू तो आपी खेले
कोज खेल न पावे ।

काहू को दलत और काहू को मलत है कोज
गोकुल कैसेकै जावे ॥

वाके रङ्ग को सब ही जानत है घकर करके मिजावे ।
उन को कहा कोज कह न सकत है वो तो अचपल
होरी गावे ॥

जिन जावोरी आज जल यमुना भरण मग ठाड़ो
है कान्ह जोरी पकरत रन ।

वरजोरी करत खेलत है होरी आपन देह नहीं
काहू धरन ॥

भर पिचकारी मोरे मुखपर मारी छतियन पर
रङ्ग लाग्यो है टरन ।

वा रङ्ग से कैसे घर जाऊं सास ननद लख
लागी लरन ॥

वाही सोचकी मारी मरत हूँ धका धक जियरा
लाग्यो है करन ।

विष्णुदास प्रभु से कहा कहिये उनकी हंसो औरन
जी को डरन ॥

५

नन्दलालने देखो री चुनरिया रङ्ग बोरी ।

दया री करत फिरत वरजोरी ॥

होरी धूम मचाई मोरी माई निपट निर्लज्ज भयो
कंवर कन्हाई कुच्छगलिन में मटकत डोलत वरजोरी ।

हंस हंस घूँघट खोलत विष्णुदास घर सास लरेगी
मोतियन की लर तोरी ॥

६

मन देखत मोर सुकुटकी लटक गयो आलो री
आज हियते सटक ।

केसर तिलक अलक घुंघरारी अवरण दोज कुण्डल
है चटक ॥

हौं दधि बेचन जात वृन्दावन मार्ग सो जो गई री
मटक ।

बीच मिले यशोमती के हैल होरी खेलत आवत
भटक मटक ॥

बहियां पकर मेरी चूनर भटकी मटकी दधिकी
देई जो पटक ।

बुद्धिविहारो खेलारी होरी को न मानत काहूकी
निक अटक ॥

७

जिन निकसी कोज आज डगर होरी खेलत श्याम
कन्हैया ।

वीणा रबाव भांभ डफ बाजै जलतरङ्ग मुरली
सनैया ॥

ग्वालबाल मधुमाते आवत गावत नाचत टे घुमरैया ।
पिचकारिन मारत भर भर वा दिन ते जो अचानक

आई मोपर दृष्टि परी बलभैया
भपट करी ठाढ़ी सखियन में छीन लयो मेरो

दूध दहैया ॥

८

वरजोरी तोरी तनो अंगिया विहंस गरे लायो

गहे बहियां मुख मलो अबीर गुलाल अतर ।

कोटि यत्न कर सौँह देवाई दोज करजोर परी हँ
पइयां बहु विनती हारी कर कर
ब्रजवासी सब लोक बुरे हैं देत दोष मोहे लाग लगेया
कविनायक जैसे हम देखे तैसे न देखे काहू ठगेया
सुध आवै कांपों धर धर ॥

जब मोसे होरो खेलो सांवरे मनकी कपट तज दे रे ।
लाजुल काहे को बहियां मरोरत रसिया अंगिया
फारी आवै आवै लजा रे ॥

१०

सांवरो रङ्ग डार गयो मोरी आंखन बीच अबीर ।
यमुनाके नीरे तीरे वंशिया बजावै आखर जात अहीर ॥

११

लागत निकस जात सुन्दर मुखते तेरी गारी
मोहे प्यारी ।
बेसर की मोतियन भमक चन्द्रकी चमक सोहत
न्यारी ॥

१२

होत है मूर्ख क्या जाने नारि की सार री कलाई
फूल हूँ से सुकुमार ।
सुख मीजत निपट गंवार री कर लाई कुम्हलाई
जात नार ॥

फूलसी होके चतुर कुम्हिनो कहा जाने मूर्ख
नारकी सार ।
केहरिसो कटि शुक नासिका कदली जङ्ग कुच है
मानो अनार

सुन्दर प्यारी निहार रसिक रङ्ग बार बार बलिहार ॥

काफ़ी जंगला—तिताला

कोज चलन न पावै बाट ।

फाल्गुन में जो देखे सोई मातो डोलै रङ्ग
गुलालके ठाट ॥

अबीर गुलाल की धम मची है गोकुल गांवके घाट ।
रसिक खेल प्रिय होरी गावै राग तानकी लिए डाट ॥

खेलै सांवरो होरी यमुनाके तीर ।
बाजत ताल मृदङ्ग भांभ डफ खरध्वनि मिल
उठत गभीर ॥

सुन ध्वनि मन्द मधुर सुरलोकी मुनिजन घरत
न धीर ।

दुरी-सुरी भपट लपट तन्दनन्दन केसर छिरकत
नीर ॥

बहियां पकर मुसक्याय राधिका हरि मुख लाय
अबीर ।

औरसरङ्ग रीभ यह ब्रजको हम क्यों न होत अहीर ॥

१

ए हो मनाय लेत गोरी को सांवरो सन्मुख
अबीर उड़ावै ।

सङ्ग मेरे सोघत अङ्ग छिपावत आपनी भेदन बतावै ॥
अङ्गुरी में पिया मोहि जगावै लाख तरेसे रिभावै ।
ठीर ठीरको भ्रमर है रसिया चितवत मोहि लजावै ॥
लपट भपटके पकर लेत है अङ्ग सो अङ्ग लगावै ।
रसिक रङ्ग रस वश कर डारी पइयां पर जो मनावै
कर लिए पिचकारी केसर की भर भर रङ्ग चलावै ॥

४

सांवरो मोहि दे गयो गारी ।
भर पिचकारी मेरे मुखपर मारी भीज गई तनसारी
गारीकी गारी टोनाको टोना चितवन में कवि न्यारी ॥

५

हो जानी रा तेरे वश मैं नहीं आई रे ।
आप तो बैठो मानमन्दिर में मेरे जियरा को लयो
है लोभाई रे ॥

६

आन पड़े वश मेरे लला कैसे जान पावोगे
जान न दूंगी ।
गारी में देजं देलाजं औरन सो फेंट घकर कर
फगुवा लूंगी ॥

ऐसो ढीठ बलवीर तेरो वीर री दैया ।
अंगिया फार मेरो भाजन तोरो या यमुनाके तार
री दैया ॥

काफ़ी—सिन्धु

होरी खेलत भ्रमर सुजान अपने पियाके शरन में ।
वाको खेल सब वोही जानै आपी मगन है अपने
रङ्गन में ॥

तनमन तार तम्बूर बजत है कहं कामर कहं
नीके वरन में ।

साज समाज धनि सुन सारी ब्रजके खेलैया लुकानि
घरन में
अपने कन्हैया ले यौवन पद्म देखावत हरिके चरण में ॥

यद दोज खेलत हो हो होरी ।

नन्दनन्दन ब्रजराज सांवरो श्रीवृषभानु किशोरी
परमानन्द रूप रसभीने अबीर लीए भरभोरी
चलो तब खेलन होरी ॥
भुज मर अङ्ग सकुच गुरुजनकी मिल फिर जात
कुटो री ।

छूटी लट कुण्डल सो उरभो विसर पीत पिछोरी
चली सुरभावन को री ॥
कर कङ्कण कञ्चन पिचकारी लै केसर रङ्ग बोरी
छिरकत रङ्ग हुलस हिय हर्षत निरखत हरि
मुख मोरी करै चितवन चित चोरी ।

धन्य वृन्दावन धन्य वंशीवट जहां यह रास रचो री
श्रीरसरङ्ग रीभ ब्रज ऊपर वारो वैकुण्ठ करो री ॥

२

ए री मोहे श्यामसुन्दर रङ्ग डारो केशर रङ्ग
पिचकारिन मारी ।
बरजोरो कर पिया मुख मौडत है देखत है
सखी सारी ॥
विनती करत हं मानत नाहीं ऐसो अनोखो
खेलारी ।

गरवा लगावत नाहीं डरत है गावत मौडो गारो ॥
या ब्रज में भयो अनोखो कन्हैया न जानो कहा
गति करी है हमारी ।
रसिकरङ्ग प्रभु धूम मचाई तक तक के मारत
पिचकारी ॥

३

देखो री वरजोरो मो से खेलत है हो हो हो होरी ।
अबीर लगाकर सारी भिजोई अंगिया फारो
तनिया टटोरी ॥
कञ्चनकी पिचकारी चलावत नाजुक बहियां
अचानक मरोरी ।
रसिकरङ्ग ब्रज धूम मचाई हो हो हो हो
धूम मचो री ॥

४

आज डफ बाजन लागी रो श्यामरो मेरो सगुन
मनावै री ।
घरी घरी पल क्षण कल न परत है उन विन ककु न
सुहावै री ॥

५

समुझ दे हो कान्ह लाजको गारो ।
गारी देत है तारी देत है सुन ले सीख हमारी ॥
तुम तो भए हो ब्रजके ठाकुर सास सुनेगी हमारी ।
कृष्णानन्द कहत मनमोहन देखहु हृदय विचारो ॥

६

देखो चलो जात है बनवारी मेरी आंखन चोवा
रङ्ग मर डारो ।
कौन जात तेरो मथुरा नगरिया बीच मिले मोहे
ठगवारी ॥
चितवतके मन लियो है मोहन गावत है नाचत
दे तारी ।
रसिक रङ्गरस वश कर डारो ब्रजमें धूम मची है
भारी ॥

नाहक हम सो रार मचावै वरजोरो हम सो
सैन चलावै ।

नित्य ही वसत रहत वृन्दावन वंशोके बीच बीच
तान सुनावै ॥

हा हा करुं मैं पड़ेयां परुं मैं धर मइ को सब
रङ्ग रङ्गावै ।

पूर्णानन्द आशा व्रजचन्द्रकी फगुवा मांगूँ यही
मन भावै ॥

रसिया ना मानै मोरो अंखियन भरत गुलाल ।
अछन अछन पाछे अलवेलो निरख नवेलो बाल ॥
रङ्ग भरो गोरी गई बोरो करत अटपटे ख्याल ।
दया सखी घनश्याम लाडले भुज भर करत निहाल ॥

१०
तैं मेरो सारी भिजोई सारी रे ।

रसिया मूख अनारो रे ॥

घेर लियो आ सब सखियन में पिचकारी मो पै
मारो रे ।

बार दियो मोहे आपन रङ्ग मा विनती करके
हारो रे ॥

बहियां पकर मोहे गरवा लगायो सास सुने देगी
गारो रे ।

कहा करुं ककु बन नहीं आवत नेह लगायो
कारो रे ॥

११
होरो मैं ना खेलौ मेरो अंखियन डारो गुलाल ।

सारो भिजोय रसिया गारो गावत है मुंह आपन तू
संभाल ॥

१२
रो मन समभत नाहीं कैसेके मन समभाजं ।

फाल्गुनके दिन रूस रहे हैं जिय चाहे पिया की
ले भाजं ॥

कहा करौं गुइयां कौन यत्न सो रसिया के मन भाजं ।

कृष्णानन्द अब निशि वासर मैं श्याम सुरति
चित्त लाजं ॥

१३
सांवरे को मैं रङ्ग में रङ्गूंगी ।

यह फाल्गुन ऋतु आई सखी रो चित्त में उमङ्ग
भरूंगी ॥

ले नन्दनन्दन कुञ्ज कुञ्ज व्रज होरोकी रैन जगूंगी ।
काइसे मैं नाहीं डरूंगी ॥

फगुवा लेहीं मनाय मोहन को मनमाने हाल
करूंगी ।

वृन्दावन वीथिनके माहीं केलि अनेक करूंगी
नेहरस माहिं परूंगी ॥

अबोर गुलाल मलूंगी कपोलन मिल पिया ना
हट लूंगी ।

रोभ रिभाय करुं वश अपने मन ही मोह हरूंगी
चित्त चित्त माहिं ठगूंगी ॥

१४
होरी की व्रज धूम मचाई ।

नन्दनन्दन वृषभानुनन्दिनी सो भांवरनान जाई
रङ्ग रहे रङ्ग वसन केशरके अबोर गुलाल उड़ाई
कुञ्जन बिच छवि रहो छाई ॥

नाचत गावत ग्वाल ग्वालनी मिल खरराग सुहाई
कोई लिए ताल तम्बू रे सारङ्गी कोई डफ सृदङ्ग
बजाई सरस बाजत सहनाई ।

कोई फगुवा मांगत हरि जो सो दीजे कुंवर कन्हाई
नित्य प्रति ख्याल खुशाल देखावै मदनमोहन यदुराई
चित्त चित्त लियउ चोराई ॥

१५
होरी खेलन आए हमारे ।

केशर रङ्ग भरे पिचकारी उमंग उमंग उमंगा रे ॥

फेंटन भरे गुलाल कुंवर नन्द लागत अधिक पियारे ।
बैल व्रजराज दुलारे ॥

ग्वाल बाल सङ्ग शोभित शोभा उर बिच उमंग अपारे ।

वरजोरी रङ्गत सुही मेरी सारी मुखमें अबीर लगा रे
तरत कहीं नाहिं न टारे ॥

उर लावत न डरत हो रसिया यौवन उमंग अपारे ।
ख्याल खुशाल करत ब्रजमोहन महिमा अगम
अपारे परे गुण जान तिहारे ॥

१६

होरी खेले कुंवर ब्रज गोरी ।
अबीर गुलाल उड़ावत गावत ललित केशर रङ्ग बोरी
चोषा चन्दन लिपटावत अङ्ग अङ्ग लेत चितै
चित्त चोरी रूपकी डाल ठगोरी ॥

१७

मन्थो कैलासमें होरी ।
इत गौरी उत शङ्कर शम्भु मारी रङ्ग रचोरी ॥
सुर नर मुनि सब देखत ठाढ़े बोलत हो हो होरी ।
बजत डमरू घनघोरी ॥
नन्दी भङ्गी कार्तिक स्वामी सङ्ग लम्बोदर हु बहोरी ।
उड़त गुलाल लाल भए अम्बर बाजित

बहुत बजोरी

बोले सब हो हो होरी ॥

ब्रह्मा सनक सनन्दन सौनक सनातन प्रेम रहो बोरी ।
सारद गुणी गन्धर्व हाहा हूह नाना यन्त्र सजोरी
नारद सङ्ग वीणा नचोरी ॥

शिवके दास तहां निरखत हर्षत आनन्द उरमें
बढ़ोरी ।

द्वेषभ वाहन जटा गङ्गा है जाके शेष गरे लिपटोरी
बोले हर हर हो होरी ॥

१८

ललना नागोही आवै वा गोहन सोहन ।
हौं तरुणो और नहीं ब्रज में है कोई तू
समभावै या मोहन ॥

१९

होरी बाजना बाजम ।
निशिदिन मुझको ध्यान है उसका गोयद अजा
जान ईं राजम ॥

मुद्रा पहरो भस्म चढ़ाजं खुदरा चूं वैराग साजम ।
दिल खुश होके फाग मचाजं दस्त वगर दम ओ
अन्दाजम ॥

जो शोरी लब उसके देखं वर खुशरो फिरहाद
विताजम ।

आशक हो के होरी खेले गर बीनद जानाए जाजम ॥
मदके माते रेन न सोए खूनी नयन मस्त चि
साजम ।

सुन्नू औघड़ बल बल जावै गर आयद आं बन्दे
नेवाजम ॥

खमाच—अर्चय

या मोहनसे कोज पूछो तो भला मेरी नाहक
बहियां मरोर डारी ।

मैं ने कहा कियो याको नाम लियो मंहसे बात
कहो कोई गारी ॥

दही कछु डारो बिगारो देखो नयन मिलाय कुई
करते पिछोरी ।

या तो भई सो भई हों कीन्हीं गई ताह पर देखो
लङ्गरकी निठुराई चूमो मुख उर लाई अंगिया
दरकाई खोल घूँघट ले अबीर गुलाल दियो
आंखन डारो रो

और सिगरो अङ्ग चारो रङ्गसे रङ्ग सखी कहां
लोक हं वाकी मौजमें आयो सो कियो सो सङ्ग
होरी होरीके मिश करके वरजोरी ॥

२

मैं तो आई छैल तेरे द्वारे किये प्रेम अति मनमें
आश होरी खेलनको मेरे प्यारे ।

एक क्षण में मेरे पाप कटे मेरो चूनर पर पिया
अपना रङ्ग जो तू डारे ॥

हौं निर्गुण गुण एक न मोमें तुम्हरे चरण निहारे ।
बहियां गहो मेरी अपनी मौजसे नन्दनन्दन

ब्रजराज दुलारे ॥

हो रही रङ्ग हो हो हो होरी ।

डगर डगर बगर बगर धूम मची सगरे नगर
 ओ मद मरे निरखत नर नारो चहुँ ओरी ॥
 रङ्ग सो भरत काहँ सो न डरत निशदिन माहि
 चितवो करत नटवर वपु भेष धरे हैल नन्दको री ।
 गहत हार करे विवाद कुच भुज सो करत रार
 ऐसे धरो मोहिं आय लाज गई मोरी ॥
 बाजत मृदङ्ग ताल वीणा खञ्जरी रसाल
 भनक भनक घनन घनन आनन्द घनघोरी ।
 नन्दनन्दन आनन्दकन्द सब जग उजियारी चन्द्र
 वर्षत रसरङ्ग आज नन्द जू की पोरी ॥

४

कान्हा सुन ए रा सखी मो से होरी मचाई ।
 लपट भपट बहियां भकभोरी अबीर गुलाल लगाई ॥

५

ए सुन मन मेरे यार ।
 अपने विसात को सोच तनक चल रीतिकी चाल
 कुचाल को तज रङ्ग कुरङ्ग समय को देख या
 जग को जब जाने गो तू चौसर खेलनकी सार ॥
 घटके घरसे दगाबाजी को नरदको बाहर वेग निकास
 धर्म सत्य को बांधके युग रख पांच तख्तके पंज में
 गर्वके छके रोक लै पहले कपटको पौ पै न पौ
 पानौ अपमानको अपने पास फेंक डार ।
 कचो पकी सीख ले न काहकी घटी बड़ी को समझ
 जिया में कोऊ लपेटे तोहे फूल सुंघाके चार खूंटके
 बान गमके वाके न दावमें आ वरसे ऊसर मेहके गुण
 कहीं खेत को होवत है रख अपने हो दमकी
 गोटीं पै शुमार ॥

वचन और मेरे तीन कोनी सुन एक तो बद
 विचारका नियम मत कर दूजेका भाग काह पै
 न कर मुझ पांच दो छे दो आठ नव दश ग्यारे दो
 कोई सो जिनस होवे बिन दिए साहबके पूरो नहीं
 परत है काह को मांग बाहो पै जो घालत है
 सब संसार ।

तीजे और सन सीख न कचे बारे गुण चौदह विद्या
 मेरो पन्द्रह याद सोले तो से कहत हीं जामे तेरो
 सत्य रहै पूरे अठारे बौसे फिर तो सब खेलारो
 तेरे आगे है अनारो
 कर मौज मेरे मित्र तेरे हाथ रही जीत नहीं
 आवेगी कबहुँ टिग तेरे हार ॥

काफ़ी—देश

आज होरो खेल को ए होरो कही रो चलो होरो
 होरा होरो कान्ह सों कहीं क्यों न होरो ।
 गुलाल भोरिन धर होरो रङ्ग पिचकारी भर होरो
 कर कर के हो हो री
 अपनी मौजसे फगुवा लेन कारण फेंट गहो री ॥

२

मैं भिजाऊंगी पाग मेरी चनर भोजी फेंट पत्तर
 मोसे फगुवा मागै अपनी वेर जावे भाग ।
 कहा करुं कछु बन नहीं आवै पिचकारन लिए
 हाथ आज आदिल पिया मैं विनती करत हं रङ्ग
 डारोगी आज ॥

३

फाल्गुन काम हते तरकारी मेवा भरके लाया है ।
 सो लीन्हों है वनबारीने यह बात मदनको ब्रज घर
 घर सुन हर एक एक अपने धाम छोड़ बाहर
 यही कहता धाया है ॥
 बन बनके सगरी ब्रजसुन्दरी चली अपने अपने
 मन्दिरसे घर मोहनके यही कहते हुई हो हो के
 मग्न अन्दरसे ए वीर वर्ष दिनके पाछे हम
 ब्रजवधुअनके भाग्यन ने फिरके यह बोल सुनाया है ।
 जो जो गई ताहे ठठोली से कान्ह कही आमे
 आ री आ री आ देखीरा तेरी मैं बहमका कड़ी
 लील मी कहे रतालूको निर्मूली भूल गई तू तो
 आप जो शृङ्गार आई अब कहीं तूने यह सुन
 पाया है ॥
 तुम्ह कारण क्या क्या खांग कैसे रूप रनकटू देख ले

तू रुख मन में फूट रही फटकी थी मोसे जी लागा
 जरने तोसे मैं पूछूं सांच बता कित गई सुकचरो
 वो तारो किन सेंध लमा यह बताया है ।
 गुंइया गई और देखावन को अपने यौवन डेरे
 वाके रङ्ग राता लुगरा पहर हारक पग सुकच नाल
 धरतो मुई पर गुजरी दहने जाटिन डेरे और बीच
 अहीर सब ने मिल यह गीत बनाया है ॥
 जो ना रस बेगुण पूरी थी वा पे ठाकुरको भयो
 कर्म गो भीर में थो सो आए आप गए ले पलकमें
 रस यागने वाके मीठे वैनन आगे शकरकन्द दोऊ
 भए फीके फिर यह कह गरे ले लगाया है ।
 तब वो नेह चोलाई घट में कछो भई कुशल गम
 दूर हुवा मनसे गइयां दुःखकी वतियां चित्त चुका
 अब सांवत हुवा कुवखी धरकी आमधीयाले सूहेका
 अचरा करमें वाके यह कह सुसक्याया है ॥

४

एक छेर छार गोपिनवकी प्यारे यह सोच भयो
 प्यारी जो रूसी है तिन्हें अब मनाइये ।
 करके मन में विचार एक नार समझदार पठवाई
 उनके द्वार कछो बुला लाइये ॥
 सुन के यों उठ बोली मोहे न समझाइये ।
 कहांगी करोर वा पर हीं नहीं जाजंगी कहे दीन्हों
 तुमसे एक बार आप जाइये ॥

जङ्गला—तिताला

सुन सुनके सुघर चतुर सजनो ले ले कुछ कुछ बनके
 नाम समझाने लगी उस नारी जग उजियारीकी ।
 सरस संवारी सब गुण भारो पौतम प्यारी भानु
 दुलारो को ॥

किस मिस तोहे समझाऊं प्यारी और कहूं तो है
 कैसे अनार ।

जगत् को सब ज्ञान जी रहों तेरे तो सो अष्ट याम
 फल पावै नरनार ॥

दाना होय क्यों बनत वे दाना सहे तू तो प्यारे
 को वचन न टार ।
 काहू को सिखाए मोको आलोवालो मत दे अङ्गुली
 पकर चलवार ॥
 तो पै तो है आ सेवत मोगो बेर बेर जो करत है रार ।
 माते मैं क्यों चिरञ्जीव अपने परखो प्रात ही बोल
 तिहारे हटकी खोवानी समझ जा मनमें कम रख
 जिन अदरख पो सो प्यार ॥
 को ए भी नासपातो है कहा तू और जीव पिस्ता है
 हर बार बार ।
 अब ही आम होंगे बात गाव में फलसे पै लोग
 करेंगे विचार ॥
 हरवा खरबूजा पगी फैल यह भी तरबूज के मनमें
 निहार ।
 सङ्ग तेरे को लेके लगेइ रहत है आय अकेले
 दुष्ट हजार ॥
 वे खांगो कर बाना रङ्गी फाल्गुन में चरचंगी पुकार ।
 मान वचच वाहे दवा दाम में अलख अपने नो
 उधार ॥
 छेर छूवार नो कर ते कर देख दाख वा को व्यवहार ।
 उन तो अब लों तेरी है राखी न नौकी मांति सों
 बात सुधार ॥
 सुंघवनी बूतनकी बनेके निरख परख रोट को
 दे विसार ।
 भली ही तू इत में अनन्या सोखी तेरो वसफ तालु
 रसना से है न्यार ॥
 कंथ ज्यो होवै मी ठाकुर है वांकी नाम नखटा
 कर डार ।
 जैसे सीरी सीताफल पायो रामचन्द्रकी दयासे अपार
 अपनी मौजसे सदा फल देगो राधा तोहे कृष्ण सुरार ॥
 १
 जब इतनो इतनो समझायो वाको उस सखी
 सयानी ने ।

तब बारी आभरण सोले शृङ्गार किए ले दर्पण
महरानौने
हंस हंस के यही अपनी मौजसे कहतो चलो वा
सजनी से क्या सुनके जिय हुलसाया है
फाल्गुनका महतानौने ॥

चञ्चल चवैया रो आली यशोदाको लाल देखो
हां मोरे ललना हों दधि बेचन जात रहो ब्रज
नाहक रार मचाई ।
तेरी चेरो तेरे चेरे को चेरो ऐसे नाच नचाई ॥
हा मोरे ललना हमरे सङ्गकी दूर निकस गईं
मोहन बहियां मरीरो ।

सास ननदिया रिसावै मो सों सुख मल दर्ई रोरी ॥
मैं तो वरसानेको ग्वारनी रे तुम हलधर जोके बौर ।
मीराके प्रभु फगुवा लीन्हों मोहन श्याम शरोर ॥

आज हरि ब्रज गोपिन पकरे ।
मीर मुकट मुरली पीताम्बर सब ले कोर धरे ॥
पहेराई चूरी चुनरिया बेदी अति कजरे ।
चरण गुजरी कर कङ्कण बाजू बन्दन बांह वरे ॥
सौसफूल और नासर वेसर की मोती मांग भरे ।
केश पकर के कांस पकाड़ी ताहू मो नाह डरे ॥
उस मोहन को वश ज्यो कियो नारो न कूटो
पाव परे ।

फगुवा देत लेत नहीं सुन्दर अब धौ कहा करे ॥
नारो शृङ्गार सबे पहराए नाच नचाए लगाय गरे ।
सूर श्याम वैकुण्ठ निवासी हा हा करत खरे
मन माया सखी फगुवा लीन्हों प्रेम मग्न में
आन ठरे ॥

सखी हों तो रङ्गीली अपने रङ्गमें कौज जिव
मारो पिचकार ।
हों बीरो होरो खेल न जानों सब जग चतुर खेलार ॥

ना मुख मलों अबीर अरगजा ना तन सजौं शृङ्गार ।
जब से भई हूं मग्न वैरागन बाढो रूप अपार ॥

अनोखे कान्ह मेरो चूनर रङ्ग भर डारो ।
बाट चलत मेरो सुख मसलत हो और देत हो गारो ॥
कहा करुं कहु कहन सकत हूं लागो लाज तिहारो ।
मग्न कहत निपट जिन विगरो मानो बात हमारो ॥

सुन ए रो सखी आज ए रो ए रो सखी आज
विलम्ब रहे कइं काना ।
हम को कहत तुम पलङ्ग बिछावो उनको बात
हम माना ॥

आवन दे पिया अपनी बार कइं नित्य उठ ठग
ठग जाना ।

सोले शृङ्गार बतीसों आभरण अङ्ग सजै मन माना ॥
डोलत फिरत और तियनमें मोसे हंस हंस जाना ।
खेलत होइ है ब्रजकी सखिन में भाई है तो
करि है वहाना ॥

गोकुल ढूँढो वृन्दावन ढूँढो उनका कौन ठिकाना ।
सुन्दर श्याम कमलदल लोचन नन्दमहर जूके छाना ॥
मीर मुकट पीताम्बर सोहत कुण्डल भलकत काना ।
सांवरे मुखपर तिलक विराजे जा सों लग्यो
मेरो आना ॥

वंशी बजावत गावत नोके मोह लिया मिरा प्राना ।
सूरदास स्वामी तेरे दर्श को हरि चरण कमल
लगो ध्याना ॥

सांवरे मो पै डार दियो मेरे आंखन बीच अबीर ।
यमुनाके तीर मुरली बजावै आखर जात अहीर ॥

ए रो अबीर गुलाल मो पै डार दियो
अचानक आन परो रो ।
उफ बजावत गारो गावत नाहक उल्लभ परो रो ॥

११

सारी मेरी सारी भिजोई केशर भर मारी पिचकारी ।
 चांगिया रंगिया रङ्ग में रङ्गी है ऐसे चतुर खेलारी
 सङ्गकी सखा सब दूर निकस गई बहियां मरोर
 दई गारी ॥

१२

श्याम मोहि चोरी लगाई ऐसी होरी मचाई ।
 खेलत गेद गिरी यसुना में ते मोरी गेद चुराई ॥
 हाथ डाल अङ्गिया बीच देखौं एक गई दिय पाई ।
 दोऊ भुज पकर लपट अङ्गन मेरो मुख चुम्बत
 सुसकाई ॥

नेक न लाज करत काङ्गकी ऐसी लगर कन्हाई ।
 कृष्णानन्द श्याम चोरी मिस लियो मोहि अपनाई ॥

१३

मेरे चांगन खेलै फाग री माई सांवलिया ।
 हमरी चुनरिया रङ्ग से भिजोई अपनी बचाई
 पाग री माई सांवलिया
 कृष्णानन्द बलिहारी गई मैं धन्य धन्य मेरो
 भाग री माई सांवलिया ॥

सोरठ—तिताला

अब मेरी चुनरी में दाग परी अनारी से काम परी ।
 यह मतवरवा मानत नाहीं जियरे के वैर परी
 कृष्णानन्द न मानत ग्वालिन दोऊ भुज गहि पकरो ॥

२

गोरी ए री सांवलिया तै रङ्ग बोरी भोज गई
 रङ्गरस में ।
 श्याम रङ्ग निशदिन सुख वरसत बलिहारी तेरे वश में
 कृष्णानन्द अथाह प्रेम में गावत तेरो यश में ॥

काफ़ी—तिताला

अपना खाल मोहि मांगे दे री पाल्गुनके दिन
 चार सखी री ।
 गजमोतियन सी धार भरीगी करि के सोरही
 शङ्कर सखी री

कृष्णानन्द आश मेरी पुजवहु पइयां परी बार
 हजार सखी री ॥

सोरठ—तिताला

सइयां विदेश मोरे आयो फाग री ।
 जिनके पिया परदेश गए हैं उनके भाग्य भयो
 विरह दाग री
 कृष्णानन्द मनावत ठाढ़ी आव पिया हंस गरे
 लाग री ॥

२

आज कान्ह सङ्ग खेलौं मैं होरी सुन्दर वार
 सुगन्ध लगाए ।
 अधर विद्रुम मुख पानकी लाली दर्शन चमक
 चपला चमकाए
 दृगन देख मृग ह ललचाने चन्द्रवदन मानी
 चन्द्र लजाए ॥

धानी—काफ़ी

नन्दके छोहरा मेरी मन लियो मुरली बजाय ।
 इत मथुरा उत गोकुल नगरी बीच में ठाढ़ी लजाय ॥
 परज—काफ़ी

आज अनोखी नारी श्याम सङ्ग खेलत होरी ।
 सब सखियां मिल बन बन आई अबीर गुलाल
 लिए भर भीरो
 कृष्णानन्द प्रेमरस माती चित्त रातो सब
 ब्रजकी गोरी ॥

काफ़ी—अवैया

आज होरी खेलत देखी छवि जो मोहनकी लागी
 सुन्दर मेरे मनमें निपट ।
 उर वनमाला मकराकृत कुण्डल कटि पीताम्बर
 शीर्ष मुकट ॥
 उत ठाढ़ी ब्रजवनिता सकल दृढ़ इत ब्रजराज
 कुमार किये हट ।
 वे मारत पिचकारिन तक तक ये फेंकत अबीर
 गुलाल भपट ॥

ये उघटत वे नृत्यत हंस हंस त त त ता धेई धेई
उलट पलट ।

मौज निरख प्रभु की ए शोभा को सारद को गई
बुद्धि उचट ॥

काफ़ी—सिन्धु

ए रो तू तो कहत हो जात है खेन यमुनातट
शिरपरकी बूटो ।

उत जाय अकेली नन्दलाल सो होरी खेलन पे कूटो ॥
भोज वसन गुलाल मुख लागि अंगिया दरकी
माला टूटी ।

तेरो सांच तो प्रगट है मौज भी कैसे कहै हम भूटो ॥

काफ़ी—टोड़ी

जैसे तू खेलत है गो होरी मोहन ऐसे तो काह
नयन देखो न सुनी ।

तेरे चलन को निरख निरख कर कहत हैं सब
नरनारी पुराने गुनी ॥

चन्दन अबीर गुलाल केशर रङ्ग यह देखो नेक
वहां न दुनी ।

मेरे तो मनकी मौज में यह आवत दर लाख
मुख चूमूं तेरे पगको भुनभुनौ ॥

२

होरी खेलत लपट भपट मनमोहन मनमें कपट
नाहीं काहकी अट ।

भपट पट भटक डारो गुलाल अबीर मौज गई
सारो ह्वे गई गट

पट लट कुट हट अङ्ग अङ्ग में बिथरो मौज मेरी
रङ्गी चुनरो चटक ॥

२

मोरे सद्गयांके मनमें परो है गांठ ए रो ए मैं कौन
यत्न सों खोलौं ।

सब सखियां मिल बन बन आईं मैं बेठी विष घोलीं ॥
अबके फाग पिय भए हैं वैरागो नगर नगर मैं डोलौं ।

कृष्णानन्द विसुरत निशदिन धोर धरौं मैं को लौं ॥

४

मन छल लीन्हो खेल छलैया छलक ।

नेक देखाय यौवनको भलक ॥

मनमोहनको मोहिनी मूर्ति कूट रहो मुखड़े पै
अलक टलक ।

जब ते चितवन देखी तबते नाहीं लागत है पलक ॥

अब कहा करि हो उपाय सखो रो चित्त चाहत
पिया मिलन कुलक ।

ख्याल खुशाल करुंगी कुञ्जन में जोलों चाहै
जिय तौलों तलक ॥

५

बारी वयस या रस में भरे तेरे नयन मेन है
कन्हैया रे ।

निरखत करत प्राण वश वेग ही चञ्चल चपल
छलैया रे ॥

उरभ रहे पर सुरभत नाहीं ऋतु रस सुख
विलसैया रे ।

यौवन उमङ्ग भरे चित्त चोरत नेहके रङ्ग रङ्गैया रे
ता पर ब्रजमें विहार करत है ख्याल खुशाल
करैया रे ॥

६

तनक सुनो सुरलीकी भनक मेरो मन गयो
हाथ सों दिया ।

वंशो सुनो बहुतेरी बाजत बहुत देखे हम
वीणा बजैया ॥

रूप स्वरूप लखे हम लाखन वेन मिले चितवनके
हरैया ।

काह सो अटको न मन अबतक चैन गई जबसे
दिन रजनी या दुःखको है कौन हरैया ॥

विरह व्यथाकी मारी मरत हूँ औषधकी है कौन
देवैया ।

जासों मिटत मोरे जियकी कसक काह ब्रजवासो
गरे डारो फांसो कित गयो जालम फांसो देवैया ॥

चिन्त वश गयो अब फन्द परो है फांसी डार गयो
घोर कन्हैया ।

ऐसी फांसी में ता तपक तषक मो पै जादू चलाई रे
मोहन लूट गई अब नाहीं पुछैया ॥

मोहनके छल सोई है काजुम बांच रहे बलराम
दुहैया ।

याही सुरत में यरो अबतक राम हो सो अब
काम परैया ॥

काफ़ी—सिन्धु

पायो री धर कुंवर कन्हैया ।

गृह गृहते निकसी व्रजवनिता आपु अकेली न
सङ्ग सहैया ॥

काह्छ छीन लई कर सुरली काह्छ सुकुट काह्छ
पीत पिछैया ।

पहरायो घांचरो चीर अनवट बेसर और हंसैया ॥

कर चूरी कङ्कण जरावके तरवन कनक कनो
चमकैया ।

मोतिन मांग मरी मोहनकी अञ्जन दृगन दिए
वरणैया ॥

हरि हि नचावत ता ता थैया अद्भुत खेल खेलावै
लुगैया ।

अजन छाड़ दयो अपने के पम पग देत है राज दुहैया
सूर श्याम सौ फगुवा लीन्हों रसवश कर लीन्हें

बल भैया ॥

२

प्यारी तेरे नयनम में ककु टोना ।

मोह लियो रस फाग लाग में सुन्दर श्याम सलोना ॥

खेल छाड़ तक लाग रछो में प्यारी नन्द टिटोना ।

व्रजनिधिकी मूठ उड़त है जीव करत है ज्यों

मृग छीना ॥

३

में तो सांभरे सङ्ग खेलन जइहँ घर बैठे कहां लौ
जीव तरसैं हँ ।

मत कोई सुभे हटको रो सखी आज बवाकी सों
मैं विष खै हँ ॥

और रङ्ग सब फोके लागे पियरे पट सों हियरा
हुलसै हँ ।

प्यारे गोपाल सोहात वडो मनमोहन मित्र दिए
लपटे हँ ॥

४

भटको मेरो चीर मुरारो ।

रङ्ग गागर शीषं से भटको बेसर मुकर गई सारो ॥

रेशम बन्ध कुचन के तोड़े ऐसे अनोखे खेलारो ।

पार परोसन सखी सहिली हा हा हा कर हारो ॥

ऐसी शिखा दई काह्छ तिथ ने मानत ना वनवारो ।

यमुना तट चीर जो फारो ॥

५

आज खेलुंगी फाग बनाय लाल मेरे द्वारे ही आए ।

हमरो चुनरिया रङ्ग सो भिजाई अपना पाग बचाए ॥

६

तुम छीन लो छिना लो करसे पिचकार ।

अबौर गुलालके बादर छाए केशर रङ्गकी

परत फुहार ॥

७

श्यामा श्याम सों आज खेलत फाग नई ।

नन्दनन्दनकी राधा कीन्हों माधव आप मई ॥

यमुना तट विहरत प्रमोद में नव छवि रङ्ग रई ।

बाजत ताल मृदङ्ग भांभ डफ अबौर आकाश छई ॥

सखा सखी ही सखी सखा हो यशोमती भवन गई ।

उलख्यो रूप देखि श्रीपति को मति गति पलट गई ॥

फगुवा दियो मंगाय सांवरे कञ्चन रतून मई ।

सूरश्याम की वदन विलोकत उधर गई कलई ॥

८

गोकुल में खेलते होरी ।

नन्दनन्दन वृषभानुसुता मिल अरस घरस भक्तभोरो

राधा भिजोई पाग पिछोरी उन चूनर रङ्ग में बोरी

निरखि छवि काम लजो री ॥

अबीर गुलाल कुङ्कुमा चन्दन वन्दन लै छिरको रो
 भर पिचकारो श्याम जू मारो भानुसुता रङ्ग बोरो
 कहे हरि होरो है होरी ।
 सखा सखी मिल देखत ठाढ़े भारो खेल रच्यो रो
 उन तोरी वाक्यो मोहनमाला उन लई है पीत पिङ्गीरो
 कहां जावो माखन चोरो ॥
 उत तें सखी सब दौरके आई श्याम को पकर
 लयो रो
 नारि शृङ्गार बनायके सुन्दर भूषण सब हि सजो रो
 नचाए है नन्दकी पोरो ।
 फगुवा दे हो तब जानै पै हो झील देहु बलकोरी
 वा दिनकी सुध भूल गए हो ता दिन चीर हरो रो
 करो अन्न काहे न ठगोरो ॥
 अब कैसे जावोगे नन्दलला जू आन पड़े वश मोरो
 सुरलो बजावो नाचो गावो रिभावो ब्रजगोरो
 तताथैया नाच नचो रो ।
 सूरश्याम सो फगुवा लीन्हो मन इच्छा फल कोरी
 नन्द यशोमती देखत ठाढ़े हर्षी सखी चहुं श्रीरो
 आनन्द प्रति उर हि बढो रो ॥

८

ब्रज में हरि होरी मचाई ।
 इत सौं निकसी कंवरि राधिका उत सो कंवर कहाई
 खेलत फाग परस्पर हिलमिल सौ सुख वरणि न जाई
 सो घर घर वजत बधाई ॥
 बाजत ताल मृदङ्ग भांभ डफ मञ्जोरा सहनाई
 वरसत अबीर कुङ्कुमा केशर रच्यो सकल ब्रज छाई
 मानो मेघवा भर लाई ।
 राधा सैन दई सखियन को भुंड भुंड उठ धाई
 लपट भपट गई श्यामसुन्दरको वर वश पकर ले आई
 लालको नाच नचाई ॥
 फगुवा दए बिन जानै न पै हो करि ही कोटि उपाई
 लेहो चुकाय सरस वा दिन को तुम मम चोर चवाई
 बहुत दिन दधि मेरी खाई ।

सुसकति ही मुख मोर मोर तुम कहां गई चतुराई
 कहां गए वो पिता तुम्हारे कहां गई यशोमती माई
 लालको लेत कुड़ाई ॥
 छीन लियो पीताम्बर सुरली शिर सो चुनरी षोड़ाई
 बेंदी भाल नयन बिच कज्जल नकबेसर पहराई
 मनो नई नारी बनाई ।
 रहस विलास रच्यो वृन्दावन ब्रजवनिता यदुराई
 राधा श्याम युगल जोरी पर सूरदास बलि जाई
 प्रीति उर रहत समाई ॥

१०

राधामोहन खेलत फाग ब्रज रङ्ग छाय रह्यो ।
 सखी सङ्ग लै भानुनन्दिनी सखा लिए ब्रजराज
 सुरली बजाय रह्यो ॥
 अबीर गुलाल लाल पै डारत भारत केशर पिचकार
 लाली ममाय रह्यो ।
 बाजत वीणा मृदङ्ग चङ्ग डफ भांभ ताल करताल
 साज सब साहब बजाय रह्यो ॥
 सखा सखिन को सखी सखनको भक्तभोरत
 रङ्ग छाय रह्यो ।
 ब्रजमण्डल बीच धमार गोपो सब खेल रह्यो घन
 ज्यो सुमहाय रह्यो
 सूर श्याम श्यामा मिलि विहरत ब्रजकुञ्ज
 उमड़ाय रह्यो ॥

११

आयो है फाल्गुन मास कहै सब होरी होरा ।
 एक ओर वृषभानुनन्दिनी एक ओर हरि
 हलधर का जोरा ॥
 ब्रजनारी गारो देवे कोऊ भजि भजि आषत
 तजि तजि खोरा ।
 जान न पावै गहो रो श्यामको सबे धरे
 यौवनको तोरा ॥
 रहि न सको कोऊ अपने घर मनो कामको
 फिरो है टिंढोरा ।

कृष्ण जीवन लक्ष्मीरामके प्रभु सों होत है भक्तभोरो
भक्तभोरा ॥

१२

तुम चलहु सबै मिलि जाहिं खेलव होरियां ।

अपनी अपनी सुरङ्ग चून्नी मोतिन मांग भरो
रोरियां ॥

धरहरात अघरन पर मोरी अंगिया केशर बोरियां ।

चावा चन्दन अगर कुङ्कुमा भरि भरि लई
कमोरियां ॥

अङ्ग सुअङ्ग गोपाल विराजत भली बनी यह जोरियां ।
केहरि लङ्क नितम्ब विराजत गजगति चाल
चलोरियां ॥

पिचकारी मोहन पर डारत विहंसो घुंघट मोरियां ।
बाजत ताल मृदङ्ग और डफ पढ़ पढ़ बोलत बोलियां ॥
नयन आज मुख मांड श्यामकी सब मिल करत
कलोलियां ।

सूरदास प्रभु सब सुख क्रीडत विहसत ब्रजकी
खोरियां ॥

सिन्धु-भैरवी

आज सांवरे को मैं रङ्ग सो मरोगी अबीर गुलाल
लिए मुख मोड़ोगी ।

जो सांवरो मोसे एक कहेंगे एककी लाख करोर
कहोंगो ॥

२

जावो रे सद्ग्यां को ले आवो रे सद्ग्यां नहीं आयो रे
मेरे धन्य धन्य बढ़ो है सुहाग ।

मैं सोती थो चढ़ मन्दिर में सुख नौदड़ी मैं तो
पड़ी हूँ अचानक जाय ॥

३

अंगिया बैजनी चटकीलो है सुन्दर बाल ।

लाल पलङ्ग पर ज़रद किनारी ता पर उड़त गुलाल ॥

४

जब लालनको खबर पाई ऐसी होरो मैं खेलूंगी
माई ।

तेल फुलेल सबो हम देवे अबीर गुलाल उड़ाई
यौवन हार शृङ्गार सब भूषण अङ्ग अङ्ग रहे
छवि छाई ॥

५

सांवरेके चरित्र सुनो रो ।

एक समय ब्रजको बनिता सब हर्षि चलीं
जल ओरी ॥

मञ्जन हीत धसी यमुना में कोई सांवरी कोई गोरी ।
करे जल सों भक्तभोरी ॥

वाही समय ब्रजराज सांवरो अम्बरतट पहुंचो रो ।
लेके चीर कदमके ऊपर चढ़ गयो नन्दकिशोरी
मुदित मन आनन्द शोरी ॥

ताही समय सब टूटून निकसो काहू न द्रष्ट परो रो ।
ता में प्रवीण सखी एक बोली देखो कदम पर को रो
चीर सब के ले धरो रो ॥

जामें एक सुघर ब्रजवनिता प्रेम अधिक रसबोरो ।
शीर्ष निवाय कहत पट दीज हा हा करत बहोरी
श्याम सों दोज कर जोरो ॥

तोले श्याम मधुर रस बतियां तुम सब लाज तजो रो ।
लाज छोड़ जब सन्मुख ऐही तो पट देहों गोरो
टेक यह जानो मोरो ॥

तब सब मिल मन यही विचारो कृष्ण टेक
नहीं छोरो ।

लाज छोड़ जब सम्मुख भई वनिता प्रेम प्रीति उरभो रो
वसन सब ही के दियो रो ॥

मोर-मुकुट-सुरलीवालेको यह होरो रङ्गबोरो ।
पलमें पार कियो भवसागर ता सो मन अटको रो
सूर सुरभावत गोरो ॥

६

ब्रज में चलो खेलिये होरो ।

कञ्चन थार बनावो सखी रो तामें अबीर मरो रो ॥
भर भर लो रङ्गकी पिचकारी सब मिल खेलें चलो रो ।
ऐसो गति उनकी करो रो ॥

अवीर गुलाल कुङ्कुमा केशर मोहन मुख ही
मलो री ।

नारी मेघ बनाय श्यामकी पीत पिछोरो छोरी
नचावो नन्दकी पोरी ॥

सब सखियन मिल धरो है कृष्णको दोऊ कर
पकरो री ।

आंख आज लहंगा पहरायो चूनर रङ्गमें बोरी
कहे हरि हो हरि होरी ॥

पकर कान्ह यशोमती पै लाई मन भावतो करो री ।
सूर श्यामसी फगुवा लौनों मन इच्छाफल को रो
मोहनको रङ्गमें रङ्गी री ॥

मेरे सइयां के मन में घरी है गांठ ए री ए मैं
कौन यत्नसीं खोलूँ ।

सब सखियां मिल घन बन आईं ऐ री ए मैं बैठी
विष घोळूँ अन्नके फाग पिया भए वैरानी ननर नगरमें
ढटोलूँ ॥

समुझ क्यों म दे रे ए रे कान्ह लाजकी गारी ।
ससुर हमारे अस्सी वर्षके सास हमारी बारी ॥
सइयां हमारे पलना भूलत हैं हँ मैं भुलावन हारी ।
अगर सुने मेरी बगर सुने रे सास सु दे गारी ॥
भर पिचकारी मेरे मुखपर मारी मीज गई तनसारी ।
मोहे भिगोवत मोहे विगोवत देत सबनमें तारी ॥
कहा भए ब्रजके ठाकुर तुम सास सुनेगी हमारी ।
ऐसो ढीठ कह्यो नहिं मानत लोक लाज कुल डारी
कृष्णानन्द कहत हौं फिर फिर हौं तेरे वलिहारो ॥

काहे हमसे रुसे विधाता गुण अवगुणके ही
तुम दाता ।

तुम ही एक और नहीं स्वामी और भूठ जगत्
कर नाता ॥

जनकी चूक सदा प्रतिपालक गुण अवगुण कर सब
जग जाता ।

गावै गूदर जन शोक निवारण जस बालकके पिता
और माता ॥

गोकुल कैसे जाऊं री देया बीच वसे वटपार कन्हैया ।
ता मग नाच नचावत आवत मानत नाहिं न
नन्द दुहेया ॥

एकसे एक सखी गुण आगर मधुवन देखो न
कोई जवैया ।
गावै गूदर कोऊ कैसेके निबहै सब गलियन बिच
धूम मचैया ॥

वीते अवधि तेरो खेल न डुइ है यौवन अकार्य
काम न अइ है ।

जो ककु रूप संवारो नैहर अन्त समय कोई सङ्ग
न जइ है ॥
मिलनकी आई सखी सहेली ऐसो पिया को कौन
मनइ है ।

गावै गूदर हम सासुर जाबै नैहरमें को पार लगइ है ॥

होरीके दिननमें गुमान करदा मोहना आवदा री ।
गावदा बजावदा सुरली सुनावदा सांवाला मेरे मन
भावदा री ॥

होरी खेलै ब्रजराज दुलारो ।
गालवाल बहु सङ्ग लिए गिरधर नव रसिया उमंग
अपारो ॥

रङ्ग रहे अङ्ग वसन आभूषण अवीर गुलाल क्रान्ति
छवि छारो ।

करनि कनक पिचकारी राजत चितवन मन
चित्त उरभारो ॥

हन्दावनकी कुञ्ज कुञ्जमें रङ्ग रङ्गके फल खिलारो ।
रसिक खुशाल विलोकत शोभा नित्यप्रति राधावर
सुखकारो ॥

१४

तै तो मुख ह न बोलै री चुनरिया रङ्ग डारी हमारी ।
भर पिचकारी मोरे विरहने मारी भोज गई तन सारी
कल्याणन्द मैं दासी तिहारी सुनिये अरज, विहारी ॥

१५

तेरे वशमें गोरी भोज गई रङ्ग रसमें चीलो नहीं
सांवलिया ।

रैन कहीं जागे आये बालम भूठी-भूठी खात
कसम दिया ॥

१६

जावो लला तुमसे को खेले होरी धर बहियां
भकभोरी मोरी ।

यह मोहन तूने मोहिनी डारी मर मारी छतियां
पिचकारी मोसो करत बरजोरा जोरी ॥

१७

मोरे होरी के खेलैया रङ्गभरी पिचकारी मारी रे ।
चोवा रे चन्दन और अरगजा अबीर लिए मर
भोरी रे ॥

१८

भोजत चुनरी प्रेमरस बूंदन ।
आरती साजके चली है सुहागन अपने सइयांके दूंदन ॥
चढ़ी गगन खुल गई किवाड़ी गुरुके चरण लामे
भूलन ।

सरस बन्द किनारी लामे प्रेमके लामे फूंदन
कहे कबीर गोरी यही विध भीजे मिट गए
दुःख दूंदन ॥

१९

ए दोऊ खेलत फूले फाग री ।
आयो वसन्त फूले वन टेसू बोलत चातक मोर
जान री ॥
उमङ्ग आनन्द अवधि अधकाई भूपदार होरी होन
लाम री ।

बाजत मृदङ्ग उपङ्ग चङ्ग ध्वनि मन्द स्वरन भए
मधुर राग री ॥

सुनत श्रवण शिब विधि उठ घाए नहीं भावत जप
योग याग री ।

इतते राम सखा जुर आए उत सोता लिए सखी
साज री ॥

लीन समाज सिया ललित लाडली करत हंसो रस
रूप राज री ।

अबीर गुलाल राम दिशि छूटत उत सोता लिए
अमृत गागरी ॥

मची कीच मग बीच अवधपुर सुनि मण्डित मानो
मकर प्रयाग री ।

भोज जात तन चौर चादरे पट आभूषण उरमाला
वांघरी ॥

महाराज महाराणीको भयो है अरुण तन
नए बाग री ।

वे सखी ओट अटा चढ़ देखत रति मलीब
अति प्रमट उजाग री ॥

उभकि उभकि विधुवदन देखावत रस लसत डसत
मानो मन ही नाग री ।

ललिता रो सिय ललित लाडली चली राणी
कुलकान त्याग री ॥

लपट भपट गई लिपट लालको पिय प्यारीके
परम माग री ।

फगुवा ले हीं तव जाने दे हीं भीने पट औ भपट
भाम री

तुलसीदास सङ्गुल जानके लीन्हो वरसे मूल मांग री ॥

२०

रघुवर से कहियो मोरी ।
सुनो हनुमन्त अछनो नन्दन कहियो सन्देशा
निहोरी

सौस निवाय चरण गहे लीजो कीजे विनता मोरी
रामजू सो दोऊ कर जोरी ॥

भृगुपति कौर्ति सुनी है जिनकी तिनको धनुष
जिन तोरी ।

ते भुजबल अब कितहि दुरावत रावण दुष्ट हनो री
 कहत यह जनककिशोरी ॥
 दिन नहीं चैन रैन नहीं निद्रा खान पान विसरो री ।
 वन उपवनमें जाय परो हं तेरो ही ध्यान धरो री
 राम राम मुखसे कहो री ॥
 केतिक दूर लङ्गद तुमसे जिमसे सृष्टि रचा री ।
 हा रघुनाथ कौशिल्यानन्दन शीघ्र ही कष्ट हरो री
 भक्तन प्रतिपाल करो री ॥

कहै हनुमान् धीर धरो माता लङ्का करुं जिमि होरी ।
 रावण कुम्भकरण सब मरि हैं मेघनाद हनो री
 देजं तैतीस बन्द छोरी ॥
 तुलसीदास प्रभु तुम्हरे मिलनकी अवधि
 आशा रहौ थोरी ।
 प्राणदान दीज रघुनन्दन गावत कौति तोरी
 प्रीति अब करहु बहोरी ॥

२१

दशरथनन्दन जनककिशोरी अति सनेह अनुराग
 लाग री ।

अवध कुंवर प्रिय चतुर शिरोमणि जनक लाडली
 परम नांगरी ॥

सिया मात रङ्ग श्याम चुनरिया लालनके शिर पीत
 पाग री ।

जगमगात भूषण अङ्ग दम्पति रतून यतून मणि
 जरी तागरी ॥

प्रिय गुलाल मरि फेंट कुङ्कुमा सीय सखी लीन्हें
 रङ्ग गागरी ।

मलत गुलाल सीय मुख लालन लालन मुख सिय
 मलत आगरी ॥

गाय बजाय खेलते होरी अवध पुरीके भाग्य जाग री ।
 सखी जानकी प्रपन्न सीय सङ्ग नाचत होरी
 गाय राग री ॥

दोहा

अवधराजके लाडले छवि सालनी प्रिय तोर ।

सखी प्रपन्न जानकी मोह लखी मति मोर ॥
 अवध शोर होरी परो चलो सकल नरनारि ।
 सखी प्रपन्न जानकी सब विधि सुखी निहारि ॥

२२

वरजत री रङ्ग डार दियो अब डारोगे तो जानोगे ।
 अंगिया भीजी खुश रङ्ग सारी गारो देगोजं तो
 मानोगे ॥

२३

कौन तरह से फेंकत ही जू अबीर गुलाल
 होरोके दिनन में देखो लला मेरो आंखन खटकै ।
 काहू भी न डरों में तो तुम सों लरोगो पाग
 भिजीजंगो अबकी फागमें जैसे श्याम मोरो चुनर
 भटकै ॥
 रङ्ग भरे कुङ्कुमा जो प्यारे मेरे पिचकारिन होइ
 टटकै ।

जिन त्रियनमें मान करत हौं उनइ को मुख ले
 मलो उमङ्ग सो अपनौ बार देखे कैसेके मटकै ॥

२४

मिथला दोऊ होरी मचाई ।

इतसे कुंवरौ जनककी उतसे अवध कुंवर रघुराई ॥
 केसर रङ्ग गुलाल परस्पर डारत मोद बढ़ाई ।

मनहुं मेघवा भर लाई ॥

बाजत वीण सृदङ्ग मञ्जीरा जरतरङ्ग सुरनाई ।

सखिन घेर सिय वल्लभको तब पकरि लली

ढिग लाई लालको नाच नचाई ॥

कर सौ धनु शर कौन वनमाला सारी नील ओढ़ाई ।

नथ चूरी चक्षु अञ्जन रञ्जित जावक पग दर्शाई

मगो नई नारी बनाई ॥

अब सब भूल गए मनमोहन कहां खोई चतुराई ।

नेह नहीं हम आप लगावें कहां कौशल्या माई

तुम्हें जो लेत कुड़ाई ॥

विन पाए फगुवा नहीं छोड़ै कोटि करो रघुराई ।

सेवक शर धर सब रस चाख्यो तुम चित्त चोर चवाई
सदा सौगन्ध खाई ॥

हसत लसत रचि फाग जनकपुर सखी सखा
अधिकारै ।

सीताराम युगल जोरी पर सखी जन तो बल जाई
प्रेम हिय रछ्यो समाई ॥

२५

जनक पुरकी सखियन के सङ्ग होरी खेलत
चारो कुमार ।

अबीर गुलाल की फेंट भरी है मारै केसर पिचकार ॥
बाजत मृदङ्ग वीणा मुहचङ्ग गावत दै दै तार ।

राम लक्ष्मण भरत शत्रुघ्न उत जानकी सङ्ग लिए वार ॥
सीता रामको राम सीताको बोले हो हो
होरी पुकार ।

रामदास प्रभुकी छवि निरखके वार वार वलिहार ॥

२६

मेरा लेता सन्देशा जाइयो पुन मैं तैड़ी बल जादियां ।
पुन टूटन नू हों जो चली रो वैरीनि बोया कांटा
के पुन मोहे आन मिली नाहीं तो मरना कबूल ॥

२७

श्यामसुन्दर सङ्ग खेलत होरी ।
गोपीहृन्द रूपगुण आगर तिन मध्य श्रीवृषभानु
किशोरी ॥

ताल मृदङ्ग बजावत गावत अबीर गुलाल
उड़ावत गोरी ।

जानकीदास निरखि दम्पति छवि हर्ष हर्ष
डारत दृष्य तोरी ॥

२८

श्यामसुन्दर सङ्ग खेलत आइयां ।
रङ्ग रङ्गीली वारी खेल कवीली चञ्चल चपल
चहं दिश धाइयां ॥

पतर गुलाल अरगजा केसर पिचकारी भर भर
रङ्ग बरसाइयां ।

जानकीदास विलास सकल सुख निरख निरख
व्रजमोहन को मुख हर्ष हर्ष हिय मोद बढ़ाइयां ॥

२९

बागबहार निरखत बन रानो ।
सब सज आई सहेली ग्वाल कहत मनमोहन जानी ॥
उठ धाए वनवारी बागमें छिप रहे कोज न जानी ।
जब राधामोहन गुण गाए वंशी शरत् सुनानी ॥
धाय आई जहां मोहन ठाढ़े कर धर मृदु सुसक्यानी ।
फूल रही गुलाबों दी कलियां आनन्द भग्न मनमानी
प्रेमरङ्ग हृन्दावन विहरत जहां नन्दनन्दन वृषभानु
राजधानी ॥

३०

निडर डगरके कगर ठाढ़ो रे ।
हम जानत हैं सब बात विहारो ग्वालबाल क्यों
पुकारो रे ॥

आज हमारे साथ सङ्गातिन चकित चौक क्यों
निहारो रे ।
फाल्गुनके दिन भाग्यन पाए अबीर गुलाल संभारो रे
प्रेमरङ्ग सौं भिजाय पाग पट सोहत श्याम सो
हारो रे ॥

३१

कारी कामरवारि कान्हा मैं ना खेलौं तो सो जो मैं
होगी व्रजरानी ।
दान दैत मटकी दे पटकी अटकी विलास करो
कहंते मोहे सो वार वार बोरानी ॥
भाज गई सङ्गकी सखियां सब दुर्जन लोक निहारो रे ।
प्रेमरङ्ग प्रभु मोहे न सुहावत सबसो न हमन
विसारो रे ॥

३२

विरम रहे कासे खेलंगी फाग ।
हित चित्तकी न कही सुनी आली मोहे दियो वैराग ॥

३३

यमुना कैसे के जाजं री होरी खेलै मोहन पनघटवा ।
ग्वालबाल सब सङ्ग सखा लै वंशी वटकी तटवा ॥

वीणा मृदङ्ग बजावत डफ सुरली नाचत सङ्गीत
ज्यों नटबा ।

रसिक कृष्ण प्रभु खेल प्यारे धम मचाई नन्द महरके
नागरनटवा ॥

२४

कहीं उरभे श्याम गोकुलमें मैं तो ढूँढ़ फिरी
मधुवनमें ।

ऐसा यतून बतावो सखी रा जो पिया आवै
फाल्गुनमें ॥

विना फगुवा लिए जान न देहों याही बात मेरे
मनमें ।

धूम मचै हं अबीर उड़े हं रसिक कृष्ण रङ्गीं रङ्गनमें ॥
२५

आए री श्याम नहीं आए यह फाल्गुन विरह बढ़ाए ।
इस कुवरीने कछु मन्त्र पढ़ी टोना कियो राखे
हरि विरमाए ॥

मैं लेके लाल गुलाल लाल विन क्या करूं मोहे
विन वीरन न सुहाए ।

मोहे रङ्ग भयो बेरङ्ग रङ्गीले श्याम विन मेरी
उनसे व्यथा सुनाए

मेरी बुद्धिविहारी लाल सो इतनी जा कहो मोहे
अबके आन जिवाए ॥

२६

बुभावो फाल्गुन चलो जात पिया को ले आवो री
मेरे विरह की आग ।

मैं तो सोती थी मण्डपमें सुखनींदरी मैं तो घरी हं
अचानक जाग ॥

२७

कोई पिया मनाए ले चार दिन फगुवाके बहार री ।
कृष्णानन्द कहत पुकारके यह भूठो संसार री ॥

२८

होरीके दिनतमें कन्हैया भला अब तोरी बन
आई हो ।

जब रहे राज्य हुक्म कंसासुर तब कहां नन्द
दुहाई हो ॥

तब रहे वन वन गज चरावत अब पाई
ठकुराई हो ।

अब तुम ओढ़े पीत वसन तन कामरिया
विसराई हो ॥

नैन अनन्त नेहके नाते कहो सखी तुम्हरी बड़ाई हो
राज्य दई प्रतिपालके ठाकुर युग चारो चल आई हो
गावै गूदर प्रभुभक्त जान के लोहें अङ्क लगाई हो ॥

२९

होःहोरीके खेलैया सद्ग्यां मोरे मोके गरवा न
लगावत ।

वालापनको नेह विसारो सेजरिया नहीं आवत ॥
ऐसा नहीं मित्र कोऊ जग माहीं चूक मोरो

बख्शावत ।
गावै गूदर सद्ग्यां चतुर खेलारी वाको कोऊ
समुभावत ॥

३०

होरीके खेलैया मेरो अवधि वीत गई सारी हो ।
सब रङ्ग नैहरमें हम खेलि गंवायि मोहे निडर है

सासुरारी हो ॥
निशदिन चितवा नजर न आवै बालम सुरत

विसारी हो ।
विना प्रिय पीतम कर्म विहीनी सर्व खेल गई

हारी हो ॥
अब प्रतिपाल करो मोरे स्वामी अपनी ओर

निहारो हो ।
गावै गूदर शिर दियो है सद्ग्यां परदेह डारी हो ॥

३१

कासन फाग खेलों जगमाहीं वीत अवधि सद्ग्यां
नाहीं अइ है ।

फाल्गुन जइ है बहुर फिर अइ है गयो यौवन फेर
नहीं रइ है ॥

यौवन जीर छांह तरु वरकी पल क्षण ठरत ठरत
ठर जइ है ।

बालापन खेलत में खोयो तरुण विषय वृद्ध चिन्ता
जरइ है

गावे गूढर सब फाग खेलैं जग हमरा सइयां कबहूँ
सखी अइ है ॥

२२

खेलनके मैं जाजं देया मोहि यों हो सतावे ।
सास खेलै और ननद खेलै और खेलै देवरानी जैठानी
सङ्गकी सखियां सब ही खेलैं मोहे सास तो
लाज बतावै ॥

वाखलमें मोहे छोड़ जात है रङ्गसे भरी सब आवत
है मोहि तो दाव बतावै ।

अचपलके देखनको ए सखी देखनको मेरा जिया
ललचावै ॥

२३

तेरी हमसे कहा छिपावै छिनरिया भोज गई
सब सारी ।

कर मुकरावत काहे दुरावत नैन मिनावत दारी ॥
बसन भूषण तेरे कइके क ' कुछ रङ्ग परो तो

पै भारी ।
तू जो गई खेलतको अचपल अबके फाल्गुन तेरी
बारी ॥

२४

कौन शहजादानी तेरी बोलियांनो ठोलियां ।
मोहे पड़ो डर गुरुजन दी तू गारी गादा रङ्ग होरियां

ऐसी न कीजिए निडर नन्द दे केसररङ्ग भिजई
मोरी चोलियां ॥

२५

बन आई है चतुर नारी होरी रङ्ग भरी ।
सूही सारी घेर घांघरी अंगिया बूटेदार रीरी

आड़ धरो ॥
मोतिन मांग भरी वनिता के मानौ गङ्गा धरो
हरिहार अञ्जन रेख धरो ।

छूटी लट वनिताके मुखपर मानौ नागिनी सो
डस जाय वेणी पीठ परो ॥

चिन्म—धमार

बांह कुवो जिन कान्ह हमारी हों जानत हों
तिहारो रीति ।

औरन सो होरी खेलत ही मोसों करत मुख
देखी प्रीति ॥

जावो लला उन ग्वारनके टिग बांहो सुनावो विरह
की गीत ।

कैसे जिय पतियाय दर्श विन सुनो न राजा
काके मीत ॥

चिन्म—यत्

मदमाती नारी घर हू कैसे आवै ।
तोरी बांह बनी पहँची जब वाहूको दोष लगावै ॥

चिन्म—बांसवाड़ा-यत्

चल बेखन जइये आज दुलहन बन आई ।
सर घरते सब बन बन आई लै लै रङ्ग सब रसभरे
छूटी लट मुख ऊपर आई घँघटके वल जाई ॥

२

लला यह यौवन मतवारे अंगिया रङ्गराती ।
होरीके रङ्गमें गोरी बनो मुसकाय चली चित्त चोरी
सांवरे से लंगवार खड़े अरे उगवारने गारी दीनी ॥

३

श्यामा श्यामके सोंधे भोने बाल ।
इतते आए श्याम मनोहर उतते गोपो ग्वाल ॥

४

होरी खेलन आए ककु खेल न जानो ।
उर वनमाला गले पग लो करमें मुरली मुख पानो ॥
चन्दन माल विशाल पिताम्बर पाय लगी याही बानो ।
जो लगी नारी खेलारि त जाने मोहन कौन्ह पयानो ॥
तौ लगी जाउ चले चुपके गृह वेग सिखावन मानो ।
जो हठ ठान रहोगी इहां तौ परमरङ्ग यह जानो ॥

५

वर बश गहे कर है ललनागन ।
गाल गुलाल मला अलि आयो अनोखा खेलैया
ऐसो खेल कबहूँ नहीं दीख नयन ॥
लाल गुलाल दूरते डारत टारत अचल लेत बलैया ।
ले पिचकारी चलाव भायसों हाथ जोरि पग परत
कन्हैया ॥

बाँके नयन सन करत सैन श्रीरन श्रीर चिते दृग
कोर निहोरत चोरत चित्त चलया ।
गावत गारौ जौय जोई भावत धावत म धमारि
मचैया ॥

करत परस्पर सरस सैन अङ्क भर चरि घरम
रङ्गसो लगत नाहिं न नेक उपैया ।
कहा करुं अब जाउं कहां भजि कान्ह भयो
कुलकान हरैया ॥

सिन्धु—काफ़ी

आल खेलौंगो होरी श्याम मेरे द्वारे हो आय आय ।
युक्ति सों अचरा पकर कर ठाढ़ी फगुवा लोंगो
मनाय मनाय ॥

हमारी अगिया सब रङ्ग बोरी अपनौ पाग
बचाय बचाय ।

कृष्णानन्द वलिहारो मन मोह्यो रागिणी गाय गाय ॥

खेले सांवरो होरी घमुनाके तीर ।

बाजत ताल मृदङ्ग भांभ डफ स्वरध्वनि मिल उठत
गम्भोर ॥

सुन ध्वनि मन्द मधुर सुरलोकी सुनिजन धरतन धोर ।

दुरि मुरि भूपट लपट नन्दनन्दन केसर
छिरकत नोर ॥

बहियां पकर मुसक्याय राधिका हरि मुख लाय
अबोर ।

श्रीरसरङ्ग रीभ घह ब्रजकी हम क्यों न होत अहीर ॥

१

मैं गमने नहीं जइहूँ रे राम ॥

नवल बहुरिया चलो ममनेको कर दुलहनके भंग ।
नयन रोवै जो इसै मैं तो चली हूँ पियाके देश ॥
गमने न लइ हूँ टोना करि हों नैहर धूम मचै हूँ ।
जो जो मेरे गवनेकी बात चलेये वा पर माहुर खैहूँ ॥
चलत चलत मेरे पाव पिराने जेहर भर गई धूर ।
मैं तो हे पूछूँ बाट बटोहिया नैहर केतिक दूर ॥

सिन्धु—भैरवी

ऐसो फागु मचाए खेलन पुरवासी आए ।
केसर रङ्ग बनाय विविध विध हीज फुव्वारे भराए ॥
गहे बहियां एक एक कौ लै लै तिन मध्य
तिन्हें भुवाए ।

बाजत ताल मृदङ्ग भांभ डफ लै लै जंचे स्वरन
मिलाए ॥

विणु वांशरी बालै मधुर स्वर सुन गन्धर्व लजाए ।
अटन चढ़ी निरखत सब नारी फेंकत कुङ्कुम
गुलाल उड़ाए
नील पीत पटकी चमकन मैं मानो घन दामनी
छिपाए ॥

२

सखी यशोदाके ललान मोहे गारी दई रे ।
डगर चलन नहीं देत काहुको ऐसी करत नई रे ॥

३

आज सोहाग को रैन बनासे नेह लगाया ।
बनरी बनरा युग युग जीवै बनरी ने भर पाया
कृष्णानन्द यही सुख जग का जो दूँदा सो पाया ॥

४

खेलन आई रङ्गराती होरी बाल ।
सांवल गोरी लै लै दौरी भर भर सुठी गुलाल ॥
इतते आई नवल राधिका उतते आए नन्दलाल ।
इनके सङ्ग सब गोप वधू हैं उनके सङ्ग सब ग्वाल ॥
बहुत दिनन पर भेंट भई है यह दिन दोनदयाल ।
मन मानै का फगुवा लै हों जे हो कहां गोपाल ॥

५

आज ब्रज होरी खेलै नन्द लाइलो ग्वाल बाल
लिए सङ्ग ।
उफ धुंकार मुरली स्वर मिलकर बाजत वीणा मृदङ्ग ॥

६

देखी देखी सखी रो लालन आए भोरे ।
उगमगात पग धरत धरणी पै आए खोल तन
टुगन की कोरे ॥
बदल गई वनमाला गरेकी कुट रही पीत पीछोरे ।
कविनायक मुख द्युति कहलानी जैसे चन्द्र भए भोरे ॥

७

छांड़े छांड़े खेलवा बहियां नाहीं मरोरे ।
नाइक रार करत हो हम सों काइ लोन मैं तोरे ॥
घाट बाट मेरो कछु न जानी भूल परी याही ओरे ।
कविनायक मई वार जान दे अब नहीं अइ हो
बहोरे ॥

८

सखी ए रो तुम्हारे यौवम बटपार ।
चलत मुसाफिर मार लेत हैं प्रेमकी फांसो डार ॥
जौन फांसो नहीं छूटन पावत कर नहीं सकत पुकार ।
कविनायक जगमें सोई बाचे जेहि राखे करतार ॥

९

होरी खेलै राधामाधव ब्रजकुञ्जनकी खोरी ।
अबीर गुलाल उड़ावत गावत वसन केसर रङ्ग बोरी ॥
मृदु सुसक्यात परस्पर ठाढ़े श्याम राधिका गोरी ।
स्थाल खुशाल करत नन्दनन्दन चितवनमें
चित्त चोरी ॥

१०

जावे रो पिय पास खबर मेरी जौन सुनावै ।
सब सखियां मिल बन बन खेलै मो जियरा पकृतावै ॥
ना हमकी पतियां लिख भेजे ना फिर आप ही आवै ।
सोच सोच तुम विन दिन वीतत रैन नौद
नहीं आवै
काजम प्रियकी आशा लगी है ना जानो कब आवै ॥

११

नन्दनन्दन ब्रजराज कहैया मोसे नाइकरार करो रो ।
वन्दावनकी कुञ्ज गलिनमें बहियां पकर मरोरी
कृष्णानन्द न्योछावर तन मन कर दीन्हों मैं तोरी ॥

१२

सइयां विदेश गमन कियो है का सङ्ग खेलूं फाग रो ।
जिनके सइयां नित घर हो रहत हैं उनके धन्य धन्य
माग रो
कृष्णानन्द रहत निशिवासर श्यामचरण मन लाग रो ॥

१३

कैलवा बहियां पकर मुख मोजन लामे अब तो
तोरी बन आई रे ।
हमारे सङ्गको दूर निकस गई मोहे अकेली
कर पाई रे ॥
हा हा करत हों पैयां परत हों जिन कोउ देखै
कन्हाई रे ।

१४

कृष्णानन्द मोहि ब्रज बोधिन लियो श्याम अपनाई रे ॥
बावरी मोहि कर गयो योगी ।
रूप मोहनी डार कियो मोहि सिसकत हों
ज्यों रोनी ॥

१५

पहिले मीठी बात सुनाई पाछे किए उ वियोगी ।
कृष्णानन्द ध्यान निशिवासर तेरे हि मिलन संयोगी ॥

सरपरदा—तिताला

मनमोहन पिया होरी खेलन आए जागे सखी
मेरे भाग रो ।
कञ्चन धार कुसुम केसर रङ्ग सुमन सुगन्ध पराग रो ॥
अबीर गुलाल अतर अरगजा देहों श्याम पै डार
रो खेलों मैं हरि सो फाग रो ।
धन्य धन्य कृष्णचरण सखी पाए कगुबा ले हों लाज
त्याग रो ॥

१६

मनमोहन मन ही में मेरे होरो खेलन कहां
जाजं रो ॥

पूरणब्रह्म मेरे घट हो के अन्दर नाहक, क्यों
भटकाजं री ॥

ज्ञानको रङ्ग ध्यान पिचकारी अपने सइयां सो
रङ्गाजं री ।

भांति भांति को रङ्ग बना है एक ही रङ्ग रङ्गाजं री ॥
नटवा एक कला बहु तेरो पार न पायो काजं री ।
माया मोह भ्रम सब त्यागौ ती कृष्ण रसिक
दर्शाजं री ॥

याही सोचमें मई हं बावरो रैन गंवाई सोय ।
हमरी चुनरिया पियकी पगरी दिन दिन मैली होय ॥
पियकी प्यारीको का समुभावे जो पिय चाहै सो होय ।
टांडा लाद चलो वनजारा हालर हालर होय ॥
बाला रे पन सब खेल गंवायो तरुण तिया मुख जोय ।
हृद भए बहु चिन्ता बाढो नैन गंवायो रोय ॥
क्या मुख ले घर जाऊं सइयांके बैठी हं यौवन खोय ।
सोषत सोवत बहु युग बीते ना जानों मेरी क्या
गति होय

शाह कबीर दया सत् गुरुकी गुण अवगुण सब
गए हैं धोय ॥

कारी कामर वा पै कैसो कुसुम मेरो मन तो सांवल
रङ्ग पाग्यो है ।

सोवत जागत विहरत निशदिन हरि चरण चित्त
लाग्यो है ॥

कामिनी कामिनो कामसे लागत मोह मदन मन
त्याग्यो है ।

और रङ्ग मोहे नीको न लागत मोहन रङ्ग मन
पाग्यो है ॥

भांति मांतिको रङ्ग बनो है कृष्ण रङ्ग अनुराग्यो है ।
काम क्रोध मद लोभ मोह सब देख दूरत भाग्यो है ॥

सुरदास प्रभु हरि चरणनमें स्मरण चित्त
अनुराग्यो है ।

कहे कबीर सुनो भाई साधो आनन्द अनाहत
जाग्यो है ॥

सइयां नहीं घर मोरे रो सजनी का सङ्ग खेलूं मैं
होरो रे ।

कृष्णानन्द आनि मिल प्यारे विनवत दोज कर
जोरो रे ॥

फागकी घातें सौ सौ जाने ऐसे खेलारी सों डरिए री ।
सब सखियां मिल बन बन आईं लै गामर रङ्ग
मरिए री ॥

अबीर गुलाल कुडकुमा केसर पिचकारिन रङ्ग
डरिए री ।

जहांपनाके चरणन नीचे चल गोया घर करिए री ॥

आमदा बूदं रफता बूदं ए बीबी होली कुजा
बूदी तुम ।

दर दीलत घर चल शाह यमनके बजावत मृदङ्ग
खेलके स्वर रङ्ग माय बजाय दिला बूदी तुम ॥

ओ यशोमतीके ठीठ लंगरवा काहे को मो को
रङ्गमें बोरे ।

क्यों तोरी होरोमें आग लयाजं पैड़ पड़ो है
नाहक मोरे ॥

तोरी प्रीति को कौन ठिकाना ऐसे के जोरे ऐसे के
तोरे ।

प्रीति की रीति तुराव से सोख ले जियत मरत
कबहूँ नहीं छोरे ॥

आयो री आयो वसन्त सुहावन ।
आवो री सखियां सब हिल मिल के गए नए रङ्गसों
वसन रंगावन ॥

नई बहार नई ऋतु लागी नई नई क्विसों
पियाको रिभावन ।

अबकी वसन्त पिया अङ्गनमें आए मो घर फाग
मचावन
भई तुराब पियाकी कृपा काहे न होरीकी
धूम मचावन ॥

१०

बासे खेलूं मैं होरी। हमरे तो सङ्गकी सभी
मतवारी रे ।
मर पिचकारी मुखपर मारी बोर देत रङ्ग सारी रे
अबीर गुलालके बादर छाए रङ्गकी परत फुहारो रे ॥

गारा—धग

महरामें ध्वनि धुकार मची ।
तब खेलन लागे हो होरी आनन्द सुख सो रची ॥

बहाग—धमार

ए रो हो यह मान लेहो जू बात भली बुरी ऐसी
अन्तर जैसे दिन औ रात ।
प्रथम विहस मधुकर ही लगत है पाछे मन पछतात
बासपनो औ तरुण वृद्ध शुभ सो समझे जात ॥

२

पिपसीं कैसी होरो खेलीं सखी रो मोहनसीं जाय
अपनी जिय लानि ।
चोवा चन्दन अबीर कुङ्कुमा केसर रङ्ग भोकीं तब
मेरो मन मानि ॥

३

चमक चगला सो आई फाग खेलनकी चोप ।
ऐसी रूप बिराज रहो है जैसे कनक धरो ओप ॥
वर्ण वर्णके बाजि बाजि सुनि जुए गोए ।
कविनायक भुजा गहे गर लाई लख सखी भई अलोप ॥

४

आए कुंवर कान्हेया आज ।
काङ्ग सो लपटत भपटत दपटत रङ्ग भाए चाए
करत लौन्हे नाना साज ॥

५

सरो दोऊ सीतें आज लरो ।
घर घर नाक अङ्गरिया बोलत रोशन जात करो ॥

६

आली रो नरनारी बौरानी बहुर हो होरी में
धूम मचानी ।
कौन कौन पर भीर परी है काङ्ग काङ्गकी न जानी ॥

७

एडो फिरत या गोकुलमें ए रो वो तो श्याम कहावै ।
जा बातनते लाज लयत है तेहो बात सुनावै ॥
ज्यों ज्यों खोजे मन ही मन में त्यों त्यों अङ्गरी
नचावै ।
कारो वदन अचपल बांकी रो दौर ही दौर मेरे आवे ॥

८

या ब्रजमें को खेले दई होरो ।
अबोर गुलाल आंखनमें डारत ऐसी कहा जोराजीरो ॥
माथे तिलक गरे जयमाला गरवा लगाई वरजोरो ।
रङ्ग पिचकारो छिप छिप मारत मुखसीं बोले
हो हो होरो ॥

९

मोहन होरी खेले आज ।
वीणा रबाब मृदङ्ग भांभ डफ सत्र ही बने हैं साज ॥
कैसर रङ्ग धरो भर गगरो तुम आवनके काज ।
सखी समूह भाग्यन हम पायो दूर करो यहौ लाज ॥

१०

यौवन मदमाती मुजरिया कर आई पिय सीं रार ।
भर मारी पिचकारी चुनर पर मोहन चतुर खेलार ॥
चोवा चन्दन अतर अग्रजा सुख मोड़ी कर प्यार ।
छविनायक यह जीवन को फल मिलीं गर
बहियां डार ॥

११

भयट पिचकारी मारी निपट निडर रङ्ग भरके ।
अब कैसे जाऊं ब्रज मोरी सजनो सब वैरो भए हैं
घरके ॥
ता पर वरवश अङ्ग लगाई कर दोऊ कर सो
पकरके ।

छविनायक मोहे जब सुध आवे करक रहीं हिय
धरके ॥

१२

मोरी छतियन मारे गेदवा रो होरी अब न जहीं
खेलनवा ।

अबीर मुलालको धूम मचावे मोरे सुखसे मले
अबिरवा

होरी खेल मोहे गरवा लावे ऐसो टीठ निलजवा ॥

१३

ए रो कुंवर कन्हैया चलत फिरत मेरे गोकुल में
पास ही पास ।

घरते निकसवो दुग्गार मयो मोहे आन परो एक
गांधको पास ॥

डरत फिरत मन ही मनमें नाहिं त सुन पावै
मेरी सास ।

पकर कोरे छिपत हैं ऐसे अचपल जो फूलनमें वास ॥

१४

मेरी अङ्गिया भोज गई सारी हां रे लाल पिचकारी
न मारो ।

भर भोरी अबीर गुलाल लिए है मेली छतियन
पर पिचकारी जिन डारो ॥

विहाग—चाचर

मैं छिरको तोपे गुमैया मोरी रङ्ग से मर दे गगरिया ।
वो ही रङ्ग मोहे रङ्ग क्यों न दे रे रङ्ग तोरी पगरिया ॥

विहाग—धमार

मोहन मो पै रङ्ग न डारो मैं तो मई हं रङ्ग
सरबोरी ।

मर सुठी अबीर गुलाल डारो बोलत हो हो होरो ॥

२

चलो रो आज कान्ह सो होरो खेलें यामें ककु
लाज नाहीं ।

अपने जिवमें विचार देखी ऐसो को वर है जगमाहीं ॥
सुर विरचि महेश जी हि टूटत नहीं पावत

तेहि काहीं ।

धन्य भाग्य वाके दर्श जो हरि सङ्ग रहत डार
गरवाहीं ॥

३

एरी यह फाल्गुन वीतो लात सखी रो कब
खेलौगी होरी ।

है अभाग्य धिग् जीवन उनको ज्यो होरो में कोरी ॥
जोवन सुफल आज है उनको प्रेम पिया रङ्ग बोरो ।

क्षण क्षण पल पल अवधि घटत है रहो जात
अब थोरी ॥

निकस जात पर हाथ न आवे ज्यों पतङ्गको डोरो ।
लोक लाज कुलकी मर्यादा यह सब मन सो तोरी

हिलमिल एक रङ्ग हो बैठो मग्न रूप हरि सो रो ॥

४

हां रे होरो हो रही ।

सब ही सुहागन खेलन निकसी ही ही दुहागन
सो रही ॥

५

यह निधरक मयो व्रज में खेलत हो हो कर होरी ।
कैसे के निकसो मग में सजनी सबके मुख मोड़त

है रोरो ॥

रङ्ग डार गयो मोहे सरबोरा कहा ककु मो पै
पढ़ डारो रो ।

सुन्दर श्याम मनोहर मूर्ति बहियां मरोर मोहे
भकभोरी ॥

६

रे जघो को खेले व्रज होरी ।

मन हर लौन्ही नन्दनन्दन जू कुंवर राधिका गोरी ॥
अन्तर गति को व्यथा हमारी जानत नाहिं न कोरो ।

कहा कही विश्वासो सूर प्रभु सो प्रीति अचानक
तोरी ॥

७

यौवन को गोरी अङ्गिया में जो छिपावत रो ।

अति मदमाती चाल चलत है देखत मन
ललचावत रो ॥

८
 सिधे ढीठ कह्ये या सैन मोहे बुलावत री ।
 उन्दावनकी कुक्षगलिन में फिर फिर बोणा
 बजावत री ॥

९
 जा सौ प्रीतिरीति करि मानो लालन वाही के रहिये ।
 तुम सांचे कि धौ वे सांचो हैं सोहैं करि कहिये ॥
 गुण गरबोले गुण न गनत ही यह जोह कैसे सहिये ।
 आए हो बलिहारो प्रण करि तुम्हें न ऐसे चहिये ॥

१०
 लाल कैसे भलकत आवत यह तन में वाकी
 यौवनकी धूम ।
 यह शीश में रङ्ग केसरकी उमंगि भावत जाके
 उमङ्ग को झम ॥

११
 होरीके दिननमें कान्ह करत बरजोरी ।
 यमुना निकट पनघट वंशोवट घेरे फिरि चहुं ओरी ॥
 ग्वालबाल सब सङ्ग सखा लै मीरे द्वारे आय ओरी री ।
 जानकीदास रसिक ब्रजमोहन गोहन रहत घरो री ॥

१२
 कहें सब होरी होरी मची है धूम चहुं ओर ।
 चार दिना हंस खेल ले प्यारे आवत होरो भोर ॥
 एक दिन धूर उड़ेगो आखर बचे नहीं कर कोर ।
 जानकीदास शरण सत् गुरुकी उबरे गगनकी खोर ॥

१३
 आज मैं निहारि आनी रेन में महल माहीं लाल
 गुलाल सो रङ्ग रगमगी ।
 पेंच छूटे पागके अटपटे बोले बैन नयन सो उनींदे
 नयन सुगन्ध सगमगी ॥

मुन्दर सलोने गात अलसात जंभात देखत नयन
 अघात मणि नग सो जगमगी ।
 विवश अनिक प्रेमरङ्ग अङ्ग लाय धाय धाय सोह
 दे सोवाए तऊ नेक न डगमगी ॥

१४
 जाऊंगो गंवार खेलारी आखिन डारो पिचकारी ।
 नई सुरङ्ग सारी भिजवत हो कहा यह बात तिहारो ॥
 अबीर गुलाल अकाश पै डारत आली खड़ी
 सब न्यारी ।
 मो पै भक भक भपट भपट अही प्रेमरङ्ग
 प्रभु तिहारो ॥

१५
 होरीके दिननमें मेरा मन लीता ।
 भटक लई मैडो सुरङ्ग चुनरीया चुम्बन गालों दीता ॥
 अबीर गुलाल भर भर के डारदा भए उसदे
 मन चीता ।
 गुरुषोत्तम प्रभु सांवरे गवरु साड़े नाल करो मोता ॥

१६
 ब्रजमें धूम मची खेलत होरी उफ मृदङ्ग धुधुकार ।
 ताल पखावज आवज वंशो और बाजत कठतार ॥

१७
 लाल तुम खिले कहाँ हो होरो खेलन की यह रीत ।
 नख शिख भेष बनाय गोपिन को छलन आए
 मोहे मौत ॥
 कर कपटो भूठी मुख बतिर्या याइ तें लियो जग जीत ।
 कोटि उपाय करो इन्द्रमणि प्रभु इहां नहीं है प्रतीत ॥

१८
 सौरठ—धमार
 यौवनकी मदककी होरे नारो मतवारी करे
 कन्त सङ्ग रङ्गरलियां पुनी ।
 लरे भयरे मुख मीड़े सबनके कोऊ उर कुवे खोभे
 दुनी ॥
 रङ्ग बरसे जैसे ऋतु वर्षा में गुलालकी बादर उनी ।
 वामें त्रिया मुख यों दोसे मानो जैसे निकस्यो शशि
 शरत् पुनी ॥

१९
 निपट रङ्गभीनी देखियत है तू आज नार ।
 उलटी अङ्गिया साथे टेढ़ी सारो की कोर सोहत
 हैं भलके बिथुरे बार ॥

लपट भपट मोहन को पकरत गावत दे दे तार ।
खेल रचो वृन्दावन वोधिन राधे नन्दकुमार ॥

१

हो हो होरो खेलन आए अहो मेरे आए ।
बलिहारी तेरे पायनको शोभा आन देखाए ॥
धन्य माग्य मेरे हैं सजनो मोहन दर्शन पाए ।
पलकन सों मग भारो सखो रो मनवाञ्छित
फल पाए ॥

४

तुम विना हिय में भई पोर अति मारी ।
आय मिले होरोमें महम्मद शा सदा रङ्गेली वारी ॥
चहँ आर डफ बाजन लागे अत्र हँ सुध न संभारी ।
या होरो मेरे कैसे कटेगो विरह पोर अति मारी ॥

विहाग—धमार

राज हाँ ऐसी चहल सों होरो खेलत महाराज
श्रीनाथ बहादुर कोज न खिले इस रङ्ग सों ।
नर नारिनको जूरो वस्त्र पहरायके तापे भोडर
धमार जरतार उड़ावत है इन ठङ्ग सों ॥
चन्दन वन्दन बुक्का रोरो अतर अरगजा
गावत रागरागिणी बाजत ताल मृदङ्ग सों ।
होरो धूम मची अति भारी रङ्ग नाचत है सब दे दे
तारी लपटत है सब अङ्ग सों ॥

हिंदूरा—धमार

तब जानोंगी चतुर खेलैया होरी खेलन मोसों
आवोगी ।
हमरौ चुनरिया रङ्ग सौ भिजोई अपनी वाग बचावोगी
कृष्णानन्द कहत गिरधारो रस सागर सुख यावोगी ॥
२
यौवन मदमाती ग्वारनो ऐड़ी डोरे कुञ्जनमें ।
नयन रतनारे कज्जर भरे तन छाया रही मैं
यौवनमें ॥

३

मन्दके खेल छाड़ दे गेल जिन कुवो मोरो गगरिया ।

हा हा करत हँ पइयां परत हँ त्यज देहों मथुरा
नगरिया ॥

केशर रङ्ग को मेह वरसावत है इत अवीर छाया
रही बदरिया ।

जैसी मोजी मोरो सुरङ्ग चुनरी तैसी भिजोऊँ
पगरिया ॥

३

मारुंगी गेंद गुलाल कुडकुमा डारुंगी रङ्ग
सुलाय सुलाय ।

चन्दन वन्दन बुक्का रोरो अतर अरगजा लगाय लगाय ॥
गाऊँ वजाऊँ रिभाऊँ मोहन को होरो राग
जमाय जमाय ।

अदारङ्ग पिय फागुवा ले हों होरो खेल
मनाय मनाय ॥

५

अति मदमाती डोरे सब हो तियनमें तू रो
चतुर खेलार ।

तन सों रङ्ग भिनी सारो सोहत गर पुहुपनके द्वार ॥
भपट पोत पट खैचै मोहन को लाज सकुच
सब दर्ई है डार ।

सदा रङ्गमें मीज गई है फगुवा लिए छाड़े मुरार ॥

६

काहेको रो सकाय रहै हो प्यारे होरोमें क्यों न
करत मोसे रङ्ग ।

भली बुरी नित्य कहत रहत चचा हमारी
सौतनके यह ठङ्ग

अबके फाल्गुन पिया रुस रहोगी अवीर गुलाल उड़ाऊँ
आज मैं तुम हो राय राजा प्रथम साहब मैं भौ
चेरी समझ ॥

सोरठ—धमार

नयन सगे तेरे मोहनके सङ्ग ए रो वौरी अब काहे
लाज सजाय ।

जित देखो तित आपो आप है दूजा कौन समाव
साख बातको एक बात है सब तज हरि चित्त लाय ॥

२

निडर निडर नटवर सो क्या चले हो गोरी ।
सुन यह भव कंस मारि राज्य कर लाग्यो रो
प्रेमरङ्ग बाललीला हम सो करे ठगोरी ॥

२

बहुरिया वरजत ही तेने काहेको रङ्ग डरवायो
एको भार ।

एक भिलमिलो री ता में दीसत द्वियके डार
रङ्गमें सगबग तू भई रो अङ्गिया फरवाइ डार ॥

॥

मदमाती बहुरिया होरो बालम सङ्ग खेलिये ।
शाज सकुच सब तज गुरुजनकी प्रियके भुजन
भुज मिलिये ॥

कैसर रङ्ग पिचकारी भर भर श्यामसुन्दर पर रेलिये ।
जानकोदास विलास सकल सुख सरस रङ्ग
रस केलिये ॥

सोरठ—विताला

चल देखिये वरसाने वही है रङ्गीली होरो ।
निकसी भवन भवन सो कर ले गुलाल रोरो
गावल हैं मीठी गारो सब प्रेम रङ्गमें बोरो ॥
अबोरकी घुमड़में पकरे है नन्दलाला ।
फगुवा हमारो दीज्ये इस कहत है व्रजकी बाला ॥
कोई ताल मृदङ्ग बजावै । कोई रागरागिणी गावै ॥
होरो खेल खेल आई महल महलमें ।
महरचन्द्र मोहन प्यारि खेलत हैं चहल पहलमें ॥

२

होरो खेली पिया सी सारी रैन कहे देत नयन
घोर सुखके वैल कौन रसिया लगाई टुगन सैन ।
पोक लीक अधरन वसन गुलाल भए जागौ पागो
लायो अङ्ग अङ्ग राग रङ्ग रङ्गो प्रगट देखियत
मदन मैन ॥

विभाग—विताला

सांवरो सखिनमें कैसी वेणु बजावै ।
वृन्दावनकी कुञ्ज गलिनमें हंस हंस गरवा लगावै ॥

सोरठ—धमार

आज मन्दिर डफ बाजन लागे प्रगट जइते नभ
सरसत घेरो ।
अबोर गुलालके बादर छाए गरजत है औ
वर्षत है रो ॥

सोरठ—यत्

प्यारी ने वश कौन्ही कुञ्ज विहारो ।
कुञ्ज भवनमें दामिनो सो दमको मार गई पिचकारो ॥
चन्द्रवदनो नयन मृग खञ्जनसे वरसाने कौ नारो ।
लाल लाडलीको छवि निरखत हूँ इप्रक रङ्ग
वलिहारो ॥

२

पिय मत मारो पिचकारो मोरो भिजिगो चुनर सारी ।
वृन्दावनकी कुञ्जगलिनमें गल विच बहियां डारो ॥
हमरे ख्याल तुम ना परो सइयां हम हं
चञ्चला मारो ।

नन्द बबाकी दोहाई देत हैं मानो कुञ्जविहारो ॥
हा हा करत हूँ पइयां परत हूँ तुम जौते हम हारो ।
सेवा सखी चरणनको दासो वार वार वलिहारो ॥

२

नयन लगे तेरे मोहनके सङ्ग ए रो बीरो अब
काहे को लजात ।
घूँघट दूर कियो सुख तें जब ज्योति में ज्योति समात ॥

॥

होरो खेली सखी में तो रसिया कुञ्जविहारो से ।
कुञ्ज कुञ्ज वृन्दावन माहीं आगोवर्द्धनधारो से ॥
रङ्ग में रङ्गू घनश्याम लालकी वश कर प्रीति
अपारी से ।

अबोर गुलाल लगाऊँ कपोलन ख्याल खुशाल
खेलारी से ॥

५
नन्ददुलारे ऋतु रङ्ग में रङ्ग रङ्गे हो हो होरी
मेरे आए री ।

होरी खेलत लिए ग्वाल बाल सङ्ग नेह उमंग
उमंगाए री ॥

गावत फाग बजावत मुरली छवि अपार
रहे छाप री ।

ख्याल खुशाल करत गोकुल में राधे प्राणपियारि री ॥

६
कुञ्ज कुञ्ज में होरी खेले राधा गोरी ।
रङ्ग तरङ्ग तन्दनन्दन नेहके अबौर लगा वरजोरी ॥
गल बहियां दिए वन वन डोलत चितवत
चन्द्रचकोरी ।

ख्याल खुशाल करत मन भाए श्रीवृषभानु किशोरी ॥

७
ऐसी वंशी बजाई री माई मोहन लाला
सुनत भनक उठ धाई सखी री परसे है मदन
गोपाला ।

श्यामसुन्दर मनमोहनो मूर्ति सङ्ग लिये
ग्वाल श्री बाला ॥

मीर सुकुट पीताम्बर सोहै उर वैजयन्ती माला ।
कृष्णानन्द रङ्गत निशि वासर प्रेम अमी मतवाला ॥

८
क्या बान परी पिया तोरी री मो सों खेलन
आयो होरी ।

अबीर गुलाल के बादर छापे मुख मोहन की रोरी ॥

९
जा दिन पिय सों होरी मचेगी सन्मुख होंगी
लजाय लजाय ।

और सखी सब वन वन जे हैं नए नए रङ्ग
रङ्गाय रङ्गाय ॥

अवगुण मेरो पिया सब जानत किहू विध राखों
छिपाय छिपाय ।

पञ्चतम पाक करम दे वज्रहन फगुवा लोंगो
रिभाय रिभाय ॥

१०
मेरो सुरङ्ग चुनर रङ्ग बोरी रे तो से अब न खेलों
कान्ह होरी रे ।

निपट ठोठ नन्दराय लाड़ले काहेको करत
वरजोरी रे ॥

वरज रही वरज्यो नहीं मानत लागो हो आवत
ओरी रे ।

ख्याल खुशाल करन चित्त चाहत कुञ्ज निकुञ्जन
ठोरी रे ॥

११
मन मोह लियो हो होरो श्रीव्रजराज दुलारे ने ।
होरीके दिन में नघन मिला कै नन्दराय जोके
वारने ॥

चितवन में चित्त चोर लियो है मोहन मुरलीवारे ने
ख्याल खुशाल देखाय परस्पर रसिया प्राण हमारे ने ॥

१२
शाबाश रङ्ग में भोजत अङ्गिया दरकी ।
छतियन हाथ लगावत भिभक्तत चुरियन
मुरकी करकी ॥

वरजोरी रोरी मुख मोजत नई नई बात नगरकी ।
मोह जान वलिहार छिपाई तैं करो घर घरकी ॥

१३
मेरो अब जैसे निकसन होय देया होरी खेलै
कन्हैया ।

हो दधि बेचन जात वृन्दावन छीन लछो दहिया
महिया ॥

सासर जाऊं तो सास लडत है पौहर जाऊं
लड़े मैया ।

इत उर उत उर मोहि सखी री मोहन नाथत
ता थैया ॥

चूनर मेरी सब रङ्ग बोरी और भिजोई पामरिया ।

सूरश्याम को कैसे भिजोजं भोट लई कारी
कामरिया ॥

१४

होरी दोज खेलै हो परस्पर भाज ।

गुलाल अलक मुख लपट रघ्यो है कुङ्कुम
बंदो विराज ॥

बसन आमरण अतर रस भौने देख मदन आई लाज ।
सुखसमूह निरख हित आनन्द युग युग करो
तुम राज ॥

१५

उठ रो ग्वारन कर शृङ्गार होरीकी आई बहार ।
अबोर गुलाल ले फेंटन भर परे केशरकी पिचकार ॥
जब आवैंगे मेरे श्याम कन्हैया अजरकी कुङ्कुम
मर थार मार ।
सुरदास प्रभु सीई सुहागन जो तेरे आगे
खेली धमार ॥

१६

अब मुख मीड़ोंगी गहे पाए हो मोहन ।
लिए गुलाल फिरत थी कबकी सुखन बनी
मो मोहन ॥
कज्जर देजं बनाय लालके जैसे टग टिग सोहन ।
उदयरज प्रभु मदनमोहन प्रिय निमिष न
करो विकीहन ॥

१७

सुन्दर श्याम सलोने ने सखी मोरे नयनसे नयन
मिलाय ।
जैसे काग भुजङ्ग डसत है सखी मेरो बाल बाल
लहराय ॥

१८

सांबलिया रङ्ग मानो हो जी राज गाढ़ो अरज,
करो हो फाल्गुन आयो ।
मिलि खेलन रो चाव होरी में माग्यन इह
दिन पायो ॥

ब्रज दुलहन था साँ पर साँ केशरो रङ्ग मिलायो ।
रुडा लागो हो वलिहार विहारो रुडो थारो
खेल सुहायो ॥

१९

रसिया जाने न देशां हो राज रसिया अब मैं
खेलौंगी होरी ।
अब मैं मोल लई नई सारी दैया ता है मुख
माड़ोंगी बरजोरी ॥

२०

मन पाग गयो श्यामसुन्दर कान्ह प्यारे सो सङ्ग
लागोई खेले होरी ।
दधि मेरी खाई मटुकिया फोरी माखन कर
गयो चीरी
अटक गयो मतवारी राजसङ्ग खेली होरी ॥

२१

होरी खेलन तुम आए रसिया अबोर गुलाल लिए
मर भोरी ।
काहके हाथ में अतर अरगजा काह खड़ी है
रङ्ग में बोरी
अपने पीसे होरी मैं खेलूं एक सांवरी एक गोरी ॥

२२

कैसे खेलूं फाग दैया मैं कैसे खेलूं फाग ।
जिनके पिया परदेश सिधारे जियरा नित वैराग ॥
वै ठाकुर ठकुराई करत हैं मैं तो विनकी दासी ।
माहे अङ्ग जराय मदन सखी रो छाड़ चलो
अविनासी ॥

२३

ए हो नन्दनन्दन ब्रजराज श्याम मोरी सखी मेरी
बहियां मरोरे रो ।
सोतनके घर जायके मेरो हरवा टटारे रो
और कौ चुनर छून सके है मेरो घूँघट खोले रो
ए रो मेरी गागर ठोरे रो ॥

२४

हो हीरी खेले सब चायन गोपी गोरस रस मचे ।
 डफ मृदङ्ग ध्वनि वांशरी बजाए मनके कलोलन
 आप ही आप में सब रङ्ग रचे ॥
 खेल मची ब्रज वीथिन कुञ्जन गावत रागन सचे ।
 आनन्द बढ्यो अपार गोकुल में नरनारी सब नचे ॥

२५

जैये री केहि विधि यमुना तट बिचवा ठाड़ो
 ब्रजराज ।
 काल को भय अब लों नहीं भ्रम भयो बहोर करे
 टङ्ग बेसी ही आज ॥

२६

सुनत डफ दीरी आई ग्वार दीरी आई द्वार ।
 अबोर गुलाल के बादर छाए रङ्गकी परत फुहार ॥
 अब तो आन वश परे हो हमारे कहां जावोगे
 नन्दवार ।
 मुरली लई है छिनायके श्याम जू की चलत दे
 गई गार ॥

२७

अब तुम तो नीकी तानके सुनैया रिभैया रङ्ग में
 भिजोई हमारी चीर ।
 हम वरजत तुम मानत नाहीं ए राजा उमराव
 अमीर ॥

२८

ए री डफ वाजन लागी री नगर में हीरी खेलन
 आए कंवर कन्हैया कुबरी ।
 पनिया मरन कैसे जाऊं सजनो री बीच ठाटो
 श्याम डगरी ॥

२९

एवा ग्वालन आवै रङ्ग भरी डगरी गोवर्द्धन की
 गैल री ।
 हेला बनी रहत वाके रोभ सो रिभवत मोहन
 खेल री ॥

३०

कान्हकी प्रीति में लोकलाज सब त्यजी एते पर
 अपने कोई न भए ।
 मेरो मन आली यह नयनन उरभायो है कौन
 को दोष अब कैसे के दए ॥
 फूले वन टेसू नहीं भावत है मो की यह देखत हूं
 लहलहात पात हरे नए ।
 कैसे समभाजं जिय मानत नाहीं दर्श विना
 आयो री फाल्गुन दो चार दिन गए ॥

३१

प्रेम नगर को पैडो न्यारो भूल कोऊ मत जाव री ।
 मनमोहन मुरली ध्वनि टेर सुनाय करत है बावरी ॥
 अबीर उड़ाय चीर लै भाजत ता पर कहत मेरे
 गुण गाव री ।
 अचर गहि मुख मीड़त दरस कतहं देखो
 यह न्याव री ॥

सीरठ—धमार

आब मधुवन में कान्हर बन बन खेलत फाग ।
 मेरी चुनरिया बोरिगो रङ्ग मे में भी भिजोऊं
 वाकी पाग ॥
 तत वित तघन शिखर बाजत गावत सीरठ राग ।
 जिन जिन मुरलीकी भनक सुनी है धन्य धन्य
 उनके भाग ॥

३२

गोकुल आज धूम मची है हीरी खेलत ब्रजभान ।
 मृदङ्ग भांभ कठतार डमरू डफ वाजत
 मुरली की तान ॥
 ब्रजकी सखी सब सुन कर धाईं उनके भए हैं
 आदर मान ।
 उठ चल अब मिल गन्दलाल सो इततो कहा
 मेरो मान ॥

मन्दिर आज हो रहो हीरी खेलत कृष्णकिशोरी ।

व्रजकी सखी सब बन बन चार्हे' कोज सांवरी
कोज गोरी ॥

एक के वसन पर रङ्ग डारत है एक के मुख मलत
है रोरी ।

एककी कुच घर मारत है कुङ्कुम कहे कर
हो हो होरी ॥

सिंदूर—धमार

दस्त पिचकारी भर भर फेंकत प्रिय मो पर
उपजत अनेक रङ्ग ।

मदमातो त्रिया छतियां केल सो सन्मुख भूमत
प्यारी सङ्ग ॥

सौरठ—धमार

कों कर गार्ज मैं देश पिया परदेश जियाको
अन्देश ।

अपने यौवन की विभूति रमाज' कानों बीच मुद्रा
पहराजं मैं तो कियो योगिनि को भेश
आदेश हमारी सुन पथिकवा अचपल सो कहियो
यह सन्देश ॥

सौरठ—पहाड़ी

व्रज कुञ्जन जाय पकर ल्याई नन्दके लाला ।
हा हा करावत पाय परावत व्रजकी बालगोपाला ॥
एक सखी कर पकर नचावत बडुत बजावत गाला ।
नयनन अञ्जन खञ्जन करके लोग कहे व्रजबाला ॥
आन यशोमति यह छवि देखो मोहन मुरलीवाला ।
पाय पैरानी अधिक विराजे बेंदो भाल विशाला ॥
बैसरकी छवि कहां लगि वरनों भूम रहो
मोतिमाला ।

हन्दावनकी कुञ्ज गलिन में खेलत नन्दके लाला
सुरश्याम छवि कहां लग वर्णों मोह लई व्रजबाला ॥

२

सांवरे मोहन होरी भली खेल आए ।
अमुरागि आगे रस पागे टग अति ही छवि आए ॥
कहं अञ्जन कहं भाल महावर कहं केशर रङ्ग लाए ।
औरसरङ्ग साची कही मो से कौन सुघर फगुवाए ॥

३

चित्त मेरो लाग गयो श्याम रङ्गीले प्यारे सो ।
तब ते उन सो मेरो नेह लगो है मैं तो चाहों
वाको बारे सो ॥
कारो रङ्ग प्यारो टग कारो का रे बचे कोज कारे सो ।
सन्मुख होत चाहत जिय निकसत रहत वाही के
संभारे सो ॥

ठीर ठीर नीको छवि जो है सोहै लाल हमारे सो ।
जो देखै मगुण में काजम सो देखे निर्गुण न्यारे सो ॥

४

मेरी सुरङ्ग चुनरिया बोरी रे तोसे अब न खेलें
कान्ह होरी रे ।
निपट ढीठ नन्दराय लाडली काहे को करत
बरजोरी रे ॥

वरज रहो वरज्यो नहीं मानत लागो ही
आवत ओरी रे ।
ख्याल खुशाल करन चित चाहत कुञ्ज निकुञ्जन
ठोरी रे ॥

देश—पहाड़ी

माई नन्दके लाला कैसी वेणु बजाई रो ।
वेणु बजाय के मन हर लीन्हों सुघबुध विसराई रो ॥
सुनत वांशरी ग्वालिन धाई रो भू भू दधि खाई रो ।
मौठे खर अधरन धर टेरत जियरा लेत चोराई रो
कृष्णानन्द मदनमोहन ने मोहि लियो अपनाई रो ॥

पौलू—धमार

मो पर रङ्ग न डारो कन्हैया सास मनदी मोहे
देगौ गारी ।
भर पिचकारी मुखपर मारी भीज गई तनसारी ॥

पौलू—पहाड़ी

तेरी वलि जाजं सांवरे नेक जो वेणु बजाव ।
हा हा करूं औ पदयां परूं तोरे वेग मधुर ध्वनि
मोहे सुनाव
तेरी मुरलिया मन हर लीन्हों घर अञ्जन न सोहाव ॥

विनती भोरी मान ले तोहे मोहन ने बुलाई ।
 सङ्ग सखी वोमें सभी छिटकारै कुजा मन विसराई ॥
 तेरी सौं मोहे प्यारी राधिका राधा ए राधा रट लाई ।
 बाजत ताल मृदङ्ग भांभ डफ घुंघरुनकी सरसाई ॥
 चोवा चन्दन और अरगजा केसर माट भराई ।
 सुन सखियव को वचन लाइली हर्ष हुलस उठ धाई
 लालदास चरणनके प्यारे देखत कण्ठ लसाई ॥

देश—पहाड़ी

बावरी बन आई तुम्हे किन होरी खेलाई ।
 सास कहे मेरो वारो बहुरिया अङ्गिया ते यह
 कहां दरकाई
 सासुजीके पुत्र नन्द जूके वीरन जिन भोरो
 मति वीराई ॥

पहाड़ी—यत्

कान्हर कर पकराई पकर जाय ग्वाल ग्वालनी ।
 कोज कहत गोपो दहो को दान दे एक कहे
 कंसकी पालनी ॥
 एक कहे फगुवा मांगनको आई एक कहे
 छाड़ द्यो मालनी ।
 एक कहे रङ्ग भर हारो खेलन आई एक कहे
 ग्वालकी बालनी
 प्रेमरङ्ग प्रभु फगुवा बनाई लूट में पाई लालनी ॥

२

फिर कपटी कारी कोकिल बोली सुनत मदन
 वश तन मन डाली ।
 मैं जान्यो भर गई शीत ते कि न कपोत वन
 काबुक खोलो ॥
 अलिकुल कुसुम मान तुयक लाए विरहके वाण
 वियोयकी गोली ।
 प्रेमरङ्ग पिचकार चलैगी प्रभु विना प्रबल
 परैगी होली ॥

१

भेरो जान्यो भेरो कान्ह मैं खेलौंगी होरो ।
 अक्रूर आय ले गयो अब कुजाजीको भोरी ॥

पीपू—यत्

भो पर रङ्ग न डारो कन्हैया सास ननदिया
 लरैगी भोरी ।
 हा हा करत हौं पैयां परत हौं चेरो मैं ए री तोरो ॥
 अवीर गुलाल कुङ्कुमा मारत और करत बरजोरी ।
 कृष्णानन्द कहत कर जोरे पुनि पुनि करत निहोरी ॥

सोरठ—यत्

रसिया हो राज होरी रङ्ग राचे ।
 न्हारी चुनर सब ही भिजोई केसर कीच रङ्गो माचे ॥
 बाज रहे छे वीणा मृदङ्ग ध्वनि गावत खर में साचे ।
 रसिकविहारी पिय प्यारी मिल खेलै तत थैई
 तत थैई नाचे ॥

२

चुनरी में रङ्ग जिन डारो सांचो कहो वचन दो
 हमको जब खेलत तुम सङ्ग ।
 हौ मनमें ऐसे ललचाने देख विराने गोरे अङ्ग
 उनके मन में ऐसी आवत है अब भर लीज निसङ्ग ॥

३

रे जधो को खेलै ब्रज होरी ।
 मन हर लियो नन्दनन्दन जू कंवर राधिका गोरी ॥
 अन्तर्गतकी व्यथा हमारी जानत नाहिं न कोरी ।
 कहा कहीं विश्वासी सुरको प्रीति अचानक तोरी ॥

४

हो हो होरी खेलन मेरे आए ।
 बलिहारी इन पायनकी जो पिय तुम आन देखाए ॥
 शीतल मईं आज अखियां सुफल कामना पाए ।
 देख अदारङ्ग यों डारे कैसे सुघर बनाए ॥

५

कहां तोहे टेव परी वनवारी मोहे पैडे जात
 करनकी ।

लाजम सन हों भीजी जात हों सङ्ग सखा नेरनकी ॥
हों यमुना जल भरन पठाई कौ वैर घेरनकी ।
करैगी घबाव मो घर अब सास ननद जैठानी
देरनकी ॥

रसिया जानि न देशी हो राज रसिया अब मैं
खेलींगो होरी ।
अब मैं मील लई देया तोड़े सुख मौडोंगो वरजोरी
हो रसिया ॥

सोरठ—धमार

ए री अति धूम डारी आज व्रज में होरी खेलत
नन्दलाल ।
काङ्गकी बहियां पकर भकभोरत काङ्गकी अङ्ग
लगाय करत बेहाल ॥
हों न जाजं आली अब दधि बेचन राज करो उनको
अनोखो ख्याल ।
जहां पावत तहां रङ्ग में भिजोवत पनिया भरनतें
बैठ रही व्रजवाल ॥

हो हो होरी हो हो होरी सब जग होरी हो
रही हो ।
सब ही सुहागिन खेलन निकसी हों दुहागन
सो रही हो ॥
अवसर सब ही वीस गयो है ना जानो कौन
यति बही हो ।
गुण अवगुण से चलहुं सइयां पै जायके चरण दोई
गही हो ॥

हो हो होरी हो रही है नन्दलालके द्वार ।
व्रजवनिता सब मिलके धाई तनकी रही व संभार ॥
अबीर गुलाल के बादर छाए सरस रङ्ग निहार ।
नाचे गावै ताल बजावै भरुवा कहे बार बार ॥

आयो फाल्गुन मास री सजनो उमंम चोप बैठी
जाय अब होरी खेलिये कृतपतिके सङ्ग ।
दुःख भाजे सुख प्राप्त होये जब सह लीजे
चरणकमल से रङ्ग ॥

आवो री सखी चल अकबरके सङ्ग रीभ भोज
खेलिये रङ्ग ।
फाल्गुन मास में रार न कीजे
सोतनके हिय हुस्वास न दीजे
ए री बजत तार भांभ डफ सृदङ्ग ॥

आज रचौ श्यामसङ्ग होरी सङ्ग नवल राधिका गोरी ।
करन कनक पिचकारिन भरत रङ्ग धावत आवत
जोई गावत भावत सोई अबीर गुलाल मुख मलत
चलत हंसि चपल चमकित चोरी ॥
हरि सङ्ग ग्वालबाल करे अनगन ख्याल कीज
डफ सृदङ्ग बजावत गावत फाल्गुन मुरलीकी ध्वनि
घनचोरी ।
कृष्ण रङ्ग निरखि हर्षि सुर नर नाग मन में सिहात
लखि गोपिनको अनुराग सुरपति सारद सराहत
सुहाग भाग्य यह व्रजसुख सब शोरी ॥

कीज कुंवर कान्ह वरजे मेरो हियरो लरजे ।
अति ही चपल छल बल न करत कल लगेई रहत
सङ्ग तजत व एका पल छल बल करत न डरत
काङ्गकी डर कैसे कर जल भरजे ॥
मिपट चबाई यह व्रजकी लुगाई माई नाहक कसक
लगाई करत हंसार्ई आई कही अब कैसे करजे ।
कृष्णरङ्ग अब नन्दकी दुहाई नेक भुज गहे चलत
पराई व्रज दुरि जाई वांसरी बजाई गाई अधिक
रिभाई पाई करत अपनी गुरजे ॥

तुम नए भए दधि दानी मानत न काङ्गकी कानी ।

अति ही निडर न डरत गुरुजन डर वर बश लरत
अरत नित्य ही नित्य नन्दके छेल बीच गैल चैल

गह बतियां करत छल सानी ॥

कहँ न चलाई अब ताई ठकुराई ऐसी यही पुर
बसत सदाई चल आई हम कंसरायको राजधानी ।
कृष्णरङ्ग अब कीज कैसे के बसाई ब्रज तिनकी
चबाई सही जाई न कन्हाई सब ग्वालके बाल
कसहाई सङ्ग पाई नित्य करत ठगाई हम जानी ॥

८

बालम तुम विन कैसे खेलौं होरी ।

वीती जात ऋतु फाल्गुन अजहँ न लोन्हीं सुध मोरी ॥
जैसे मीन जल विन तरफत सो गति भई है मोरी ।

सुन रे पथिकवा जाय कही उन से सन्देसवा

लोगनकी कहा चोरी

कृपा करो आवो लालन अब बहुत गई रहो थोरी ॥

१०

मोरे पिया रे बालम परदेश होरी मैं ना खेलौं ।

होरी अहोरी सब जग होरी मैं केहे सङ्ग रङ्ग
भर रेलौं ॥

सोना लेने पी गए सूना कर गए देश ।

सोना मिलो न पी मिले रूपा हो गए केश ।

अपने सड्यां को टूटन निकसी कर योगनको भेश ॥

११

हेरो मस्त भयो डोले होरी को निपट निडर

घनश्याम ।

डगर चलन नहीं देत लेत गहि रोकत है सब वाम ॥

मन में धरत सो करत डरत नहीं उभक फिरत

घर घर आठो याम ।

जानकीदास हंस मन्दिर में धंस लै लै बुलावत नाम ॥

सीरठ—यव

नाहक ननदी वैर परी है यो होरीको दांव रसिया ।

देत गारी ब्रजनारी बोले न भूण्डी कठिन स्वभाव

रसिया ॥

नेड़े आय हंसिके दुःख हरिये जो तुम प्रीतिन चाव
रसिया ।

बलिहारियां री आशा पुजावो हंसत खेलत घर
आव रसिया ॥

२

कान्ह मूंद घर में छिप बैठो ए री बोरी फेर होरी
आई री ।

डफ मुरली ध्वनि बहोर बजैंगो जिन लो लाई री ॥
तनमन नयन में मोहिनो मूर्ति निशदिन छाई री ।

लाल गुलाल मरे मुख देखन उठ उठ धाई री ॥

गुरुजन दुर्जन करत चबाई लाज लजाई री ।

प्रेमरङ्ग में मीज रही हौं मति बीराई री ॥

सीरठ—तिताला

कान्ह तोहै ऐसी मति कौन दई ।

देख पराई नारो सलोनी होरी करत नई ॥

डार गुलाल आंज आंखन में भुजा भर अङ्ग लई ।

केसरकी पिचकार मारके बहियां धकर लई

कृष्णजीवन अबलाकी वह गति देखी कहँ न भई ॥

३

मुख मल डालौंगी बहोत चले इतराय लाल ।

सब सखियन में ऐडोई डोले मुख में मले गुलाल ॥

३

ऐड़ी बैड़ी डोरे कुच्छनमें अरे लाल मतवारी

ब्रजनार ।

काहके मुखसे अबोर मलो री काह पै भर पिचकार ।

ऐसी होरी खिले किफायत रङ्ग दियो संसार ॥

जयजयवन्ती—तिताला

माई आज तो मोहन सङ्ग रङ्ग भर खेलौंगी ।

लोकलाज पायन सो पीछोड़ीय पे लौंगी ॥

निद्रोंनी आर्य पथ न डरौंगी ।

हैं निधरक अङ्गवार पियको भरोंगी केसर रङ्ग

रङ्गेलो करौंगी ॥

बेसरके मोती काज फगुवा अरौंगी ।

ललित त्रिभङ्गी रसठरनि ठरोंगो
रतिवति रण व्रजपति सों लरोंगो ॥

आए हो रगमगे रैन के लाल गुलाल से रङ्गरङ्गीले ।
सोधे भीने बालकी बालके अङ्ग लगी ताते
अङ्ग अङ्ग ढोले ॥

कर सङ्केत कही निश आवन भोरे बोरे नखशिख
खगोले ।
१. मरङ्ग अवगुण गुण मानत लगत ही कण्ठ लगत
हो रसीले ॥

आज सखी होय रही होरी नन्दनन्दके द्वार ।
अबौर गुलाल कुङ्कुमा केसर भर मर रङ्ग पिचकार ॥
छिरकत रङ्ग श्याम पै राधा श्रीवृषभानु कुमार ।
मलत गुलाल श्याम मुख मोहन गावत मिल व्रजनार ॥
ताल मृदङ्ग भांभ डफ बाजे नाचत गोपीग्वार ।
रागरङ्ग आनन्द नन्दके बार बार वलिहार ॥

अदभुत फाग मचो गोकुल में गोपग्वालनो
देखन आई ।
फाल्गुनके दिन चार सखी री चर्चा करैंगे सब
लोग लुगाई ॥

एक गावत एक मृदङ्ग बजावत एक सन्मुख
लड़वे को धाई ।
छिपत फिरत भोजन कुञ्जन में पकर मोहन जू की
आखें अछाई ॥

हों कहा करों री कैसे रहै कुलकान या व्रज में माई ।
एक यौवन मद छकी फिरत है निडर करनको
होरी आई ॥

नयो यौवन सुन्दर नारिन ले पकर करत मन भाई ।
गुलाबकी प्रभु माधव मनमोहन रसकी धूम मचाई ॥

ऐसी खेलारी रसिया मोरा होरी में करत है
वरजोरी ।

आप खेलै और मङ्गको खेलावै बहियां पकर मोहे
रङ्ग में बोरी ॥

व्रजकी सखी सब बन बन आई मनमोहन घर
मची है होरी ।
हाथ लिए पिचकारी प्यारी और आय कहे
हरि हो हर होरी ॥

होरो खेलों में तो मोहनके सङ्ग रङ्ग में लेहीं
भिजाय ।
फगुवा लेहीं तब जाने देहीं पीत दुकूल लेहीं
छिनाय ॥

व्रजकुञ्जन में खेलत होरी नन्दनन्दन वृषभानु
किशोरी ।

अबौर गुलाल उड़ावत गावत रङ्गत केसर रङ्ग
अङ्ग वरजोरी ॥
चितवत चित्त चोराय लेत है रसिया नागर
शोराधा गोरी ।

कहीं यमुना तट कहीं वंशोवट धूम फाल्गुन
ऋतु चारो श्रीरी ।
निरखत रसिक खुशाल श्याममुख जैसे
विलोकत चन्द्र चकोरी ॥

कैसे मरीं दिन रैन लङ्गर सङ्ग लागो ई डोले
फाग को अवसर पाय सखा मेरो अचर खोले ॥

खेल ले कुञ्जा पिय सङ्ग होरी पूरी भई मन
इच्छा तोरी ।

श्यामके नयन लगे हैं तो सों सन्मुख आव न
कर चित्त चोरी ॥

बहियां पकर भट छीन ले कामर बोर दे रङ्ग में
पीत पिङ्गोरी ।

कैसे मोहन को वश में किए तै हाथ मलत है
राधागोरी ।

मान तुराब का कहना इतना मान न कर
वृषभानु किशोरी ॥

११

अबोर मलौंगी कपोल तिहारे यशोदा लाल
ब्रजराज दुलारे ।

यह ऋतु फाल्गुन छाया रही है जो तुम आए हो
धाम हमारे ॥

रैन जगाय लेहौं रस रसिया खेल क्वोले
प्राण पिया रे ।

ख्याल खुशाल भरे मनमोहन यौवन उमंग उमंग
उमंगारे ॥

१२

अबको फागुका रङ्ग न पूछी धूम मची है
श्रीवृन्दावनमें ।

श्यामविहारी चतुर खेलारी खेलत है होरी
सखियनमें ॥

कर में लिए कञ्चन पिचकारी अबोर गुलाल
भरे दामनमें ।

अङ्ग निहारत ताक के मारत दाग लगावत
उजरे वसनमें ॥

कैसे कोऊ अब घर से निकसे ठाढ़ो है ढोठ
लङ्गर अङ्गनमें ।

मो को कहा वो ढंढ़े पावे मैं तो छिपी तुराब के
मनमें ॥

१३

डगर डगर डगमगे डगन सौ होरोके मदमाते आए ।
सगर वगर जिय भगर भगरके रससमुद्र

आनन्द बहाए ।

अगर तगर ले जगर जगर सुख कृष्णानन्द रूप
अन्हाए ॥

१४

मन छीन लियो कियो वशकी एक बात कभू
न कियो वशकी ।

प्रेम प्रीति को यह फल पायो बात करो डर है
तू देशकी ।

कृष्णानन्द मोहिनी मूर्ति रहै करेजे मेरे कशकी ॥
१५

ऋतु फाल्गुनकी आई माई श्याम हमारी
लाज गंवाई ।

वरवश धुनर छोर लई वह देत रही मैं राम दुहाई ।
कृष्णानन्द एक नहीं मानी ऐसो लङ्गर ढोठ कन्हाई ॥

१६

ए री लाल मिले श्री लाज रहै ऐसी बतावो
कोऊ युक्त ।

जामें प्रकट न होय प्रीति यह ऐसो मन्त्र देहो
मोहे गुप्त ॥

सास ननद श्री गुरुजनको डर एकी नाहीं
बनत बड़ सुक्त ।

श्याम दर्श होरी गावत है देखो लेत तान नई उक्त ॥
१७

आतुरकी भए छिन में जो सूरत रूप सजैगो ।
अब भकभोरूं बोरूं रङ्ग में तारो दै दै आलो
पुञ्ज नचैगो ।

कृष्णानन्द करारजं हा हा प्यारे निशदिन मोहि
भजैगो ॥

१८

होरो रङ्गरातो अङ्ग यौवन उमङ्ग मातो सांवरो सो
कैल गैल मांभ टिग परिवो ।

मैं तो केतो कौनों अभी बीच में हो निकसवे को
आय अति निडर अरेल आन परिवो ॥

केतिक ठगोरी एक ठोरोके निहारो ऐसो मुभकी
निहारन में चित्त सब हरिवो ।

चेटक हो हाथ में कि धौं गुलाल हों न जानों
ताहो साथ कहां मेरो आंखनमें भरिवो ॥

१९

अति रङ्ग रसिया ब्रजको वसिया होरी में मोहि
श्याम मिलो री ।

अतर सुमन्ध गुलाब अति भीने प्यारे अङ्ग
 लगे री लगे री ॥
 कर कञ्चन सोहत पिचकारी केसर रङ्ग
 भरो री भरो री ।
 चट घूँघट पट खोल लाल मुख अबीर मली री
 मली री मली री ॥

२०

बागके बगर अनुराग भर भर खरी खेलती है फाग
 मनमोहिनी गोपालकी ।
 राज करै इन्दु अरविन्दुसेन काज आज देखत ही
 मञ्जु शोभा वदन विशालकी ॥
 भृकुटी तिलक पर वारुणी पलक पर ए बईं
 अलक पर भलकै गुलालकी ।
 कालीदास ललक ललीं ही छवि टलकै छवि
 मुक्तनमें कपोल और भालकी ॥

२१

होरी बागी कान्ह अब ही तें उमदात फिरी
 जरै ऐसो ख्याल जी मैं लाज टर जायगी ।
 चलैगो पी पिचकारी तो तिहारो सों बिगर जै है
 नईं जरतारी मेरी सारो मर जायगी ॥
 भूठी मान मूठी लेजि मुख तुम तानत ही गइयां के
 चरैया ही बलैया डर जायगी ।
 परेगौ गुलाल मेरो आंखम में लाल तो गोपाल
 आज ब्रजमें ज्वाल पर जायगी ॥

२२

भली भईं होरी आईं घर आए घनश्याम ।
 लोग कहै टोनवा पढ़ डारो ए राधाको काम ॥
 धन्य तेरो भाग्य सुहाग भावती और न दूजी वाम ।
 कृष्णजीवन लक्ष्मीरामकी इच्छा पूजिए वेग ही श्याम ॥

२३

बनवारी लाज विसारी ऐसो रङ्ग डारत मौज गईं
 तनसारो ।
 धाय धाय नन्दघाम कहै तो हे मुख मोड़ौं
 गिरिधारी ॥

पाछे ठाढ़ी सब पार परोसन हंसत खेलत सब
 नरनारी ।
 लाज सकुच सब तज डारी है एक मूँठ तै लाज
 विसारी ।
 एतौ मिठुराईं कौन बदी कान्ह जिन देहो गारी ॥

२४

सखी आज बाग में फाग रच्यो होरी खेलत
 संसारचन्द ।
 जित जावत तित रङ्ग मचावत बाजे मन्दिरला
 घर घर आनन्द ॥
 उड़त गुलाल अबीर अरगजा विचित्र अतर सुगन्ध ।
 रङ्गमहलमें रङ्ग मच्यो मानो कुञ्ज भवन में खेलैं
 गोविन्द ॥

२५

ए री आज खेल ले पिया सङ्ग होरी बांह जोरी ।
 हीं जो मनावत तू नहीं मानत सुन रो राधा गोरी ॥

२६

ए री आज पिया अपने सङ्ग खेलौंगी होरी ।
 अबीर गुलाल अतर अरगजा सुगन्ध लिए भर भोरी ॥
 फाल्गुन मास में लाज केह काम की वे हैं
 कृष्णकिशोरी ।
 खेलैं फाग सब अपने पिया सों कोई सांवरी
 कोई मोर ॥

२७

सखी मांगि दे री अपने नाह दिन चार ।
 अम्बा मौरि टेसू फूले और फूली कचनार ।
 कृष्णानन्द सोहाग भरी तू देखहि लाल महार ॥

२८

फाग खेलत मार मार माजत हो हो हो री बड़ो
 फागको खेलैया ।
 लगाए लगत न कुटाए कूटत अब कहा करौं ए
 मेरी दैया ॥
 हंसम अभिरतें देत त मोहे नन्दको है दर्ईमारो
 कन्हैया ।

भाजत भाजत लागत लामत को वह नयो
लाग लगेया ॥

२८

आवो सद्दयां तुम मन हीरो खेलै केसर रङ्ग
बनाय बनाय ।

आनन्द केलि मचावै दोज अबीर गुलाल
उड़ाय उड़ाय ।

कृष्णानन्द सुफल कर जीवन पद्दयां लागत धाय धाय ॥

२९

कैसे भरौं दिन रैन सखी सङ्ग लाग्यो ई डोरै ।
मैरे तो सङ्गको दूर निकस गई मेरो अक्षर छोरै ।
कृष्णानन्द प्रेम रस मातो प्रीति मथानी आनि टटोरै ॥

३०

मनाई ऋतु लाल सौं धन्य धन्य माई तेरो सौं
देखाई देत चैन सुखपर नाह ।
मोडल मोड़ो और तियन मिला जानत मन मांह ॥
दरकी चोली प्रगट क्यों करै कुछ सरकाय
राखी दोज बांह ।

हित मेरी आंख सुख सकुची है क्यों मैं सचि
कहं हांह ॥

३१

हीरो के दिनन में सुनिए री बीरो मोहे लग्यो
वैराग ही ।
जो आवै सो रङ्ग ही में बीरै जो जियै सो खेलै
फान ही ।

कृष्णानन्द विचार कठिन है प्रीतमको अनुराग हो ॥

३२

मौनिकी रात में भीर ही दुलहिन बैठ रही विन ही
अनबोले ।

गात सो छाती छिपायके सुन्दर तारि निवाय
दुराय कपोले ॥

देखनको चुर आई सबे तिय तनद जैठानी करै
सौ कलीले ।

एक हंसै एक बांह गहे एक अक्षर चंचके
घूँघट खोले ॥

३४

आयो फाल्गुन मास लाल अब खेलंगी फाग
बनाय बनाय ।

भली बनी अवसर आली सब खेलन बाग
बनाय बनाय ।

होय एकट्ठी अब घेर लिए हैं दीजे सब ही
गिनाय गिनाय ॥

३५

हीरो में मोहि श्याम ठगो री ।
वदन जोर मुख मोर चोर चित्त ले गयो कर
बरजोरी अहीरो ॥

फिर फिर पूछत राधे सबनको मैरो मोहन कित
गयो है चोरो ।

केलि खेल सब भूल गयो मोहे मन तो नेवाज
कहां अटको री ॥

३६

नन्द महरको लाड़लो खेले हीरो सङ्ग लिए
वृषभानु किशोरी ।

अबीर गुलाल कुड्कुम केसर चन्दन वन्दन
बुका ले रोरी ॥

राधामाधव खेल रच्यो है सुख बाढ्यो चहुं ओरी ।
रसिक खेल रस वश कर लीन्हौं श्रीवृषभानुकी पोरी ॥

३७

आये फाल्गुन मास कह पठवेकी ना रही ।
सुख मल हीं अब रस वश कर हीं अब लौं
बहुत सही ॥

मैरे मनकी भांवर प्यारे जब पिचकारन रङ्ग छही ।
रसिक खेल प्रभु व्रजके रसिया मनमाने फगुवा लही ॥

३८

हीरो खेलिये माई अपने लालन सङ्ग धाय ।
रूप यौवनकी अति ही माती रहस रहस गर लाय ॥

चोवा चन्दन बन्दन रोरी अवीर गुलाल उड़ाय ।
रसिक खेल को रस वश करि हौं लै हौं
फगुवा मनाय ॥

४८

होरी आई माई अपनो करके ख्याल मेरो कहा
मान ले ।

एकन पै छिरके रङ्ग एकन पै अवीर गुलाल
एक नीकी तान ले ।

जानत नाहीं अपनो परायो रसिक खेल समझ
बूझ पहचान ले ॥

४०

जो खेलौ तो सूधे खेलौ ही तुम चतुर खेलार ।
आंखि गुलाल लाल मत डारो सुनिये जु नन्दकुमार ॥
रस राख्यो जो चाहो मोहन समझ अवीर
भरो एही बार ।

हमरे तुम्हरे खेल दूर तब कस बजाव वलिहार ॥

४१

होरी में होरी कही रो किशोरी जाय के कोज
व्यथा यह मोरी ।

फागमें लाग बड़े अनुराम सुहाग सनेह को
चाहत गोरी ॥

प्यारे तिहारि निहारि विना यह भारे कटे दिन
रैन निगोरी ।

सासर आगर रूप उजागर नागर हो के मोहे
विछोरी ॥

४२

अहो रो चलो रो खेलो रो होरी नन्दकौ पोरी
मचोरी है होरी ।

बाजोरी साजोरी न्यां घनघोरी खेल रच्यो रो
दृषभानु किशोरी ॥

अवीर मलो रो मुख मीजत रोरी हो हो रो हो
हो रो बहोरी कही रो ।

रागसागर प्रभु गुण आगर नागर रूप उजागर
दृग देख ठगो रो गोरी ॥

सखी होरी ख्यालमें गोरी किशोरी आज
अनुपम रीति लही ।

पहले भपट पीत पट खैच्यो ठाढ़े रहि हरि
जा के लही ॥

गुलाल सो छायो गोपालको प्यारी फगुवा ले हो
हंस बात कही ।

पिचकारिन बहुरङ्ग मारी लला अब आन पड़े
वश मेरे सही ॥

४३

होरी खेलिये रो मेरो सजनो अपने प्रिय सङ्ग जाई ।
रूप यौवनकी अति ही माती देखिये तेरी स्वभाई ॥

ये फालगुन भाग्यन ते पायो मन में समझ बनाई ।
पौको पाय के जान न दोजे फिर अवसर कहां पाई ॥

रस ही हाथ रहिगो तेरे हौं जो कही तेरे
हितकी सुनाई ।

मान किए लालन कहां पइ हो सौतन हो को चाई ॥

सिन्धु—धमार

होरी होय रहो है नगर में खेलत कथाकिशोरी ।
एक गावत एक मृदङ्ग बजावत एक नाचत है गोरी ॥

अपने अपने घर तें निकलो एक सांवरो एक
रङ्ग में बोरी ।

केसरकी पिचकारी चलावत बारी वयस
दिननकी थोरी ॥

अचानक रङ्ग भरो कहा धरो जिया में तुम आए
बदो मैं ठांव ।

अपनीसो जो करत न चूको मत कहियो राधे नांव ॥
ए हो लाज के रङ्ग में बूड़ रहो हौं देखत सगरो गांव ।
तेरो चतुराई तोहे बनाई पूजो तेरो पांव ॥

२

फाग रच्यो व्रज में अब खेलत है श्रीनन्द कुंवर
दृषभानु किशोरी ।

जैसे ही राधा वैसे ही माधव दोज करत बतियां भोरी ।

चलो सखी मिल देखन जइये आन रूप सब
ब्रज ही बनो रो ॥

खम्भावती—तिताला

आज ऐसी होरी सइयां मैं ना खेलूं मेरे सुखपर
अबौर मलो रो ।
कल्याणन्द पकर उर लावत नागर नवल किशोरी ॥

रङ्गभीने आए होरीके दिनन में धाय धाय ।
महाराज तुम जशन सुवारक भई घीति अधिकाय ॥

तुम आए हो मेरे होरी खेलन को भूल मई
काल्हकी बात ब्रजलाल ।
जिन सो खेलिये उन सो जाय खेलो अपन उमंग
ल्याए विनागुण उरमाल ॥

सुधी नजर क्यों न हमसन बोले अञ्जन अधर
महावर भाल ।

लक्ष्मणदास जागे माग्य मेरे नयनन निरखत
अब तो भई है निहाल ॥

मेरी सोह न मानत धाय धाय डारत भोरन गुलाल ।
भर पिचकारी रङ्ग भर लावत धूम मचावत श्रीट
पाय के कर ख्याल ।

शम्भु नन्दलाल हठ धरणा वरजे होत गरी की माल ॥

होरी खेलत नन्दनन्दन ब्रज में सखी मर पिचकारिन
न बोरत ।

कैसेके जाओ सखी पनघटवा धर बहियां
भकभोरत ॥

ले गुलाल वर वश सुख मीड़त अपनी बार
सुख मोरत ।

मञ्जुल मधुर वजाय वांशरी टुग जोरत चित्त चोरत ॥

होरी खेलिए प्यारे विना अब कैसे ।

अम्बा बौर टेसू फूले सखी हमरे बालम कित
विलम्ब रहै ॥

मेरे सुघर कन्हैया गोकुल खेलत होरो रे ।
एक ओर सङ्ग सखा लिए मोहन एक ओर राधा
गोरी रे ॥
बाजत ताल मृदङ्ग भांभ डफ पिचकारिन रङ्ग
बोरी रे ।
औरसरङ्ग निरख दोज छवि चिरञ्जीव रहे
यह जोरी रे ॥

खम्भावती—तिताला

रङ्गभीने कान्हा रङ्गभीनो कैसे होरी मचाई ।
हैं यमुना जल मरण जात रही पैड़ेमें गगरी छिनाई ।
श्याम तोहे देती नन्द दुहाई ॥

सिन्धु—धमार

भगरा मैं क्यों ठानोंगी पिया मोरा इन
सो तनियां वश कीनो ।
तुम विन मेरो और कौन है ऐसो सुघर मवीनो ॥
याह् वास को वसवो कठिन है सौतनके आधीनो ।
आजम पिया सों विनती करत है मैं तेरे ही रङ्गभीनो ॥

होरी धूम मची अति जोर शोर सुनि डफ मृदङ्ग
धुधुकार ।

फूल रहे वन उपवन कुञ्जन पुञ्जन भमर गुञ्जार ॥
प्रथम फाग अनुराग श्याम पर सब ही नारिन तन
मन वार ।
जानकीदास भए पूरणआश सुर वर्षत सुमन कुहार ॥

खेलत है लाल फाम बाजत मृदङ्ग चङ्ग वीणा
रवाब सङ्ग ।

अबौर गुलाल चोवा चन्दन अरगजा वर्षत रङ्ग ।
छूटे पिचकारी हंस सुख हो डारत केशर रङ्ग ॥

फाग रच्यो है ब्रज में अब खेलत है श्रीनन्दकुमार
वृषभानु किशोरी ।

गुलाल अबीरकी मूठें छूटत रङ्गकी परत फुहार
मुख बोलत हो होरी ॥

जैसे ही राधा वैसे हो माधव दोऊ करत हैं
बतियां भोरी ।

चलो सजनी रो मिलके देखें आनन्द रूप स्वरूप
बनो री ॥

सुन्नावती—तिताला

अब मेरे मुखपर डारो गुलाल कान्हर वाके
जियमें कछु और ।

साज शर्म काङ्गकी न मानत मूठ चलावत दौर ॥
ए बातें कहं देखीं न सुनीं जियमें करत नहीं गौर ।
सुमतिको साहब लोन तिनको मोह सृष्ट को मौर ॥

सिंदूर—वाचर

तुम नौकी नानके सुनैया रिभैया रङ्ग में मिजोई
हमरो चीर ।

हम वरजत तुम मानत नाहीं वे राजा उमराव अमौर ॥

ना देया मैं अब न जाजंगी बीच ठाढ़ो दधिकी
छिनैया कन्हैया ।

माम ठाम वाको भूल गई कहत है ब्रजको
वसैया कन्हैया ॥

उर लागत है कांपत है यातें बांह गहे कोज
देखे लुगैया ।

आम पड़े जब मो पै मेहरवान कीन वहाँ हटकैया ॥

लाल पहंचाने हैं जु तुम वाही सङ्ग नौके नौके ही
निशा जागी ।

अरुण वरण नयन कहे देत और रेन कहे देत
ऐसे प्रेम प्रीति रस घागे ॥

और सङ्ग रङ्ग मदमाते तापे सुरङ्ग रङ्ग केसर बागे ।
भोर मए जब आए मेरे गृह तुम बात बनावन लागे ॥

४

आयो फाल्गुन मास महा सुख सजनी रजनौ
लागत प्यारी ।

त्यज हठ मान लाज गुरुजनकी भर मारो पिचकारी ।
कृष्णानन्द हियो हुलसायो अब क्यों रुकत विचारी ॥

५

अबीर गुलालकी धूम मची है पिचकारन भर लाय ।
चोवा रे चन्दन और अरगजा मुख सोधे लपटाय ॥
बाजत ताल मृदङ्ग भांभ डफ धनि रहो है
चहं दिश छाया ।

बार बार वलिहारी अब खेले फगुवा ले है मनाय ॥

६

भलो री तेरो यौवन तू ही जात है आयो है
फाल्गुन मास ।

पिय नहिं आवत विरह सतावत उलट जात तब
आश्वास ॥

कहा कहीं कछु कहे न सकत हं जैसी सास
ननद कीर्हीं है दास ।

नित्य कसकत है आय जियमें मेरे मोहन
प्रेमकी फांस ॥

७

होरी हो रहो है या ब्रजमें खेलत नन्दकुमार ।
बाजत ताल पखावज सुरली नाचत दे करतार ॥

८

हो होरी वे खेले माई जिन लालनकी सुध घाई ।
उड़ रे काग अमर अति कारे उड़ क्यों न पिया
पास जाई ॥

जो पिया देखहुं स्वप्नमें मन राखो समुभाई ।
तेल फुल्ले सभो हम छाड़ो अङ्ग विभूति रमाई ॥
योगन हो के वन वन टूँड़ा मैं जाय पण्डित पुछाई ।
तीर्थ व्रत किए बहुतेरे गङ्गा यमुना में न्हाई ।

सूरदास स्वामी तो हे मिलन को जो मिलिया सो
सुखदाई ॥

९

कृष्ण कंवर सो होरी खेलन सब ब्रज वनिता मिल
कर आई ।

भोरी मरी गुलाल कुङ्कुमा हाथन ले मोहन
पर धाई ॥

१०

जी सो होरी खेलों अपने प्रिय सो रिभाय
रिभाय रिभाय ।

गुलाल अबीर मुख माड़ोंगी महाराज मझीप को
रङ्ग में भिजाय भिजाय मिजाय ॥

सिन्धु—तिताला

होरी खेलिए री अति मदमाती नारी पीतम
ढिग बोरी ।

अबीर गुलाल कस्तूरी कुङ्कुमा पकर पकर
बाह वरजोरी ॥

२

अति मदमाती डोरे सब तियन में तू री चतुर खेलार ।
तन सोहे रङ्गभीनी सारी गर पुहुपन को हार ॥

३

फाग खेलौंगी लाल सो बन बन शुभ घरी पल पल
दिन दिन गन गन ।

अबीर गुलाल ले मुख मोड़ोंगी केसर छिरकों
गारी दोंगी छन छन ॥

४

सकल व्रज धूम मची है आयो फाल्गुन मास ।
बाजत मृदङ्ग पखावज आवज करत परस्पर हास ॥

५

धूम मचाई वगर में आवत है ढोठ कन्हैया
खेलत होरी ।

केसर रङ्ग में सर्वस्व बोरी नेक न छोरी पोरो ॥

६

फाल्गुनके दिन चार रहे अजहूँ व आए लाल मेरे ।
सुहाग मरी खेलूंगी अपने पिया सो करुंगी
रङ्ग नए नए ॥

७

काहे को रिस खाय रहे प्यारे होरी में क्यों न
करत मो से रङ्ग ।

मली बुरी नित कहत रहत चर्चा हमारी सोतन
को याही टङ्ग ॥

अबीर गुलाल उड़ाजं आज मैं सङ्ग ।
तुम्हारे राव राजा प्रथम शाह मैं भी चेरी उमङ्ग ॥

सिन्धु—धमार

लाल ज लाल तन मेरे भीनी चनर अब तुम
केह विधि जै हाँ ।

कोज कहे राघरी बतियां छतियां कैसे कुवै हों ॥

सिंदूर—धमार

लाल मेरो बहियां मरोरी डगर बिच ठाढ़ी
सुख मीड़त है रोरो ।

अतर गुलाब केसर रङ्ग पिचकारी रङ्ग को
परत है भीरी ॥

२

आज धन्य भाग्य सखी री फाल्गुन में पिय पायो ।
धन्य वसन्त धन्य होली रङ्ग है धन्य प्रभु मेरे आयो ॥

३

वनवारी लाल विसारी ऐसो रङ्ग डारत भीज
मई सारी ।

पाछे ठाढ़ी सब पार परोसन हंसत खेलत सब हो
नरनारी ॥

लाज सकुच सब तज डारां है एक मूठ तें
लाज विसारी ।

ऐसी निदुराई कीन बदी है को कहे तो है गिरिधारी ॥

खम्बावती—तिताला

आज असाड़े फाग है सदयो नाल मोहन दे
खेलौंगी होली ।

अबीर गुलाल मलीं मुंह उसदे रङ्ग चन्दन रोली ॥

सबे सदयां देहो बधाइयां गावो फाग अमोली ।

बुद्धिविहारी साड़े अङ्गन आया चन्द्र पया
मेड़ी भीली ॥

२

वेखोनी यह नागर नन्ददा व्रज बीचे खेल कहावै ।

रत्ने हत्य गुलाल नाल दाबे जोराजोरी मुंह लावै ॥
कुडियां नाल मजाक कर दा हंस हंस गालियां गावै ।
बुद्धिविहारो फाग बहाने घर घर धूम मचावै ॥

३

सालू मैड़ा रङ्ग लाइस मोहन रङ्ग नाल भरया ।
डोल दहीं भरो मैड़ी चाली कौन्हा में करया ॥
एह तां होय नन्द घर जुल्मी इसको लीं जी डरया ।
बुद्धिविहारो मनदा नाहीं ना मिन्नत लाल डरया ॥

४

सड़ कड़ सालूदा सांवले बड़ी दूर असाने जाना ।
होया सगुन तैड़ा होली दा सालू भीन्ना शाहाना ॥
जालम सच पूछे जो मैड़ी कहो की करसां बहामा ।
डोली दहो नाही यों ममकाई केहा हुण पकृताना ।
बुद्धिविहारो तेहारी जटेती कर दा जोर धिगाना ॥

५

बे जधो नाल परायां की जोर ।
पुत्र पराए होत न अपने कीते यत्न करोर ॥
ब्रजवासी असी दिल दे कचे श्री सबहिं एक ठोर ।
कंस बहाना कर के साथी लीता कान विछोर ॥
कीथे वंशो तां कीथे नउआं कीथे माखन चोर ।
बुद्धिविहारो दे विछरन सानू पएमा मले होर ॥

६

जिन करो रार मो सों जाओ जी जावो अपने हार ।
जिनके रस वश भए मनमोहन जहां जावो तहां
नई बहार ॥
मेरो प्रीति को कौन भरोसो जहीं रहो तहां इतबार ।
रुच्छा पुरवी वाही तिया की जिन गर लिपटाए
भुजा डार ॥

७

अब सखी कैसे निकसे बाहर मग में रोकत
टोकत ब्रजनार ।
ग्वालवाल कान्ह अपने सङ्ग ले मारत केसर
पिचकार ॥

डगर बगर तिय चलन न पावे ऐसे ढोठ होरी के
खेलार ।

आनन्द रसिक ब्रज वीथिन डोलत कैला नन्दकुमार ॥

८

यौवन मदमाती नार अञ्चर संभार रे ।
मस्त महीना फाल्गुनका रङ्ग छिरकी पिया
पर डार रे ॥

गहेली गहेली डोलै अपने अङ्गन में पिया को
नयन निहार रे ।

अनुरागी रस पागी जागी मद छकी नावत होरी
दे तार रे ॥

हंसत सुसकात देत है गारी मचल रही कर के
रार रे ।

न डरत करत न काहकी कान इच्छा ऐसी
अधिक छिनार रे ॥

९

कैसे कर कोज निकसे पनियां भरन बिच ठाढ़ी
लङ्गर वटपार खेलै होरी ।

रङ्ग पिचकारी ले सबन पै डारी और मुख मीजत
है रोरी ॥

ऐसो मिलज्ज भयो डोरि ब्रज में तरुणी वारी नाहिं
न छोरी ।

रस वश कर लेत मनमोहन होरी रङ्ग रचो री ॥

१०

ए री आज मथुरानगर में दधि बेचन को गई ।
मोर मुकट कुण्डल की छवि देखत सुध बुद्धि भूल गई ।

इत डर है मोहे सास ननद को उत नेह
लागो री नई ॥

११

मोहन होरी गावै सुन जियरा है लरजै ।
क्षण भीतर क्षण बाहर अङ्गन वैरन ननदी वरजै ॥

रहन न वावत विरह सतावत ज्यों ज्यों
डफ ध्वनि गरजै ।

यह फाग बलिहार मिलौंगी मनमोहन सो अरजै ॥

१२

जाग परूं तो नींद न आवै मोहन होरो गावै ।
 डफ धुकार सुन कान वाणसी मन में मैन जगावै ॥
 तो हि सुनाय कहत हौं ननदी विरह व्यथा
 कोई नहीं पावै ।

दे अकोरी बलिहार तन मन जो तू आन मिलावै ॥

१३

होरो होय रही ब्रज माही ।
 जिन नहीं खेलो श्यामसुन्दर सङ्ग वृथा जीवन
 जगमाही ॥

जब ते वेणु सुन्यो वृन्दावन कल न परै मनमाही ।
 वरसानकी बनठन आई मैं न गई तहां नाहो ।
 गावै गूदर सुन सखो सुन्दरि पहुँचा हौं हरि पाही ॥

१४

होरी कैसे खेलूं सइयां नहीं आवै री ।
 निशदिन मइ को विरह सतावै पिया विन भवन
 न भावै री ॥

१५

लाज भरी नहीं बोलूं सांवरै देख यह धूम मचावत है ।
 पहले तो हम सन सूधे खेलत पाछे ते गारौ
 सुनावत है ॥

१६

दर्द दर्द कर रही भला या रङ्ग में बोर दर्द ।
 अनवादी खादी यह नन्द को इन मोरी बांह गहो ॥
 घर वर तज हठ मान अकेली नाहक पनिया गई ।
 लाक कहत बलिहार दोष मोहे हो गई बात सही ॥

१७

अरे लाल नई रे लननियांकी मोठी बतियां पिय
 जानि के मोरा जिय जानि ।
 निजामुद्दीन श्रीलिया है पिय मोरा पिय के विछरन
 में भई हूं बाबरी ॥

खन्नावतो—यत्

यौवन मदमाती अचर संमार रे ।
 फाल्गुनके दिन मस्त महीना सुरख रङ्ग पिय
 पे डार रे ॥

२

सखी री पिय विन कहु न सोहाय सो आज मोरा
 रह रह जिय घबराय ।
 घर से निकस वृत्त तर ठाढ़ी सखी री वचन सहो
 नहीं जाय ॥

३

लाल मेरे आवे री जावो रे सइयांको ले आवो
 मेरे दिन दिन बढ़त सुहाग ।
 सखी सोती थी अपने मन्दिर में सुख नींदरिया
 इन विरह ने खायो है मांस ॥

४

सासु ननदिया लरैगी मोरी मो पै रङ्ग जिन डारो
 सांवलिया ।
 हा हा करत हूं पइयां परत हूं चेरी मैं हंगी तोरी
 सांवलिया ।
 कृष्णानन्द मान मतमोहन काहे करत वरजोरो
 सांवलिया ॥

५

ए री हां लाजकी गारो दे गया दे गया दे गया
 ए अनारी ।
 जाय कहि हों मैं तो मुहम्मद शाह सीं तुम जोत
 हम हारो ॥

६

होरी होय रहो है नन्दमहरके द्वार ।
 अबोर गुलाल के बादर छाए रङ्गको परत फहार ॥

कैसी होरी आई ए जो सुनो व्यथा हमारी ।
 डफ धुकार परी श्रवण में घिरह अग्नि हिय बारी ॥
 नयन नीर भर मर डारन लगे मानो छोड़े पिचकारी ॥
 निशदिन मइ को कल न पड़त है तलफत वीतत
 रैन भारी ॥

देख तो दोऊ मिल होरी खेलत इत प्यारो
 उत प्यारी ।
 परम कृपाल श्रीवसुध नन्दन मागहुं अचर पसारो ।
 दास कृपापर कृषा कीजि बेग मिलावो गिरिचारी ॥

निशा नौद न आवे होरीके खेलन को चोप ।
 श्याम सलोना रूप रिभोना उलही यौवन कोप ॥
 अब ही ख्याल रच्यो जु परस्पर मोहन गिरिधर भूप ।
 अब वरजे मोरी सास ननदिया परो विरहके कूप ॥
 मुरली को टेर सुनाय जगावै यहो बगर में अनूप ।
 यह जिय सोच रही हो अपने जाय मिलि हीं
 हरिके सो हूप ।
 आनन्द घन प्रभु गुलाल घुमड़न में एक ही रङ्ग
 रङ्गे हीं रूप ॥

ढोटे जान न दूंगी तुम खेलत हो होरी ।
 अङ्गम भर भर कञ्चुकी मोरी दरक गई मुख
 गुलाल मीजत वरजोरी ॥

यशोदाके लाल तुम इस गैल न आव रे ।
 वरज रही वरज्यो नहीं माने तेरो ऐसा स्वभाव रे ॥

यशोदाके लाल तुम मो पै न रङ्ग डार रे ।
 बहियां पकर मोरी चुरियां करकी मोह अकेली
 कर पाए रे ॥

यौवन मदमाती नारी अञ्चर संभार रे ।
 यह फालगुनका मस्त महीना रङ्ग सइयां पर डार रे ।
 इस अङ्गिया पर लाल लगि हैं मोती लगि हैं
 हजार रे ॥

वामे कक्षा ककु भूठ कहा मेरे पियके मिलनकी बारी ।
 गुलाल मलों तो मुकर जात है बहियां सरोरत
 भारत पिचकारी ॥
 अबीर उड़ाजं तो कागा बोलत है मैं हंस हंस
 देत हं तारी ।
 अचपल हो के मैं पिया सो मिलोंगी पहन
 केसरिया सारी ॥

होरी खेलन तुम आए रसिया ।
 चोवा चन्दन अतर कुङ्कुमा अबीर गुलाल
 उड़ाए रसिया ॥

भकभोरी कर होरो खेले म्हारो रसियो राजकुमार
 बहियां मरोरी ।
 औचक आन गहो या व्रज में अबीर लिए भर
 भोरी कर होरी ॥
 अगवारो पिछवारो ननदल मुख माड़े छे रोरो ।
 वलिहारी काई धूम मचावै नन्दमहर जूकी पोरो
 कर होरी ॥

आवो बलमजी हमारे डेरे अबीर गुलाल मलों मुख
 तेरे होरीके दिनन मोसे मत उरफि रे ।
 जो पिया मोसे रूस रहे हो बल बल जाजं सब ही
 घने रे ।
 महम्मद शा पिया सदाहो रङ्गीली दूर न
 बसो बसो मोरे नेरे ॥

मैं तो लाई केसर रङ्ग भरके छिरकत रङ्ग
 हलस पिय हरखे ।
 अपने रे अपने रङ्ग बनाय लाई अरे लाला डोरी
 बनो वा के कर से ।
 महम्मद शा पिया सदा ही रङ्गीली फगुवा लूंगी मैं
 भगरके ॥

होरी की ऋतु आई सखी रे चलो पियापे
 खेलिए होरी ।
 अबीर मुलाल उड़ावत आवत शिरपर गागर
 रसकी भरो रे ।
 महम्मद शा सब मिल मिल खेलै मुखपर अबीर
 मलो रे ॥

२८

चलो देखिये मेरी सखी री मोहन धूम मचायो री ।
ब्रजगोपिम सङ्ग हीरी खेलत रहस रहस
गर लायो री ।

वरजोरी कुच गहे कर पकरत ऐसो नाच नचायो री ॥

२०

नन्दलालके सङ्ग हीरी खेलन को आई री ।
अबीर गुलाल लेहो भर भोरिन मर पिचकारी
लाई री ॥

२१

ऐसे चतुर श्याम सो को खेलै ऐसी होरी रे ।
अबीर लगावत रङ्ग में भिजावत और करत
वरजोरी रे ॥

२२

आवो सद्दयां मिल हीरी खेलै धन्य धन्य मेरो भाग ।
चोवा रे चन्दन और अरगजा सद्दयांकी रङ्गाय
यो पाग ।
सद्दयांकी सुहागन सद्दयां सङ्ग सूते दे बहियां
गरे लाग ॥

२३

सब रसभौनी माती अरे ही राधा गोरी खेलै होरी ।
एक ओर तें श्याम आये एक ओर तें कुजा बोरो ।
राम परस्पर रङ्ग रच्यो है कोई सांवरी कोई गोरी ॥

२४

हम से अनोखी कौनसी नार ता सो नयन लाग
रहो री ।
जल बिच कमल कमल पर कलिया भ्रमर
लिपट रहो री ॥

२५

आज मोरे ऐसी होरी सद्दयां तोसे ना खेलूं
मोरे सुखपर अबीर मलो री ।
सब सखियां मिल बन बन आई हम ही सो उरभ
परो री ।

हो निर्गुणी ककु गुण नहीं जानो कुजाके
विलम्ब रहो री ॥

२६

आज पिया मिलनकी बारी श्याम मोरो अङ्गिया
रङ्ग भर डारो ।
अगर सुने मोरी बगर सुने रे सास सुने दे गारो ॥

खन्वावती—धमार

नहीं आयो सांवरो कैसे के मन समभायो रे ।
मधुवन टूट वृन्दावन टूटो गोकुल में उरभायो रे ॥

२

कैल मनमोहन मोरी अङ्गिया रङ्ग भर डारो रे ।
अबीर गुलालकी मूठ ज्यों मारो चितवन बश
कर डारो रे ॥

३

किन रङ्ग डार दियो मोरी अङ्गिया भोज गई सारी रे ।
नन्दमहर जूकी कुंवर कन्हैया अबके फाग मोरो
बारो रे ।
छाणानन्द पकर पाऊं जो मुख मीठीं दे तारो रे ॥

४

सखी पिय सन खेलिये होरो को ऋतु आई चलो री ।
अबीर गुलाल उड़ावत आबत शिरपर गागर
रङ्गकी भरो री ।
मनमोहन सुन्दर पिय सोहन अबीर गुलाल मलो री ॥

५

भर मारो पिचकारी रे अङ्गिया भिजोई
केसर रङ्ग सों ।
ऐसी कौन मनमोहन पिय सो गुप्त छाप
दौजे टङ्ग सों ॥

सिंदूर—तिताला

ब्रज में होरीकी धूम मची है ले चल तमाशे को
रे देया ।

अबीर गुलाल रङ्ग सो भीने मोहन नाचत ता थैया ॥

२

लखि नयन कलौड़े प्यारी मुसक्यानी ।

जावक भाल लगे दृग अञ्जन आए साजन पहंचानी ।
वारी सारी रैन जगाय रही प्रगटो लेहो विहानी ॥

२

मानो चन्द्र छिपे रो घूँघटरा में तिहारे ।
जगसग ज्योति जराव को टीको जैसे शुक्र के तारे ।
मोतिन मांग भरे वनिताके मानो गङ्गा घसी
हरिद्वारे ॥

४

कज्जर कारे दृग तेरे विराजि ।
नाशाको मोती अति राजत मानौ शुक्रके तारे ।
कान तरौना यों बिच चमके मानौ उदित भए
भिनसारे ॥

५

अब न जाऊं ब्रज में दधि बेचन गोरसके मिस
सब रस चाहे ।
औरन सो पिय हंसके बोलत है हमसे भगरत है
अब काहे ॥

६

गौरी गोकुल ग्राम न बसिये जो लौं फाल्गुन मास ।
बाहर दुर्जन लोम चवाई घर में वैरनि सास ॥
जो रहिये तो पिय मे होरो खेलिये हियमें
आनन्द हुआस ।
रही साज वलिहार जावो कि न श्याम मिलनकी
आस ॥

७

रङ्ग डारत कज्जर दर गयो ।
ताती ताती छतियां घात आपनी हाथ अचानक
पर गयो ॥
हों निकसी घर बाहर अपने रसिया पाने पर गयो ।
कहा कहीं वलिहार चवाई घरको कार्य
विसर गयो ॥

८

दारो मतवारी डारै या हू डगर में पी सुख मले
गाल गुलाल मानत न नवतन काहू ग्वारि ।

उनुमद मदन लर भगरत सबनको गावत गारि
दे तारि ॥

सिंदूर—परज

यौवनकी मदसातो होरो में देत सबन मुख गारो
भिरकी ।
डारो अबीर खुलत नहीं निपट सदा रङ्ग घूँघट
खिरकी ॥

२

वरसाने तें आए अरसाने हम जाने जू लक्षण
तिहारे पहंचाने ।
कहूं कज्जर कहूं पीक लौक अनगन स्वभाव न
सो पै जात बखाने ॥
मयनन नींद ध्यान मन हृदय वसत तीय ताहीके
लगत गुण गाने ।
धन्य तेरो नेह तानसेनके प्रभु ऐसे नट नागरको
छल कर नाच मचाने ॥

२

ओटे सारी प्यारी केसर को रङ्ग छिरकी छिरकी ।
चितवन में वश कौन्हों मोहन को यातें फिरत
थिरकी थिरकी ॥
अबीर गुलाल लिए भर भीरी रङ्गकी कमोरो
शिर ठिरकी ठिरकी ।
तानसेन सो फगुवा कौन्हों यातें डोलत
हिरकी हिरकी ॥

४

श्रीनन्दको नन्दन खेले जो हो हो होरा ।
ग्वार बार सब सङ्ग सखा ले ब्रजकी वीथन हो डोरा ॥
ताल पखावज आवज वाजत ढोलक और तंबोरा ।
वीणा रबाब सुरभ डफ सुरसौ मधुर मधुर
ध्वनि थोरा ॥
कुङ्कुम केसर चन्दन वन्दन अबीर गुलाल
भर भीरा ।
तानसेन प्रभु फाग रच्यो है खेलत किशोरी किशोरा ॥

५

छिनरिया धूम मचाई यह ब्रज में हंस हंस
खेल रचाई ।
दशम चमक और मुखकी हसन नयन सैम कर
भौंह मटकाई ॥
पकर लिए मनमोहन सोहन फगुवा लीन्ह मन भाई ।
रसिकरङ्ग प्रभु रस वश कर लीन्हों होरी
अवसर पाई ॥

६

चलो तुम हूँ देखो कैसी मची होरी गावत
रङ्गमहल में नारी ।
एक गावत एक मृदङ्ग बजावत एक नाचत
दे दे तारो ॥

अबीर गुलाल केशर पिचकारी तक तक मारत
गावत है सब नारी ।
तानसेन प्रभु खेल रच्यो है फगुवा लीन्हों भारी ॥

सिन्धु—परज

नन्दमहर जू को पौरी मची है हो हो होरी
हो हो होरी ।

नाचत गावत करत कोलाहल इत नन्दनन्दन उत
वृषभानु किशोरौ ॥

दुहूँ और रङ्ग छाया रच्यो है अबीर गुलाल
सुख मसत है रोरी ।

मरत भरावत पिचकारी चलावत रसिकराय
प्रभु फाग मची रो ॥

२

कजरारि कारे तेरे नयन विधि संवारे ।
मृगमद खप्पन चौण लगत आलो इन हुतें पाए
सरस अपारि ।

रसिकरङ्ग रस वश कर लीन्हें बार बार वलिहारे ॥

३

रङ्गकी पिचकारी प्यारी किन मारी ।
वदन रङ्गीलो भयो अङ्गिया तरक गई भोज गई
तनसारी ॥

ए सजनो मैं तोसे बूभूँ सांचो कही तो है सौंह
हमारी ।
रंन की जागी भोर हो आई अखियन बीच खुमारो ॥
यह अपने जिय ठान रहो हों जो कुछ बन रही
तरह तिहारो ।
लाख कही मैं एक न मानों मिल गए विष्णुविहारो ॥

४

सब मिल डारी फाग निवार ।
ऐसो ब्रज में उलझ परो केउ न सुनत पुकार ॥
करो ए कहा चैन नहीं मनको तन जर भयो अङ्गार ।
वा विना मिल है न बूभै क्योइ की ते गावे मलार ॥

५

हो हो हो हो होरी खेलै चलो देखें कैसी
मच रही है धूम ।
इत सखा सङ्ग लिए सांवरो उत सखियन सङ्ग लिए
राधा भूम ।
मृदङ्ग बजावत और डफ गाजत गुलाल लाल भई
सिगरी भूम ॥

६

चलो तुम हूँ देखो कैसी मची होरी गावत रङ्ग
महल में नारी ।

कोज गावत कोज मृदङ्ग बजावत कोज नृत्य
करत कोज बहक देत है तारो ।

कोज काहको अचर गह राखत कोज तुतराई
देत सबन मुख हूँ ते गारो ॥

७

होरी को चतुर खेलारो चुनरिया रङ्ग डारी हमारी ।
हा हा करत हूँ पदयां परत हूँ इतनी अरज मोरी
मानो विहारो ।
अङ्गिया भिजोई मोरी बिगारी तुम जीते हम हारी
गिरिधारी ॥

८

जिन मोरी अङ्गिया भिजोई दैया मैं तो उनही को
रङ्ग में भाजोऊं गी रे ।

फगुवा लूंगी तब जाने दूंगी राधाको बहियां
गह्वीय लूंगी रे ॥

मैं तो उनही की गारी देऊंगी जिन मोरी
चूनर रङ्ग में बोरी ।

वन्दावनकी कुञ्ज गलिन में धर बहियां भकभोरी ॥
हा हा करत मोरी एक न मानी मोतियनकी
लर तोरी ।

चोलिया पकर लपट उर मोरी वर वश गागर फोरी ॥
कृष्णानन्द मदनमोहन मन मोहत नह भरो रो ॥

सरपरदा—तिसाला

वारो हां मोठी बतियां पी जानै कै भरो जो जानै
मेरी नई लगन ।

इत बहै गङ्गा उत बहै यमुना छांह कदमकी
मिलो मोहै कान्हा लग गई वाण मोहै श्याम तकन ॥

सरपरदा—परज

श्यामसुन्दर तो से खेलूँ हारी ।
हारी खेलनको मोरे सइयां आई लो फगुवा लूंगी
वरजोरी ॥

२

हारीके खेलैया तोहै लाज न आवै मो सो काहेको
प्रीति लगावत रे ।
नदिया किनारे एक बङ्गला छवै हों नयन भरोखे
लाग रहै ॥

१

हारी खेलैया ब्राह्मण यार ।
जो तुम ब्राह्मण जात ही रसकी नींद गंवाई ॥

४

कौन जाय व्रज में दधि बेचन रङ्ग डारी चूनर
सारी रे ।

एक हाथ मोरा अञ्जर रे पकरै दूजि हाथ मोरी
सारी रे ॥

माई बापकी बड़ी दुलारी कबहुँ न दीहीं गारी रे ।

आन परे वश तेरे ई मोहन नित्य उठ देतो तारी रे ।
कृष्णानन्द श्याम मनमोहन नोखो खेल खेलारी रे ॥

५

तेरी अङ्गियामें कुङ्कुम रङ्गके काहे छिपाए
जात सखी ।

वरज रहै घरज्यो नहीं मानै रङ्ग रूप औ गात सखी ।
कृष्णानन्द पकर कर तिरखत श्यामसुन्दर
मुसक्यात सखी ॥

६

कजरारे कारे तेरे नयन राम संवारे ।
मृगमद खञ्जन क्षीण लगत अलि इनहुँ ते पाए
सरस तिहारे ।

पशुपत्नी और जीवजन्तु मन सबके रङ्गन रङ्ग डारे ॥

७

अंखियां रतनारी वालम कहुँ जागे ।
सगरी रैन मोहै तरफत वीती किन सोतनके
गरे लागे ॥

डगमगात घग परत शिथिल अति पोकलीक
हिय लागे ।

मोहन यह टङ्ग कौन सिखाए अनहोनो आगे आगे ॥

सरपरदा—पहाड़ी

तू बेदी भालों न दे रो तेरो ऐसे ही सब जग वैरी ।
लटक मटक कर चलत रो सजनो तेरो अंखियां
आमकी केरी ॥

२

गमनेका सन्देशा सुन के मुसक्यानी ।
बाट चलत मोरी बिछियां हिरानो देख खेल अठलानी ।
एक गोरी दूजि यौवन मातो बात समझ सकुचानी ॥

३

कोज चलन पावै बाट फाल्गुन में ।
जो देखूँ सोई मातो ही डोलै रङ्ग गुलालन
ठाट फाल्गुन में ॥

सरपरदा—खम्बानती

नयन तेरे दूलहन मतवारे री ।
कज्जर रेख दई कोरनमें मीन खञ्जन दोज वारे री ॥

२

होरी खेलन मेरे आए मनमोहन जानी ।
ग्वाल बाल सब सङ्ग सखा ले पिचकारिन मिहमानो ॥
बाजत तालमृदङ्ग भांभ डफ गावत नौकी तानो ।
कृष्णरसिक सो फगुवा ले हौं तब छाड़ोंगी गुमानो ॥

३

श्याम आज रङ्ग रङ्गाए कहां रैन जगाए ।
सगरी निशा अनत ही जागी बोलत वचन अति
तोतराए आए है घबराए ।
अधरन अक्षम भाल महावर मुख अबीर
गुलाल लगाए ॥

४

जो कोऊ होरो में नारी बाहर निकसे वापे मोहन
रङ्ग डारत है ।
लपट झपटके बहियां गह लेत है कुचकी
तनिया फारत है ॥

५

जागी साग्य हमारे आज सखी मोहन आए ।
अबीर गुलाल कुडकुमा केसर मुख मीडूँ गर लाए ॥

६

ललचावो जिन बालम दिननकी थोरी ।
जावो जी जावो रहो उनही के जा सो
खेलत हो होरी ॥

विहाग—विताला

होरी दे ख्याल बिच यह क्या कीता ।
मैं नू लगाय करी फूलोंदी शिर ते घूँघट खोल लीता ॥
परा गुलाल आंखिन बिच मैडे देखन दा मुख छीता ।
सखी देखे दी लाज मरे दी चुम्बन मालां दौता ॥
ऐसे न कीजे नामर नन्द दे कहावत है ब्रज मौता ।
रसिक प्रीतम सो हा हा खांदी हौं हारी तू जीता ॥

२

वरसानेकी ग्वालनी खेलत फाग वसन्ता हो ।
शङ्खा न काहकी मानही माता पिता सुत कन्ता हो ॥
चन्द्रभागा चन्द्रावली मध्य नायक राजत राधा हो ।

सहज स्वरूप सुहावनो शोभासिन्धु अगाधा हो ॥
चली सब चतुर शिरोमणी खेलनकी रस फाग हो ।
रसिक कंवर वृषभानुकी तुम सो अति अनुराग हो ॥
सकल साज सब ले चली आई वट सङ्केत हो ।
पठई सखी एक आपनी नन्द कंवरके हेत हो ॥
बल मोहन हंस यों कछो सुनो सखा श्रीदामा हो ।
हम पर आई सब जुरि उन्मद अतिशय वामा हो ॥
वेग चलो भिल ग्वाल ले देखावो अपने हाथ हो ।
जामे बहुरि न आव ही छाड़ि आपनो साथ हो ॥
अनन्त गुलाल अबीर ले देहुं निशान घुराई हो ।
बहुत कलस सोधि भरे कुडकुम भरि पिचकाई हो ॥
दलबादल जो देखके सन्मुख आई धाई हो ।
मेघघटा ज्यों वर्ष ही अद्भुत फाग मचाई हो ॥
कमलत ले ले नवलासी कुसुम गेंदकौ रार हो ।
सुड़ि माजे बल मोहन हो हो कर है ब्रजनार हो ॥
चन्द्रावली बल जू गहे श्याम गहे श्रीश्यामा हो ।
सखा गए सब भाजि के ले गयो छिड़ाय दमामा हो ॥
शङ्कर्षण सोधि भरे श्याम भरे मुख मारो हो ।
आतन शीर्ष संवारो के भेय बनायो नारो हो ॥
बर वश भई ब्रजसुन्दरी शोभा कही न जाई हो ।
चतुर्भुज प्रभु इन वश किये गिरिगोवर्दन राई हो ॥

परज—यत्

मचाई आज कुञ्जन में अनोखे साँवरे होरो ।
गई जो नारी देखनकी भई छवि देखते बोरो ॥
सखा लिए श्याम सङ्ग डीरे सो एक ओर
राधिका गोरी ।
बजत हैं भांभ डफ वीणा मधुर स्वर सुरली घनघोरी ॥
सकल मिलके वधू आई भई एकठी एकठोरी ।
चले बहु गेंद कुडकुमा न सुध रही तनको तनोकी री ॥
सखिन लिए पकर मनमोहन दिए दृग आंज

वरजोरी ।

कहं हंस के दियो गुलचा कहं लई वांसुगी छोरो ॥
कुड़ाई बांह यदुनन्दन गही वृषभानु किशोरी ।

लगाई अङ्गुली सो प्यारी छिरक रङ्ग मोज मुख रोरो ॥
गगन चढ़ सुर सुमन वर्षे मची जो ध्वनि चहुं ओरी ।
निरख मुखसिन्धु कविनायक दियो तनमन
ज्यों लण तोरी ॥

२

वृन्दावन माह सखी रो फाल्गुनकी ऋतु आई ।
विलम्ब रहे मधुवन में मोहन मोहे कहु न सुहाई ॥

३

कैसी होरी आई अजी सुनो व्यथा हमारी ।
हफ धुंकार परी अरण्य में विरहने हृदय
आग बारी ॥
नयन नोर भर भरन लागी मानौ छाड़े पिचकारी ।
निशदिन मो को कल न परत है एक दिन नींद
न आई मारी ॥

देखो दोऊ मिल होरी खेलत हैं इत प्यारो
उत प्यारो ।

परम कृपाल श्रीवल्लभनन्दन मांगडु अचर वसारी ।
दास कृपापर कृपा कौजो वेग मिलावो गिरिधारी ॥

योगिया—यत्

जाको पिया सपने हुं न आवै बाको फाग है कैसा ।
तू तो कहत है आई होरी खेलै मोको तो यहै
अन्देशा ॥

नयननको पिचकारी करी है असुवन रङ्ग बनैसा ।
विरह ताप सो होरी में खेलीं मेरे तो हाल है ऐसा ॥

योगिया—परज

सखी आज गोकुल धूम मची है होरी खेलत
कृष्णामुरार ।

नन्द गांवत ग्वार आए सब वरसाने की नार ॥
मान कछो मेरो उठ चल हिलमिल अब जिन
कर मो सो रार ।

सब त्रियन में अधिक रूप तेरो तब ही कृष्णको
है प्यार ॥

ए री व्रज में बन होरी खेलिए आयो है
फाल्गुन मास ।
अबीर गुलाल कुङ्कुम पिचकारी ले चल
कान्हर पास ॥

वसन भूषण पहर शीर्षफूल घर अङ्ग सुगन्ध सुवास ।
उठ चल हिलमिल श्याम सो अपने पूज ले
मनकी आस ॥

३

नन्दलाल महाराज नगर आज धूम मचाई ।
गाय बजाय नाचै नृत्यकारो गुणोजन बोणा बजाई ॥
देखा सभा जैसो इन्द्र विराजत द्युतिनको
आख लजाई ।
तानमान को इनाम दान कर सबनकी आशा पुजाई ॥

४

आज होरी खेलन आए मथुरा नगरके लोग ।
चलो सखी मिल वन वन ढूँढ़ी जहां हो
श्याम से संयोग ॥
कूक मचाय नाच गति विरहने भरी है वियोग ।
आज सभा में ना आई है कान्ह रति कैसे
सुने ही भोग ॥

५

ए री आज मथुरा नगर में दधि बेचनको गई ।
मोर मुकुट कुण्डल को कवि देखत सुष बुध भूल गई ॥

६

रङ्ग सरसाने वरसाने आयी नन्दग्राम वरसाने ।
इत राधे उत कृष्ण कंवर सङ्ग सखी सखा इर्षाने ॥

७

यमुना घाट कैसे जाओं जित तित खेलत कृष्ण
हो ही होरी ।
जैसी ही लाज तैसी त्रास वरजै न कोऊ उनको रो ॥
ऐसो बाबरो भयो है व्रज में काहे तो लाज विसरो रो ।
भौह मरोरत नयन सैन दे सैन ते होउ न होरी ॥

हो ही अब तो हरि होरो खेलन लागि खेलन लागि ।
सब मिल पहरे आभूषण नौके गरे केसरिया बागि ॥
अति सुनम्भ रङ्ग पुहुपवसी लै लै चलो उन आगि ।
चोहल भरी सबे ब्रजनारी भाग्य हमारे जागि ॥

ऐसो ब्रज में उलट परो कोज न सुनत पुकार ।
यह कान्ह होरो खेलै गोकुलमें सङ्ग लिए ब्रजनार ॥
एक नृत्य करत है ठाढ़ो एक गावत दै तार ।
एक अबीर गुलाल उड़ावत एक भरत रङ्ग पिचकार ।
एवा सांवरी और गोरी सुन्दर और भोरो है सब नार ॥

खेलन लागि फाग मोहन ब्रजपतिकी पुरो नन्दके
राजदुलारे ।
चोवा रे चन्दन अतर अरगजा केसर परत फहारि ॥
कृष्ण खेलत सब गोपी खेलत हैं खेलत मुनिजन सारे ।
सनुमुख चोट परो राधा पर सूरदास बलिहारि ॥

होरो का सङ्ग खेलौं फाल्गुनको दिन आयो री ।
प्रिय परदेश खबर नहीं लोन्हीं विरह आन
सतायो री ॥
जब के मए मए वाहो के कौन तिया विलमायो री ।
रसिक सनेहो काहू रस वश कर लोन्हीं उन विन
ककु न सुहायो री ॥

परज—कलिङ्ग

बार बार तुम रङ्ग जिन डारो ना खेलूं ऐसो
होरो सद्गयां ।
विनती करौं तोरे लागूं पद्गयां धर बहियां
भक्तभोरो गुद्गयां ॥
वरजारी कुच गह मुख मीडत फिर फिर आवत
मोरे छद्गयां ।

काजम अपनी ओर निभावो वर वश भयरा ठद्गयां ॥

२

अब रङ्ग काहिको डारो लला मैं तो सगरी भोज गई ॥

उड़त गुलाल लाल भए बादर रङ्ग केसर
पिचकार दर्ई ॥
हा हा करत हूं पद्गयां परत हूं दर्ई दर्ई कर निभई ।
रसिक खेल रसवश कर लोन्हीं भुज भर पद्ग लई ॥

मेरो कृष्णकुमार होरो खेलन आयो री ।
वर्ण वर्णके रङ्ग बनाय लायके सङ्ग ग्वारन को लायो री ॥
बाजत वीणा मृदङ्ग भांभ डफ मृदु मृदङ्ग बजायो री ।
कृष्णरसिक रसवश कर लोन्हीं होरो राग जमायो री ॥

मैं तो उलटो उरहनी लाई री ।
सासजीका पुत ननदजीका वोरन जिम मोरो
मत बीराई री ॥
अङ्गिया रङ्गी भोज गई सुधबुध सब विसराई री ।
कृष्ण रसिक के रसवश भई धर बहियां सुरकाई री ॥

पिचकारी रङ्गकी भर मारो भांज गई तन सारो
मेरी नट नागर पिया गिरिधारी ।
चञ्चल चपल उधमो रसिया निपट मिला है वनवारो ॥
वरजोरी मलत गुलाल कपोलन खेल वेसिया वारो ।
उर लगावत नहीं डरत अनोखी कर खुशाल
विना निहारी ॥

होरो खेल ले श्याम सो गोरो अब हो दिननको थोरो ।
अबीर गुलालकी भर ले भोरो
रसिक रङ्गको रसवश कर ले मान ले विनती मोरो ॥

परज—खम्बावती

आये नहीं ए री मेरे मनभावन ।
वरसे बून्द परत मेरी छतियां पिय परदेश नहीं आवन ।
को छावै हमरा मन्दिर गरजे शिर ऊपर आवन ॥

परज

दूर न दुराए न डरे नयो नेह दूरे न दोरे ।
डगमगात अरसात गात नाहीं रङ्ग निचुरत थोरे ।
मयन सारी रैन रङ्ग ही वीते आवत लजाय भोरे ॥

नयन कनावड़े हो पिया पीक रची है अधरन
 लखि चरश धरत आंवड़े बांवड़े ।
 यही आवन पर तनमन वारो नयन करै निज पांवड़े ॥

परज—अलेया

आज व्रजवासी की छोहरा डफ बजावत आवत है
 कछु बोखन लसी ।
 श्यामवर्ण अति अरुण नयन किए लेत अङ्ग
 भर कसी ॥
 कहा भयो घर जान दे बोरे भई सो भई घर बसी ।
 जो सुन पावै दुर्जन लोगवा होवै नेकमें हंसी ॥

२

हमारी कहैया राधा ने वश कीन्हों ।
 एक वन भूली सकल बन ढूँढ़ी ढूँढ़ी गोप ग्वारीका
 अति रङ्गरस दीन्हों ॥

२

चन्द्रकी भलकन तेरे माथे कौन लगाय दई अहो
 फाल्गुनमें ए हो प्यारि ।
 घट गई रैन छिप गए तारे जागे भाग्य हमारे ।
 हो ललना होरीके दिननमें निकसि आवत
 उजियारे ॥

४

राधा छवि छाई होरी खेलन आई ।
 ललिता सङ्ग लिए राधा इत उत बलवीर कन्हारै ॥
 देख गुलालकी घूँघर में अबला चपला सी लखारै ।
 दीनबन्धु व्रजराज कृकी मन मूठ गुलाल चलाइ ।
 भाल लगी हंस गारी दई पिचकारी दई मन मारै ॥

५

वरसाने ते पुरोहित आयो होरी रङ्ग खेलायो ।
 कौज सखी कौच ले डारो कौज कारख ले मुख जो
 लयायो ॥
 कौज गूलरकी माला गल डाली कौज भंटा
 उरहार बबायो ।

कौज धोती खेंच लई हो हो हो कर होरी में
 नचायो ॥
 हा हा कर वृटे पांडे जू समधाने ते दक्षिणा पायो ।
 हंसत ठाढ़े व्रजके वासी सब कौतुक देख आनन्द
 उर न समायो ॥

कलिङ्ग—योगिया

री आली श्याम बजावत वीना ।
 अन्न विना जैसे प्राण दुःखत है जल विना जैसे मोना ॥
 बारह वर्ष की वयश जात है यौवन अधिक मलोना ।
 कर आन चीर पहनायो सूर्य अर्घ ले दीना ॥
 हाय दई तेरो का रे बिगारो छोटे वालम मोहे दीना ।
 करि हीं अङ्गार पलङ्ग चढ़ बैठी अङ्ग अङ्ग रसभीना ॥
 चीन्नी के बन्द करकन लागे के पीतम पीछ पसीना ।
 सुरलीकी ध्वनि वश भई है कामिनो मोहन मन
 हर लाना ।
 सूरदास प्रभु तुम्हारे दर्श को चरणकमल चित्त दीना ॥

कलिङ्ग—परज

होरी खेलत मेरो मन हर लोन्हों या व्रजवाला
 कुंवर कहैया ।
 और नई चूनर रङ्ग में भिजोई कैसी करों में
 अब मोरो देया ॥

२

होरी हो रही हो रही हो रही री सखी री
 आज अवध नगर ।
 धाम धाम पुर गलिन गलिनमें भई चङ्ग दिश
 भली धूम मजर ॥
 विना रङ्ग बोरे निकसन न पावत कौज भूप
 कुंवर ठाढ़ी छेकै डगर ।
 बाजत मृदङ्ग डफ नाचत विविध नट उड़त अवीर
 रङ्ग लेत सहर ।
 रामसहाय मोहे छवि रसवश कीन्हों सुघर सलोने
 रङ्गभीने रवर सु ॥

सखी तेरी बेदलिया पर वारी ।
 क्या बेदिया गढ़ी सोनारनको केहूँ सांचे में ढारी ॥
 अवरण वर्ण अनूप मनोहर चित्र विचित्र संवारी ।
 ना या बेदी गढ़ी सोनारन ना केहूँ सांचे में ढारी ॥
 अगम देशते आई बेदलिया प्राण पिया की चिन्हारी ।
 सोना स्नेह सुकीर्ति कंदन नाम नगीना मारी ॥
 सत्गुरुकी शिक्षा माणिक्य मोती घर बाहर उजियारी ।
 यह बेदिया पर नारद रोमि शम्भु लमायन तारी ॥
 शुक सनकादि और ब्रह्मादिक मुनि मन मोहन हारी ।
 सब सुहाग भरी या बेदिया तीनौ गुणसे न्यारी ।
 रामसहाय सुहाय तबै जब होए पियाकी पियारी ॥

रङ्ग नयो तेरो टङ्ग नयो तू कान्ह नयो तेरो
 आन नई है ।
 तेरी सभा सब रङ्ग रङ्गीली हरिकी क्वि और
 खान नई है ॥
 या के रूपकी कौन पहचानै ध्यान सो हरिकी
 पहचान नई है ।
 हाफ़िज़ क़ैल ने होरी में मोहा मुरली नई तेरी
 तान नई है ॥

यह रात कब जायगी सजनी भोर भए मिली
 अपने पीसी ।
 खेलीं रङ्ग उन सङ्ग निमङ्ग काटों अरमान जीसीं ।
 हो सुनि है या ब्रज में कौक हाफ़िज़ आय निकसी
 हो यह ठानी अभीसीं ॥

तेरे नयन कहे देत प्यारो प्यारे सो मिली आय
 कहा भयो जो न मान ।
 लोक पीक अधरन पर राजत अङ्गिया अङ्ग दरकान ॥
 प्रीति छिपाई छिपे नहीं ए री रतिके चिह्न मनमें
 बसे हैं तेरे अधरन पर मुसक्यान ।

खेलत फाग अबोर उड़ावत मुखपर देखत
 मुक्ताहल मानो शोभित रङ्ग वरसान ॥

रसवादी रे कान्ह तोसे को भग रे ।
 अबोर गुलाल ले गाल मलत हो गुणन भरे
 रसके अगरे ॥

मो पै तो रङ्ग डारे रौ दैया और आप न भोजी ।
 अबोर मलै और कुच मुख मोड़े कही री सखी
 क्या कीजी ॥
 बात कहे सो कहवे को नाहीं आप कहे और रीजी ।
 अचपल हो बटपार बनो बांको गारी भौ दूँतो
 ना खीजी ॥

फगुवा मांगन आवै री मैं तो नाहन जानूँ कौन
 गांवको वसैया ।
 फगुवामें मला कहा होत है हम न जानै ए री
 मो को वता मोरी दैया ॥
 मोसे तो ककु और भी कहत है कासे कङ्ग मोरी
 बाखल सगरी चवैया ।
 मैं अचपल मेरो रङ्ग यह अचपल ए री मेरो राम
 नाम है खिवैया ॥

जिन मोरी चुनरिया भिजोई रे कोई वाको जानै ।
 घूँघट में मैं तो काह न देखो लाख कही तो न मानै ॥
 ले पिचकार कुञ्जन में निकसके मेरो ओर को धानै ।
 अचपल होके भिजोई मोको महने परे मोहि तानै ॥

होरी खेलन आयो मेरे कृष्णमुरारी ।
 वर्ण वर्णके रङ्ग बनाय के सङ्ग ग्वारन को लायो
 आन वगरमें धूम मचाई मुख मोड़े दे गारी ॥
 वारो कान्ह वो तो हो कर कूटे हो कहा कहीं
 लाजको मारी ।
 बबरू आधीन निर्लज्ज मयो याते नाचत दे दे तारी ॥

१२

आल दुलहन बन आई चल वैष्णव जैये ।
घर घरते सभी बन आई ले ले सब विध रङ्ग
छूटी लटे मुख ऊपर आई घूँघट के बल जैये ॥

१३

आज पिया मिलनेकी वारी श्याम मोरी अङ्गिया
रङ्ग भर डारी ।

अगर सुने मेरा वगर सुने रे सासु सुने दे गारी ।
कण्ठानन्द कहत तोही सो समुझ छाड़ पिचकारौ ॥

१४

हां रे लाल मैं तो भोज गई रङ्ग में ।
ब्रजकी मग में निकस गई सब सखियां सङ्ग में ॥
पिचकारिन सो तक तक मारी रसवश कर डारी
अपने ठङ्ग में ।

धर बहिव । भकभोरी मोरी मुखसे बोलत हो हो
होरी लिपट गयो मेरे अङ्ग अङ्ग में ।
हा हा करत हं छाड़ दे रसिया फगुवा लौनों ॥
याही अनङ्गमें ॥

१५

नयन तेरे सब रसरङ्ग भरे गोरी ।
ज मल आड़ा विमल कमलदल लोचन पाय
भहावर रोरी ।
रेशम जाल में लाल परो है औ मृग खञ्जन जोरी ॥

१६

रे वरजोरी करत हो को खेलै तोसो होरी ।
अबौर गुलाल केसर पिचकारी और मलो मुख रोरी ॥
सारी हमारी रङ्गसों भिजाई नाजूक बहियां मरोरी ।
बाजत वीणा मृदङ्ग चङ्ग डफ भारी रङ्ग मचोरी ॥
काङ्गको लपट और भपट काङ्गको काङ्गको
गह पकरोरी ।

राजा गुर्जरमल फगुवा दोजी करुं विगतौ कर जोरी ॥

१७

होरी खेलत ब्रजराज दुलारा मधुवन धूम मचावै ।

अमौर पिया सब सखियां सङ्ग लिए विधना
पै गुण गावै ॥

१८

अरी वश तेरे आए रो फाल्गुन मास लाल वो तो
नई प्रीतिकौ चाह परो ।
जाकी रङ्ग ताही पर छिरकत अङ्गसों अङ्ग
लगाय रही ॥

१९

यह होरीको ढोठ लङ्गर निकसन नहीं देत दैया ।
नेह लगन और वश भई उनके मैं चरो वो मेरे सैया ॥

२०

नारसों नार खेलन तब लागी अपने मनसों होरी ।
लाजसों नार अबौर मलत है अब भइ है
सांवरी सों गोरी ॥

२१

सखी सब हो भिजोई मनमोहन मेरी सारी रे ।
सारी तो सारी चोलिया भोज गई भर मारौ
पिचकारी रे ॥

२२

खेले रो शिवशङ्कर होरी ।
सुर नर सुनि कैलास चलो रो ॥
सप्त स्वरन और तीन ग्राम धर गावत किन्नर रूप
घरो रो ।
सिंही नाद सुहावन बाजे डमरु डिम डिम बाज
रहो रो ॥

ब्रह्मादिक सुनकादिक देव केसर रङ्ग भर
भोज रहो रो ।

अबौर गुलाल भस्म अङ्ग सोहै फेंकत चतुर
सुधर चहुं ओरी ॥

पञ्चवक्त्र त्रिनेत्र गङ्गाधर चन्द्र ललाट सोहै एक ठोरी ।
देखत ब्रह्म प्रसन्न भयो है यह प्रकार हर रूप
धरो रो ॥

२३

परो सखी बन बन होरी खेलिए आयो फाल्गुन मास ।
अतर गुलाब कुड्कुमा केसर ले चल कान्हर पास ॥

वसन भूषण पर शीर्ष फूल धर अङ्ग सुगन्ध सुवास ।
मेरी शिखा मान उठ चल हिल मिल पूर ले
फगुवा मनकी आच ॥

२४

खेलन लागे फाग मोहन ब्रजके पति नन्दके राज
दुलारे ।

चोवा चन्दन अतर अगगुजा केसर परत फुहारे ॥
कृष्ण खेलत सब गोपी खेलत खेलत ब्रजजन सारे ।
सन्मुख चोट परी राधा पै भर भर रङ्ग पिचकारे ॥

२५

सूखे खेलो होरी अनोखे लाल ।
उत हो रही त नहो बहियां मोरी टूटी है
मोतिन माल ॥

छिरकनके मिस अह भरत हो और मूठ लिए
गुलाल ॥

औरसरङ्ग लाज नहीं आवत देखत सारी ब्रजवान ॥

२६

चतुर श्यामसों को खेले ऐसी होरी ।
अबीर उड़ावत रङ्गमें भिजावत और करत वरजोरी ॥
मनमोहन तुम चिर चिरञ्जीवो लिनते सबनको
आनन्द मयो रो ।

कहत रसिक कृपाकर मोपर रख ले लाज अब मोरी ॥

२७

भौम मेरो चुनरी रही है रङ्ग होरी खेलत आप
बना मोरे सङ्ग ।

आवज डक वाजत भनकारन और बजत है
ताल मृदङ्ग ॥

केसरकी पिचकारी रङ्ग भर भर मारत है अङ्ग ।
अबीर गुलाल घुमड रहे मादर उमंग वर्षत है रङ्ग ॥

२८

सोना नागर नन्द दा सांवलड़ा होरियां साडे
खेलन आवदा है ।

गावदा बजावदा मैडे मन भावदा वंशोदी तान
सुनावदानी जावदा है ॥

केसर दी पिचकारियां चलावदा साड़ी सारी
सुरङ्ग भिजावदा है ।
रसिक कृष्णदीकी गल आंखां माडे दिल नू
ललचावदा है ॥

परज—कलिक

अरे कैला कहा लेगा मोसे लरके ।
कुछ दूंगी न लंगी न कइंगी न सुनूंगी मुखसे
अबीर गुलाल मलंगी पकरके ॥
जानत हं नन्दको नटषट् शिर मोर मुकुट तेरे
कर में लकुट ओठ रङ्गी पीत पट मत खोल घूँघट
तेरे मनमें कपटकी लटक परे हट सट सब जागा
काई अब लरके ।

किन शिखलायो भुलायो बहकायो मोह लगायो
विहायो ना सरके ॥

काइत नाही लङ्गर लङ्गराई करत ठिठाई औ
लराई धूम मचाई ते कुंवर कन्हाई विष्णुदास
अपनी पराई

तो राम दुहाई सोगन्ध खाई सांची सुनाई छाड़ोगो
नाकर लरके ।

तरके भरके गुलचा जरके मैं अपनी कर के ॥

२

पनिया मरन हं न पाई होरी कान्ह मचाई ।
जे जे नई ते रङ्ग में भिनई हों दई दई कर आई ॥

३

फाल्गुनको दिन आयो रो ।
कौन सङ्ग खेलों पिय परदेश खबर नहीं लीन्हों
विरह आन सतायो रो ॥

४

गारियां मैं दे दे जांदा है ।
नागर नन्दमहर दानो सइयो होरी दा तू खेल
कहांदा है ॥

अबीर गुलाल सबन में डाले पिचकारियां
चलावदा है ।

बोलियां ठोलियां करदा निहोरियां वलिहारियां
सुसकांवदा है ॥

५

होरी खेलन आए ककु खेल न जानो ।
उर वनमाल लग पलको कर अतर सुगन्ध
अङ्ग लपटानो ॥

चन्दब भाल विशाल पीताम्बर जो लग नारी
खेलारि न जानो ।

मोहन कीन्ह घयानो तो लगि जाओ चले चुपके
गृह वेगि शिखावन मानो ।

जो हठ ठानि रहौगी यहाँ तो परम रङ्ग यह जानो ॥

६

हाँ रे लाल मैं तो घेर गई रङ्ग सी देखो मेरो
हाल रे चतुराई लाल मैं ।

मोहे अकेलौ जान लाल मेरो मुख मल लौनो
सोतिया छाड़ गई घर घरको लाल मैं ॥

फगुवा मांगन आई उमंग मो मोहे लगा लौहीं अङ्ग ।

कलित्त—तिताला

डार दीयो मो पै रङ्ग वरजोरी लङ्गर भर पिचकारी
मुखपर मारी अब न खेली तोरे सङ्ग ।

फाल्गुन में इतराय चले हो कृष्णानन्द उमंग ॥

२

साहवां हो राज म्हां सो अबीर लगावो निर्लज्ज
गावो गारी ।

सेके ननद खड़ी अगवाड़े पिछवाड़े दे तारी
वलिहारी बोलत संमारी ॥

३

ना खेली मैं बार बार तुम रङ्ग जिन डारो
ऐसी होरी सइयां ।

विनय करी तोरे लागू पइयां ऐसी होरी खेलो
नाहीं रे सइयां ॥

वरजोरी कुच गइ मेरो मीजत फिर फिर आवत
मोरे ठइयां ।

काजम अपनी ओर निभावो देखो सखी तेरी
चेरी गुइयां ॥

४

होरी आई पिया परदेश ।
अपने पिवाको मैं टूटन निकसो कर योगिनको वेश ॥

५

रङ्गभौनी होरी खेलत है रङ्गभौनी ।
हो जो अचानक गृह ते निकसो ओचक कर
गह लौनो ॥

छीनी लाल माल मोतिनकी अबीर माड़ मुख दीनो ।
चितवन माह ठगोरी डारो ऐसी श्याम प्रवोनी ।
छविनायक वंशी अधरन धर सगरो व्रज वश कीनो ॥

६

एरी गोरे मुख गुलाल कैसे भलकै ।
मानो शशिमैं भौम आनके कीन्हों वास अचलकै ॥
रूप सिन्धु सो उमंग रहो है कल कपोल लसो
अलकै ।

छविनायक मानो सुधापान हित व्यालवाल
युग ललकै ॥

होरीके दिननमें गुमान कैसे मान रे गुमान कैसे ।
वृन्दावनकी कुञ्जगलिनमें मांगत दधिको
दान मान रे गुमान कैसे ॥

८

सांवलियाने मो पै रङ्ग डाली रे केसरकी
पिचकारी रे ।

नवल लाल उड़ावै गुलाल मेरी सारी भिजोई
सारी रे ॥

कलित्त—परज

माई रो ऋतु फागकी आई ।
जबसे गए मोरी सुध हू न लौन्हों किन सीतन
बिलम्बाई ॥

जागत जागत नींद न आवत दागत है विरह
दुःखदाई ।

छविनायक कैसे मन समभाजं वीती अर्वाधि पत्नी
न पठाई ॥

नयन री वरजोरी न माने ।

उरंगे रहत रैन दिन सजनी देखत ही घनश्याम
लुभाने ॥

छूटी लाज सकुच गुरुजनकी घर सुजन दुर्जन
सब जाने ।

छविनायक वे अपने मरजके सुन सुन लोग देत
मोहे ताने ॥

भयो री नयो हीरोको खेलैया ।

हमरो रङ्ग हम ही पर डारत आंखिन अबीर
भरे मोरी ग्वैया ॥

तनकी पीर तनक नहीं जानत नहीं मानत काङ्गकी
दुहैया ।

छविनायक कोज कह न सके कुछ वे यशोदा जीके
कांवर कहैया ॥

ब्रजकी गैलनमें ही ही हीरो गावत ।

मिल दश-बौश जहां तहां ठाड़े यमुना जान न पावत ।
ब्रज पनघट घाट कहैया रोकत ग्वाल बालकी गावत ॥

परज—धमार

पर वश आन परी वो इन गलियनमें तिहारे
कीन खेल वनवारी ।

भोज गई अङ्गिया रङ्गमें क्यों निधरक दे दे गारी ॥
जो तुम्हरो गुलाल सांवरो उधर परेगी प्रीति हमारी ।
अबके घरे वलिहारी जान दे हा हा कर हीं हारी ॥

परज—कलिङ्ग

पिया न गहो पग घायलया घुंघरू बजनू ।
जागत है देवरनिया जैठनिया सास ननद अपनू ॥
भोर भए सुनके हंसि है पिय लाज नहीं तुजनू ।
काञ्चन यार कनक पुरियनकी विडुवन भनक घनू ।
जो रस चाही रही पिय हा हा आवन दे रजनू ॥

सुन्दर श्याम सलोना सखी वाको बात घातमें टोना ।
सुन्दर श्याम कही नहीं माने बातनको परचो ना ॥

तुम्हरो पगरिया हमरो चुनरिया एक ही
रङ्ग पिया बोर रे ।

तब जानोगे चतुर खेलैया ऐसी रङ्गे मोय रे ।
उधरन चोप खेलीं फाग वजहन द्विविधा भ्रम
सब खोय रे ॥

अपने ही रङ्गमें चटक चुनरिया मो झके
पिया रङ्ग दे रे ।

ऋतु फाल्गुन की उमंग यौवनकी विरह सतावे
मोहे रे ॥

व्याकुल होके मन्दिर सो निकसी लोकलाज
सब खोये रे ।

लाग लगी तो लगी रहे वजहन होनी होय
सो होये रे ॥

केह विधि हीरो खेलीं पिया सात ।
अबीर गुलाल रङ्ग पिचकारी याहो तें मेरो जिय
सकुचात ।

होँ मूर्ख सइयां चतुर सुघर है वजहन लाज
हरिजीके हात ॥

हां जो म्हारो मनड़ी थां लियो छे जी काईं ले घर
जावां जी ।

नन्दजीरा प्यारा थे कान्ह छवीला अरजु करां
छां जो फेर यावां जी ॥

थानी बात रहे सोई कीजि थाने काई कहि
समभावां जी ।

वैर परी छे वलिहारी ननदल क्यों कर प्रीत
दुरावां जी ॥

ए खेल खेलार लङ्गर मोहे गारो न गावै ।
 केसरि रङ्ग भरी पिचकारिन दोठ बजावत तक तक
 मोहे चलावै ॥
 भुज भर लेत दौर आगे ते काङ्गकी लाज
 सकुच न आवै ।
 हीं वलिहारी चलीं कैसे मग या गोकुलमें रसिया
 कान्ह कहावै ॥

खम्बावती—परज

रङ्गभौने कुञ्जनमें खेलत हैं दोज होरी ।
 नन्दनन्दन मनमोहन नागर श्रीद्वेषभानु किशोरी ॥
 अबौर गुलाल उड़ावत सखियां कोई सांघली
 कोई गोरी ।
 रसिक खुशाल विलोकत शोभा पिय प्यारीकी जोरी ॥

होरी खेलें कुञ्जनमें रङ्ग रङ्गीले लाल ।
 अबौर गुलाल उड़ावत गावत सङ्ग लिए ब्रजबाल ।
 ख्याल खुशाल करत कुञ्जनमें गावें होरी दे ताल ॥

कैसे हो निपट खेलार रो बौर देत रङ्ग सारी
 हमारी ।

नन्दरायके लाल लाड़ले रसिया कुञ्जविहारी ॥
 वारी वयश चञ्चल बहुत तन श्रीगोवर्द्धनधारी ।
 निक न मानत वरजोरी ठानत ख्याल खुशाल खेलारी ॥

खेलंगी फाग कुञ्जनमें पिया सङ्ग यही बात
 मन भावै रो ।
 रङ्गुगी केसर रङ्ग यशोदा लालको उर ही उमंग
 उमंगावै रो ॥

अबौर गुलाल कपोल लगाऊं याही विचार
 मन आवै रो ।

करिए ख्याल खुशाल श्यामसङ्ग रुचि हिय
 मैन बढ़ावै रो ॥

शोभा कुञ्ज पुञ्ज अति छाई ।
 ऋतु वसन्त फूली फुलवारी मधुकर गुञ्ज भचाई ॥
 यमुना तीर सुहावन भावन विहरत तहां यदुराई ।
 सङ्ग ब्रजबाल रूपकी सीमा मोहनो रहीं प्रगटाई ॥
 बोलत पक्षी द्रुम द्रुम जवर सुगन्ध पवन महकाई ।
 निरखत रसिक खुशाल कृष्णमुख नखशिख
 सुन्दरताई ॥

नयन काहे न संभारो जरकशी अङ्गिया कुचन
 पर सोहै बन्द गले अधिकावे रो ।
 मैं बीरो मेरो पिय बहुरङ्गी काहे को रार बढ़ावै रो ॥

मेरो कृष्ण कन्हैया दूढ़ फिरी नहीं पायो रो ।
 अबौर गुलालको वादर छाया रङ्गको मेह वर्षायो रो ।
 कृष्णानन्द विसुरत निशदिन मदनमोहन
 विसरायो रो ॥

सांवर सो मैं खेलंगी होरी ।
 निकसी थी मैं अपने मन्दिर सो सास ननदको चोरो ॥
 ना जानो के बोच नगरमें दौठ खेलार खरो रो ।
 करेगो एती भक्तभोरो ॥

कौन लियो मोसे रङ्ग पिचकारी अबौर
 गुलालकी भोरो ।

बहियां पकरके ऐसी भटकी कमर लचक गई
 मोरो कहां अब नेह रहीं रो ॥

सुनो रो सखी पति सब को है प्यारो कहा भयो
 ब्रजमें वसो रो ।

कान न सुन्यो कहीं आंख न देख्यो होरी मित
 वरजोरी भला तुम सांचो कहो रो ॥

जिधर जात उधर याही गति यह ठङ्ग शिखो रो ।
 कौन यत्न समुभावै वजहन ऐसी मयमें कको रो
 कहो नहीं मानत गोरो ॥

सांवरे मोहे रङ्गमें बोरो ।

जात हती मैं तो पनघटकी सखी बाटमें मिल गयो
किशोरी ॥

हा हा करन रही पद्म्यां परत रहो
एक न मानी मोरो ।

देखो तो एनी वरजोरी ॥

तन रङ्गी मन रङ्ग गयो है सगरो विरह
अधिक भयो री ।

छूट गयो डर सास ननदकी अब काहेकी चोरो
चलो वजहन अब खेलिए होरो ॥

रङ्ग डारी सांवरे मोहे आज सांवरे चितवन ही
रङ्ग डारी रे ।

ना मोसे कबहंकी प्रीति रीति सखी नाम शुनो
वनवारी रे ॥

ब्रजकी मलो कोऊ कौमेके निकसे जहां वसै
ऐसो खेलारो रे ।

भूल मयी सब सुधबुध वजहन छवि देखत
वाकी न्यारो रे ॥

सोरठ—परज

निपट भयो मतवारो रे ।

जबते पियाने फाग रच्यो है प्रेमकी मद्य नित्य
आपी पीवत ललचत जियरो हमारो रे ॥

आनी रे नीचढ़ि के मोहन मोहन दई को
संवारो रे ।

जाको आप चाहत है वजहन तन मन सब रङ्ग
डारो रे ॥

परज—तिताला

आज कान्ह सखी खेलत होरी ।

प्रेमकी हाथ लिए पिचकारी फेंटमें अबीर
गुलालकी भोरो ॥

छवि देखत सकुचत है जियरा जानि परत जैसे
मद्यमें छको री ।

एडो एडो आवत है वजहन पति राखे भगवान
अब मोरो ॥

मैं तो उल्टा उरहना थ्याई री ।
हों जो जात रहो वहरा दुहावन वहराने उभट
चलाई री ॥

सास कहे मेरो नवल बहुरिमा अक्रिया कहां
मसकाई री ।

सासुजोके बेटवा ननदजीके मैया जिन मोरो मति
बौराई री ॥

वन्दावतकी कुञ्जगलिनमें मोहन खेलत होरो हो ।
इत आए मोहन उत आई राधा ख्याल रच्यो
अति भोरी हो ॥

सब सखियां मिल रङ्ग बनायो केसर कुङ्कुम
घोरी हो ।

लाल गुलाल लाड़ली डालै मोहन मले मुख रोरो हो ॥
भर से बदन भए मनमोहन सब ही हंसे दै तारो हो ।

बाजत ताल मृदङ्ग सुरलिया गावत दै दै गारो हो ॥
भर पिचकारी मुखपर मारो भोज गई तन सारो हो ।

उड़त अबीर अरुण भए अम्बर शोभा बढ़ो है
अपारो हो ॥

महल चढ़े यशोमतीजी जोवे खेलत ब्रजके
संभारो हो ।

मोहन पकरके फगुवा लेहीं छोड़ावैगी महतारी हो
सूरदास मनभावतो फगुवा दोहीं कुञ्जविहारो हो ॥

४

लागो लमनिया को कुड़ावे कोऊ लाख कही
जिय एको न मावै ।

घूँघट खोल मिलौ क्यों न पिय सो लान गई जब
जिय तरसावै ॥

और वन फूले फूल फुलवारो हमरे फूल मन जिय
अकुलावै ।

प्यारे गोपालकी आंखन सी उरभो अंखियां को
सुरभावै ॥

५

कैसेके देखन पाजं दैरन हो ननदुल जागे ।
जान देत नहीं निपट चवायन नित उठ बोलन दागे ॥
मेरे हारे मधुर डफ बाजै सुन सुन मन अनुरागे ।
हरिदयाल पुरुषोत्तम प्यारी निरख निमिष न लागे ॥

६

सब रसभौनो गात राधा गोरी खेलै होरी ।
एक ओर राधेजू ठाढ़ी एक ओर नन्दकिशोरी ॥

आज लाल रङ्गभीने सखी तेरे बांके नेना ।
खच्चन ढलक कपोलन लागी अङ्गिया मशक गई
सुख सेना ॥

सुध न रही ककु अङ्ग बचावत जागी कहां तुम
सारी रैना ।

डगमग चाल चलत मार्गमें स्थिर न रहत जीव
तेरो चैना ॥

अब यह बात काहू मत कहियो कर जोर तेरे
मैं लागू पैना ।

गावै गूदर हंस बोली सखी वह घर जाय देख
रेख सुख ऐना ॥

८

अपने यौवन मदमाती सखी तेरो यौवन फीको ।
जिन नहीं खिल्यो अपने सद्गयां सङ्ग सो जीवग
जगमें नहीं नौको ॥

ता को कौन सुहाग बखानो कर गुमान रही जीको ।
आपन रुचि और नहीं भावत मञ्जन संयम कियो
अधीको ॥

चाल सोई जो चलै सब कोई जो भावै जिय पीको ।
मान कियो कही किन सुख पाया सुरनर मुनि सब
देख महीको ।

गावै गूदर जगमगत पियारी अरधङ्गी छोड़्यो सीको ॥

८

ब्रज में खेलत मत जा रे तो को कोऊ रङ्ग डार
दे है ।

ग्वाल सखा सब मदके माते देखत ही चहुं
दिश ह्वै धै है ॥

एक एक अङ्ग सो पिचकारी तुम्हरे शीर्ष विसै है ।
ब्रजवासी विश्वासी है सब मार्ग में भूमि विलसै है ॥
बीचे तुम हो जावोगी बीरी गोकुल जाने न पै है ।
कहा मान तुम नवल वहुरिया नाहीं तो पाछे
पछतै है ।

गाव गूदर मेरी नेह सांवरो काहिको लाज लजै है ॥

१०

ना खेलूं ऐसी होरी सद्गयां ना खेलूं ऐसी होरी ।
अबीर गुलाल लगाय कुचनमें छतियां कुवन
चाहै मोरी ।

वरज रही वरज्यो नहीं मानै सुखमीडन को रोरी ॥

११

गोरी तेरो आज हाल और ही और वा ने रङ्ग
तो पर और ही छिरको ।
तू जो गई कुञ्जन में छिनरिया तो आवत ही
देखत फिर फिर को ॥

वसन भूषण तेरे कहं के कहं जैसे कोऊ
निकसत है घिरको ।

कहा कहं तोसे सुन मेरी अचपल मोहे ता सोहै
तेरे सिरको ॥

परज—कल्पित

होरी अब न खेलो मोरा सद्गयां बालम परदेश ।
अपने सद्गयां को मैं दूढ़न निकसी कर
योगन को वेश ॥

९

ऊधो रे अरे मोरा बाला सङ्गाती यार ओ रे मेरा
जन्म सङ्गाती यार ।
हा हा करत हूं पड़यां परत हूं कर ले अब सुख प्यार ।
कृष्ण रसिक मनमोहन प्यारी काहे डारो विसार ॥

काफ़ी—यत्

राघवजी खेलत होरी ।

इत रघुनाथ साथ अनुजन लिए उत मिथिलेश

किशोरी ॥

केशर कीच मची क्षिति जपर रङ्ग वर्षत चहुं ओरी ।

चलो सखी देखन शोरो ॥

सुख माझो पिय जनकनन्दिनी चन्दन वन्दन रोरी ।

षन्दन करत सकल जनवन्दन केशर भास लगी रो

करी सब सुधबुध भोरी ॥

फगुवा दियो सबै मन भायो ठाढ़े युगल कर जोरी ।

रोभ खीभ दृग लालके आंज्यो लियो पौताम्बर

छोरी हंसो सब सखी मुख मोरी ॥

सौतारामको ध्यान वसत हृदि गौरश्याम रङ्ग जोरी ।

रामदास बलि बलि दम्पति क्वि निरखि वदन

लण तोरी द्रम तें पल न टरो रो ॥

२

राधा नागरी नन्दकुमार कदम तले खेलत होरी ।

धिपरीति रीति सुधारि श्याम को बनाए गोरी ॥

लहंगा लाल बनाय जरी को सुआ रङ्गको सारी ।

कञ्चुकी कलित कनक कटि किङ्किणो अलता

पग ही सुधारी अङ्गुरो बिच बिक्किया डारी ॥

चन्द्रहार उर मणिगण राजत मोतिधन मांग संवारी ।

कानन बाली नासिका विसर रम्भा रूप बना रो

पीठ घर वेणी सुधारी ॥

कर चूरी भुजा नीके बाजूबन्द रूप अनूठो नारी ।

बेदो ललित चलत गज्रगमनी मोहिनी सब पै डारी

निरख मन सारद हारी ॥

ताल तम्बूर लिए कर गोपी नाचत कुञ्जविहारी ।

ता ता धेई धेई होत परस्पर टेरत सुरली

प्यारी लक्षण क्वि आनन्दकारी ॥

३

गारी जिन दे रे कान्हा लाजको मारी ।

तुम तो टाटा नन्दमहरके हम ब्रजको हैं नारी ॥

सुन्दर श्याम जान दे मोहन मत मारो पिचकारी ।

लपट भपटके चौर खैचत हो गावत दे दे तारो ।

कृष्णानन्द बढ़ो गोकुल में मैं तेरे बलिहारी ॥

४

सखी ए रो मैं कौन तरहसे डोलूं मेरे मोहनने

धूम मचाई ।

मग मग रोकत टोकत मोहन कैसे के घनिया जाई ॥

गैल चलन नहीं पावत नारो पिचकारिन रङ्ग चलाई ॥

काहूं सो लपट और भपट काहूं सो काहको

धर मसकाई ।

कृष्णानन्द आनन्द में डोलत फगुवा लेत मनभाई ॥

५

मङ्गल दाहनो होरी खेलत राम नरेश ।

उड़त गुलाल लाल भए बादर वर्षत सुमन सुरेश ॥

रामके हाथ कनक पिचकारो लक्ष्मण भर मर देत ।

राम काना वेकुण्ठ लाड़िले हो हरि हरत कलेश ॥

६

अलवेल डा वे मोहना मैड़ा होली खेलन आयानी ।

अबौर उड़ावदा गारो गांवदा ताल मृदङ्ग बजायानी ॥

वेड़े असाड़े आंवदानो नन्द दे होरी राग जमायानी ।

कृष्णानन्द गवरु महर दे पिचकारियां रङ्ग चलायानी ॥

७

उनसे कोई कहियो जा रो ।

मनमोहन ब्रजराज कुंवर सो अरज हमारो ॥

यह चर्चा हूँ रहा है ब्रजमें कह गए सुघर खेलारो ।

सब सखियां मिल फागु खेलें मोरे नयन भर

पिचकारो पिया छाड़त हौं ठारो ॥

अपने अपने कन्त सङ्ग खेलत हमरो सुरति विसारो ।

गोपो ग्वाल सबे होरो खेलत मैं सांवरे को पुकारो

भोर मई है मो पै भारो ॥

वन वन ढूँठ फिरी मैं सजनी पिय पिय कर मैं हारो ।

अबको बार मोहि दर्श देखावा मैं तेरे बलिहारी

कहां है वह वनवारो ॥

आप तो जाय कुछा रङ्ग राते हम भई अति
दुखियारो ।

विरहने मो को फूँकि दियो है भरन लगौ
चिनगारी आनके बुभावो विहारो ॥
अबोर गुलाल औ गेद कुडकुमा रङ्गको परत फुहारो ।
बाजत ताल मृदङ्ग भांभ डफ आशकू हौं तेरे वारो
तकत नित्य आशा तिहारो ॥

मोहै मिल गयो कुंवर कन्हैया जात हतो
यमुनाके निकट ।

वे आवत हौं जात इते उत बीच ही भेंट भई
नेक चितै तिरछी चतवन सो गति मति माह लई
जबतें घरी चित्त में चटपट ॥

विधि वश नीर भरनको सजनौ आज हो आप गई
सोहत सुहाग फाग अनुरागी ग्वारन घेर लई
आय गए कित तें भटपट ।

मोर मुकुट मकराकृत कुण्डल अलक कपोलन छई
नाक बुलाक अधर धर मुरली गावत तान नई
बोरो भई सुनके लटपट ॥

चैन न परत रैन दिन जबतें नयनन नौंद गई
पञ्चवाण शर तान हिये को छेदत हाय दई
या तें वन निकरत सटपट ।

मैं पूछत तुम सो उर उपजी अब हो पौर नई
जीन उपाय मिलै सोई कीजे श्यामा श्याम मई
जातें मिटे मनकी खटपट ॥

मत्तवारे नयन कामिनी वश करो रो ।
खञ्जन नयन महामृग लोचन कञ्चन रूप धरो रो ॥
केहरि कटि कदलो सो जङ्गा नाशिका शुक हरो रो ।
चन्द्रवदनी गजगमनी प्यारी ॥

सब को मन जो हरि श्रीवा कपोत श्रीफल
सो छाती देखत वश जो भयो रो ।
कृष्णानन्द चपला सी चमकत वारो मदन करोरी ॥

१०

तोरे अङ्ग में रङ्ग भरो रो सांवरै कैसे खेलौंगो
मैं होरी ।

अधरन अञ्जन भाल महावर नयन तंबोल लागी रो ॥
धरणी घरत पग डगमग आवत रैनके दिन कही रो ।
हम सो अवधि बदी होरी खेलन की अनूत ही
रङ्ग रङ्गी रो ।

कृष्णानन्द प्रभु सांची कही तुम कौन तिया
सो पगो रो ॥

११

कुछाकी छवि सुन्दर कीन्हें हम सो करत वरजोरो ।
ल्लाजको चूनर ना भिजोजंगी सास ननदकी चोरो ॥

१२

तुम काहिको देत हो गारी तुम नोके बोली ।
कौन तियासे रङ्गे मनमोहन मनको घुंडी खोली ॥
और सखिन मो रसको बतियां हम सो बतियां घोली ।
कृष्णानन्द रङ्गे रङ्ग अनूत ही घट घट बतियां छोली ॥

परज—धमार

मेरो घूँघट छाड़ कैल अब मैं बहुत सही ।
बाट घाट मो है रोकत टोकत मानो मेरी कही ॥
अब जिन कुवो चूनर मोरो जो ककु भई सो मई ।
कहा मानो व्रजराज लाडले मैं जो आई नई ॥

यीवन मदमाती डोले फालगुनके दिन जान ।
रङ्गभीनी निशा जागो पौतम सङ्ग कपोल लगाए
लाली पान ॥

चली जा रो नारि गेवार भला तोसे को बोले ।
सखिन सङ्ग मिल होरो खेले व्रजकुञ्जनमें डोलै ॥
ऐसी अनोखी कहाँसे आई तनक न घूँघट खोले ।
कृष्णारसिक सो ऐड़ी फिरत है गढ़ गढ़ बतियां छोले ॥

सुलगाती—धमार

अब रङ्ग दे मोरो चुनरिया ।
अपने रो अपने वगर से निकसी कोई सांवरी
कोई गोरिया ॥

दुलहन बन आई मेरे गृह शुभ दिन बाजत

नोबत सुघरिया ।

सकल समा में धूम मचो है कृष्णरसिक रिभवरिया ॥

काफ़ी—धमार

चलो होरो खेलिए रङ्ग रचाय श्याम सो व्रजमें

धूम मचाय ।

काल्ह ए रो ककु कहे न सकी मैं आज लेहुं यह दाय ॥

श्याम भिजोऊं बहियां पकरके लेऊं कुञ्चमें नचाय ।

कृष्णरसिक सो फगुवा लूंगो मन इच्छा फल पाय ॥

काफ़ी—यत्

श्यामसुन्दर उरपार रो तेरे नयन सलोने ।

सुर सुर बैठत काहे सखी रो कर कर टेड़ो भौंह रो ॥

चितवत चपल चतुर गति सो चल शर्म मर्याद

न को है ।

मौज सरोज भरे हर हा वलि कौन हिये तरसो है ॥

२

तेरे नयन सलोने मनमोहन रिभवार रो ।

बांकी भौंह कटाक्षन हेरत कोरनमें सुख प्यार रो ।

कृष्णरसिक उर मैन बढ़ावत सो तू नेह संभार रो ॥

३

तुम भए हो अनोखे खेलारी ।

तुम समझ चलावो पिचकारी ॥

भर पिचकारी मोरे सुखपर मारी भीज गई तनसारो ।

भौनी पट भौनी है अङ्गिया गिरो जात हो

लाज की मारी ।

रसिक कृष्ण मानो मेरी बतियां हा हा कर मैं हारी ॥

भंभौटी—यत्

इन श्याम कन्हैया ने रङ्ग मो पे डार दियो रो ।

लपट झपट के मटकी पटकी उधारो घूँघट हियो रो ॥

पौलू—यत्

रङ्ग होरी रे मचाई रङ्ग होरी रे ।

वज्र प्रमोद में आय अचानक बांह गहत वरजोरी रे ॥

रामसीता रङ्ग होरी खेले सखासखी चहुँ ओरो रे ।

राम सखा फाल्गुनके मिश्र में करत फिरत

रस चोरी रे ॥

गारा—यत्

माई रो मोसे आ लिपटो रो ।

होँ दधि बेचन जात अचानक ता में आन धरो रो ॥

इत उत देखत लोग लुगाई मटकी घटक अरो रो ।

गुरुजन पुरजन सब हो देखे सबे मुसक्यात खरो रो ॥

हा हा करत रही मैं वासो वो मोसे उरभ परो रो ।

अबीर गुलाल मलो कुच मुखपर और ककु घात

चलो रो ॥

छीन लई वनसाल मुरलिया सुधबुध सब विसरो रो ।

देत दुहाई नन्द बवाको मोहन करत ठठोरौ ।

कृष्णरसिक गह लोन्होँ मोहे एरो सखी दौर परो रो ॥

सिन्धु—यत्

ए रो मैं कैसे खेलूंगो फाग लाल सो अबोर

गुलाल उड़ाय उड़ाय ।

वे आवत सब हो हिलमिल कर तारो दे दे गाय गाय ॥

एसो नटखट ढोठ छाहरा किन दोन्होँ शिख

लाय लाय ।

भारत डारत ले पिचकारी केसर रङ्ग भराय भराय ॥

२

छेल छलबल कर धाय गही मोरी बहियां यह

रसवादी गाँव ।

गावत गारो नारो तर पिय सङ्ग ले ले मेरे नाँव ॥

जाके डर घरसे मोरी सजनी बाहर घरत न पाँव ।

नर नरेन्द्र मुख सुघर सो डरिये करि है घाको दाँव ॥

काफ़ी—यत्

सखी रो सठ चल हिलमिल मोहन सो

तुम काहे रिसानी जात ।

सौत घात में बात न मानो तू इतरात उत रात जात ॥

२

काहे गोरिया दहलकी चुनरिया काहे गोरिया

महलकी चुनरिया ।

यमुनाके तीरे कदमकी छड़ियां सांवरे ने भट्टकी
मोरी चुनरिया ॥

२

लङ्करवा मुकर जात मोरे सइयां ने पठई बुलाय ।
सुनियो री मोरी रैन परोसिन मोरे वृते रहलो
न जाय ॥

४

मेरी गोहन लागी हो डोरे काली कामरवालो हो
सांवरो ।

अब हीं के ते दिन फाल्गुन के हैं यह अब हीं ते
भयो बावरो ॥

कबहूँ लपट और भपत बहियां नन्द महर को
डावरो ।

राते माते फिरत मोह सो जैसे फलको भावरो ॥

लाजकी बातें कहा कहूँ तो से यशोदा पायं कुवूं
रावरो ।

हो वरजत मानत न नेक हूँ करत अटपटो दावरो ।
जबसे लगी वसन्त पञ्चमी कृष्ण रसिक भयो चावरो ॥

५

लोग कहें कहीं और हैं सइयां सइयां हमारे
हमारे ठइयां ।

बाट चलूं तो साथ मोरे सइयां बैठ रहूँ टिग
बैठत सइयां ॥

बात कहूं हंस बोलत सइयां ऐसि सइयांके मैं
बल बल गइयां ।

सइयांको छर है सब गुइयां देखमसी उला
बावर हुइयां ।

शीर्ष निवायके देखूं तो सइयां सइयां डाल रहे
गल बहियां ॥

६

क्या मुख ले घर जाऊं पिया मोसे रूस रहा री ।

श्याम पियारे मैं चरो तिहारी हों विरहन
वलिहार विहारी ।

कर्म करो तो पिया मिला दे विनतो सइयांको
कर मैं हारी ॥

७

लिये रङ्ग रहियां भौज मेरी चुनरी होरी खेलूं
मैं आप बना सङ्ग ।

बाजत ताल मृदङ्ग भांभ डफ अबीर गुलाल
छाए बदरा उमङ्ग ॥

८

मोरी अङ्गिया पर रङ्ग डारी रे होरीके खेलैया ।
केसरकी पिचकारी भर लावत अबीर लिए
भर भोरी रे होरीके खेलैया ॥

९

याको कौन भांत समझाऊं सखी मनमोहन
मानत नाहीं ।

लाज न करत डरत न काङ्ग सो गह पकरत
मोरी बांही ॥

गड़ी जात हूँ लाज कोई घरकी मोरी यह सुन पाई ।
याको कहा बिगरे जा अरी यह लाख गारो
हम पाई ॥

१०

तेरो बारो कान्ह मो सी फगुवा मांगन आयो री ।
दुन्दावनकी कुञ्जगलिनमें अबार गुलाल उड़ायो री ॥

भंभीटी—यत्

ए री कैसे मनमोहन पिय होरी खेलन आए
बैठी है राधा प्यारी ।

अबीर गुलाल लाल सब रङ्ग लिए केसरकी
पिचकारी ॥

रङ्गसो भिजोई श्यामसुन्दर को भौगियो पाग
श्री तनसारी ।

उत ते आये ग्वार परस्पर इत ते व्रजकी नारी ।
कृष्णानन्द आनन्द में खेलत फगुवा लेहीं गिरिधारी ॥

काफी—यत्

बहियां मरोरी रङ्ग डारी सांवरे औचक भेंट भई ।
रङ्ग पिया मोपै डार दियो री रङ्ग भर भेंट भई ॥

ए री मोहे मोरे वालम रङ्ग डारी ।
सरस रङ्ग पिया अबीर उड़ावत बहियां पकर
मुख मल डारी ॥

श्रीगुसाईं गोकुलनाथजीकी होरी ।

चेती-गोड़ी--धमार

होरी खेलन हीं गई जहाँ यमुना पुलिन सघन
हुम छाया ।

लङ्गर ठोठ खेल नन्दजूको खेल करे यह विधिके भाय ॥
कुज्जनतेँ दुरकि मुरकि आवत औचक कृतियां
लेत लगाय ।

जो जानत ऐसी वरजोरो बैठ रहत अपने घर माय ॥
शब तो आन परी या मगमें परवश भई करौ
मनभाय ।

सरस रङ्गरस रसिक भिजोई ले गुलाल कपोल
लगाय ॥

कलिङ्ग--यत्

रङ्ग गुलाल भरो पिचकारी फाल्गुन मास
करौंगी, होरी ।

इत सखियनके भुण्ड लिए उत सखासङ्ग बल
मोहन जोरी ॥

गहिरो खेल मच्यो अति व्रजमें गह्वर कुञ्ज
सांकारी खोरी ।

मोहन पकर नचावत सजनौ सरस रङ्ग रस
लूटत गोरी ॥

सरपरदा--यत्

धीर सो रङ्ग करौं न करौं मैं तो सांवर रङ्ग सो
रङ्ग करौंगी ।

लोकलाज कुल छाड़के सजनौ मनमोहन सो
जाय भरौंगी ॥

फाल्गुनके दिन मदकी माती होरी खेल मैं आय
डरौंगी ।

सरस रङ्गकी मनभायो मन मतङ्ग मन पीर हरौंगी ॥

दीपचन्द्र--यत्

व्रजराज वगरमें खेलें रस होरी ।
नन्द कुंवर बलवौर धीर सङ्ग सखा लिए सब जोरी ॥
खेल मच्यो अति गहरो सखी रो आप करे वरजोरी ।
उत गोपिनके भुण्ड मनोहर ता में शिराधा नोरी ॥
इत उत धूम मच्यो अति भारी देख दृगन चित्तचोरी
रङ्ग गुलाल अबीर कुङ्कुमा बाज रही घनघोरी ।
नृत्य भेद गति सब नाचत है सरस रङ्ग रसबोरी ॥

विलावल--चौताला

आली तू जो जात मधुवनको गलियन उत व्रजराज
कुंवर खेलै होरी ।

गुलाल अबीर रङ्ग कुङ्कुमा भाजन भरे
भरी है भोरी ॥

सङ्ग व्रजबाल ग्वाल अरु बालक करत कोलाहल
अतिशय भोरी ।

यह, खेले ज्यों सद्यो सके जिय गोकुलेश प्रिय
रसिक किशोरी ॥

काफ़ी--यत्

आली मोहन खेलत फाग सखिन सङ्ग रङ्गभीनो ।
जियरा आकुल होय देखे विना चित्त लाग रद्यो
है नवोनो ॥

ऐसो टेर दई कहा कीन्हों वंशो बजाय मेरो
मग हर लोनो ।

मानत नाहीं जियरा मेरो री तन मन प्राण
मोहन हर लोनो ॥

मिल बालन सङ्ग खेलत प्यारो पहरै पञ्चरङ्ग
चीर जो भीनो ।

गोकुलेश होरी खेलै गोकुलमें कालिन्दोके
तौर प्रवीनो ॥

लहर--यत्

अहो यह मार्ग नित्य आवै कोऊ बाट चलन
नहीं पावे ।

मार्ग रोकत बात बनावत बातन सुख उपजावे ॥

बातन अक्षर खैच खेत कर कुच सो कर लपटावै ।
गोकुलेश होरी रङ्ग विलसत सखिजन पाछे धावै ॥

काफ़ी—यत्

बरजोरो खेल को वो आगरी प्यारो रसिक रसौलो ।
मोसो करै है आली कठि नहि लगको लागरी
वह निपट अरोलो ॥

शीर्ष सुकुट कटि काछनी पहिरे सङ्ग क्रीडत वाके
भाग रो उपरना रङ्गीलो ।
गोकुलेश होरी रङ्ग विलसत सङ्ग लिए सब नागरो
पट पहरे नीलो ॥

२

होरो खेलत मोहे सुध न रही तनमन हर लौन्हीं
मेरो कंवर कन्हाई ।
रङ्ग रङ्गी सब ब्रजको डगरमें ध्वनिकी घोर सुन
गृहते आई ॥

आलिङ्गन चुम्बन मोहे कौन्हीं भुजा भर भेंट लई
उरमाई ।
सरस रङ्ग कियो बहु विधि सो सो वरणो नहीं
जाई माई ॥

अथ श्रीगुसाई श्रीवल्लभजीकृत होरी ।

परज—यत्

मो सङ्ग खेलोगे होरो तब जानों खेलारी ।
मोहे अकेली न जानो सांवेरे छोन लेहों पिचकारो ॥
नन्दमहरके कुंवर कान्ह तुम हौं वृषभानु दुलारो ।
अरस परस दोऊ खेलन लागे श्रीवल्लभ वलिहारो ॥

सोरठ—यत्

तू तरुणी सुन्दर मनमोहन काहे मुखहुं स बोलै रो ।
काहे मान कियो तै प्यारी क्यों अब छतियां छोलै रो ॥
विरह व्यथा काहे न बतावै सांचि क्यों नहीं खेलै रो ।
पाय परो मिलि प्रिय वल्लभ सो प्रेम रङ्ग क्यों न
घोलै रो ॥

बहार—तिताला

आई बहार हों सब गुणीजन मिल गाय सुनाई ।
अम्बषा टेसू फूल रहे हैं गुल गुलाब चटकाई ॥

वसन्त हाथ लिए ब्रजसुन्दरो नवगत सजि
जुरि आई ।

प्यारी वदनकमल छवि निरखत श्रीवल्लभ मन भाई ॥

काफ़ी—सारङ्ग

सखी मैं तो प्यारे को जान न दोंगो इन मोरो
बहियां मरोरी ।

बरजोरो मैं फगुवा लोगो मुख मोड़ोंगो रोरो ॥

चोवा चन्दन अगर कुङ्कुमा केसर भरो कमरो ।
वल्लभ पियको रङ्ग में भरोंगो सङ्ग खेलांगो होरो ॥

२

डफ बाजत है अलवेलिनके अलवेलिनके नवेलिनके ।
सुघर सुन्दर सहेलिनके गुणरूप भरो गरवेलिनके ।
वल्लभ प्यारो आयो महलमें होरी खेलन
रस केलिनके ॥

३

सखा सङ्ग लिए निकस सांवरो जाय वेरो ब्रजनारो रे ।
अरस परस सब खेलन लागे बाढ़यो रङ्ग अपारो रे ॥
सुर विमान चढ़ि शोभा निरखै डारत तनमन
वारो रे ।

अबोर गुलाल रङ्ग में छायो बहुत पिचकारिन
मारो रे ।

रङ्ग मध्यो गलियन गोकुलकी वल्लभ नित्य विहारो रे ॥

काफ़ी—गारा

सुन्दर सुघर प्यारी नारो प्यारे सङ्ग खेलत होरी ।
केसर छिरकत अङ्ग प्यारी मुख माड़न देहो रो ॥
लई पिचकारो छोन कर प्यारो प्यारे सो बरजोरो ।
प्यारो है चतुर सुजान अङ्ग भर लौन्हीं गोरी ॥
होत परस्पर रङ्ग सखिन मिल गांठ है जोरी ।
गारी गावत ब्रजतारो करत है चित्तकी चोरी ।
वल्लभ मए निहाल निरखि यह अद्भुत जोरो ॥

भंभीटी—तिताला

बोर दई प्यारे मोहे रङ्गमें सुध न रहो आली
मेरे अङ्गमें ।

मैं अपने वगरसों निकसो आन गही मोहे
सखियन सङ्गमें ॥

अबोर गुलाल सों मुख मलौंगी केसरि छिरकों
प्यारे तनमें ।

वल्गभ प्रियसों उघरि मिलौंगी यही आशा
प्यारी मेरे मनमें ॥

चन्दमहरको सांवरो ए रौ मोसो होरो खेले आज ।
चोवा चन्दन उड़त कुङ्कुमा बाजे है
बहुविधि साज ॥

मन चाहे सोई करत है कछू न राखे लाज ।
ऐसो धूम मचाई वगरमें और न सूझै काज ॥
राग रङ्ग ताननको वानन निकसि सके नहीं भाज ।
औवल्लभ प्रभु रसिक शिरोमणि या ब्रजके सिरताज ॥

काफ़ी—यत्

मैं अपनी उमंग सों खेलों फाग प्यारे सङ्ग
जान न दे रौ ।

हा हा खाति तोरे पइयां परत हूं फाल्गुनमें
यश ले रौ ॥

वर्ष दिनको एक विनतो सांची तू सुनि मेरौ ।
वल्गभ पिया विना अब न रहौंगो मन माने
सोई कहे रौ ॥

धानी—सिमटा

आवो प्यारे खेलैं इत होरो रे ।
चोवा चन्दन उड़ावो मन मान्या अबोर गुलाल
लो भर भोरी रे ॥

अरस परस छूटत पिचकारो प्यारे मुख माड़त
प्यारी रोरो रे ।

फेंट पकरिके फगुवा मांगत वल्गभ प्रिय सङ्ग
नाचत गोरो रे ॥

सिंदूरा—धमार

प्यारी होरी खेलन चलिये ब्रजमें आयो
फाल्गुन मास ।

अपनी उमंगसों मुख माड़ौंगो याहो मनमें हुलास ॥
सब सखियन मिलि फगुवा लेहा राधामोहन पास ।
वल्गभ प्रियको अब नाहीं छाड़ों चरण कमलको
पास ॥

रौ मैं तो वा सङ्ग खेलौंगी होरो प्यारो मेरे प्यारे
ने वेग मिलाय ।
मस्त महीना फाल्गुन कारे प्यारिसों कहियो सुनाय ।
अब जिन देर करो तुम वल्गभ प्यारोको कण्ठ लगाय ॥

काफ़ी—धमार

प्यारो आयो खेलन होरो मोसों करत वरजोरी ।
मैं अपने मन्दिरमें सोती आनि अचानक गही रौ ॥
फाल्गुन मांभ डरो जिन सजनो ऐसो यत्न करो रौ ।
सखी सब मिल एकठोरो ॥

नयन आजि याको मुख माड़ो रौ भूषण वसन हरो रौ ।
नारीको भेष बनाय गचावो चित्त चाहे सो करो रौ
फिरि नहीं करि है चोरी ॥

नन्द यशोदा वेग बुझावो हंसो बोलावो गोरी ।
सखा सङ्ग बलदाज भैया कहा करि हौ अब भोरो
प्यारोको देखि विशोरो ॥

नगर नगर और वगर वगरके नर नारो सब दोरी ।
अद्भुत फागु रच्यो वृन्दावन वल्गभ प्रियको जोरो
सखी सब गावत होरी ॥

काफ़ी—यत्

सावरे नहीं जानी मोरी ।
पहले प्रीति करौ तुम हमसो करि दौन्हीं
अब बोरी ॥

हम तो दासो तिहारो सावरे कौन गुण अब तोरो ।
प्यारे तुम का सङ्ग जोरी ॥

नन्द यशोदा बलदाज मोरे तुम सोखे चित्त चोरी ।
अब कित भाग जावोगी सावरे बंधे प्रसको जोरी
प्यारे कहे करि हों ओरी ॥

चोवा चन्दन अगव कुङ्कुमा केसरि भरो है कमोरो ।

सारी यहिरायके सङ्ग नचाजं मुख माझोंगी
 रोरी प्यारको बनाजं किशारी ॥
 वृन्दावनमें फागु मचो है सब मिल गावत होरी ।
 श्रीवल्लभ कवि निरखि मग्न भए चिरञ्जीवि
 यह जोरी सखी वृण डारत तोरी ॥

२

प्यारी आवो री आज इत होरी खेलन ।
 तुम सुघर सुनो एक मोरो बात तुम ही मिलाजं
 सुन्दर मोहन ॥
 नगर नगर और वगर वगर में मच रहो होरो को
 धम डगरमें नगर नारी सब नाचन लागे कित जावो
 अब भाज लाज ।
 अबीर गुलालकी उमड़ धुमड़ में नाचत है प्यारी
 सखी भुण्डन में ॥

धनात्री—तिताला

लाग्यो ही आवे मेरे या गोहन ।
 हीं तरुणी कीज और न ब्रजमें कोई सखी
 समुभावो या मोहन ॥
 वे इत निकसे ब्योष दार है हीं जरतक लागो
 उठ यौवन ।
 मोहि न दोष दोष इन नयनम में कज्जर त्याग्यो
 इन छोहन ॥
 होत चबाव या वगर डगर में सास मनद मानत
 नहीं सोहन ।
 सीधन ग्रभुकी अटपटी बतियां अबको फागु कहु
 मोहि कोहन ॥

अंमोटी—तिताला

हो मोहन रङ्गन बोर दर्ई ।
 वरज मनदिया पहरन काढ़ी साड़ी सुरङ्ग नई ॥
 ना थलि बावत नार अनोखी ए सीख कौन ठई ।
 चौवा चन्दन बुझा वन्दन कुडकुम मार दर्ई ।
 इच्छाराम या गोकुल वसकै ऐसी कबहूँ न मई ॥

२

जब काहू मिस चढ़ीं अटारी मोहन लखि सचपाजं ।
 मेरो नाम श्याम सो मिलवत गारी सुनत लजाजं ॥
 लाल अली मुरली में टेरत सुनि सुनि अति
 सकुचाजं ।
 होनो होय सो होय धैर्य प्रभु हिलमिल रङ्ग
 बढाजं ॥

देवगिरि—धमार

कहु ऐसो मन्व वढ़ रङ्ग छिरकत होरोके दिनन
 में या मोहन वनवारी ।
 सकल त्रियनमें कौन सिखायो हीं न जानूँ ऐसो
 कौन है नारी ॥
 दौरो मोय जान वृषभानु दुलारी मन हर लोन्हों
 नन्दके दुलारी ।
 जो मैं जानूँ मन रङ्ग वाको सेस गारो दे दे हो
 मतवारी बजाय तारी ॥

विलावल—धमार

हमारो कन्हैया कृष्णमुरारी राधाने वश कीनो ।
 हो हो होरो होय रहो है ऐसो रङ्ग रसभौनो ॥
 ऐसी धूमधाम से खेल रहे होरो वृन्दावनको
 कुञ्जनमें ।
 हीं गिर देखत वाहू कान खेल रह्यो सगरे भुण्डनमें ॥
 राधा जू टिग गये से सोवत मानु नीलम बीच
 कुन्दनमें ।
 रङ्ग लाल भीजे तरुणीके मिसे समूह सांवरकी
 नौकी लागत फूल गुञ्जनमें ॥

कनड़ी—तिताला

होरो खेलैया अनोखे लालन जू ।
 कौन बान ब्रजवधुवनको ये मार्ग देत नाहिं
 चालम जू ॥

मेरवी—तिताला

होरो खेलनको प्यारी आवो न हमारी मली रे ।
 केसर रङ्ग उड़ान्यो मनमान्यो फली गुलाबकी
 कली रे ॥

अबीर गुलालकी उमड़ घुमड़ में घूँघट ओट चली रे ।
प्यारे पियकी प्यारी बल्लभ अङ्ग सो अङ्ग मली रे ॥

भैरवी—एकताला

होरीके बावरे हैं जू विहारी ।
मुख मीड़ग्रा सब देखत मेरो लोकलाज तोर डारी ॥
नन्दयाम वरसानेके बीच धूम मचाई भारी ।
काङ्कको डर नेक न मानत ब्रजनिधि निडर खेलारी ॥

सोरठ-मलार—धमार

पिचकारिन भर लायो सजनी पिया रङ्ग बादर
छाये हो ।
चोवा कीच मचाये डफ घोरत घन गरजन लाग्यो
ब्रजवासिन मिल गाये हो ।
श्रीसहचरी चमक चपला ज्यों श्याम अङ्ग
लिपटायि हो ॥

सोरठ—द्वीपचन्द्र

छेला तू मेरो कछो मानत नाहीं परो रे
अनोखे ख्याल ।
श्रीरहि दशा भई तेरी सों मेरी हो नन्दलाल ॥
तुम होरीके हरवा भरवा मैं भोरी ब्रजघाल ।
मार्ग माहि लई नागरिया करिया करि
डारी बेहाल ॥

पेड़े पड़ी छे सास ।
रसियोने मानै निकसन न देत निगोड़ी घर ते
आयो फाल्गुन मास ॥
कैसे रहं होरी खेलि विना एक वगरको वास ।
इच्छाराम गिरिधर सङ्ग मिल हों कोई करो
उपहास ॥

नन्दनन्दन गारी दई ।
कहो कैसे जात सही नयन लाज नई ॥
सुन्दर रूप सलोनी सौ अंखियां निरखति नारी नई ।
यों बटपार कछो मग डोलै छाई है मान मई ।
होरी में शृङ्गार गई करि बात भई सो भई ॥

षड़ाना—धमार

काल तुम हा हा कर छूटे हो मोहन आज अब हो
बहोर वही ठङ्ग लीने ।
हा हा इतने हो से भूल गये हो निपट चतुर प्रवीने ॥
हा हा ये होरी तो हों न बन्दगी मारी गरा हो
सगरे महीने ।
ऐसे लङ्गर तुम कबके भये हो अति हो सदा रङ्गभोने ॥

जलद—तिताला

हुसन तमाशे का ईजाद ये होरी को खिलवार ।
पिचकारी भर दस्त अजब सो शिर फेंटा कजदार ॥
वो है प्यारा हुसन उजारा काला है दिल दे अन्दार ।
नागरिया श्यामा साहवा का है फरमां बरदार ॥

षाहाना-जलद—तिताला

नन्दरायकी कंवर कन्हाई रोकटोक के नोक करे ।
सन्मुख आव तो मारी न माने विना सन्मुख यों
आन अरे ॥
विमतो तिय तो हा हा खाती तिय असुवन नयन भरे ।
खिरकी न खोलूं भंभरो न भांकूं तो यों फील
करे न टरे ॥
निकट गये ते लिपट जात है दूरते तानन प्राण हरे ।
कैसे बचूं छली ब्रजनिधि बली अली ये परो गरे ॥

काफी-जलद—तिताला

गोरी लटके दी चली यौवन दे बहार ।
कहर कदर कमर नाजूकपर सिर सटकारे बार ॥
मतवारो अंखियां जो निमानो करे नजर
वरछी दे धार ।
नागर नवल अजब महिरेठी मोहन दी चङ्गीयार ॥

सिंदूरा—धमार

आयो फाल्गुन मास री सजनी खेलींगी उघर
बनाय बनाय ।
केसरकी पिचकारी भरोंगी अबीर गुलाल
उड़ाय उड़ाय ॥

गोरी हो गोकुल ग्राम न बसिये जो लों होरी
फाल्गुन मास ।
बाहर जाऊं दुर्जन लोक चवैया घरमें वैरन सास ॥
खेलों तो पिया सङ्ग खेलों हिय में अधिक
हुलास ।

रहो लाज वलिहार जाओ क्यों न श्याम
मिलनकी आस ॥
बरारी काफ़ी—धमार

तू जो न बोले रो देन दे वाहे गारी ।
है लवारजी भार जगत्को तुम हो सुलक्षण
नागरी नारी ॥
वाके मनभावे सो ही गावे तुम कहा करि हो
लाजकी मारी ।
या होरी में कौन विगोई कृष्णजोव
लक्ष्मीराम जञ्जारी ॥

काफ़ी—जलद—तिताला

मनमोहन रिभवार रो तेरे तयन सलाने ।
तू अलवेली आन ग्रामकी अब ही आई गोने ॥
अबकी होरी तेरे वगरमें केतिक केतिक होने ।
सन्त सखी या गोकुल वसके नयन निभायो कोने ॥

भटको मेरो चौर मुरारी ।
गागर रङ्ग शोर्षते भटको विसर मुर गई सारी ॥
कुटी अलक कुण्डल ते उरभो भड़ गई कोर किनारी ।
मनमोहन रसिक नागर भए हो अनोखे खिलारी ।
मौरा के प्रभु गिरिधर नागर चरणकमल शिरधारी ॥

मोरी चुनर भोजी मैं रे भिजोऊंगी पाग ।
नन्दमहरजी को कुंवर कहैया जान न देखंगी
मैं आज ॥

फैंट पकरके फगुआ ल्यांगी मुख मोड़ींगी ब्रजरज ।
मौरा के प्रभु गिरिधर नागर सदा रहो सिरताज ॥

काफ़ी—एकताला

होरी किन वदियां लाजन मारी रे ।
अङ्गिया दरक गई अनवादी मर पिचकारी डारो रे ॥
देखत निकट परोसन घरकी तैसी दोन्हीं गारी रे ।
गन्दबन्दन वलिहार वगर में हा हा पांय परों हीं
हारी रे ॥

सोहनी—धमार

भोजो मैं तो रङ्ग में सखी रो आज वनवारी रङ्गीले
कान्हरके सङ्ग में ।
हों यमुना जल भरन जात थी सब सखियनके
सङ्ग में ॥

बहियां पकर मोहे रङ्ग में भिजोई अबीर
मलो अङ्ग में ।
कोज यावत कोज रोभ रिभावत कोज तान
लेत है टङ्ग में ।

कृष्णानन्द आनन्द में खेलत कोज चलन न
पावत मङ्ग में ॥

समभ गारी दे रे कहैया रे मानो मेरो बलभैया ।
गारी देवे जिह्वा बिगारै ऐसी चतुर ब्रजनारी दैया ॥
हों तो तिहारो लाज करत हों और करो तेरी
चाह सुसैया ।

हों यमुना जल भरन जात थी बहियां पकर
भकभोरौ ग्वैया ॥
राधामाधव होरी खेले चिरञ्जीवो यह जोरी कहैया ।
हा हा करत हों घट्टयां परत हों मानो विनती
दधिके चखैया ।

कृष्णानन्द आनन्द करो तुम श्रीगोकुलके वसैया ॥

आली मेरे भाग्य जागी रो सो लालन होरी खेलन
मेरे आए ।

चीवा चन्दन अबीर अरगजा केसर रङ्ग वरसाए ॥
अतर गुलाल और भोंड़ल चमके केसर रङ्ग भरलाए ।

हतो आशा सो सब विधि पूजो मनइच्छा फल पाए ।
हीरो में खेलों अपने पियासङ्ग कन्त सुहाग लगाए ॥

४

आए मोसों हीरो खेलनको सखी कंवर व्रजराज ।
ले गुलाल मुख मीड़ सबनको नेक न करत है लाज ॥
पिचकारी भर मारत सब पर ऐसे ढोठ मझाराज ।
पिचकारी भर मारत सबन पै कठिन करत है लाज ॥
डफ मृदङ्ग श्री वांसरो घर घरते ले दौरौ भाज ।
ऐसो लङ्गर समभक्त नाहीं ढोठन को सिरताज ॥

५

मला मैं कैसे दुहं यह गोरस मेरे करते छूटो
जात दोहनी ।

निरखत ना नाथदारे मेरे आगे ठाढ़ी बजावत
नीको तानसों सोहनी ॥

रूप रङ्गकी कही न परत मोसों बतियां
करत ठगोहनी ।

श्यामसुन्दर बश कियो मेरो मन बांको चितवनमें
है मोहनी ॥

६

मो भुक आवन लागे हो प्यारे तुम होरोके
दिननमें प्यार ।

जो तुम जिय धरी सो हम समझो इन भांतनकी
हम नहीं नार ।

कण्ठरसिक मन समुझ बूझके राखी मनमें विचार ॥

७

लङ्गर लंगराई न कर रे हमो सन आय आय
अठिलात ।

डगर चलत नहीं देत लेत गह गागर नागर
बोले वचन इतरात ॥

जब तुम पकर पावत हो तरुणी तिय दशन उधारी
दे दे हा हा खात ।

जानकीदास छूट जात श्याम तब ककु लाज तजो
मटक मटक सुसकात ॥

ए री आज व्रजमें कान्हर श्यामने देखो फागुकी
धूम मचारि ।
भांभ मृदङ्ग कठतार डमरु डफ तापर वीण बजाई ॥
नर नारिनको मोह लियो मन एसो है सुवर कन्हाई ।
गोपी ग्वार सङ्ग लिए नृत्य करत है चल तो हे
राम दुहाई ॥

८

अङ्गिया रङ्ग मर डारो हीरोके खेलैया खेल मोरो ।
बातनके मिश हंस हंस भुजा भर भला वो मोरो ले
चूनर रङ्ग बोरी ।
चन्दन वन्दन बुका रोरो ले गुलाल मुख
अबोर मलो री ॥

९

ए री जोरो हीरोके मिश कौनों देया मोरो नरम
कलैया सद्दयां तोर डारो ।

रङ्गकी कमोरी ठोरी सरस कञ्चुकी तारी अब तोहे
लाज ह न आवे मुख देत है गारो ॥

केसर पिचकारी मारी गुलाल भर मुख पै डारो
हा हा करत हारो लङ्गर वनवारी ।

मोह लौनों व्रजकी नारो देया सखो पांथ परी
लौनों वलिहारो ॥

११

थोरे रे दिननको नवल दुलहैया नव यौवन नव रङ्ग ।
नव मृङ्गार नव आभूषण नवल पीतमके सङ्ग ।

रसिक रङ्गरस वश कर लिए जब जिय उठत उमङ्ग ॥

१२

हो मत डारो रङ्ग गिरिधारी ।
निर्दय तोहे दया ह न आवे भोजे पञ्चरङ्ग सारी ॥
हा हा करत हं पद्दयां परत हं मानो अरज हमारो ।
जानकीदास प्रभु एसो न कीजे सास सुने ननदल
दे गारो ॥

१३

आज मैं नवल मोहन प्रिय पायो ।
नव वसन नव गुलाल केसर रङ्ग नवल ही
होरी राग जमायो ॥

१४

ब्रजमध्य होरी देखे सखी चल सुघर श्यामकी चोरी ।
केसर रङ्ग पिचकारी ले भर अबीर गुलालकी भोरी ॥
डफ मृदङ्ग लिए नाचत आवत नन्दकुंवर श्रीकिशोरी ।
फगुवा देखत कैसे बनेगो बोरत है वरजोरी ॥

१५

वो होरीके खेलैया मेरी अङ्गिया रङ्ग भर डारी ।
चोवा रे चन्दम और अरगजा केसरकी पिचकारी
मो पर डारी ।
कृष्णानन्द अनोखो छेला मोहन कुञ्जविहारी ॥

१६

मेरे कियो कहा होत है वाके किये सब होत है रङ्ग ।
जो होली सो होली अब साहबसो मिलनको
कर डङ्ग ॥
गुलाल कीना फरमानी कौन्हीं यह अबीर तन सङ्ग ।
अपने साईं सो विनती कर तू छूट लाय देख
सब अङ्ग ॥

१७

कैसे तनियां कसन पाऊं सखी री रङ्ग भर लिए
पिचकारी ।
बहियां मरोरत धर भूक भोरत और करे वरजोरी ॥

१८

रङ्गी में रङ्ग सखी री आज रङ्गीले कृष्णसङ्ग धन धम
मेरे भाग ।
लाल गुलाल ले मलो मुख मेरे खेलें मोहन
मोसे फाग ॥
धन्य दिवस धन्य घरी पल सजनी धन्य धन्य है जो
सुहाग ।

कृष्णरसिक प्रभु मेरे गृह आए होरी खेल अनुराग ॥

१९

नन्दके नन्दन पे कीउ चलत न पावत गैल ।
ग्वालबाल सब सखासङ्ग लिए बने फिरत हैं खेल ॥
एक तो यौवन दूजे मस्त महीना करत फिरत है फूल ।
कृष्णरसिक ले धूम मचाई यह गोकुल की मे हैल ॥

सुलतानी—यत्

टाना टामल कछु नाहीं जानं मैं तो राजदुलारी है ।
नए यदुलात में कुल उजियारी मैं अपने सो को
प्यारी है ॥

पिया मेरा मैं पियकी सजनी पियके रङ्ग रङ्ग डारी है ।
इशक रङ्ग में रङ्ग रही हूं तनमन धन वलिहारो है ॥

काफी—यत्

जिन निकसो कोऊ आज डगर होरी खेलत
श्याम कन्हैया ।

बीणा रबाव भांभ डफ बाजे जलतरङ्ग मुरली
सहनैया ॥

ग्वालबाल मदमाते आवत पिचकारिन मारत
भर भर गावत नाचत दे घुमरैया ।
वा दिकते ज्यों अचानक आई मो पर
दृष्टि परे री बलभैया ।
भपट करी ठाढ़ी सखियन में छीन लयो मेरो
दुग्ध दहैया ॥

२

मुख मलो अबीर गुलाल अतर ।
वरजोरी तोरी तनी अङ्गिया विहस गदे लायो गहे
बहियां कोटि यत्न कर ॥
सोह देवाई दोऊ करजोर परी हूं पद्मयां बहु
विनती धारी कर कर ।

ब्रजवासी सब लोक पूरे है देत दोष मोहे लोग
लोगैया क्वि नायक जैसे हम देखे तैसे न देखे
काहू ठगैया सुध आवै कापो धर धर ॥

ककुभ—यत्

कोई प्रेमकी कोई प्रेमकी पैंग भलावो री ।

भुजाके खम्भ और प्रेमके रस से मन महबूब
भुलावो री ॥

उमगी यौवनकी पेंग सोहावनो मन में अलस
न लावो री ।

सूहा चोला पहन अमोला पी घट पीको रिभावो री ॥
आवत आवत सुरतकी राह में फ़िकर पियाकी
सुनावो री ।

नयनन बादरकी भर लावो श्याम घटा उर छावो री ॥
कहे कबीर शूनो भाई साधो हरि को ध्यान
चित्त लावो री ॥

सरपरदा—तिताला

फाल्गुन में मान क्यों करत है बीरी खेल तू
अपने पियाके सङ्ग ।
ज्ञानकी रङ्ग ध्यान पिचकारी मनमोहनके अङ्ग रङ्ग ॥
वीती जात बहार चारि दिनकी बहोर न पैहे
मनकी उमङ्ग ।

कृष्णानन्द आनन्द मग्न होय नाचत गावत रागरङ्ग ॥

घट—तिताला

रङ्गभरी रसभरी रूपभरी प्यारी होरी खेलन
आई गोरी री ।

नवल किशोरी भोरी नन्दकी पोरी अबीर लिए
भर भोरी री ॥

यौवन भरो गुण भरो लाज भरो पिचकारिन
भङ्गभोरी री ।

सरस रङ्गरस वश कर लीन्हें भौंह मरोर टुगजोरी री ॥

रङ्ग रङ्गी ब्रजवासिन सो मिलि होरी रङ्ग मचावे हो ।
चलो धार वृषभानु रायके अपनी जीत बनावे हो ॥
बनठन साज रङ्ग पिचकाई फाल्गुन गौत सुहावे हो ।
डफ मोहचङ्ग भांभ अरु भालर अद्भुत रङ्ग
जमावे हो ॥

जो भावे सो करे सबन सो समाधान को जावे हो ।

सरसरङ्ग सुखमें हैं दोज दिश सबहितके
सुख पावे हो ॥

भैरवी—यत्

या ब्रजमें रस होरो सुहाई नरनारिन सुख हो
रह्यो मारी ।

लङ्गर कान्हा वगर में चलत तेरो रङ्गन मार
भिजोई सारी ॥

इत खेलत कोज कान न मानत देखी अनोखे
कैल खेलारो ।

वंशौवट कुञ्जन सुख विलसत सरस रङ्ग पिय
गिरिवरधारी ॥

भरवी—जङ्गला

मनमोहन ब्रजवीथन ठाड़ो होरीको धूम मचावो री ।
रङ्गभरे गुलाल कुम्कुमा भर सुठो अबोर उड़ावो री ॥

भेटो भुजन मुख रोरो मौजत अङ्ग अनङ्ग बढ़ावो री ।
सरसरङ्ग रस करे निसङ्गन पिया प्रीति उर लावो री ॥

ईमनकल्याण—धमार

होरी खेलत कुञ्जगलिन में रसभरे कैला कुंवर
कन्हैया ।

पनघट घाट रोक मार्ग ठाड़ो घुंघट देत उधारे सैया ॥
फाल्गुन मास करे वरजोरी जित तित धूम मचावे
श्वैया ।

सरसरङ्ग रस लेत निसङ्गन वृन्दा-विपिन
कुङ्कुट्टम कैया ॥

सरस रस भावन वसन्त ऋतु आवन मनोज
प्रगटावन ए जू सोहाई ।

ऋतुराज कुसुमद्रुम सुहावन कोकिल सुर गावन
तरसावन विरहन को धाई ॥

विन मनमोहन कहु न सुहावे न भावे विरह सताई ।
सरसरङ्ग होरी में मिलावे ताके वलि वलि जाई ॥

भैरवी—काफ़ी—यत्

रसिक कैल नन्दजीको कोहरा मार गयो किं रङ्गी
मेरी श्वैया ।

यह होरी वरजोरी की अवसर माने न काङ्गको
कह्यो मोरी दैया ॥

कहा करुं ककु वश नहीं मेरो करत है अपन
चछो री गुसैया ।
सरस रङ्गरस भोज रह्यो हीं सब सुख तन लछो
कुञ्ज ठैया ॥

जङ्गला—यत्

सखी यह फागुन में पिया अज हं नहीं आयो री ।
वीतो जात बहार होरोकी विरहने मदन जगायो री ॥
जबते गए पिया भए वांही के किन सोतन
विलमायो री ।
रसिक मोहन कोज आन मिलावो यही ध्यान
उर लायो री ॥

२

मनमोहन मेरे घर आयो री सखो रङ्ग रङ्ग में री ।
कुच गड़वा और यौवन मोर ले वसन्त बनाय
अङ्ग ए री ॥
तनमन धब सब अर्पण कर के चरण-कमल रङ्ग दे री ।
धन्य मेरे भाग्य सुहाग आज दिन कृष्णानन्द
उमङ्ग हे री ॥

पौल—यत्

ऐसो रङ्ग डारो मोरो गुइयां सइयांके रङ्ग में
रङ्ग रह री ।
पिया हमारा मैं पियाकी सजनो एक ही रङ्ग बह री ॥
उनमें हममें ककु भेद नाहीं अई अङ्ग लहरौ ।
अङ्गानन्द आनन्द में रङ्गके एक ही रूप ठहरौ ॥

भैरवी—यत्

कैसे खेलो कन्हैया कुच मुख मोड़त भिजाबत तनैया ।
लपटत भपटत दपटत छतियां बडियां धकार
रङ्ग रेलो कन्हैया ॥
अपनी बारी भज जात है छल बल कर बलभैया ।
वरज रह्यो वरजो नाहीं मानत कृष्णारसिक रिभैया ॥

रवी—सिन्धु

फागुन वीतो जात सखी री क्वों नहीं खेलो फाग ।
भाग्यनसे फागुन पिय पावो जागे तेरे भाग ॥

बहुत दिनन तें दाव लग्यो है धन्य धन्य तेरो सुहाग ।
कृष्णानन्द चार दिन होरो सइयांके गर लाग ॥
पूर्वी—धमार

रङ्ग न रङ्ग रङ्गे है विहारो लाल गोवर्द्धनधारो ।
ग्वालबाल सब सङ्ग सखा लिए और सकल ब्रजनारो ॥
बाजत वोणा मृदङ्ग चङ्ग डफ भांभनको भनकारो ।
गोकुलेश प्रभु होरो खेले गावत दे दे तारो ॥
विहाग—धमार

होरो खेलत ब्रजकुञ्जन मइयां ।
नन्दकुंवर सङ्ग अतिरस बाढ़ो विहरत लाडली
कदमकी छइयां ॥
पौढ़नके समये के अवसर और कोउ न रछो
तिहि ठइयां ।
परस्पर रङ्ग रच्यो अति भारी सरसरङ्ग बलि बलि
तहां गइयां ॥

२

ब्रजमें होरो रङ्ग सुहाव ।
कुञ्ज महल यमुनातट सजनो प्यारो पियके मन भाव ॥
पौढ़नके समये के अवसर ललिता रङ्ग जमाव ।
चिरञ्जीव युगल यह जोरो सरस रङ्ग छवि छाव ॥
सरपरदा—धमार

होरो खेले ब्रज खेल विहारो राधा नागरी
सङ्ग लिए प्यारो ।
वैथिन धूम मचाई चहुं दिश रसिया अनीखे
खेल खेलारो ॥

रङ्ग गुलाल अबोर कुङ्कुमा डफ मुहचङ्ग
बज धनि भारी ।
सरसरङ्ग बाढ़्यो सब हिव मन देख दृगन
छवि पर मनोहारो ॥

पौल-भैरवी

या बातको सुख मान सखी री तोहे मान मनावन
मोहि पठाई ।
तू बड़ भाग्य रह्यो री प्यारो तोहि विहारो जू
नाहीं विसारो ॥

तो बिना हरिको रङ्ग नहीं है विधिना जो करी
तोहें मानमहा री ।

प्राणपियाकी तू जो प्यारी सरस रङ्ग रङ्गो वलिहारो ॥

षट्—यत्

गिरिधर पिय सङ्ग रङ्ग भर खेलत नवल कंवर
वृषभानु-किशोरी ।

अरगजा कुङ्कुमा रङ्ग रञ्जित कर मुख मण्डित
कियो हो गोरी ॥

पगड़ी कुड़ाय लेत गुलचान गाल देत अङ्ग भुज
भेंट हेत मुख मलवो री ।

रङ्गके खेलार रसरङ्ग रसिया फगुवा लियो
प्यारी नवल किशोरी ॥

केदारा—धमार

खेलत फाग सुहावनो माई रङ्गरस सरसावनो ।
श्रीवृन्दावन कालिन्दीतट पिय प्यारी मन-भावनो ॥
ताल तरङ्ग रङ्ग बहु उपजत सप्तस्वरन गीत गावनो ।
गोपिनके मण्डल मध्य राजत राग केदारो जमावनो ॥
गारिन गावत सब हिन मावत अपनी जौत बनावनो ।
फाग खेल ब्रज रङ्गरस रेलन सरसरङ्ग छवि छावनो ॥

काफ़ी—धमार

मति डारो श्याम मुख बोरो मेरे आखन रङ्ग भरो री ।
ऐसे रङ्ग दियो पिचकारिन भोजि गई चुनरी कोरी ॥
अतर गुलाब भरे कञ्चुकी पट कुङ्कुम चुभि गड़ी
तन भोरी ।

चलो री सखी अब अपने घर को खेले ऐसी होरी ॥
ऐसे निठुर ककु दर्द न जानत श्याम चतुर हस बोरी ।
रूठि चली सब नागरी राधे श्याम फिरत कर जोरी ॥
नयनन सैन दियो सब सुन्दरो घर लियो वरजोरी ।
कोज पोताम्बर छोरत मुरलौ कोज अबीर भरे
भर भोरी ॥

मई है लटापटी चीरा चुनरो खेल छबोले गोरी ।
लेत उचङ्ग उचङ्ग सबे मिलि अनो अनो जीरो ।
श्रीपति रूप कहां लागि वरनो लक्ष्मोपति मति घोरी ॥

काफ़ी—यत्

होरी खेलत नन्दकुमार यमुनाके तीरमें ।
सङ्ग गोपाल सखा ब्रजनागरी नाचत नटवर
विविध भोरमें ॥

बनि बनि बनि वनचर पशु खग मृग करत कलोल
घोल तरु तीरमें ।

गाय बजाय ताल दे दे कर घरि घरि घावत
धसत नोरमें ।

प्रथम वसन्त दिवस लक्ष्मोपति ऋतुपति घर घर
पूजत होरमें ॥

चलो देखन नन्ददुवार में होरो होय रही है ।
मोहन गोपसखा विच राजित मानो पूर्णशशि
उमंगि रही है ॥

गगन गहागहि होतु दुन्दुभो सुर नागरी स्वर
गाय रही है ।
अतर गुलाब अबीर अरगजा गागर नागर घोर
रही है ।

लक्ष्मोपति ऋतुराज गुणोजन कनक कलस भरि
पूजि रही है ॥

हां हां हां मोहे नित्य अपना सङ्ग दे रे जगमें
नहीं कोई सङ्गी हमारा ।
अपने चोखे रङ्ग प्यारे सो तन मन मोरा रङ्ग दे रे
एसो रङ्ग है कौन विधारा ॥

जासों प्रेम भक्ति बनि आवे सोई सकत मोरे
अङ्ग दे रे भक्ति विना कर है निस्तारा ।
मायामोह कुड़ाय दे जो सो नोके साधनके ढङ्ग दे रे
अवमुणसे करूं तोकों न्यारा ।

जो मांगे ते पाये साहब सो काजम हमझ को
मांग दे रे जासो न कुटे वाको दुवारा ॥

ए हो हम ही सो राखे बिगार अक्की सब ही
बो बोलीरौ ।

हमरी ओर कब हूँ गा निकसी सोई सबके घर
डोले रो ॥

जो ले प्रीति हमारी जचतु है तो ले जीको तोले रो ।
अन्त हमारे होके कन्ता जो ले न बोले तो ले रो ।
हमसे घूँघट राखे सुखपर काजिमसे नित्य खोले रो ॥

धनाश्री—यत्

छवीले रो रङ्गीले नयन रसभरे नाचत मुदित अनरे ।
खञ्जरीट मानो महामति दोऊ कैसे हूँ धीर न घेरे ॥
श्याम श्वेत राते रङ्ग रञ्जित मानो चित्त चितरे ।
कुम्भत दास प्रभु गोवर्द्धनधर श्याम शुभग तन हरे ॥

मेरी मन मोछो सांवरो अब घर ही मो पै रछो
न जाय ।

चपल तिरीछी भौहसों सर्वस्व हो मेरी लियो चुराय ॥
मारुँ ही गोरस ले निकसी हृन्दावन होरी मंभार ।
आय अचानक ओचक मटुकी वहाँ मेरी दीन्हीं डार ॥
गहि अज्जर मो सो यों कछो कौन हो तुम का
की नार ।

के बेरो या मार्ग गई दान हो हमारो डार ॥
कछुकी ओढ़नी वेग ही लीन्हीं बहुत कितियक मोल ।
तिलक खुभी के व्याज में परसे वह मेरे पात कफेल ॥
हंसि वीरो वर मुख दई श्रीवा हो मेरे मेली बांह ।
यह मिस मोहि वह ले चले गह्वर रो
अंधियारी मांह ॥

जिय ओरे मिस दानके बतियन में मेरे परसे पाई ।
करत वसीठी मिलनकी सन्मुख रो मेरे नयन
चलाई ॥

और कहां लागि वरणिये कह तब रो जोई
आवे लाज ।

जन त्रिलोक प्रभु सो रङ्गी देखो मेरे तनको साज ॥

होरीके खेलार भावत तोहि जान न देखीं ।
रङ्गभौने बागि घनि आए जागे माग्य हमारे नयनमें
सरि राखूं फगुवा लेहीं ॥

चोवा चन्दन और अरगजा केसर कलस नहे हों ।
अग्रस्वामी सो कहति स्वामीनी मिलि तन
ताप नसे हों ॥

काफ़ी—यत्

तुम चलहुं सबे मिल जाई खेलन होरिया ।
अपनी अपनी सुरङ्ग चूनरी मोतिन मांग भरोरिया ॥
थरहरात अधरन पर मोती अङ्गिया केसर बोरिया ।
चोवा चन्दन अगर कुडकुमा भरि भरि देत
कमोरिया ॥

अङ्ग सो अङ्ग गुलाल विराजे मली बनी यह जोरिया ।
केहरि लङ्क नितम्ब विराजत गज गड़ चाल
चलोरिया ॥

पिचकाई मोहन घर डारत विहंसो घूँघट मोरिया ।
बाजत ताल मृदङ्ग और डफ पढ़ि पढ़ि बोलत
बोलिया ॥

नयन आंजि मुख माड़ि श्यामको सब मिल करत
कलोरिया ।
सुरदास प्रभु सब सुख क्रीडत ब्रजकी खोरिया ॥

धनाश्री

हो होरीके खेलैया अहे नैक मोहड़ी माड़न दे हो ।
जो तुम चतुर खेलार कहावत अधरनकी रस ले हो ॥
गोरी गोरी बहियां हरी हरी चुरियां हियरा को
रस ले हो ।

चतुर-शिरोमणि सुरदास प्रभु फगुवा हमारो छीहो ॥

होरीके रङ्गीले लाल गिरिवरधर रङ्ग मचायो ।
केसर बहुत गुलाल अरगजा मदन वसन्त भिजायो ॥
ताल मृदङ्ग भांभ डफ वीणा होरी राग जमायो ।
शुनि निकसी गृह गृह ते सुन्दरी भावभागी
फल पायो ॥

आवति भावति गुरी न गावति रस भरि लाल
खिखायो ।
श्रीविठ्ठल गिरिधर युवतिन होरी ल्योहार मनायो ॥

दुमरी

रङ्ग न डारो गोरी भोजत चुनरिया ।
 पैयां परत हौं सोंह करत हौं रामलाल तुम
 नवल खेलेरिया ॥
 लपटि झपटि कर गहि रघुनन्दन मसल गुलाल
 लाल कर धरिया ।
 रामसखा नाय कहा कै न गए हंसि हंसि कहत
 सकल सहचरिया ॥

२

होरीके खेलैया मोरा नयन जनि भरो जू ।
 अरजु मान अवधेश लाडुले बार बार बरजोरी
 जन करो जू ॥
 अपनी बार ऐसे श्रीरन भरत कैसे ठाड़े रह्यो वाही
 ओर बहियां जनि धरो जू ।
 जनकराजलली कहत मधुर अली वन्दौंगी खेलैया
 जो पै आगे से ब टरो जू ॥

३

सांवरे अब न खेलौं तो सो होरी भेरी आखिन
 मेलो अबीर ।
 एते पै दै तारिन तारिन गावत वेणु बजाई कुलकी
 वानि न तजत कान्ह अलि आखिर जाति अहीर ॥
 नाहिन खेलन जानत मानत आप ही कान्हा खेलारी
 भौने चले आषत ही कान्हा काहकी हीर न पीर ।
 जाय कह्यो विश्वनाथ नन्द सो तेरो सुत इतरानो
 अब हमरो ब्रज वसिवो नाहीं न काज करे बल वीर ॥

४

लङ्गर मोहि काल हि गैल में दौन्हीं गनि गनि गारो ।
 दाव परो अब जान न पै हो लागी चहुं दिशि ग्वारो ॥
 रङ्ग मरि बनिता भेष बने है कुड़ि है दै दै तारो ।
 विश्वनाथ प्रभु अब न चलेगी तेरी तो यह कलवारी ॥

५

होरी खेलत राधानवल किशोर अब तो लाल तुम
 शुभग रङ्ग रङ्गे लेहु कामरौ बोर ।

चहत अहीर फागु सङ्ग खेलन भांतिन विविध निहोर ॥
 विश्वनाथ मुख लखहु आरसी राधाकी नहिं जार ।
 गोरी आवत लाला नन्दकिशोर मोर मुकुट दिए
 बन छवि छावत मुरकि लखत यहि वीर ॥
 अति सुन्दर मन हरे हि लेत है त्यजत लाज भव मोर ।
 विश्वनाथ लखि कको ही रहत है तन यही है
 चित्तचोर ॥

इति श्रीकृष्णानन्द व्यासदेव रागसागरोद्भव सङ्गीतरागकल्पद्रुमे वसन्त-
 समय जाना रागरागिणी रङ्गीली होली रङ्गीन
 गान सम्पूर्णः ।

—*—

श्रीकृष्णाय नमः

तथा होलीगान ।

भैरवी—चौताला

लालन भोर ही आए होरी खेलनको ग्वाल
 बाल लिए सङ्ग ।
 अबीर गुलाल केसर पिचकारी बाजत ताल मृदङ्ग ॥
 इत सखा उत सखी परस्पर छिरकत नाना रङ्ग ।
 राग विलास गावत फगुवा आनन्द बद्धत उमङ्ग ॥

२

लालन भदन सो मदन से मतवारी नयन सो
 लागत परम रसाल ।
 पञ्च रङ्ग पाग पिछोरी को रङ्ग बोरी भौंहे
 अलक में गुलाल ॥
 भोरे भंवर से भांवरी दैत भवन में कठिन कलिन
 त्यागे पाए निकाल ।
 शङ्कित से चकई के घर आए चकवा से प्रेमरङ्ग
 कीन्हीं निहाल ॥

३

रैन बिताय आए हो मोहन कहां जागे रङ्ग राग ।
 कौन त्रिया सङ्ग विलम्ब रहे हो होरी खेल
 कहां पागे ॥

तौतरात बतरात वैन झू न आवत आलस्य वश
अनुरागी ।

नादसेन मनके मतवारी से आए भाग्य हमारे जागी ॥

४

रैन विहाय गई भार भयो हारी कहां खेलै प्यारि ।
कौन नवल तिय पिय विलम्बाए गिनत वीति
मोहे सब निश तारे ॥

कहूँ गाज्जर कहूँ पौकलीक अधरन अञ्जन
माल महावर धारि ।
तानसेनके प्रभु तुम बहु नायक सांभके गए हो
सिधारे ॥

५

नयन रङ्गाय आए हो लालन या हारी को रात ।
सकुच सांवरि हित अपनेकी कहन न पाए बात ॥
कहूँ कहूँ लाग्यो गुलाल कपोलन ढीले बोलत
अतली जंभात ।

वलिहारो वा मोहनो घर कैसे आवन पाए कहो
ज कहो तुम प्रात ॥

मन अपने को सो कह न सकत एक बात ।
यतून यतून वलिहार करे कैसे आवन पाए प्रात ॥

भरवी—धमार

लाल अरसाने भार ही आए ।
कौन वाम हित सो परचाए सगरो रैन जगाए ॥
ढिग ढिग कज्जर फल रह्यो है जावक तिलक
लसाए ।
भपक रही वरनो अति सोहै मोहन अधिक सुहाए ॥

६

हारी खेलै प्यारी अबके या भांत सो लालनके सङ्ग ।
आप भोजी श्री उनके भिजावै लपटत पट दीज
लोजी अङ्ग ॥
मनमोहन को पकर वश कीजि फगुवा लोजी उमङ्ग ।
कृष्णानन्द सो फाग रचौंगो एक ही रङ्ग हं रङ्ग ॥

७

जे तिय ते सब ठाड़ो भई आप आप गड़वा बनाय
आगे धर दौने ।
महम्मद शाह दक्षिणके लक्षण क्षणकमें टोनासीं
मन वश कर लीने ॥

डफ वीणा मृदङ्ग रवात्र गावत तान नवौने ।
सदारङ्ग रङ्गन में भोजी बाल लाल सम लोने ॥

८

देखियत लालन जागे भाग्य हमारे आज रसभौने ।
कर वसन्त जिन सबकी ओर देखत ही कृपा ते
कर लिए सुगन्ध नवौने ॥
जे गर्व भरी तेज आय ठाड़ो भई सब अपने गड़वा
बनाय आगे धर दौने ।
सदारङ्ग महम्मद शाह दक्षिणके लक्षण समभे क्षण
एकमें टोना से मन वशकर लोने ॥

९

लङ्गर बटपार खेले हारो ।
बाट घाट कोऊ निकस न पावै पिचकारिन रङ्ग बोरौ ॥
मैं जु गई यमुना जल भरने गह मुख मीजो रारो ।
तानसेन प्रभु नन्दको ढोटा वरज्यो न मानत गोरौ ॥

१०

आज रसमातो हारी खेले लाल ।
तारी दै दै नाचत गावत सङ्ग ग्वाल व्रजवाला ॥
केसर रङ्गको छोट परो मुख मानो कविको जाल ।
नट नागर प्रभुको कवि अद्भुत निरखत भई निहाल ॥

११

अनटन नहीं कीजि आनो अपने वालम सो यह
फागुनके बौच ।
भाग्यकी रीति कहां जाने ग्वालन केतो कहो है
आखर जातकी नौच ॥

१२

आज सखी फाग आयो ऋतु वर्षा लिए सङ्ग ।
अबोर गुलालके बादर छाए वर्षन लागी रङ्ग ॥
भोड़ल चपला मृदङ्ग घन पिचकारो भर सङ्ग ।
कृष्ण रसिक फाग खेले बाढो है मन रङ्ग ॥

लगवार लगाए आवत हारो में ऐसो देखी
अनोखी नार ।

एक गावत एक मृदङ्ग बजावत एक नाचत
दे ताल धमार ॥

बांह पकड़ जब ठाढ़ी कौन्हीं का सो करीं
यह पुकार ।

रङ्गरस रसको धूम मची है द्वारि खड़े नन्दवार ॥

१०

ता पर तू करन लागो रो यह बात एक तो बांकी
कंथ लियो परचाय ।

मिलत न काङ्गको अपने आगे ऐसो तेरे हो
घर न्याय ॥

निशदिन हंसत बोलत डालत रहत तेरे ही गुण गाय ।
ऐसो तू क्या कौन्हीं सजनी रो डर पूजि तिहारि पाय ॥

११

बाजन लागे डफ होरो कानर नारो डारत है रङ्ग ।
वसन रतून सब पहर कर आर्द्र चतुर देखि नोको रङ्ग ॥

वीणा रबाब मृदङ्ग बजावत कर गहे कन्हैया •
सबके अङ्ग ।

चतुर नहीं देखे वरजौरो लगावत उनके अङ्ग ॥

१२

हो नादान गारो दर्ई अकेली पाय धरि वरजौरो
होरो कर ।

वश जाय परी हो हो होरो वलिहारो विहारो
तेरो सो मैं अबोर भर होरो पर ॥

१३

योगो रङ्ग है आज रङ्ग है योगो रङ्ग है तुम रङ्ग
भोजि शाद ।

बहु रूप बहु भेष तिहारि अन्नख जगावै अनाहत-नाद ॥

अङ्ग अङ्ग वस्त्र तान तार को अधर मिलो भभुताद ।

अबोर गुलाल को बुरको डारि होरो होरी सेज
सुवास चली चली लाद ॥

१४

अद्भुत मची फाग मोहन घर देखन चलो व्रजनार ।
अबोर गुलालके बादर छाए रङ्गको परत फुहार ॥

१५

मो पै वा विना रहो हो न जाय रो आलो कौन
करो मिलवे को उपाय ।

सुध न रही ककु तन मनको सखी जब तें दोन्हीं
मोहन मुरलीकी ध्वनि सुनाय ॥

उन को देखके लुभाय रही मन अटखो हरिसो जाय ।
जन्म जीवन फल तब हो जानौंगी जब वो

मिल है आय ।

आदि वसन्त अन्त फाल्गुन को याहो सोचन मोहै
दिन कटत जाय ॥

१६

प्रभु कैसी होरी मचा सब जग देखत गुलाल
रङ्ग से बादर ।

एके प्रगट भई छवि देखत उन का वला जानिको
कोज करन आदर ॥

उनही केसर रङ्ग डारियत जे सबहो मैनादर ।
अबके जो फाग जगत्में मची सदा रङ्गोले कादर ॥

१७

लङ्गरवा टोठ है मो सो करत है अनोखा बात ।
छाड़ और मग मेरे ही आवत ग्वार सखा ले सात ॥

१८

जागी सगरी रैन होरी खेलत पिय सङ्ग भार भए
उठि विधुरे बाल ।

मानो तरु बड़ डारन बीच चन्द्रको जात किरण
मानो दिनमणि लख्यो है गुलाल ॥

मानो श्याम डोरिन तें ठाढ़ी कञ्चनको पाल ।
यह छवि निशि निशि काम दृष्टि रोभत रहे नन्दबाल ॥

१९

अब धूम मची फाग मोहन घर देखन चलिये व्रजनारी ।
एक हाथ अबोर एक पिचकारी लिए एक नाचत

एक गावत दे दे तारो ॥

एक वीणा रबाब साज लिए एक करन कठतारो ।
कृष्णानन्द आनन्द सो खेलत फगुवा देत गिरिधारी ॥

२०

खेलन आए हीरो आज रस सो लालन मेरे घर एरो ।
नव नव वस्त्र पहरे और आभूषण नगन जड़ितके धरे
तेसो सुकमाला गरे ता ऊपर नीकी लागी वेरो ॥

२१

आवो री मिल देखो हीरो खिले प्यारो प्यारो
रासमन्दिरमें वर्षा समानो ।
उड़त अबीर घटा घिर आई पिचकारी भर भोडर
वक पंक्ति तामें झलकत नारी चपला ऐसी चमकत
मोहत सुरनर जानो ॥

ततओ वितत गरजन सम बाजत सुधर गायन ओ
पिक नित्यकारी चातक मयूरनके भेदन सो घुरत
निशानी ।

फागुनमें वर्षाऋतु उनई उमड़ सुमड़ वर्षत रङ्ग
कृष्णरसिक रङ्ग रस भर लाय मानो बुन्दन
वर्षत पानी ॥

२२

आज ब्रज भोर ही भैरव रागमें गावत हीरो खेलत
ब्रजनाथ ।

सप्त स्वरन इकईश मूर्च्छना लाग ठाढ़ लिए साथ ॥

२३

लालन लोच्ये ताल ललित स्वरनमें लाड़ली रोम्भे
प्राण प्यारो महारानी ।

सुरली अधर धर मधुर सप्तस्वर राग ठाठ मूर्च्छानी ॥

२४

ऐसी हीरो मचाई भोर ही मोहन मानो ऋतु
वर्षा भर लाई ।

उफ मृदङ्ग जानो घन गरजे है भोरल चपला
चमकाई ॥

२५

मोहन भोर ही रङ्ग रङ्गाए हीरो खेल रचाए ।

ज्वालमाल सब सखा सङ्ग लिए अबीर गुलाल उड़ाए ॥

नयन रङ्गाए नवल त्रिया सङ्ग अनूत ही हीरो मचाए ।
भोर ही आए हम पहंचानत नाहीं लाल ही
लाली लगाए ॥

२६

ता पर तुम सांच बोलत हो मोहन रात कहां
सारी रैन जग आए ।
सांभके वचन सांचे करनको भोर ही सुख देखलाए ॥

रामकली—धमार

वरमाने में खेलत हीरो श्रीदृषभानु किशोरो ।
कोइ चन्दन वन्दन अतर अग्ररजा ले अबीर गुलाल
लिए भर भोरो ॥
कोऊ गावत कोऊ मृदङ्ग बजावत धूम मचाई
नन्दरायकी पीरो ।
उत ते सखा सङ्ग लिए कृष्णप्रभु पिचकारिन
रङ्ग छोरत भारी रङ्ग रच्यो री ॥

२

आई मिल कर अब ही सहिलो खेल रच्यो नन्द द्वार ।
धाय पकर लिए नन्दलालको फगुवा लेन ब्रजनार ॥
काइ ने पीताम्बर पकरो है काइ सुरलिया लई
दे तार ।

अब कहां भाग जावो फगुवा ले हो तब जो चीर
हरे है सुरार ॥

३

लङ्गर लागो ही आवै यह फागुनमें नित नई
धूम मचावै ।

कही सुनी कहु मानत नाहिं न मेरो नाम ले ले
गारी गावै ॥

अगर वगर के लोगवा सुनत हैं सास ननदिया रिसावै ।
कहा कहीं मैं रसिक कृष्णको मोहे वर वश

गरवा लगावै ॥

४

फागुन मासमें धम मचाई ब्रजमें नरनारी बोराने ।

कोज काह की सुध नाहीं न सजनी अबीर गुलाल
उड़ानि ॥

कोज लपटत कोज भपटत ले अङ्ग मरत कोज
पिचकारी रङ्ग छोरानि ।
कण्ठ ही रूप रङ्गे ब्रजके जन मानो मेघ चढ़ो
घोराने ॥

५

रामकली देखी फूलो वन घनमें चले हैं खेलन
वसन्त हीरो ।
लक्ष्मण भरत शत्रुहन सङ्ग लीन्हें केशरकी
पिचकारी छारी ॥

सौता लु सङ्ग लई सब सखियां श्रुतकीर्ति
उर्मिला माण्डवी दुह और भारी रङ्ग रचो रो ।
तुलसी यह रघुनन्द फाग मचो है श्रीदशरथराज
जूके बारे उत जीतो है जनककिशोरी ॥

६

आए हो रङ्गभरे लालन हीरो खेलन सो सो
औरनके चिह्न लिए ।
अधरन अञ्जन मुख तंबोल की को लागत ऋतु किये ॥

७

पट दे दे लै ले सुख नयनन फगुवा मांगत
सुख गाय गाय ।

मिलन बनो नन्दलाल लाल सो हीरो अवसर
पाय पाय ॥

त्वजी लाज गुरुजन दुर्जम की तिया मैक न
सकुचाय चाय ।

जे मच धरो रली रङ्ग बतियां ते सब करत मन
भाय धाय ॥

८

भूम सब आईं गोपी लिपट रहे नन्दलाल ।
मानो श्याम घन में चपलागत यों राजत ब्रजवाल ॥
अञ्जन आज मांड मुख रोरो दे गुलचा और
ऐंचत गाल ।

चतुर खेलार नवल धैर्य प्रभु कर पाए है ख्याल ॥

९

तू तो ए रो प्रीतिकी रीति न जाने गंवार ।
जा सो मन लगाइये ता सो और निभाइये नार ॥
वे मनमोहन सोहन सजनी बहुत हैं रिभवार ।
एतो मान काहे करत है आलो उठ चल
हरि हि निहार ।

कण्ठानन्द आनन्द में विहरत सुन्दर रूप बहार ॥

१०

धूम मचाई मोहन ब्रज में अब कैसे मान रहैगो ।
अबीर गुलाल केशर पिचकारी डारत अनेक रङ्ग
बहैगो ॥

११

दम्पती खेलत हीरो महल में शोभा वरनी न जाय ।
सकुच छाड़ अङ्ग अङ्ग लपटाने सरस माते दोज
राजबहादुर फगुवा सुघर मचाय ॥

१२

या ब्रजमें धूम मचाई खेलत हीरो ।
हों सकुचत हों जान न पाऊं पनिया मरन की रो ।
कण्ठारसिक रसरङ्गन वीरत अद्भुत ख्याल रचो रो ॥

१३

चतुर अधिक खेलार नार नयनन मध्य पिय सो
खेलत हीरो ।

खेत अबोर गुलाल से डोरे वितवन में सब
रङ्ग भरो रो ॥

डफ पुतरी पै चाटी पलक की भपक लगावत
ले समसोरी ।

नाचत कटाञ्चन भाव बतावत रिभावत ललना
लालन को रो ॥

रामकली—धमार

भोर ही श्याम तें कहा खेलो हीरो नोधि सो हीरो ।
चटपट नयन सो नयन मिलतहो भटपट पीत
पगो रो ॥

वे तो चतुर खेलार कन्हैया तुम बडु गुणी हम
निर्गुणी भोरो ।

वतरस उपजात हसन कचिरस सुनात श्रवण
नासा री रङ्गरस में भोजी री ॥

टोड़ी—धमार

ए होरी खेली सखी री रङ्गराग साजवाज सों ।
ऐसी होरी में फाग मचावो फगुवा ली रघुराज सों ॥
चन्दन वन्दन बुक्का रीली अबीर गुलाल समाज सों ।
कृष्णानन्द सो रङ्ग भर लाजं खोल घूंघट जो
लाज सों ॥

मुलतानी—धमार

आली री कैसी यह होरो पिया मोहे चैन न देत ।
अञ्चर मोरा मुख मोड़त है मिसही मिस रस लेत ॥

धनायी—धमार

माई री कैसे बसिये वाहु नगरमें होरो खेलत वगरमें ।
चोर मुसे कोतवाल हंसै डर नहीं नगरमें ॥
एक ही रङ्ग में रङ्गे हैं पुरजन नेक न शङ्का सगरमें ।
रसिक सनेहो मानत नाही बड़ा ठिठाई लङ्गरमें ॥

पूर्वी—धमार

काहे री तोहे लाज न आवे री बार बार तू आवे ।
ऐड़ी डोले मदको माती नयन सैन नचावे ॥
बिना ही कहे तुम नाचत गावत नाना रङ्ग उपजावे ।
रसिक कृष्णको रस वश कर लोन्हों तो ही को
नित्य चावे ॥

अलैया—धमार

कैसे भरन जाजं पनिया मा ए निपट अचपल
खिले सांवरो ।
काह सो लरत और भगरत काह सो ऐसे होरीमें
मयो बावरो ॥
कही सुनी काहकी न माने ऐसे ठोठ खेल उमावरो ।
डगर वगर चलन न देत है ठोठ भयो ठोटा
गोकुल गांवरो ।
कृष्णानन्द आनन्द में डोलत नन्दमहर को है
जुड़ावरो ॥

अलैया—धत्

लाल जू पार्थ अकेली नवेली नारी सुघर रङ्ग गोरी ।

हमरे सङ्गको दूर निकस गई मोसे कौन्हों वरजोरो ॥
बाट घाट मग रोकत टोकत दधि विशार मोरो
मटकी फोरी ।

कृष्णानन्द कैसे निकसन पड़ है जो ब्रज आवत
सोई रङ्ग बोरो ॥

विभास—धमार

चौंक परी गोरी होरी में श्याम अचानक
वांह गही री ।
समर कुड़ाय रिसाय चढ़ो भुवि अनख अधर ककु
बात कही री ॥

चितै चितै रसके वसके कसके भुजमें रसरास लही री ।
जय श्री कुञ्जलाल कवि लाल जाल कवि स्थाल
रिसाले देख रहो री ॥

भैरव—धमार

लाल रसमाती खेलै हो ही हो कर होरो ।
इत गोकुल उत मथुरा नगरो इत चन्द्र उत अजोरी ॥
ग्वालबाल सखा सब लिए उत ललितादि किशोरी ।
कृष्णरसिक अवलोकत है कवि पिया
प्रीतमको जोरी ॥

विभास—धमार

वे भासत तेरे तनमें मोहन नवल तिया जिन
रैन जगाए ।
विवश भए भोर ही आए सारी रैन जगाए ॥

२

छाड़ देह सुरारी तेरो अटपटी बात पियारो ।
हम आगे तुम भूठ कहत हो नवल तिया वलिहारो ॥

३

चकई चुहचुहात भोर ही मेरे आत तमचर
बोलत दियो है दरस ।
रैनके उनीदे तोतरात नयन मूंदे सानो
बौत गए वरस ॥

४

तुम कौन हो जु होरो खेल कहाति आए वसन
रङ्गीले रङ्गाए ।

पहंचानत हम नाहीं न तुमको अबीर गुलाल
लघटाए ॥

५

नव कुञ्जन प्यारी सो भोर भए हरि होरी
खेलत आए ।

धन्य धन्य प्यारी धन्य प्यारि हो तुम धन्य धन्य
धमारमें विभास गए ॥

विभास—चौताल

भाज तो छवीलो लाल प्रात ही खेलन चख्यो
सखा सङ्ग लाय लिये गारो गावे गायके ।

खिलत खेलत वृषभानु जूको पौरी आए हो हो
होरी बोले प्यारि मन भायके ॥

छवीलो रच्यो उपाय श्यामकी लीन्हा बुलाय मैयाकी
दृष्टि बचाय लोन्हें उर लायके ।

अरस परस दोऊ महा रसभौने सहचरो सुख पावे
रसिक सुख लायके ॥

विभास—धमार

खेलावन आवेंगो ब्रजनारी ।

जागो लाल चिरिया बोली कहै यशोमति महतारी ॥

ओख्यो दुग्ध पान करि मोहन वेग करो स्नान
गोपाल ।

करि शृङ्गार नवल वानिक बन फेंटनि भरो गुलाल ॥

बलदाऊ ले सङ्ग सखा सब खेलो अपने द्वार ।

कुम्कुम चन्दन चौवा छिरको घसि मृगमद घनसार ॥

लेकन हेर सुनो मेरे मोहन गावत आवे गारी ।

ब्रजपति तब हिं चौक उठि बैठे कित मेरी पिचकारी ॥

२

चिरिया चुच्चुहात भोर ही तात होरी खेलन
आए मेरे प्रात ।

डग मगात पग धरणी धरत हो श्याम सलोने गात ॥

कहा इतरात उत रात वीती जात नवल तियाके
सङ्ग खेली रात ।

कृष्णानन्द तुम सांचो कहो तुम कहाँ जागे
मोहे कहो बात ॥

२

जान दे हो वनवारो मेरो अङ्गिया रङ्ग भर डारो ।

देखत हैं गुरुजन पुरजन मानो बात हमारो ॥

काहे को पकरत हो मनमोहन काहे मारत
पिचकारी ।

एक डर है मोहे सास ननदको मानो

कृष्णरसिक विहारी ॥

ललित—धमार

हों तोको कौन सोख दे हों रो नागर ।

तू तो होरो में अत छिन छिन में रिगसावे

उनके मनही में सब रसगुणके आगर ॥

अब तुम मान गहे राखो सखो ए रिभए प्रेमसागर ।

अबके सुहृद्द शाह कोऊ मनाय ले आवे तो

महंगी रो कची गागर ॥

२

मदमाते हो लालन खेलन आए रो मेरे धाम ।

नौकी वान कबहं नाहीं पहनाऊं ता पर

मुक्तनकी दाम ॥

३

हों तो हाथ विक्रानो लालके जो भावे सो कहो ।

तन मन धन सब तुम ही को दोहो जो हानी सो

होय चहो ॥

४

मदमाते आए होरीके कहै नहीं सकुच दृग

खञ्जनमें ।

खल विचल हो रहे मैं नयन पान ते अधर मर

रहे रेख खञ्जनमें ॥

दृग लोचन लाल लाल हो रहे तिहारे अति

प्रेम रञ्जनमें ।

ऐसे हो आए कहाँति लालन तुम जमर में भ्रमर

खञ्जनमें ॥

५

हों गोरस बेचन जाय ना सकौं मोच ठाढ़ी

कृष्ण श्याम खेली हो होरो ।

मदमाते छके बक बक सब देत गार ता पर रोकत
टोकत भकभोरत बांह वरजीरो ॥

६

नयन पिचकारी प्रेम रङ्ग भर भरके सैननहं
तक मारी ।

कुच कुङ्कुमा गुलालन हाथतके हरवा डारत
गरे प्यारी ॥

गोद अबीर नयननसे कज्जर मांग टीको हितकारो ।
लाल कपाल सो होरी खेल ले पाए चतुर खेलारो ॥

७

सहज नहीं कंबर श्याम जू अब क्यों पूछत घर मेरो ।
यह तिहारे जियमें रहत है मिलवेको मन तेरो ॥
धूम धाम फागुन की या ते सब जग लोग अजान ।
समझ जावो जया अपने याते वसियो मो टिग आन ॥

८

आज आली होरी खेलतकी मान न कोजे
परम पियारी ।

सुख तानन नौके होरी गावत गुलाल उड़ावत
ब्रजयुवतिनके सङ्ग बनवारो ॥

९

साजन विरह वियोग खेलत है नयनन मध्य
विरहन होरी ।

श्वेत अबीर गुलाल मिली चितवन में सब
रङ्ग भरो रो ॥

सियरी सास मनो पिचकारी आह कड़ाड़ होय
मांझ धरो रो ।

तनकी चिता जगाय चित्र गह मदन अग्नि निज
जराय दयो रो ॥

१०

धूमधाम फान में याते सब लग लो आन ।
ससुभावत सब सखियां ऐसे वसियो मोटिग
वसियो प्रान ॥

११

आज रङ्गभीने दम्पती मिल खेलत नौके रहस
रहस ही होरी ।

ज्यों ज्यों खेलत त्यों त्यों रोभत सङ्ग मब सांधरे ले
और गोरी ॥

१२

यह कौतुक देखिये रुचि सो मोहन ब्रज में रची फाग ।
एक उड़ावत अबीर गुलाल एक तारी दे दे
गावत राग ॥

१३

होरी खेले सब चायन गोपौ गोप गोरस रस माते ।
उफ मृदङ्ग और वंशो बजावत मनके कलोलन
सब आप आपमें रङ्गराते ॥

१४

कान्हा चञ्चल कैल चतुर चपला सो खेलत
हो ही होरी रे ।
अबीर गुलाल के बादर छाए रङ्गकी परतहु
फंहीरी रे ॥

१५

आयो होरी खेलनकी सखी सखा मिल सङ्ग लिए
उफ वीणाकी धंकार ।
अबीर गुलाल धुंध अति वाढी गावत बजावत
मृदङ्ग कठतार ॥

चहंओर ते नरनारी मिल गावै सब सखी दे दे तार ।
राजबहादुर युग युग जीवो कायम राखे करतार ॥

१६

सारी गोरी मग मध्य माधव पाग रङ्गमें रंगारे ।
सङ्गम धनो धन्य गोरी गोरी मधुर मधुर ध्वनि
राग मध्य रङ्ग सो धमारे ।
सो रङ्ग सो रङ्ग गगरी में धे धे गोरी सुरङ्ग सो
श्याम मध्य सिर सो पग सो पग सो रङ्गे सोधारे ॥

१७

अच्छे होरी ही नन्दनन्दन राधा खेले होरी ।
इत श्यामा उत श्याम मनोहर अबीर गुलाल
रङ्ग धोरी ॥

खलित—पद्यम

देखो देखो ब्रजकी वीथिन वीथिन खेलत है
हरि होरी ।

गीत विचित्र कोलाहल कीतुक सङ्ग सखा लख कोरी ॥
आई भूम भूम भुण्डन जुरि अगणित गोकुल गोरी ।
तिन में युवती कदम्ब-शिरोमणि राधा जु
नवल किशोरी ॥

छिरकत ग्वालबाल अबलन पर बुक्का वन्दन रोरी ।
अरुण आकाश देख सन्ध्या भ्रम मुनि मनसा
भई बोरी ॥
रपटत चरण कीच अरगजा केसर कुङ्कुम घोरी ।
कही न जात गदाधर प्रभु ककु बुद्धि बल मति
भई थोरी ॥

अर्था—धमार

एइत कहां नन्दके ठोटा खोल गांठ ककु दे रे दे ।
बाट घाट में बोली ठोली रार न कीजे प्रात कन्हैया
गरज परे तो दे रे दे ॥

बिना बोहनी तोहे जान न देहीं मोल तोल
ककु हे रे हे ।

विने जमाल गोपाल जीके प्रभुकी तिहारि दर्श
मोहे जी रे जी ॥

२

होरी खेल आई ते फाग पिया सो मोसों दुरावत
है अपने जियकी बात ।

सुरतके चिह्न दुरे न दुराए नयनन रहे कज्जर
और लसत नख शिख गात ॥

३

ए जू कालकी ग्वारन मेरो मन ले गई ।
सांभ भई अज हूं नहीं आई भूठो वचन दे गई ॥
कबहं कबहं परोसनके घर आवत आय देखो
है के गई ।

वा बिना तो सों कैसे खेलूं वे तो विरह को
बीज बे गई ॥

४

खेल मदमातो हो हो होरी बोले ।
हो निशङ्क वो अङ्क लगावै और घूघटपट खोले ॥
बातन घातन हंस हंसके आवत अपनी हो सब गोले ।
मोहन मुख निरखत रो आली चरी भई बिना मोले ॥

५

प री चल खेलन जइये सांवरि सो होरी ।
ऐसे समय बहोर नहीं पै है मेरो मान कही रो ॥
अबीर गुलाल कुङ्कुमा केसर भर पिचकारी
रङ्ग पीत पिछोरी ।
मोहनके गर लाय कर जोवनको फल लो रो ॥

६

होरी खेल न जाने भयो रो अनोखो खेल ।
कहा कइं ककु कहत न आवे रोकत है मोहे गेल ॥
रङ्ग भर भर और बातन घातन करत अटपटे फूल ।
मोहन मुख देखत सुध विसरी मिटी जगत्को मैल ॥

७

तारी डफ बाजत मोहन छवि छालत नाचत
गति सों आनन्द दे तार ।
बाजत ताल मृदङ्ग वीणा ध्वनि नेवरकी भंकार ॥
ग्वालबाल सब सखा सङ्ग ले भर मारो पिचकार ।
अदा रङ्ग ब्रज धूम मची है नन्दमहर दरवार ॥

८

आज तुम कैसे बन आए हो मेरे लाल ललोहे
नयन रैनके जागे ।
याही लक्षण कहे देत तुम्हारि होरोके रस पागे ॥
शीतल गात पेच लटकत पगिया के रङ्गभौने
तन सोहत वागे ।

जो तुम कौन्हीं सों सब जानत सकुच सोच रुच
होत हो मेरे आगे ॥
कहं कज्जर कहं पोकलीक है सबे चिह्न अनुरागे ।
महाराज स्वरूपचन्द्र पिय सुकर ले देखो अबौर
गुलाल अलक मुख लागे ॥

ए जू रङ्गके भौने मदमाते खेलत हो हो होरी ।
कर मध्य लिये सुरासुरया सुखते तान स्वरको बोरी ॥
अबीर गुलाल उड़ावत सब पै भर भर ले ले भोरी ।
ये कौतुक चल देखिये राजा उदित-नारायण
टिग ऐसे समोरी ॥

१०
डफको धंकार सङ्ग लिए व्रजकी विथिन डोरे ।
एकन को मुख कुचरुच सो मोड़त एकव को गह
बहियां रङ्गमें बोरे ॥

११
श्याम बजाई मुरलीकी ध्वनि सुनि मेरो मन बीरानो
सुध न रही मोरे तनमें ।
मटक पटक गज विसराई मटक रही बनमें ॥
लाज सकुच सब जियाति त्यागी कहा करो
फागुनमें ।

मेरे तो जियाको चैन न आवत घरना बाहरना
सोरी अङ्गनमें ॥

१२
ए हो नन्द को ढोटा तेरी लङ्गराई मोसे कही
न जाय ।
राज करो यह व्रजको बसवो ताघर सुख अति पाय ॥

१३
हमारो फगुवा दीजे नन्दके ढोटा नहीं तो हों
लरोगी भनर भनर ।
कौ सुख मोड़ोगी फेंट गड़े श्याम निडर निडर ॥

१४
ए रो कन्हैया होरी खेलन लागि व्रजमें धूम मचाई ।
बाट घाट भग रोकत टोकत मुरली फेर बजाई ॥

१५
कज्जर देहीं नयनको अब कैसे भजे नन्दलाल चु मोर ।
मोरी अति चटकीली कोनी है सोराबोर ॥

१६
अरे हां रे कन्हैया कहा मेरे वाछे परो है सैन दे
सुध न लेन दे ऐसो वेणु बजाई ।

लाज तजुंगी गांव कीरे राम राम दुहाई ।
विरह वियोगकी ध्वनि मोपै सुनि न जात अमसुनी
सुनाई ॥
सकल सभा सब सुनोरी कान दे कान्हकी मारो
निकसी जात हों सताई ॥

१७
अब कित जैहो भज नन्दलाल कज्जर देहों
नैनन कोर ।
चूनर मेरी अति चटकीली कोनी है सोराबोर ॥

१८
होरी कैसेके खेलिए आयो फागुन सङ्ग श्याम ।
सगरी सखी मिल बन बन ढूँढ़े लै लै कृष्णको नाम ॥
डफ मृदङ्ग लिए सङ्ग चलत है और करो यह काम ।
अबीर गुलाल अरगजा रङ्ग लेके घेरो नन्दको धाम ॥

१९
श्याम वलिहारी मुरली बजावत हो घारी ।
गोपी ग्वार मिल होरी हैं गावत कृष्ण देत हैं तारी ॥
एक गुलाल ले लाल मुख करत हों और लिए
पिचकारी ।
सगरी सखिनकों बोरे हों रङ्गमें गोकुलके गिरिधारी ॥

२०
मोहन गोपीजन सङ्ग मिल कर खेलत होरी हार ।
अधर धरे मुरली पीताम्बर कटिपट सोहै देखत
छवि सब नारी सुर नर सुनि मोहै वार ॥

२१
अब तहीं जैहों फागुनमें उत श्याम लियो मोहि
अङ्ग भरी ।

में ल कही काङ्गसे जियकी बालापनकी बात यह रो ॥
जब सुध आवत वा मुरलीको युग सम जात
मोहै एक घरो ।

यो यह दर्श प्रीति है सांची तो घर बैठे
मिलि है हरी ॥

२२

धूम मचाई ही मोहन कैसेके मान रहे गो ।
 अबीर गुलाल केसर पिचकारी डारत अनेक रङ्ग
 ठरे गो ॥
 कुङ्कुमकी चोटें जम परि हैं गारो गाय डफ
 सुघर घुरे गो ।
 डर लागत फागुनमें रसिकवर सन्मुख आय
 भपट धरे गो ॥

२२

अलीया किधर रङ्ग में रङ्गे हो भोर ही आए मेरे ।
 सांची को रङ्ग रसिक विहारी कहां सीखे ढंग
 अनेरे ॥
 तुनरात बतियां मुख उधरत नयन वेन
 मुख कहत है टेरे ।
 रसिक भ्रमर घर घर ही डालत कहां रङ्ग
 रङ्गे रङ्गे रे ॥

विलावल—धमार

बेला वर बौत मई भोर मई अजहं न सुध लई ।
 सगरो निशा मार्ग जोवत भई फाग खेलनकी
 चर्चा मई ॥
 किन दुतियम विरमाए प्यारे होरो रङ्ग ठई ॥
 कृष्ण रसिक अलबेली सांवरो कौन तिया मन लई ॥

सरपरदा—धत्

रङ्गमें भिजोई चुनरिया हमारी रसिया कुञ्ज-
 विहारी ने ।
 देख फालगुनऋतु उमन उमग चित्त पूरण
 ब्रह्म मुरारो ने ॥
 कोजे कहा ठीठ मनमोहन त्रिभुवननाथ
 उदारी ने ।
 करत ख्याल खुशियाल कुञ्जनमें वरजोरो
 खेल खेलारी ने ॥

अलैया—धमार

रङ्ग केसर मोपे डार दियो है रसिया कुञ्जविहारी ने ।

कहे रहो बहुत नेक नहीं मानी मनमोहन
 निरधारो ने ।
 छल बल करे गुलाल मुख मसलत अबीर
 लगावत वारो ने ॥
 ख्याल खुशाल करत नन्दनन्दन ब्रजमध्य
 खेल खेलारी ने ॥

२

रङ्ग में रङ्गुगो अकुञ्जविहारी फागुनको ऋतु
 आई है ।
 तुम तो उमंग भरे जीवनको वारो वयस मनभाई है ॥
 कुञ्ज कुञ्जमें होरो खेलोंगो याहो उमंग उमगाई है ।
 ख्याल खुशाल करो जोइ रुच चित्त वृन्दावन
 छवि छाई है ॥

१

रङ्गमें रङ्गुगो अङ्ग ग्रामके ।
 आई बहार फागुनको सखी रो उमंग भरी चित्त
 रुकत न रोके वसो या गोकुल ग्रामके ॥
 अबीर गुलाल मलोंगी कपोलन नन्दनन्दन
 सुख धामके ।
 ख्याल खुशाल करोंगी कुञ्जनमें उर लिपटा
 अभिरामके ॥

अथ ज्ञानतत्त्व अध्यात्म-सागर ।

श्रीपरब्रह्मणे नमः

शुनातं तेन समस्त तौर्यं सलिलेदता च सर्व्वावनौ ।
 अयन्नानाञ्च कृतं सहस्रमखिल देवाश्च सम्पूज्यता ॥
 संसारा च समुद्धिता स्व पिटस्त्रैलोक्यपूज्योप्यसौ ।
 यस्य ब्रह्म विचारणं क्षणमपि मनस्वेत्य्यं प्राप्नुयात् यदि ॥

सवेया

ख्यावर जङ्गम जीव जिते जगभांतिन मांतिन
 भेष धरे है ।
 ता मह सत्य चिदानन्द भास सुआतम एक
 प्रकाश करे है ॥
 ता बिन जाने ते सिन्धु सो लागत जाने ते गोपद
 तुल्य तरे है ।

वन्दत ताहि कहे सुखदेव जो ब्रह्म सदा सब हो
ते परे है ॥

दोहा

ध्यास मयन करि वेद सब सूत्र निकारे सार ।

श्रीगुरु शङ्करदेव जू कौनों बहु विस्तार ॥

२

तिन ग्रन्थनिकी समुक्ति मत हिय धरि पर उपकार ।

भाषा करि सुखदेव यह रच्यो ग्रन्थ अति चार ॥

३

जैसे रविके तेज ते अन्धकार मिटि जाइ ।

अध्यातम परकाशते त्यों अज्ञान नशाइ ॥

४

गुरु शिष्यकी वाद अरु वेद बचन उपदेश ।

अध्यातम परकाश यह भाषा सरल सुवेश ॥

५

अधिकारी जिज्ञासु अरु शिष्य कछावे सोइ ।

तप साधुनु करि देखके पापनि डारै धोइ ॥

धनाग्नी—तिताला

वेद स्मृति ज्यो कहे धर्म शुभ क्रियाकर्मके ।

तिन कर धोवै पाप जन्म बहु जन्म धर्मके ॥

फल अभिलाषा छाड़ि कर्म हरि प्रीति करे सब ।

हृदय विमल जब होइ होइ वैराम याग तब ॥

श्रुति युक्ति सहित उपदेश गुरु करे शिष्य हि

पमै धरे ।

विज्ञान सहित सुखदेव कहि प्रकट ज्ञान मारग ररे ॥

२

जैसे वर्षा पाइके जोते खेत किसान ।

त्यों प्रारध्व हि पाइ के देह सुकर्मनि जान ॥

देह सुकर्मनि जान खैचि इन्द्रिय मन सोधे ।

बवे वोज उपदेश वेदबचननि गुरु बोधे ॥

तब उपजे दृढ़ज्ञान रीझि खेतो किए ऐसे ।

अनुभव फूल हि फल हि कहे सुखमारग जैसे ॥

कवित्त—चौताला

इन्द्रिय की जोतो नहीं खैचि कौनों हाथ मन

परउपकार ही लो तन भाइयत है ।

वेद के बखानिवे को सारासार जानिवे को वेदग्रन्थ
भानिवे को रूप गाइयत है ॥

एकरूप पंहुचान्यो सब ही में सोई जान्यो आपु

ते न जुदो मान्यो सो बताइयत है ।

ईश्वरलौ ध्यावै जो पै भक्ति दृढ़ावै जब एसो गवैरपा

तब ज्ञान पाइयत है ॥

दोहा—तिताला

गुरु सों पूछै शिष्य यह नमस्कार करि ध्यान ।

नीके करि समुभाइये का सो कहियत ज्ञान ॥

गुरु उवाच

दोहा

भूलि गयो अब कहे सुख मार जै ज्ञान ते अपना

आत्म भेव ।

ताही को फिरि जानिवो ज्ञान कहत सुखदेव ॥

दोहा—तिताला

साधन चारि कहे गुरुन प्रथम एक वैराग ।

पुनि विवेक समाधि अरु मुनि सुमुच बड़ भाग ॥

अथ वैराग्य लक्षण

तिताला

ब्रह्मा इन्द्र हि आदि दे होत देह धरि भोग ।

काकवोट सम यीवनै वीतरागते लाग ॥

अथ विवेक लक्षण

दोहा—तिताला

देहप्रपञ्च अनित्य है आतम नित्य वखानि ।

सारासार हि जानिवो यह विवेक भव मानि ॥

अथ समाधि-लक्षण

सवैया—तिताला

वासना त्याग सदा सम है दम वाञ्छ सुहृत्ति को

नियह ठाने ।

दोष निर्दोष विषे उपरा मतिज्ञा सहै दुख ज्यो

सुख ही मानै ॥

सासना वेद सुप्रमाण हि दे शरधा सो वखाने ।

एक ह्ये चित्त समाधि वसै यहि भांति समाधि

अचारजकी कुछ साध न जानै ॥

अथ सुमुच-लक्षण

दोहा—तिताला

जन्ममृत्यु संसारते कैसे कुटिये मित्त ।
 सो सुमुचु कहिये सदा यहै विचारत चित्त ॥
 चारौ साधन जी कहै तिन्हें युक्ति जब होइ ।
 तब जो पूछै आत्म गुरु कहै तब सोइ ॥
 नमस्कार दण्डवत् करि भेंट हस्त में लाइ ।
 कहौ गुरु जू आत्मा कैसे जानौ जाइ ॥

गुरु उवाच

दोहा—तिताला

शिष्य सुमुचु विचारि कौ बोले गुरु दयाल ।
 वहै कहतु हीं जो वाङ्गो अर्जन सो गोपाल ॥
 सामवेदके वचन हैं तस्वमसौ पद तौनि ।
 जानो इनको अर्थ जिन कछो सार तिन वौनि ॥

चौबोला—तिताला

तस्वमसि जीवत्व पद है असि पद ब्रह्म कहावै ।
 माया ते ए तौनि भेद हैं एक वेद बतावै ॥

शिष्योवाच

चौबोला—तिताला

कहौ गुरु जू एक ब्रह्म ते तौनि भेद कों भाषे ।
 कैसे भए कौनके कौन्हें कौनो मति अभिलाषे ॥

गुरु उवाच

चौबोला—तिताला

एक ब्रह्म चैतन्य अखण्डित इच्छासौ भलकति है
 तामें ।
 ताहो सो माया कहियत है नीके करि सुनि गुनि
 शिष्यामें ॥

चौबोला—तिताला

माया जड़ चैतन्य ब्रह्म है ता सो भए आभासा ।
 सत रज तम त्रयगुण उपजाए तिन ते द्वैत विलासा ॥
 माया है प्रतिविम्ब ब्रह्मको गुणनि सहित द्वैकीन्हें ।
 एक मांभ तम गुण अधिकारो दूजो रज-तम लीने ॥
 सत गुण अधिक ब्रह्म अरु माया सोई एइ कहायो ।
 रजगुण अधिक विम्बतम माया प्रकट जीव पद पायो ॥

दोहा—तिताला

विम्बी भूल्यो आपुमें तमगुणके अधिकार ।
 माया करि वैचित्रता कौन्हें जीव अपार ॥
 सो पाछे करि कहै गो जीवनिको सब मर्म ।
 अबै कहतु है ईशको रूप शोल गुण धर्म ॥

सवैया—यत्

शुद्ध सतो गुणके गुणते प्रतिविम्बन आपन

भूलन घायो ।

माय हि खैचि कियो अपने वश ईश वहै सर्वत्र
 कहायो ॥

चौदह लोक रचै क्षणमें अरु भेटतु है जब चाहे
 मिटायो ।

शक्ति अनन्त कहै सुखदेव वहै पुरुषोत्तम वेदन गायो ॥

आपुन ही चतुरानन है सुख स्थावर जङ्गम
 जीव उपावै ।

रक्षा करै सबको हरि है अरु जीवका ताकी तर्हीं
 पहुँचावै ॥

रुद्र है अन्त संहार करै सब कालनि काल है
 सर्व नशावै ।

यो जग खेल विश्वम्भर को जैसे बालक खिलिखेलौना
 मिटावै ॥

दोहा—तिताला

तौनि देह है ईशकी कारण सूक्ष्म स्थूल ।
 अब ताको वर्णन करौं पुरुष विराट् समूल ॥

चौबोला—तिताला

प्रथम देह कारण है माया ।

जाके बल सब जगत् उपाया ॥

जाको आदि न कोज लहै ।

सत्य असत्य न वेदो कहै ॥

दोहा—तिताला

पञ्च तस्व ताते मए पहले सूक्ष्मरूप ।

शब्द स्पश अरु रूप रस नन्ध कहत कवि भूप ॥

चौमोला—तिताला

सूक्ष्म तिनकी देह भई जो हिरण्यगर्भ कहायो ।
सब जीवतको आपुन ही त्रयलिङ्ग शरीर बनायो ॥

दोहा—तिताला

इन्द्रो मन बुद्धि प्राण ए सबके रचे विचार ।
सूत्र आत्मा कहत है ताही सो निर्धार ॥
स्थूल तत्त्व पांचौ प्रकट तिनते सब ब्रह्माण्ड ।
नभ अरु पवन सुतेज जल अरु पृथिवी नवखण्ड ॥

२

स्थूल देह वह ईशको सकल तत्त्वको जानि ।
याही सो सब जीवको देहो लीजो मानि ॥

• विलावल—तिताला

शिर अवकाश श्वास नासिका पवन वास मूर शशि
नयन मुख अनल को करे है ।
हरि-हर भुजा दोऊ हियो चतुरानन है उदर सकल
लोक वाणी वेद ररे है ॥

पर्वत है अस्थि रोम सकल वनस्पति मेघमाला
वीरज पताल पांड तर है ।

अलख अरूप जाको महिमा अनूप देखो वहै
विश्वभूप वहै विश्वरूप धरे है ॥

शिथोवाच

• विलावल—तिताला

समुझो पुरुष विराट् जो कीन्हो आपु बगान ।
कबते हो कब लौ रहत कहिये सब परिमाण ॥

गुरु उवाच

• विलावल—तिताला

ब्रह्मा हो की आयुते यासौ वध्यो पुमान ।
सुनि अब तो सो कहतु हौं ताको सबै विधान ॥

• विलावल—सवैया

सत्रह लाख हजार अठाइस है युग सत्ति चह्र
पद जानो ।
बारह लाख नव्वे छ हजार को त्रेता तहां पद तीन
वखानो ॥

आठहू लाख हजार सु चौषष्टि द्वापर उद्धपद
धर्मके बानी ।
चारिये लाख बतीस हजार कोहै कलि एक पदौ
ठहरानी ॥

तिताला दोहा

लाख तैतालिस बरष अरु बोते वीश हजार ।
एक चौकरी जुगनको ताको कछो विचार ॥

२

ऐसी ऐसी चौकरी जुग जब जाइ हजार ।
ब्रह्मा जूको एकदिन तब कहिये निरधार ॥

३

जिते जुगको दिन कछो तैतीये पुनि राति ।
सृष्टि रचे दिनके उदै राति पुले हू जाति ॥

४

ब्रह्माहीके दिवस को कल्प कहत सब तात ।
जामें चौदह इन्द्र हू राज्य करि करि मरि जात ॥

५

वर्ष जो एक सहस्रको इन दिवसनको होइ ।
आयु दिव्य सौ वर्षकी ब्रह्माजीकी सोई ॥

६

ब्रह्माहीके जन्मते प्रकट होत संसार ।
महाप्रलय है मरणते यहै जानि निरधार ॥

७

कही कहां लगि ईसकी माया को विस्तार ।
याही ते संक्षेप सौ कहु कहु कियो विचार ॥

८

तप्तद ईश्वर की कहो जोहै सबु व्यवहार ।
अब सुनु त्वं पद जीवको ज्यौ न साध संसार ॥

९

प्रथमहि उत्पत्ति इसकी वहै जीवको जानी ।
वाके शुद्ध सतो गुण याके तम गुण अधिक वषानी ॥

शिथोवाच

तिताला

सख रज तमगुण तीन ए माया ते कहि आए ।
तिनके लक्षण रूपा करि मोहि नहीं समुभाए ॥

गुरु उवाच

खट्वाग—तिताला दोहा

सकल वस्तुको ज्ञानकारी बुद्धि विमल जब होई ।
वहै सतो गुण जानि ये कहत सयानि लोई ॥

२

लोभ लिए व्यवहार जो सो रजगुण पहिचानि ।
आलस निद्रा विकलता मोह तमो गुण मानि ॥

३

सच्चिदानन्द स्वरूप अनन्त सु आपु तमो गुण ते
विसरायो ।

एक ते जीव अनेक बनाइ के माया कियो अपनो
मन भायो ॥

कारण न देह अविद्या वहै अरु वाही को नाम
अज्ञान कहायो ।

सूक्ष्म स्थूल उपाधि को मूल वहै प्रतिकूल
सुखानं गायो ॥

तितारा—दोहा

मायाको है शक्ति है विक्षेप रूप आवरण ।
चेतनि रूप भूलाइ के टांको अन्तःकरण ॥

शिष्योवाच

तिताला

मूल अविद्या तुम कही सब उपाधि को देव ।
देह लिङ्ग अरु स्थूल को आनी चाहत भेव ॥

गुरु उवाच

तिताला

नासिका नयन त्वचा रसना मिलि कानए
इन्द्रिय ज्ञान वषानौ ।

वाक नियानि निपाऊ उपास्य पदो मिलि पांच है
कर्म विधानौ ॥

प्राण अपान समान और व्यान उदान हि और
मनो बुद्धि मानौ ।

सूक्ष्मन पांचहु तत्त्वनिते ए हम चह तत्त्वको
सूक्ष्म जानौ ॥

शिष्योवाच

तिताला—दोहा

पांच तत्त्व सूक्ष्म नित ते स अह क्या कौ करि कोम ।
कहियै मोसौ प्रकट करि को मै को प्रवोण ॥

गुरु उवाच

तिताला

वाक् श्रवण आकाश ते प्रकट होत इनि जान ।
वह बोले वहई सुनै दोऊ शब्द निधान ॥

२

तुचा पानिए पवन ते प्रकट होत रे नित ।
दोऊ परसन धर्म कौ निके जानत चित ॥

३

नयन चरण ए तेज ते इन्द्रो दोई कही जु ।
वै चाहत है रूष कौ ये लै जात तही जु ॥

४

रसना नाभि द्रवी भई जल ते सुनि रे तात ।
जानत रसके स्वाद कौ समुझि देषु यह वात ॥

५

मूल द्वार ओ नासिका ए पृथिवी ते दोई ।
वहै ठिकानो गन्ध को वाहि ज्ञान सबु होई ॥

६

प्राण अपान समान अरु व्यान उदान हि जानु ।
पांच ठिकाते सब नर्कनि धा वै ॥

पुण्य श्री पाप समान दोऊ महिमा न सहै
कुल मै छवि आवै ।

जो सुखदेव ललाट लिखो सुघटे न बड़े अरु
जाइ न आवै ॥

आत्म एक विचार बिना हि भांति सुजीवनि ।
कर्म नशावै नेते भए एकै पवन वषानु ॥

७

पांच भूतके अंग मिलि उपजो मन अरु बुद्धि ।
सब इन्द्रियके स्वादको है ताही ते शुद्धि ॥

पांच प्राण है बुद्धि मन इन्द्री दसौ गनाइ ।
पांच तत्त्व ते ज्यौ भए त्यौ सवर पे जनाइ ॥

कारण जो पहिले कहि आए अरु या लिङ्ग समेत ।
कर्म भोग कौबके काज स्थूल देह धरि लेत ॥

शिष्योवाच

तिताला

कारण सूक्ष्म देह है कही सु समुज देव ।
अब कहि ये करि कैकशल देह को भव ॥

गुरु उवाच

चीवोला—तिताला

महाभूत पञ्चो कृत है करि सञ्चित कर्म उपावै ।
सुख अरु दुखके भोग करन को स्थूल देह छवि छावै ॥

शिष्योवाच

दोह.—तिताला

पञ्चोक्त समझो न मैं जो तुम कछो समान ।
ताते फिरि विस्तार सौ कीजै प्रकट विधान ॥

गुरु उवाच

तिताला

महि कठोर अरु द्रवत जल तेज उच्चता जानु ।
चलति वाउ खाली जहां तहां अकाश वषानु ॥

एक तर्क के पांच करि पांच न ते पञ्चोस ।
पांच अंश न्यारे रहै निश्चित कौनि बीस ॥

अस्ति मासत्व गरी मनाटिका प्रगट पञ्चभुय ।
रैत पित्त अरु स्नेह लार पुनि रुधिर नौर ह्य ।
भूख प्यास सुखप्रभा नौद आलस हिते जगनि ।
धावनि कूदनि चलसिकुर पसरनि जु पवन भनि ॥
शिर कण्ठहुं दय अरु उदर कटि यह अकाश

विधि पञ्च लहि ।

इमि पञ्चभूत पञ्चीकरण करि पञ्चीश सुखदेव कहि ॥

एक एक ते पांच करि कहिसु सब पञ्चोस ।
कौन तत्त्व मै को मिथ्या सुनौ सो चिन्त दैवोस ॥

एक एकके नौ करे पांच सौ पैतालीस ।
पांच राखि चालीसके है द्वै कौनि बीस ॥

हाड़ मध्य पृथिवी रही मास नौर रसतेजु ।
त्वचा घवन मिलि कै भई रोम अकाश कहि जु ॥

बीज मुख्य जल जानिये पित्त तेज मिलि होइ ।
स्नेह पवन मभू रुधिर भवला रङ्गगण जुत जोइ ॥

कुधा मुख्य तेज रसो प्यास पवन मन आनि ।
सुखमा जल आलस अवनि नौद अकाश वखानि ॥

धावनि मुख्य समोर है गगन पसारनि माहि ।
कूदनि तजु सकीसु भुय चलनि नौर बिन नाहि ॥

शिर अकाश जु शब्दमय कण्ठवा पुहिव ते जु ।
उदर नौर जुत जानि ये कटि भुयगन्ध कहि जु ॥

भूमि अस्थि जल रैत अरु तेज भूख पहिचानि ।
धावनि पवन अकाश शिर पांच नि गालिस जानि ॥

पञ्च अंश ए राखि कै भए बीस यौ लौन ।
ज्यो नर पगिया परसघर बदलत घरम प्रवीण ॥

यहु सबु पञ्चीकरण को तो सौकथा विचार ।
देह स्थूल धरि जीव यह करत भोग संसार ।

धै कुमोह जल अग्नि पुनि क्रोध मूल यह जानि ।
वाई काम सके बेर तु है लोभ अकाश वखानि ॥

१५

तीनि देह तो सी कही कारण सूक्ष्म स्थूल ।
 पञ्च कोसकी भेद पुनि ताही माह समूल ॥
 कवित
 अन्नमय स्थूल जानि प्राण प्राण मैव जानि पांच
 कर्म इन्द्री अरु मनु मनोमय है ।
 पांच ज्ञान इन्द्री अरु बुद्धि विज्ञानमय कारण
 अविद्या सो ती आनन्दमै लय है ॥
 तीनि देह माह पञ्च कोष सुखदेव काहि नौके
 कै विचारि देखु भृन ही को भय है ।
 कोसु है न कोज कहि देहज न सोज एक आत्मा
 को जोज जा मै आनन्द को चय है ॥

शिथोवाच

चौबोला

सञ्चित कर्मनिके पहिले ही स्थूलदेह तुम माषी ।
 कर्मनिके लक्षण सुनिवे की मेरो मति अभिलाषी ॥

गुरु उवाच

दोहा

सञ्चित अरु प्रारब्ध ए क्रोयमान तय कर्म ।
 सुनि ही नौके कहतुहौं तिनके अद्भुत मर्म ॥
 एक जन्मके कर्मफल भुगुतै जन्म अनेक ।
 सञ्चित ता सी कहत हैं सुखदुःख सहित विवेक ॥
 एक जन्मके कर्मफल भुगुतै दूजो देह ।
 सो प्रारब्ध कहावई सुनि अब सहित सनेह ॥

सवेया

गर्भ वसै नरके पशुदेह जरायुज योनि तहां
 पद पावै ।
 पश्चिम आदि जो अण्डज योनि निरंतर जाइ
 तहां कृबि छावै ॥
 खेदत खेदज की उत्पत्ति जु चीलर और
 जुयासु कहावै ।
 उल्लिख वृक्ष तिन कनि भो इहि भाति सुजीवनि
 कर्म भ्रमावै ॥

२

पुण्य करै सुरलोक है अति पापनिते सब
 नरकनि धावै ।
 पुण्य श्री पाप समान दोज महिमाव सह कुलवृक्ष
 विच्छावै ॥
 जो सुख देवलिलार लिख्यो सो सुघटै न बढै अरु
 जाइ न आवै ।
 आत्म एक विचार बिना इहि भाति सुजीवनि
 कर्म बनावै ॥

३

कोट पतङ्ग करै पशुपक्षि अधोगतिमै जल जीव निभावै ।
 कै सुरलोक बसै सुर ह्वै कबहुँ सुरराजकी
 सम्पत्ति पावै ॥
 मानुष ह्वै सुखदुःख सहै घर नौचके जचके लै प्रकटावै ।
 आत्म एक विचार बिना इहि भाति सुजीवनि
 कर्म भ्रमावै ॥

४

जाग्रत मै सब विश्व बनाइ विलास करै वसि
 नयननि हरे ।
 ताही की वासना वासित ह्वै सपने मह आनि
 मनोरथ घेरै ॥
 सूक्ष्म स्थूल शरीर दुयो अमते अति होत
 सुपोपति नरे ।
 तीनि अवस्थाव मै सुखदुःख लहै सो तो एक
 अदृष्टके प्रेरै ॥

दोहा

इच्छा अनिच्छा परइच्छा त्रिविध कर्मके भोग ।
 जन्म आदि आमरण लौ कहत विवेको लोग ॥
 कर्म होत प्रारब्ध ते मूरख जानत ताहि ।
 मावि लेत अब मै कोए क्रोयमान सो आहि ॥
 अन्न वरावत करममा मिलेते फिरि अन्न ।
 वो इह प्रारब्ध ते यी सम उत हैं तन्न ॥
 ज्ञान उदय विहोत ही सञ्चित कर्म विलात ।
 क्रियमान हो ते नहीं प्रारब्ध रहि जात ॥
 देह तोनिम जीवकी कही सहित विस्तार ।

जाते तेरे चित्त मैं उपजे आत्मविचार ॥
पांच भूतते देह यह ता काउ वोजानि ।
सांचों एकै आत्मा सो विचारि मन मानि ॥

अलैया

भौतिक देह सदा जड़ है कहं आत्म चेत निजो
तिहि सानी ।

देह अनित्य मरे जन्मै वह आत्मा नित्य
अखण्डित जानी ॥

देखियै देह अमङ्गल रूप सुआत्मा शुद्ध अदृष्ट घषानी ।
ता कह एक कहै नर मूढ़ कहा उनते पशु
और हि मानी ॥

दोहा

षट् विकार हैं देह मै ते आत्मा के नाहि ।
सुनि अब तिनके नाम पुनि समुक्ति देखु मनमाहि ॥
उपजति है अरु बढ़ति है काल जुवा पुनि होइ ।
वृद्धा होति अरु मरति है षट् विकार ए जोइ ॥
दोष दसौ है देह मै ता करि आत्मा हीन ।
सुन पुनि तिनके नाम अब यथा कहत प्रवोण ॥

दशदोष लक्षण

अलैया

शुद्ध अशुद्ध मरी दुर्गन्धि लसै बहु षंड सुखूल
निहारी ।

रोग यसै बहु भाति जरै शिथिलै पुनि आमिष
अधु पकारी ॥

हो तिनि होति घने दिन मै छिन मै मिटि
जाति न लागत वारी ।

देह सदा दश दोष भरो यह आत्म वृत्त अदोष
विचारी ॥

दोहा

वेद कहत सो मै कहत तू पुनि चित्त विचार ।
आत्म चेतनि नित्य है देह अनित्य निहार ॥

शिष्योवाच

दोहा

तुम जो कहो सो सबलषी स्थूल देह मै नाहि ।
याहि छाड़ि उरही धरत लिङ्ग देहमें आहि ॥

गुरु उवाच

पञ्चभूत जड़ ते कहे सूक्ष्मकी उत्पत्ति ।
अलख अनादि अखण्ड है तु तौ आत्मसत्ति ॥

शिष्योवाच

देह होत चेत त्यजि हि इन्द्रो तेहि समतूल ।
प्राण होज की और नहि यही कहति हौ मूल ॥

गुरु उवाच

सोवत मै भूखन हरत जानत नाहो कोइ ।
प्राण सोई चेतन्य तौ पकर चोरहो सोइ ॥

सवेया

कानको कामुन नाक करै अरुणके कोका मुन
कान पै होई ।

आंवि कोका मुन आंखि न जोई ॥
हाथ को कामुन पाई करै अरु पांइ को कामुन
हाथ हि सोई ।

जानत आपने स्वादहि की दश इन्द्रियन माहन
चेतनि कोई ॥

शिष्योवाच

दोहा

स्वाद घरस्पर औरके इन्द्रो जानत नाहि ।
तते एज वुहै सबै हौ चेतनि मनमाहि ॥

गुरु उवाच

पञ्चभूतके अंशके मनु उपज्यो पहजानि ।
सब इन्द्रिनके स्वाद की ताते है पहिचानि ॥
वात सुनत हं सुनत नहि कहत नहीं मनु ठौर ।
ताते यहै विचारि पे चेतनि है कोउ और ॥
सुखपति इन्द्रो सहित मनु मिलत अविद्या माहि ।
जाग तु है तव कहतु है आशु ककु सुधित गहि ॥
सपनोज देखोन ककु सोइय पोइहो रीति ।
यह जानि जेहि जानते हि यहै ज्ञानकी नीति ॥
पञ्च तत्व ते होत मनु ज्ञान भए मिटिजात ।
ता की नखर कहत है जाके उत्पत्ति पात ॥

सदा अनादि अनंश हैसो आत्मत आई ।
ताहै यहै विचारि कै छाड़ि अन्नके माई ॥

शिष्योवाच

सत्रह मै सोरह कहै रहो जु वाकी बुद्धि ।
जानत ही चैतन्य यह जाको सबको शुद्धि ॥

गुरु उवाच

अहङ्कार मन बुद्धि चित्त एक कहत है चारि ।
एक कहत है बुद्धि मन अन्तःकरण निहारि ॥
जैसे एक पवनके प्राण कहै है पांच ।

तैसे अन्तःकरणके चारि भेद पुनि सांच ॥
जब चाहतु है वस्तु ककु चित्त कहत है ताहि ।
जतन कल्पना जब करै मन कहियत है वाहि ॥
मय हलो नोले तुही अहङ्कार यह जोइ ।
सबको जब निश्चय करै बुद्धि कहावै सोइ ॥
जैसे वांभन एकके नाम क्रिया ते दोइ ।
रोटी करे रसोइ पाप टैते पाठ कहोइ ॥

आत्म है बुद्धि ते परे यह जो कहो भगवान ।
अरु पुनि आत्मबोध मै शङ्कर बोध निधान ॥

गौतायं

इन्द्रो पर है विषयते मन इन्द्रिन पर जोइ ।
बुद्धि कहो ताते परे बुद्धि आत्मा सोइ ॥
सुखदुःख इच्छा राग ए सबै बुद्धिके धरम ।
सुखपति मैए सब मिटै रहत आत्मा परम ॥

शिष्योवाच

कहो आपुत सुभो सो मै देह दोइ मै नाहि ।
अब आत्म काशी कहत या शरीरके माहि ॥

गुरु उवाच

अज्ञाना वेधनोया न्यारे न्यारे तैलखे सबहोके गुण रूप ।
जानत नाहो आपकी यह अज्ञान अनूप ॥
कारण मुख्य उपाधिको है तीसरो देह ।
आदिन ताको जानिये अन्त ज्ञानको गेह ॥
अहङ्कार बुद्धि को कहै तू जानि देहि जगाइ ।
जगि है परमानन्द जब मै तु जगत नसाइ ॥

पहै अविद्या नौंद है स्वप्रतुल्य संसार ।
ब्रह्म लखै जब आपु को जागत वहै विचार ॥

शिष्योवाच

रूप कौन है ब्रह्मको का विधि वशै शरीर ।
कहिये मो पर करि कृपा जो नसाइ भय भोर ॥

गुरु उवाच

तानसेनोक्त कवित

मन बुद्धि इन्द्रिनको कारण चलाइवै को सकल
उपाधिन ते न्यारो रहै गात में
जैसे घट मोह व्यापक आकाश अरु न्यारो सुखदुःख
निते देसो अवदात मै ॥

जैसे रवि ज्योति आगे सोवत ते जीव जागे
उठि उठि काम लागै सबै प्रभात मै ।
अज अविनाशी परिपूर्ण प्रकाशी सुखदेव सुखराशि
औसो नित्य लसै आत मै ॥

दाहक प्रकाश कहै काट को अग्नि जैसे चेतनि
प्रकाश कहै मन बुद्धि गात मै ।

मन चक्षुरादि हुते न्यारो सबकाल जानि मन
चक्षुरादिहु को मन चक्षु तात मै ॥

मन चक्षुरादि निते पाई येन रूप जाको अतिहि
अरूप एक अद्भुत गात मै ।

अज अविनाशी परिपूर्ण प्रकाशी सुखदेव सुखराशि
एसो नित लखै आन म ॥

सुखको आभास जैसे दर्पण में देखियत सुखते
न न्यारो ताहि सुनियत वात मै ।

ऐसे ब्रह्म चेतनि को बुद्धि मै आभाम यरो ताहो
सो कह जीव बहुविध गात मै ॥

दर्पणके टारि प्रतिविम्ब मिटि जात जैसे ब्रह्मके
विचारि देखे जोव मिटि जात मै ।

अज अविनाशी परिपूर्ण प्रकाशी सुखदेव सुखराशि
रोसो बित लखै आत मै ॥

रविके प्रकाश पाए लोचन विलोकै रूप तैसे
रवि ब्रह्म प्रकाश अवदात मै ।
जैसे एक सुतमा उद्ग निगम पोहियत तैसे एक
चेत बुद्धि मननके गात मै ॥
सबही मै एक वहे सबही ते न्यारो रहै गगन
समा नयन मिलत काह वात मै ।
अज अविनाशी परिपूरण प्रकाशी सुखदेव सुखराशि
ऐसो नित लखै आत मै ॥

सच्चिद् आनन्दस्वरूप एक आत्माको विम्बपरै
बुद्धिन अनेक लेखियतु है ।
जैसे एक रविके अनेक सर्वमा उजलके प्रताप
न्यारे न्यारे पेखियतु है ॥
कर्मनिके बस जीव सुखदुःख भोग करै नीच उच्च
मध्य जोनि मध्य भेविषतु है ।
घवनके बस सरवरनिके जल जैसे चञ्चल है कोज
धिर देखियतु है ॥

दोठि कौ छपावै घनु अज्ञ जानै भानु छप्यो ऐसे
शुद्ध आत्मा कौ बुद्धि उन मान्यो है ।
कहै सुखदेव जैसे श्वेतमणि मै न रङ्गपाश धरे
जाके ताके रङ्गनि मै सान्यो है ॥
जैसे जलमा उपजो चन्द्र प्रतिविम्ब आई जलके
हलावतहु हलत सो जान्यो है ।
ऐसे जड़बुद्धि माउ देखि प्रतिविम्ब चिर मूढ़ निले
ब्रह्म कौ जगत माह आन्यो है ॥

शिष्योवाच

दोहा

मम शरीर है आत्मा जड़ शरीर सो नाहि ।
विषय भोगको करतु है यह संशय मम माहि ॥
गुरु उवाच
विषय भोग विजम रचे थारी स्थूल शरीर ।
इन्दी कर सो करत है भोजन बुद्धि मन धोर ॥

गीतायां

इच्छा सुखदुःख द्वै अरु धृति चेत निसम्भात ।
यह सब छेद विकार है न्यारे आत्मतात ॥
देह कहतु है आपु सील वलागि कहियै अज्ञ ।
ब्रह्म लवै ज्ञानी वहे आत्म अज्ञानतज्ञ ॥
तु कुरो संसारने निश देह रहि नित ।
लखु आपनको आत्मा यहै मुक्ति हे मित ॥

कवित

सद्चिद् आनन्द स्वरूप स्वप्रकाश जाकी सम
सबहीके उर अन्तर रहतु है ।
अचलअखण्ड अक्रिय अनन्त धृति अहय अरूप
इन्द्रि मनन गहतु है ॥
निर्विकार निराधार निर्विकल्प निराकार कूटकत
निर्गुण निरन्तर लहतु है ।
आत्माको ब्रह्म जानै देहको असत माने पण्डित शयाने
ज्ञान याही सो कहतु है ॥

दोहा

धनाश्रम अभिमान हो जोलो हियमें जात ।
वेद स्मृतिको सासना तोलो सबे प्रमाण ॥

कवित

पाप अरु पुण्ये दोऊ मटिया प्रवल जाके लोक
अरु वेदरोति वासनको वारोके ।
काम क्रोध लोभ मोह कौल निसो राख्यो जरिक ते
सुखदेव चक कर्मनिके चारिके ॥
आश्रम वरण अभिमानको जञ्जीर जन्यो सुखञ्जी
दुःखके किवार तोरि डारिके ।
भूतको निशावारिकरूप आप नो सत्यारि सिंह
निकसो प्रबोध जग पिछ्हरा को कारिके ॥

२

देही नाही इन्दी नाही मम बुद्धि प्राण नाही कारण
अविद्या नाही ओर सुख जे कहै ।
वर्ण आश्रम करी माउ नाही जाति कुलधर्म नाही
करता अकर्म नाहि भोग ताल ते कहै ॥

मायाको विलास नाही इसको प्रकाश नाही जीव
चिताभास नाही भांति भांति से कहे ।
जागरत स्वप्न सुषुप्तिको लखैया सदा तुरिवा
प्रकट बोधरूप ब्रह्मए कहे ॥

शिष्योवाच

दोहा

यह तो जानो आत्मा तुव प्रसादत देव ।
अब कहियेत तुमस्यको कहिवेहे भैव ॥

गुरु उवाच

यह सवुत्वं पद जीवको तुम हि सुनायो रूप ।
अब सुनि असिपद अर्थको जोहे सबको भूप ॥

अथ असिपदका अर्थ

गुरु उवाच

तत्त्व दुई स्वर सो कहे त्वं पद जीवन खानि ।
असिपदब्रह्म अलिप्त है यामे दोनो जानि ॥
वह ईश्वर सर्वज्ञ है जीव सदा अल्पज्ञ ।
सम कहिये जो दुहुन को तो न मानि हे अज्ञ ॥
तत्त्वपद मानो सिन्धु है त्वं पदहृन्द समान ।
असिपद यानी दुहुनमें ताहि एक करि जान ॥
तत्त्वपद मानो भूप है त्वंपद जान किसान ।
असिपद मानसको कहे ऐसे मानत जान ॥

शिष्योवाच

देवदत्त वहमानई मिल्यो विभो ज़ुत मित ।
फिरि वह देश्योधिपति ज़ुतक्यो करि आवे चित ॥

गुरु उवाच

वास गएको विभो त्यजि अबकी त्यजो विपत्ति ।
दृष्टि करे जो देह पर तो वह इहे मृत्ति ॥
ईश्वरको सर्वज्ञता सो विद्यात जानु ।
जीवनकी अल्पज्ञता ताहि अविद्या मानु ॥
जे उपाधिको मूल हे तिनको उठौ जासु ।
शुद्ध गई जो ब्रह्म हे एक आत्मा मानु ॥
जैसी देहे जीवके ते सहे जगदीश ।
न्यार नारी कह तु हो दुवो एकरि रौस ॥

कवित

जैसी रेह वाके ब्रह्म अण्ड है प्रकट रूप सोयाके
स्थूल जामे हाथ पांइने पिये ।
वाके हे हिरण्यगर्भ दूसरो शरीर याके सखम कहा
वेतत्त सचह शुभे पिये ॥
वाके आदि विद्याजाते होत सब काज सिद्धि
याके है अविद्या जाते भूलो अवरि धिये ।
वा सो जगदीश यासा जीव वहि परै एक ब्रह्मके विचा-
रे ते न जीव ईस देखिये ॥

दोहा

त्यजो ईस को ईसता और जीव अविवेकु ।
तोनो पदको अर्थ यह तत्त्वमसि है एकु ॥
तत्त्व तुहो है यह कह्यो तत्वमसिको अर्थ ।
यह वृत्ति जाके भई सो सब भांति समर्थ ।
जो कोई जग जानई अर्थ तीनिको भेउ ॥
भेटे ह एकै गहै अमर होउ सुख देउ ।
सामवेदके वचनको कह्यो सबे विस्तार ॥
तेसे चारौ वेदके महावचन है सार ।
अहं ब्रह्मस्मिजयवेदस्य ॥
प्राज्ञामानन्द ब्रह्मो स्मिन् वेदस्य ।
अपमात्मा ब्राह्मति अर्थेन वेदस्य इति महावाक्य ॥

२

ईश जीव अरु ब्रह्म है जैसे एकु बखान ।
यहै अर्थ सब वचनको बुधिबल जानी जान ॥
सद चिद आनन्द अहइत अचल अखण्ड अनन्त ।
स्वप्रकाश कूटस्थ अज अक्षिप ब्रह्म अमन्त ॥

शिष्योवाच

द्वादश एकै ब्रह्मके कहे विशेषण ताम ।
न्यारे न्यारे है कही अब तिनके गुणगाम ॥

गुरु उवाच

दोहा

असत जगत सत सो लगत जाकी सत्ता पाइ ।
सो सद ब्रह्मस्वरूप है ज्ञान बिना नच पाइ ॥

कवित

जाग रत स्वप्रकाश जो होति जाकी चेतनाते सुषुप्ति
तवा मे वड़े साक्षी सो विशेषिये ।
तीति हु अवस्था निते भावा भाव रूप तुरिया
स्वरूप एक रस अवरैखिये ॥
जैसे लोह चुम्बक समीप करे चैतना की तैसे
देह इन्द्रो मन आत्मा सो लेखिये ।
एक रूप जगमें जगमगाति जाको जोति जहां तहां
जानु चिद चेतनिसो देखिये ॥

आनन्दरूप कवित

देख सुनै संपै खावे चन्दन तुचाकी लावे वचन
बनावै नोके जाकी जे लगतु है ।
हाथन ग्रहन करे पाइन चलन करे जोई हिप धरे
ताहे सुख में पगतु है ॥
कहै सुखदेव विखै मिलै गव भावती ती सुख सो
लगत पाछ मानहु टगतु है ।
आनन्दस्वरूप ब्रह्म आनन्द अखण्ड जानि स्वप्नको
आनन्द सो आनन्द जगतु है ॥

अकतीय लक्षण

दोहा

एक आत्मा मे वसत स्थावर जङ्गम देह ।
जैसे मणिका मालके सूत माभ गणि लेह ॥

अवग लक्षण

देह होति अरु मिटति है ताते चञ्चल मानि ।
जन्म मृत्यु जाके नहीं आत्म अचल वखानि ॥

अखण्डलक्षण

कवित

नाहिन जाके सुजाति कहै अरु दूसरी जाति
सुकौनु गणावे ।
आपुहु नाटन भेदु कछु श्रुति नासिका नयन
सुपाईनि धावे ॥
रङ्गनन सूक्ष्म वेद कहै मन इन्द्रिन के सुनि
कैसेहु पावे ।

चेतनि एक अखण्डलरूप कहै सुख आपु की
आपु लखावे ॥

अनन्तचतन कवित

प्रथमहि माया सौ प्रवेश है अकाश वार्द तेज नीर
पृथिवी मे व्यापक अनन्त है ।
थिर चर जोन्द जे ते जगमे जगमगत सबमे प्रकट
एक चेतनि भनन्त है ॥
जैसे घटमट मध्या पहिले अकाश घिरे तैसे
घट घटन हि आपुही सनन्त है ।
रूप है अनन्त जाको महिमा अनन्त अरु आदि
नाहीं अन्त ताते आत्मा अनन्त है ॥

स्वरूपप्रकाश लक्षण

कवित

और वसु चाहिये ती दीपक प्रकाशियत दीपक
जो चाहियेकी दीपक न चाहिये ।
और सब देखियेकी आखि सुखदेव जैसे आखिनके
देखिये की कौनु अवा गाहिये ॥
रविको प्रकाश पाए सब मे प्रकाश होत रवि मे
प्रकाश जैसे खत हस राहिये ।
अग्नि मे दाहक शक्ति जैसे आपुहीते तैसे
स्वप्रकाश एक आत्मा सो चाहिये ॥

कूटस्थालक्षण

दोहा

जाके नहीं विकार कुछ रहत कूटजुत ।
नित सो कूटस्थ रहावड समभि देखु चितमित ॥

अजलक्षण

घटका कारण मृत्तिका वृत्त जगतको जानि ।
आदिरहित कारण रहित अज करि ताहि वखानि ॥

अक्रियलक्षण

आत्म है अक्रिय सदा देह क्रिया वडुरूप ।
जैसे दीप प्रकाशते खेले ज्वारो जूप ॥
विषे बुद्धि पातु रतन चे अहङ्कार टिग भूप ।
इन्द्रि ताल मृदङ्ग जुत आत्म दीपक रूप ॥

ब्रह्मलक्षण

विहाग

शेषके सहस्र मुख जोभ हो सहस्रता तेन मनए नाक
नित लेत रहियतु है ।
एकु ब्रह्म अण्ड जाको पावत न पारु कोज ऐसे
ऐसे कोटि कोटि वोम लहियतु है ॥
करे सुखदेव एकु अदय पुरुष जा सौ नेतिनेति
कहे न प्रमाण कहियतु है ।
सदचिद आनन्दस्वरूप अविनाशे अङ्ग पूरण प्रकट
प्रारब्रह्म कहियतु है ॥

दोहा

ए द्वादश विस्तार सौ कटे विशेषण चारु ।
ऐसे जाने आप को यहै वेदको सारु ॥

शिष्योवाच

न्यारे न्यारे सब कहे वलविक्रम अरु नाम ।
रूपका नहै ब्रह्मको लह्या ज्ञानको धाम ॥

गुरु उवाच

अप्रमा अद्वैत है श्री चैतन्य सुभाइ ।
मन इन्द्रो गहि सकत नहिं क्यों करि वरनो जाइ ॥

कविता

काननको नाद नाहि जोभको सवाद नाहि
वचनको वाद नाहि जुगति सौ जो कहै ।
आंखिको देखाज नाहि नाकको सुवाउ नाहि
कर को गहाउ नाहों पाइनको रो कहै ॥
मन करि जानो नाहि बुद्धि अनुमानो नाहि दूसरो
प्रमाणो नाहि प्रकटअ सो कहै ।
असति प्रपञ्च शक्ति कैसे पहिचाने नयन आपु
सुख जाने दूजो जाने बिन को कहै ॥

दोहा

एक ब्रह्म अद्वैत है ताकी उपमा कौन ।
बिन उपमा समुझे नहीं अन्न कहावै तौन ॥
जो लक्षण आकाशको वहै ब्रह्मको देखि ।
यह जदु वह चैतन्य है यहै भेव पुनि लेखि ॥

कविता

व्योम हो मै सात उरसात लखी सात लोक व्योम
होतके भाभ लोका लोक लेखियतु है ।
व्योम मै जगत अरु जयत मै व्योमसे घटथे मांड
अरु न्यारो देखियतु है ॥
कहे सुखदेव जैसे जोव जग भेदवा मै तैसे घटमट
भेद यामे भेखियतु है ।
और सब लक्षण समान जानि व्योमके पै ब्रह्म
भाभ चेतन ता सो विसेखियतु है ॥

शिष्योवाच

दोहा

कहो प्रपञ्च सत्य अरु सत्य ब्रह्म सो एक ।
दू जो तपो असत्य क्यों रहै एकको टेक ॥

गुरु उवाच

एके केवल ब्रह्म है भेद प्रपञ्चन जानु ।
नित्य अनित्य विवेकके दूरि करत अज्ञानु ।
जो कह तो यह पहिले हो देह आत्मा एक ।
तो आत्मा न जान तो गहि लेतो यह टेक ॥
देह आत्मा भिन्न करि मम तु छड़ाई ।
मयो आत्मा आपु जब तब सबु एकै आई ॥

अरिज्ञ

एकमेव अद्वैत अद्वैत ब्रह्म यह भेदु है ।
और वस्तु कुकु नाहि भेद अनभेदु है ॥
पहै वार अद्वैत सिद्ध करिहो गहै ।
जानि आपु को आपु मुक्तिपद वौ लहै ॥

दोहा

जग को कारण ब्रह्म है यह निश्चय करि जोइ ।
भूलिन मन मे अनिये कारण करि जोइ ॥

शिष्योवाच

दोहा

कारण तो है भांति है उपदानसे निर्मित ।
कहिये ता मै कौन है वह अविनाशो नित ॥

गुरु उवाच

कार्य कारण ब्रह्म है दुह भांति तेहि जानि ।
उपादान भव कहति हौ फेरि निमित्त वखानि ॥

परज

माट सौ कहत घट काट सौ कहत मट सुत सौ
कहत पट पीटि पाटि आनिते ।

सोहे सौ कहै कटारी पीतरि सो कहै भारी
कासिसौ कहत घारी भोजनके सानिते ॥

कह सुखदेव जैसे जल सौ तरङ्ग कहै तुग वाहै
तावे माभरा गुल पिटानिते ।

कनक सौ कङ्कन औ किङ्किनी कहत जैसे ब्रह्म सौ
जगत कहै श्यापुविन जानिते ॥

नगर गन्धर्व जैसे वादर मै देखियत नीलता अकाश
मांभ खाली को धरसु है ।

जैसे सखा उड़ आगपर उसा निशि लागे जे वरी
अचिरे माउ सांप को भरसु है ॥

कहै सुखदेव जैसे फटिक कौहा माने लाल की
अङ्गार जाने जानत मरसु है ।

रूपोसो ससे तनि मैनीर लेखि रेरनि मै ऐसे ब्रह्म
चेतनी जाक गमरसु है ॥

धसमा के दीन जैसे छोटी ज बड़ो सो लागै दूरिती
निहारै बड़ो छोटेज लगतु है ।

सो लस तुहें कांचकी धरनी मालनीर ओसो
देखियत नीर माह कह कहु कांच सो वलतु है ॥

नाउके चलत रूख तीरके चलत लागे वादरके
टीरे मानो चन्द्रमा भगतु है ।

जैसे इन्द्रजाल भमया घको परे वा भासै तैसे
ब्रह्म चेतनि मै भासत जगतु है ॥

शिथोवाच

दोहा

ब्रह्म नित्य चैतन्य है जगु अनित्य जड़ जानि ।
उपादान क्यों करि भयो जड़ को चेतनि मानि ॥

गुरु उवाच

पापाकुल

जो तुम देहै हं करि मानत ।
देहौ क्यों नहि ब्रह्म हि जानत ॥

गुरु उवाच

दोहा

चेतनिते जड़ हीति है जड़ते चेतनि होइ ।
यह प्रत्यक्ष ही देखि कै संशे डारी खाइ ॥
यह शरीर चैतन्य है ताते नघ जड़ होइ ।
गोवर जड़ते प्रकट है गोवरीड़ा चिद सोई ॥

शिथोवाच

यह तो जानी जो कहो उपादान की रीति ।
भव निमित्त किहि भांति है सो कहिये करि प्रीति ॥

गुरु उवाच

साविवेद अरु समृतिकी धरे ग्रन्थ बढ़ि जाइ ।
ताते उपमा युगुति सौ प्रकट देत समुभाइ ॥

परज

उैसे घट कारज को कारण कहत दोइ
उपादान माटी औ निमित्त सो कुह्यार है ।
ओसे पञ्चतत्त्व गुण तीन है
जमत भयो आपहो ते जीय ईश आपु कर तारु है ॥
माटी औ कुह्यार न्यारो एक कहै सो चुमाटी
ताते और उपमा दै कौनो निरधारु है ।
जगका निमित्त उपादान जैसे मकरी है
तैसे भांति जगको विचारु ब्रह्म चारु है ॥

दोहा

कारण करि कछा यहु तो सो व्योहार ।
कार्य कारण ते परे सोहे तत्त्व विचार ॥
चिद विलास पर पञ्चयहु दुष्कर वे कृपाल ।
मिसिरि इन्द्रापनि मिले करई होइ दयाल ॥

कृष्णलिया

जैसे घटको घट कहै माटी कारण होइ ।
घट त्वन्नि माटी के कहै काको कारण होइ ॥

काको कारण होइ ब्रह्म जग ऐसे जानो ।
जगुतजि ब्रह्मे कहै प्रकट निरुपाधि वखानो ॥
पिता पुत्रते होइ पुत्र बिन पिता न जैसे ।
कारनही मिटि जाइ तजे कारजके जैसे ॥

कवित

चेतनि कहो जो कहं और जड़ होई कोज सत्य
कहोतो जो असत्य और लहिये ।
आनन्दस्वरूप कहो जो तोसो कजानी कहं एका तो
कहो जो दूजो रूप और गहिये ॥

तो कहों अखण्ड खण्ड और होई ककु चल और
होई तो अचल यहि कहिये ।
जानि यह वेद सुखदेव नेति नेति कहै आप को
विचारि चुपचाप आपु रहिये ॥

अज तो कहो जो देखा और को जन्म कहं अक्रिया
कहो जो करताव और लहिये ।
कुटवत कहो जो लोहारवत होई कोज अन्त और
होई तो अनन्त याहि कहिये ॥

खप्रकाश कहो जो देखे या और होई कोज
ब्रह्म तो कहो जो जीव ईस और गहिये ।
गूंगो गुर पाइ ताको स्वद न वखानो जाइ आपु
ही को पाइ चुपचाप आप रहिये ॥

दोहा

ऐसो ब्रह्मस्वरूप है ताहि आत्मा जानि ।
अब तेरे प्रारब्ध नहिं कछू लेहु जनि मानि ॥

कवित

सोवतमें जैसे देह धरिके मनोरथके पूत भयो
काहको खिलायो तिन वारते ।
शिशुता निवारो पुनि वेद पढ़ि चारों
सब कुटम संहारो काका बाबा अरु सारते ॥

कहै सुखदेव नाति पूत उपजाए भांति भांतिन
सिखाए पाप पुख्य पूरे पारते ।
जागत ही जैसे सब सपनेके जठे जानि जगतको
जाने तैसे आत्मा विचारते ॥

२

सोवत सपन माहदेन जैसे राजा होत जागत मे
लेसु ताको रंचक न लेखिये ।
जैसे का वांउ पूतकी लराइके यो राहनेको जाके
ताके जाइ करिउट अवरखिये ॥
कहै सुखदेव जैसे गंगनकी गुफा माभ फूले
अरविन्द ताको सौरभ विसेखिये ।
तैसे भूठ जगतमें भूठा ई सरोरु जानि ताके किए
काम कैसे साचे करि देखिये ॥

दोहा

ब्रह्म रूप तबही हतो जब हो अन्न सुभाइ ।
ज्ञान भए ककु और नहिं वहै ब्रह्म अब आइ ॥
भूले को समुभावही वेद और गुरु लोग ।
करत औरते और नहिं क्रियाकर्मके योग ॥

कवित

कोरीदसचले गाऊं वोच नदौ उतराउ पैरि
पेरिके सुनाई पारभृत आयो रहै ।
जोई गने सोई आपु को न गने लेखे एकु बड़ो
अवरखे महा सोक उपजायो है ॥
और जब पंथी आए न्यारे न्यारे समुभाए गनि कै
दसोनत ए तब सुख पायो है ।
ऐसे सुखदेव गुरुदेव उपदेश करि तेरोई स्वरूप
फेरि तोहि समुभायो है ॥

शिष्योवाच

दोहा

जानो तुम परसादते अपनो आत्मस्वरूप ।
अनुभव कासों कहत है औ विज्ञान अनूप ॥
गुरु उवाच

चिद सद जानत ब्रह्मको तोलो कहिये ज्ञान ।
ब्रह्म आपुही को लखे सो विज्ञान निदान ॥
जैसे नर अज्ञानते कहत देह सां आपु ।
त्योही जब ब्रह्मे लखे ज्ञान हृदय आलापु ॥

शिश्योवाच

युक्त भयो संसे गयो लथो आपनो रूप ।
रहो देत व्योहार सो का विधि कटे अनप ॥

गुरु उवाच

भांति भांति भोगनि करे करे दङ्गवर होइ ।
पापपुण्य लागि नहीं वोजन आदिक जोइ ॥

अष्टावक्रवच

दोहा

जीव ईस अरु जगतको आतम जानि जोइ ।
मनमे आवि ल्यो रहि ताहि न रोके कोइ ॥

गीता

लोक वेदकी रीति सब ज्ञानी कौने जाइ ।
जाके धर्म हि देखिके जगत धर्म ठहराइ ॥
जैसे तब अज्ञान में चलत हतो जीहि रीति ।
ते सो विधि अबह चलो तजो कर्म सो प्रीति ॥

कवित

नर सो जनमु न धरमु वेद शासन सो विप्र सो
न वर्ण ओसर आश्रम न गेही सो ।
कर्मसो न प्रवल न अवल विषे लम्पट सो जग सो
भरसु न भूलैया और नेही सो ॥
गुरसो न वेद उपचार न विचार ऐसो अज्ञ सो न
रोगी औ असञ्जमो न एही सो ।
मन सो उपासक सुबद्धि सो न सङ्गो और देह सो
न व्योहरा न देव और देही सो ॥

दोहा

यहु वेदान्तक कौ कछो सब सिद्धान्त विचार ।
सबे समुक्तिये आपु में सब में आपु निहार ॥
लाख लाख दृष्ट्या कके ग्रन्थनि माह विचार ।
सो मतु वहुसङ्घेप सो भाषा माह निहार ॥
जैसे साम्हरि लोनके ढेरसेल स्थम जोइ ।
लौने पैसा एक मरि काजु आपनो होइ ॥
हतो जो ककु पक जानिवे जानि चुको तु सोइ ।
और जु शास्त्रनिके मते भूलि न तिन तन जोइ ॥

श्रीगीतावां

यज्ञादिक कर्मनि करे देवलोक फलभोग ।
सोमांसा मुक्ति हि कहे दुःखको मयो वियोग ॥

पातञ्जल

जीव इस न्यारो कहे पा ताजल सब काल ।
दहे कालसनि जोग करि कहे मुक्ति मुख लाल ॥

सांख्य

प्रकृति पुरुष अरु तत्त्वको जाके होई विवेकु ।
यहै मुक्ति सांख्यकहे ज्ञान भए सबु एकु ॥
वैशेषिक अरु न्याय पुनि दोऊ तार्किक जान ।
भेदवाद इनके सदा मुक्ति पदार्थ ज्ञान ॥
आगम तन्त्र पुराण पुनि पञ्चरात्र मत जानि ।
खैचि आपने पंथको डारत जगमें आनि ॥
औरजु शास्त्रनिके मते परे जगतमें जाइ ।
कल्पनि लो कटे नहीं जन्ममृत्युते माइ ॥
अपने मत यह वेद शिर सवते उत्तम जान ।
ताही को विश्वास करि भूल और मतिमान ॥
सठ धूरत अरु नास्तिकनि वेद विरोधो और ।
तिनहि न भूलि सुनाईये पहु यतु मति सिरमोर ॥
जिनके उर हरि भक्ति है औ गुरु भक्तिनिदान ।
तिनके आगे पोलिवी यह उपदेश निधान ॥
वेद सुमतिके वचन को कछो सुखदेव विलास ॥

प्रति श्रीव्यायप्रकाश समाप्त ।

—*—

श्रीहरि गुरु सच्चिदानन्द सत्यनाम
परब्रह्मणे नमः ।

अथ आलापचारी

दोहा रामिणी सोरठ तीनवी साठ ताल

एकताला—आदि

धिन् तक् धिकन्ना धिं धिं धाग तुन्ना किटि
कबौर संवत पदरहसे और चांमो मगहकौ योमवन ।
अगहन सुदो एकादशी मिले पवन सो पवन ॥

सम्बत वारे सौ ओर पाचमे ग्यनी कौयो विचार ।
 काशी माहि प्रकट भयो शब्द काह्यो टक सार ॥
 कबीर सबसे हिलीये सबसे मिलिये सब
 का लीजिए नाम ।
 हांजो हांजो सबसे किजिये बसिये अपने गांव ॥
 शीव वन्दगी कहत है सत्य नाम गुरु कृपाल ।
 शिषकु आशोष करत है गुरु को दया ततकाल ॥
 अन्य उपासन राम विनु अगर मुएसी रोति ।
 भूसे पर को लोषने अरु वारुकीभोति ॥
 कबीर हरिका नाम ले तज माया विष कोज ।
 बारम्बार न पाइये मनुष जन्मको मोज ॥
 कबीर ओठ कण्ठ हाले नहीं नहिं जिभ्या
 नाम उचार ।

गुप्त बस्तु को जो लखे सोई हंस हमार ॥
 कबीर शून्य मण्डलमें घर किया वाजा शब्द रसाल ।
 रोम रोम दोषक भया प्रकट्या दीनदयाल ॥
 कबीर उतते कोउ न आई जाको पूछ धाय ।
 इत ते सब कोई जातहैं भार लदाय लदाय ॥
 कबीर नाना वाणो बोलतो सो कित गयो विलाय ।
 यह संशय माजि नही कौन कहे समुभाय ॥
 कबीर चलो चलो सब कहत है मोहि असो ओर ।
 साहवसे परचे नही बैठोगे केह ठोर ॥
 कबीर विरछ जो ठूठे वीजको वीज विरछके माहि ।
 जीव ज्यो टुट ब्रह्मको ब्रह्मजोके आहि ॥
 कबीर रामनामकी लूट है लूट सके तो लूट ।
 फिर पाछे पकृतायोगे जब प्राण जाएंगे छूट ॥

सोरठ

कबीर जैसे माया मनरमे तैसे रामरमाय ।
 तारा मण्डल छेदिके तब अमरापुर जाय ॥

२

काल करे सो आज कर आजु करे सो अब ।
 पलमें परलय होयगो बहुर करेगो कब ॥

३

कबीर हरिसंग शीतल तू भया मिटो मोह
 तन ताप ।
 निशि वासर सुखनिधि लई तब अन्तर प्रकट न
 आप ॥

४

कबीर पाला हरि नामका अन्तर लेहु लगाय ।
 रोम रोममे रहा और अमल कहा खाय ॥

५

कबीर आगिके दिन पाछे गए हरि सां कियो न हेत ।
 अब पकृताए होतका चिड़िया चुगगई खेत ॥

६

कबीर आगि आगि दवजरे पीछे हरोया होय ।
 बलिहारो वा वृक्षकी जड़ काटे फल होय ॥

साहाना

सुनतहो गुंगा भया चाखतहो मर जाय ।
 एक अर्चभा देखिये मरा कालको खाय ॥

७

करि स्नान लागो तिसको तिसबिन रहो न जाय ।
 आन मिलावोत सकुति देखे ति सजाय ॥

८

कबीर कबीर क्या करे सोधो आप शरीर ।
 पांचो इन्द्री वस करो सोई जास कबीर ॥

सोरठ—चौताला

निरञ्जन निराकार पार ब्रह्म परमेश्वर ।
 परमात्मा एकहो अनिक होय व्याप रहो सब संसार ॥
 अलख ज्योति अविनाशी आदिनाथ अगोचर
 अनादि तुहो एक करतार ॥
 तुहो पवन तुहो धारतो तुहो धरनो तुहो अकाश
 तोही ते सकल व्यवहार ॥

तुहो ब्रह्मा तुहो विष्णु तुहो शिव तुहो शक्ति सुरनर
 मुनि ज्ञानी ध्याना तुहो सर्वसार ॥

२

अलख लखो नहीं जापरी मनमें कहां कानो
 वहांवास ।
 घट घट पूरण व्याप रहोहै जल स्थल ओ आकाश ॥
 एक अनेक अनेक एक ही न न्यानी नामीन प्रकाशत
 ज्यो चन्द्रसूजो प्रतिविम्ब आकाश ॥
 कहां गाधत ककतु तरुणई प्रखात काल कालके
 हातहै मोहि भरसानाहि ।
 यह तन काचाकंभ है विनसि जाय छिन माहि ॥
 घरी पहरकी सुध नहीं करे कालका साज ।
 काल अचानक मारि है ज्यों तीतरकी वाज ॥
 खोजत खोजत जुग गए मया जो गुण सगुण ।
 हरत हरत ना भिली न बहारी कावावे चुन ॥
 अबके विछुरे कब मिलोंगे कहा धरोंगी पयाव ।
 शिरसों पो सन्मुख लरो अवजिन करो कुदाव ॥
 जलकी शोभा कमल है दलकी शोभा कील ।
 धनकी शोभा धर्म है कुलकी शोभा शील ॥
 हृद हृद करते सब गये वे हृद गोय ।
 वे हृदके में दान मे रहे कबीरा सोय ॥
 उठो कबीरा कहा सोवे जागनकी कर चोप ।
 एकदम हिदे लाल है गिन गिन हरि की सोप ॥
 राम रहस कबीरका पाया दास ज्यो सूर ।
 बाकीरहा सो तुलसी गायो अब गावे सो कूर ॥
 सुआ कबीरा काहेको भजले कृष्ण मुरार ।
 एकदिन सोना होयगा सोलिवे गोड़ पसार ॥
 चलती चक्की देखके दिया कबीरा रोय ।
 दोपर भीतर आयके सावित रहान कोय ॥
 आशपाश में ओपड़े निपट पोसान होइ ।
 तसो के लोसे लग रहे वांको पौसे न कोइ ॥
 खटो पकड़े जो रहे ताहि न छूवे कोय ।
 रामनाम के नाम सो भव सो पार जो होय ॥
 राम नामकी खेती किया काट लिया सब सूर ।
 तुलसीदास ले विनीया ज्या प्रकाशे चन्द ओसर ॥

मिथ्रीका एक पर्वत चूटी पहुंची जाय ।
 चांच भरके बहलोया पर्वत लीया न जाय ॥
 कहनी बड़ी वीरकी गोरख बड़ो जू ज्ञान ।
 रहनी बड़ि जू दतकी शङ्कर बड़ा जू ध्यान ॥
 चन्द्रग्रहणका शील गो सब सखो दीनी सोन ।
 एक सखी लि गदी एसो को सखो कारण कोन ॥
 त्रिषावन्तकी मोन भई गई ताल ततकाल ।
 सर सूखे आनन्द भयो कारण कोन जमाल ॥
 वायस राह भुजंग हरि लिखत त्रिया ततकाल ।
 लिखत मिटावत फिरि लिखत कारणकोन जमाल ॥
 आजु अमावस सदनिघर शशि भीतर नन्दलाल ।
 वीचे पड़िवा पर गई कारण कोन जमाल ॥
 तनकी तनक सराय मो कन हन पायो चैन ।
 खासन गारा कूचका वाजत हे दिन रेन ॥
 बाबुल तब क्यों बरजीया अन लागो मेरे नेह ।
 रोम रोममें भोजया अब कैसे कुटे सनेह ॥
 बाबुल वेद बोलाइया पकर देखाई वाह ।
 भूला वेद न जानता कलक कलेजे माह ॥
 वे गये बाबुल वे गए नदी किनार किनार ।
 आपतो पार उतरि गए हमहि छाड़ि मभधार ॥
 बाबुल गांउ नदी जीए समभ समभके सुधार ।
 ओर गांठ सब खुलत जहां लग गई लगन अपार ॥
 प्रेम गांठ सरके नहीं सरके शिरके साथ ।
 शिर तो विकारे नाम को धरे शिरे ले हाथ ॥
 शिरके हरिके मिल गया चरणकमलसे आन ।
 शिरके साटे हर मिले तोर वस्ता जान ॥
 गया तो घरहे प्रेम का ओर खाला धरनाह ।
 सोर उतारे भूधये जब वेठो घर माह ॥
 जाओ वेदध आपने हभरी आह न लेह ।
 भेदाटी दुःख बरहकी तु क्यां दार देह ॥
 मन सुरासूली चढ़ो यह विधनी सीस ।
 प्रेम सुखा ली जानके कोई मत करयेरो रीस ॥
 करम लिखी सोई लिखि घड़ो मोन करवार ।

हस हस जितना देत हे साजन ऊपर धार ॥
जात जातको पाहुनो जात जात पै जाय ।
साहव जात अजात तरे सब घरत ह्या समाय ॥
काम विना पारस पवर अषे वृक्ष किएवार ।
तुलसी हरिकी भक्ति बिन गृह तब भले उजार ॥

दोहा

आशको देशकि लालीता दे दरठो लवलाय ।
हसन कुड़ीया करण सु जागाकि दरा कलम
ले आए ॥

२

चिकड़ अग लगौ मरडाठे सानु विरहे न फुकज
लाए ।

कका लिया रदो खारसाले पुष ताया रगवाए ॥
नाम मुनीया रन चूड़ीया नानि बाहुयार ।
किन सो लावो दोस्तो सब जग चल लैहार ॥

तिवाला

घायल धूमि दर खेड़लो हुट पङ्क दे नैन ।
बरछी लागी प्रेमकी जब निकसे तब चैन ॥
प्रेम नगरमें आयके उलटो देखो जाल ।
घायल चुन चुन मारिके खूनो फिर खुशाल ॥
क्याशा याही क्या लेखन नहीं क्या नहीं
लिख ली हार ।

क्या हमसे अवगुन भया क्या मन दिए विसार ॥
कर कापि लेखनी डिगे अङ्ग अङ्ग अकुलाय ।
सुधिआवे छाती फटे पाती लिखी न जाय ॥
पन घटका गजवो खड़ी पियाकीन ।
जब पीय न कुटत कुटत दोनो कुटे उत पटका
इत प्राण ॥

लाल सुपारी प्रेमरस तन चूना मन प्राण ।
तुम विन धीन जावने अब लागे मही जान ॥
पृथिवी एक डग करे दरीया करे छाड़े हाथ ।
पर्वत काड़े एचके सोई गए कालके साथ ॥
मेरु उड़ावनहार जे धरा करे कर वीच ।

सो भट खाए मशक सिस कान कट लता नीच ॥
मेरी मेरी कर सबही गए मिटो नही कतु आश ।
काम क्रोध मद लोभ वश फिर फिर कानटि पाश ॥

कवीर शब्दसारङ्ग लभ—एकताला

तुम तो भले विराजो जी ।
ओड़ीसा जगन्नाथपुरीमें भले विराजो जी ॥
आप अछे विराजो जी ।
बलभद्र जुटे मैया ठाकुर भले विराजो जी ॥
कबकी छोड़ी मथुरानगरौ कबकी छोड़ी काशी ।
भाड़खण्ड में जाय विराजि वृन्दावनके वासी ॥
(ठाकुर बलभद्र)

हापरमें छोड़ी मथुरा नगीचे ता छोड़ी काशी ।
हारकापुरीमें ओपाश धारे श्रीगोकुलके वासी ॥
(ठाकुर बलभद्र)

अठा दे नाले चोकी लाग जी ली जानन पावे ।
गुदड़ीयाका भाट लागे नागानट वचावे ॥
वङ्गालिन बेटी परम सुन्दरी उसका नैन सलोना ।
गोविन्दकी गति गोविन्द जाने करे बङ्गालिन टोना ॥
सोलह गजकी सारी पहरे जिसकी लाल किनारौ ।
ससुर जेठकी लाज न करे आधोटाङ्ग उघारो ॥
ओड़िया मांगि खीचड़ी बंगाली मांगि भात ।
साध मांगि दरशन महाप्रसाद ॥
तुम तो भले विराजो जी ।

गलौ गलौ में नारीयर फेलौ घर घर ठाकुरबारौ ।
मारकण्डे वट कृष्ण रेहनो गांसि धुववारो ॥
नीलचक्र घर ध्वजा विराजि मस्तक सोड़े होरा ।
ठाकुर आसे दासो नाचे गावे दास कवीरा ॥

राग—मैरव

आपही धरमधारी ठाकुर आपही खेल खेलारो है ।
तबु तो असमानाए जमो दुलो चाड़ारो है ॥
चांद सूरय दोड मचलत बनाप तेरो कुदरत
न्यारो है ॥

आशावरी

राम नामकी चोपड़ माड़ी पांला जुग संसारो है ।
जाकी गोटीपकी घर आए सोई सुघर खिलारी है ॥

२

हम जीते तो पीको पावे पी जीते हम ला राहै ।
सात पांचकी कची पचि सोनेहु लोले डारो है ॥
हादश वाट आटारै राहे पड़ा औरचा लेहे भारो है ।
रुके पछे कुट जाय तबजब नही रहे संभारो है ॥
जाके उपर साहव राजी जिसका जगत भिखारी है ॥

आशावरी सोरठ—पकी

हम नहे इस्क मस्ताना हमन कोहे शटारी क्या ।
रहे अजादया जग सोह ननद दुनोया से यारी क्या ॥
अहो ही हो अहा हा हा अहो ही हो अहा हा हा ।
खलक सब नाम अपने सो बहुतके शिर पटक तोहे ॥
हम न गुरु ज्ञान आमल हे हम नकी नाभदारी क्या ॥

(अहो...)

जा जन विकुरे पीयासे सो भटकते दर विदर फिरते ।
हामारा या रह हममें हमन को इन्तजारी क्या ॥

(अहो...)

न पल विकुरे पिया हमसे न विकुरे हम पिया रे ।
सजन से प्रीत लागी है उनो की बेकरारी क्या ॥

(अहो...)

कबीरा साइ है वांका रहे सत शब्दका वाका सो
चालना राहना जु कहे हम न शिर वोभभारो क्या ॥

रेखता—गान्धार

समझ मन सोच अब कीना गुरुसें पूछ नहिं लीना ।
कहां से रङ्ग यह आया न कोई मोहि बतलाया ॥
है कोई गांवका वासी देखावो ख्याल परकाशी ॥
बतावे गएवका घेरा मिटावे पलकका फेरा ॥
सफत रग किन कही आवे बड़े कोई भागसे पावे ॥
सुरति यह रङ्गकी प्यारी पपोही पो पिज पुकारी ।
न आवे हाथ यह करनी शिधारो जायके शरनी ॥
पिया जिन प्रेमका पानी सन्तजन लेहि पहचानी ।

कवहि यह मोहि न भूले विरह बेभोक्त ज्यों भूले ॥
चरण कवीर संतके धोवे सदा सुख अमृत जो पावे ।
यह धर्मदास बर मांगा सदा हरिचरण में पागा ॥

सोरठ—यत्

सखी मोहि वाही देशको जाना जाको नाम न जान
ठिकान्म ।

जहां टूट जाय सब फंदा जादुबयां नहीं ककु धन्या ।
जहां उगी नहिं शशिभाना ॥
जहां पीर पैगम्बर न देवा जहां रिषि मुनि
असुर न भेवा ।

जहां कुफर इसलामसमाना ॥
जहां जाना न कोई भावे जहां किरितन कोई गावे ।
जहां जाय कर फिर न आना ॥
जहां बपुराब्रन वमना जहां कुरान किताब न मुल्ताना ।
जहां पूजा निमाज न ध्याना ॥
जहां अन्ध नहिं उजियारा जहां भूख न प्यास
जहारा हां पूजन आदि जमाना ॥

२

जहां आग न पवन नहिं पानी जहां मरत
जीव नहिं जानो ।

जहां जाय चट्ट परवाना ॥
जहां न कसर गणहो माना ।
जहां सोउ पीया गलबाही तहां दूसरा नहीं
तही वाही जहां प्रेम सोहाग काना ॥

३

जहां नाद वेदउ भावा जहां सफरी सगरी माया
जहां पीया रच्यो मोरा गोना ॥
जहां लागी प्रेमको बाड़ी जहां फूल गुलाबन बाड़ी ॥
जहां फूलो है मरुवा दौमा ॥
जहां रङ्ग रूप महि रेखा जिन नैन न साहव देखा ।
जहां पायो जीव अस्थाना ॥
जहां जात न पांत विवेका ।
सब घटमें एकही लेखा ।

जहां सब जग एकहि ठाना ॥
 ब्रह्म सागर रङ्ग उजागर सच्चिदानन्द अमृत आगर
 कृष्णानन्द रङ्ग रङ्गाना ।
 गो हंसा करो ने निवासा ही अमरपुर खासा ॥
 आवे नही दिन तहा आवे नही राति ।
 जागत पुरुष वसत बहु भाति हो ॥
 लगे नही भूख तर्हा लगे नहि प्यासा ।
 अमृत भोजन करो सुखवासा ॥
 जात नहि पांत तहां वरण विवेका एकहि रूप
 सकल घट देखा ।
 सांख नही कान जहां रूप नरखा विन नैन तहां
 साहव देखा ॥
 नरनार बहि पशुपत्नी न सुरमुनी नाग न पेखा ।
 नही श्वेत पित रङ्गराने नही काहुके वे साथे ॥
 वह आपही अलख अलवैला कहि गुरु ताके
 नहीं चेला ।
 सागर रूप उजागर एका नाही दूसर आप अलेखा ॥

कनाड़ी—तिताला

साचे मनके मौता प्रसु तुम साचें ।
 कब शिवरी काशी कर आई कब पढ़ आई गोता ।
 जूठाबिर विश्वभर चाखोघरीब पलछिन वोता ॥
 यज्ञ दान कब कियो नो धीया तोरथ जल कद पीता ।
 बांह पकड़ घर लीयो राम के मन हो के परतीता ॥
 कब करमा आई भोर सुमरके चौका सज्जम गोता ।
 हो नन्दलाल गोपालके नित उठ खिचड़ी दीता ॥
 साच समान और जग नाही जुय जुग संत कहौता ।
 कहे कबीर वसो घट जाके साच सकल जगजीता ॥

बोलो राम पिंजरके सुआ ।
 सोच विचार घटहो में देखो धंधा करत
 सकल जगमुवा ।
 बोलो काल मञ्जारी ले जायगी हार चले जैसे
 ज्वारी का जुवा ।

अन्तसमय कोउ काम न आवे मरे कहत कुवा कुवा ॥
 स्वारथके सब लोग बटाऊ धनसम्पत मे हुवा ।
 कहे कबीर सुनो भाई साधोसन्तनके सुख अमृत
 रस चूवा ॥

सभास्य

भूठा जगत पसारो जी राम देख लोभाना ।
 जो आया सो सबही जायगो क्या राजा क्या राणा ॥
 (जी राम)
 दीपक देखके पतङ्ग लुमाना जल बलखाक समाना
 (जी राम दे)
 काम क्रोध मद लोभ मोह वस निश दिन यहि
 मनमाना (जी राम)
 यह संसार मृगतिसना है नाहक भरम भुलाना ।
 कहे कबीर सुनो भाई साधो हरिके चरण चित
 लाना (जी राम)

कान/पा—तिताला

कहा मागु ककु थिर न रहाई ।
 यह जग देखत चलोहे भाई ॥
 एक लक्ष पूत सवा लक्ष नातौ रावण घर दोया
 न वातौ ।
 लडा सा कोट समुद्रसी खाई ता रावनकी खबर
 न पाई ॥
 कहा मागु जो आया सो सबही जायगे राजा
 रङ्ग अमीर वादसाई ॥
 कहे कबीर रहै नाम हरिका विन और न करो हे
 सहाई ॥

कलिङ्ग—तिताला

कोइ सुनताहै गुरुज्ञानी गगनमें ।
 अवाज होती भानो पहले आए नाद विन्दे पाछे
 जमाए पानी घट घट पूरन पूर रहाहै अलख
 पुरुष निखानी ॥
 वहंसि आए पटालिखाय लष्णा नाहि बुझानो ।
 अमृत छोड़ विषे रस पोवे उलटे फास फसानो ॥
 ज्यो ककु देखा नजरहो पेखा अजर अमर निशानो ।

कहे कबीर सुनो भाइ साधो यह अग्रम निगमकी
वानी ॥

भाटियाल—तिताला

चरखा देहो बनाय वठैया मोरो मितवारे ।
पानीसे पेदा कीयो रे नगर बसाए जाय ।
एक अचमा अचजो म देखो सखी रौ ठेठा
वाप ले जाय ॥

बाबारे एक व्याह कराय दे अक्छा वर खोज ल्याय ।
ज्यो खोजे तब वर नाहो मिले हमरा तुमरा च्याय ॥
सासरुसे ससरु रुसे व्याह खुसम ले जाय ।
एक तो वठैया ना रुसे जिन चरखा दए बनाय ॥
ज्यो यह चरखा लखे पड़ेगा आवा गमन मिट जाय ।
कहे कबीर सुनो भाइ साधो चरखा लखो न जाय ॥

आशावरी—तिताला

ज्ञानकी आधी आई साधो ।
सबही उड़ाने भरम कीटटी रहत न माया वाधो ॥
दो चितके दोउ खे भ गिराए मोह बलि डाटाए गई ।
बसना छान परी घर दुरमत हाड़ा फड़ा अमृत
वरषा मुक्ति जल बरषत पीए हरिरस अधाई ॥
कहत कबीर सुनो भाइ साधो ध्यानमान दोउ आई ॥

२

एरी वाको भेद न जाने कोई ।
हालीके भीतर बहल चलत है हलमे खेती बोई ॥
हाथीने अङ्गुश वस कर लीनो शिर मारत है भोई ।
जिन पायो तिन नींदम आई भूखी परके सोई ॥
बहरो सुने दूरकी बातें अंधरे माला पोई ।
दुखिया उमग उमग गुण गावे सुखियागए सबरोई ।
कहत कबीर सुनो भाइ साधो सबही सबानप खोई ॥

भाटियाल—तिताला

हमारे गुरु भूले कुराह वतावी सत्गुरु तीन
छन्द ले गावे ।
छपरमेकी मरिवो जङ्गलमेकी लकरो गड़रीयारी
वकरी वो वो वकरि लकरि मकरि ॥

वो जुलाहाकेरा ताना तंवीला केरा पान नानवाई
कारा नानवो नान पानातामा ।
वनीयाके राहि गाभेसी केरा सिङ्गा महादेवका
लिगावो लिगा सिङ्गाहि गा ॥
कहत कबीर सुनो भाइ साधो या सन्तनका मेला ।
यह वातका मरम जो जाने वहे गुरु हम चेला ॥

कलिक

कोन वध प्रीतम पाइये ।
गुरु रहि लगावो चंचलताइ छोड़ देइ थिरताई
ले आधो ॥

कलह कस्तपना मेटके चरणन चित लावो ।
अरध उरध विच वागहे जहां सुरत रमावो ॥
अष्टसिद्ध नवनिधमें तनहु न विलसावो ।
इड़ा पिङ्गला सुषुमना जहां ज्ञान दृष्टावो ।
कहे कबीर गगनमण्डलपे मोहे भुला भुलावो ॥

कलिक—तिताला

वङ्गला खूब बना हदवेश जामे नारायण बोले बोलिरे
साधो परमेश्वर बोले वङ्गला अजब वनाहदवेश
जामे ना ।
इस वङ्गलाके दश दरवाजा बीच पवनके खंभा ।
आवत जात कोई न देखा यह भा बड़ा अशुभा ॥
पांच तखकी भीत बनाई तीन गुणोके गारा ।
मरम अमरकी छान छवाई धिङ्ग न चेतनहारा ॥
पांच पचीस पातुरो नाचे मनुवा ताल बजावे ।
कहे कबीर सुनो भाइ साधो बूझे सो फल पावे ॥

२

हम न मही वमरीहै संसारा ।
हर मर होतो हमहु मरसे हरण मरे तो हम काहे
सरे विचार ॥
हर हममे हम हरमे निशदिन अलख निरख
नहे निराकार ।
हरहि हम हम हरही दोशत सब जगव्याप रहो
करतार ॥

मरेंगे नहीं रहेंगे सदाही गुरु अमृतवचन
पीवे आधार ।

कहे कबीर मरेंगे सोई जा घटमें नाहीं हरि उचार ॥

नर जाने अमर मोरी काया एक कुआ
पाचों पनिहारी ।

पांचो सौचे अपनी वारी औघट घाटकुअना
टेठ कुमलाय गई वो पांचो क्यारी ॥

सहस पाखरी एक शरीर तनमन भजले दास कबीर
अपने गुरुकी हो बलिहारी ॥

जमसे नाही डर आवे साहव याद रखु गावे ।
सुरत निरत काखी दुला मेरे दिल अईर दोड़ाउ ।

पुरुष प्रताप हाथ लेखइ सनमुख लड़के आउ ॥
और सबक सवाके आकरमे हजुरी पाजी ।

काम क्रोधकी गरदन मारु साहव राखु राजी ॥
कहे कबीर सुनो माइ साधो विरला जाने कोई
जोरा परका हीरा साध सन्तनको सौस निवाउ ॥

सिन्धु—तिताला

क्यारे सोवे तू मोहनिशामें जागत नाहि कूच
नियराना ।

पहले नकारी अनहद वाजे दूजे बैन सुने नहि काना ॥

तीजिनै नष्ट नहीं आवे आइ पहुंचा परवाना ।

हाथी कूटे घोड़ा कूटे कुट गए यह महल खजाना ॥

भाई वन्धु पिता सब कूटे कुट गए यह लोक जहाना ।

परी हे पुकार नगरकसबे मे रे यत लोग सवे अकुलाना ॥

पूरण चन्द्रकी सई हे तयारी छिनमें दीपक
भवन बुझाना ॥

रक्षा कौन करे नगरीके मालक मुखिया पेली पुराना ।

कहे कबीर यही गत सबकी मज मन पूरण

ब्रह्म अमाना ॥

कलिङ्ग—तिताला

राम रस ऐसा हैरि माई ज्यो पीवे सो अमर होय जाई

आगे आगे दव जरि रे पोछे हरीया होय ।

बलिहारी व वृक्षकी जो जड़ काटे फल होय ॥

कुम्भ घटा विच जल वरषत है जल विच

कमलत होय ।

ज्ञान कथा विच मन्द रहत है विनगुरु ज्ञान न

बुझै कोय ॥

मैं घर जाऊं आपनोरे लीए सुरेड़ा हाथ ।

दूजे जाऊं तिस केरे जो पगे हमारे साथ ॥

घर जारे घर उवरेरे घर राखे घर जाय ।

एक अक्षभो य सुनो रे मड़ा कालकू खाय ॥

नाम रसायन जो पीवे जाके घर खरसी सन होय ।

जखलमें जिन शिर दियोरे बहुर जनम नहिं दोय ॥

ज्यो रस पीयो नाम देवरे और पीयारे दास ।

पीवत कविरा ना क्योरे और पीवनकी आस ॥

ध्रुव पीयो प्रह्लाद पीयो और विभीषण दास ।

हनूमान नारद पियो औ शुकमुनि वेदव्यास ॥

महादेव ब्रह्मा पियो सनकादिक आस ।

रुक्माङ्गद अश्वरीष पीयो सागर मयो वैकुण्ठे वास ॥

भटीयाल—तिताला

तेरी बनत बनत बन जाई हरि सीं लागे

रहु रे भाई ।

जा तन लगे सोई तन जाने दूजा क्या जानेर भाई ॥

ऐसो ध्यान धरो घर भीतर आवा गमन मिटाई ।

रंकालागी वंकालागी लागी सदन कसाई ॥

धना भगत को ऐसी लागी तुं वामें गउनि पाई ।

सेनानी किवट लागी लागी मोरावाई ॥

बलष बुषारे ऐसी लागी छाड़ि चले वादसाई ।

ध्रुव लागी प्रह्लादे लागी नारद वीण बजाई ॥

शिव सनकादिक लागि रहत है कवहं न पीवत

अघाई ।

इस नमरी में धायल घुमड़े धावन विसरे भाई ॥

सुरत निरतको कमठा कौनो अन्दर पड़ी लड़ाई ।

जलदी जलदी बजि नगारा फीज चले हरसाई ॥

सतगुरु बैठा खेत बतावे सूरकरे लराई ।
यमराज सों युद्ध मचावे वीर होय सो जाई ।
कहे कबीर सुनो भाइ साधो हारो तो राम दुहाई ॥

पहोरी—तिताला

होय पीय पीय धुन होय अवरि नहोय रमण लामारि ।
अवरेण हर मन लागे ला पी पीया कहे भई वावरीरे ॥
नेहर डारुषाय अर नयन हर मन लागे पीया
सबहीके होय जो चुक चाडु सासुरे ॥
पीय जुरल मनेह सुख ठाटडी हो रहीरे जल भल
भई खाक जरत आगन अममन्तररे ।
दास कबीरके मङ्गलारे जाने विरला कोय जाने सो
पहचामे रे ।
तेरा कबीर उहा तनहो जाव कोई एसा होय
कोउ एसा होय अवरिने ॥

कलिङ्ग—तिताला

क्या नयना भ्रमकावे ठगनी क्या नयना भ्रमकावे रे ।
रूपा पहरके उपा देखावे सोना पहरके रिभावे ॥
गले बांधके तुलसीकी माला तीन लोक सरभावे ।
कटु काठ मृदङ्ग यास्तीबु' काट मजीरा यद चुवाना
यत भेष पन्नो मैङ्क ताल वजावे ॥
कमर बांधके मदहा नाचे जट विष्णुपद गावे ।
गदहाके शिर मोर बांधके नाचे बालम खीराट ॥
विरछ चट्टी मछली फल तोड़े मैङ्क चुन चुन खावे
भेष पदमनी मंगल गावे उठहो रोभ रोभावे ।
धरती वरषे अवर धावे अलख हि लख के जगावे ॥
रूप रेष रङ्ग नहि जाके सो नैनन दरसावे ।
कहे कबीर सुनो भाइ साधो यही अचम्भा आवे ॥

२

राम नाम कहोरे मन होए गरभवास भक्तिके
कबुली अर क्यासो चन विकल शरीरा ।
आधो धरतेरे चुओखेपाइ आधीमे रह गई पीरा ॥
कहे कबीर सुनो भाइ साधो हरिके चरण मति धोरा ॥

२

लूभजो न सगर वाइसां पनीयाको गईलो त्योरे ।
सगर दुलभ भई लोरे की हाथ कुट धोइए कुटकोई
नही वाते पुके सुन सखीयारे ॥
कजरा दई जरा बोलेरे विरही ।
सात पांच सखी मिल चली महातम सुन
सखीयारे ॥

उहो रे नेहरवा पोतम डोलैरेकी ।
दासरे कबीर एक निरगुण गावे लगाए सुनावल
कवहं न यह जाग आय वरेकी ॥

विहाग—तिताला

अस कोई नगर करे कोट बलीया मास विद्यायगो
चार धवरीया ।

मूस मए नाव विलारी खेवे नइया ॥
दादूर सोवे सरपर खवरिया ।
सुतल कुकरा कुनवट भूखे ॥
साहव टनघर चोरवाहो मूसे उलटि सिंह सायाल
स भजे ।

कबोरके पद कोई विरला बूभे ॥

विहारो—वत्

देखहु रे गुरुग मस्ताना ।
इङ्गला पिङ्गला, चमर डुलावे निशदिन सुख मन
करता निशाना ।
पछिम दिशाके खोल किवडोया गगन मन्दिर सहज
चलि जाना ॥
गुरु गोविन्दमें ध्यान लगेहै मगन होय पलटे वोराना ।
सुरत लगाय रहो घट भीतर छिनमे कबीर वेड़ा
पार लगाना ॥

कलिङ्ग—तिताला

ध्यान धर हरिजना रे जासोहंसा निर्मल होय ।
दिल दरियाव सुरत सेना ले मैल जो डारो धोय ।
कोई हरि जन उवरे रे सब जग लिया है माय ॥
असंख्य जनमें जोत विराजे रही नाथ घनघोर ।

चाँद सुरजका मारग पाया सुख मन दोना जोर ॥
 आत्मसे परमात्म चिन्हा रही वासना मोरी ।
 डाल रात फल पैठ मूलमे जहाँ देखा तुही ओरी
 स आदि अन्त जग तुही
 रमरह्यो घट घटमे वाम तुम विन ओर कह
 नहीं देखी कहै कबीर दास ।
 कहे कबीर सुनो भाइ साधो विरला जानै सीइ ।
 गुरु प्रताप साधको सङ्गत सतकी खेतो षोइ ॥

धनाश्री—तिताला

वाबुल मोली ही हमारे मन कुड़ कु व्याह दई ।
 कुड़ अरासी कुड़ परसी कुड़ कुड़के भाई ॥
 कुड़े कुड़ विहावन आए कुड़ना मिले सगाई ।
 भड़हा जर गए मांडो जर दुलहन भइ ॥
 अहवातो गाँवके लोग देखम सन्न आए ।
 नाचत चलत वराती कहे कबीर सुनो भाइ साधो
 यह पद हे निरवानो ।
 जो यह पदको निन्दा करे ताको नरक निशानी ॥

कलिङ्ग

रस गया जागी जंगल कीना वासा हो ।
 काया नगरके दश दरवाजा घाँच घघान छठो
 मन राजा ॥
 हाड़ जरै जैसे जङ्गल जड़ाके सजले जैसे धामकी
 फला जलवई ।
 भूपड़ी उड़न लागी खाक कहा गए हंस
 कहाँ रूप राख ॥
 कहे कबीर सुनो भैरे भाई हमको दो ताकों
 राम दुहाई ।

२

साधो रामनाम जपले चित मो धरे मन हरे हरे
 गुण भरे भई ॥
 टूटून निकसी कवि राइको माई मोरे पुतवा पर
 किन जाडु करे ।

होइ घर मेरा वे कबीराकि जाइ अरि
 दइ मारे वैठा घर सब खाई हरे ॥
 कोन सुदोया तोहे भरम भरमायो ठग ज्यो ठगो
 तोहे भरम भरमाई ।
 कबीरा का मरम न जानि कोई विना हरि मजन
 सुकई होई ॥

श्रीकृष्णानन्द व्यासदेव रामसागरोद्भव सङ्गोत-
 रागकल्पद्रुमे ज्ञानतत्त्वसागर ग्रन्थ आरम्भ ।
 प्रणम्य परमात्मनं सच्चिदानन्दमोक्षरम् ।
 ज्ञानतत्त्वसागरोऽयं कुरुते रागसागरः ॥

अथ सुन्दरदासकृत कवितादि कन्द ।

भैरव—चौताला इदमकन्द

मौज करो गुरुदेव दया करि शब्द सुनाय कह्यो
 हरि मेरो ।
 ज्यो रविके प्रकटे निशि जात सुदूरि कियो
 भ्रम भानि अंधियो ॥
 कायक वाचक मानसहु करि कै गुरुदेव हि
 वन्दन मेरो ।
 सुन्दरदास कहै कर जोरि जु दादूदयाल को हँ
 नित चैरो ॥

पूणब्रह्म विचार निरंतर कामन कोधन
 लोभन मो है ।
 श्रोत तुचा रसना भरु प्राण सुदेखि कछु कहं
 नघनन जो है ॥
 ज्ञानस्वरूप अनूप निरूपण जासु गिरा सुवि
 मो मन मो है ।
 सुन्दरदास कहै कर जोरि जु दादूदयाल हि
 मो मन मो है ॥

२

धीरजवन्त अडिमा जितेन्द्रिय निर्मल ज्ञान
गह्वो दृढ़ आदू ।

शील मन्तोष क्षमा जिनके घट लागि रह्योसु
अनाहद नादू ॥

भेषन पक्ष निरन्तर लक्ष जु और नहीं कहु
वादविवादू ।

ये सब लक्षण हैं जिन माहि सु सुन्दरके उर है
गुरु दादू ॥

भी जल में बहि जात उते जिन काटि लिये अपने
करि आदू ।

और सन्देह मिटाइ दियो सब काननि टेरि
सुनाइ कै नादू ॥

पूर्णब्रह्म प्रकाश कियो पुनि कुटि गयो यह
वाद विवादू ।

ऐसी कृपा जु करी हम उपर सुन्दरके उर है
गुरु दादू ॥

५

कोउक गोरस कौ गुरु थापत कोउक दत्त
दिगम्बर आदू ।

कोउक बंध कोउक भर थर कोउक धिर कौ
राखत नादू ॥

कोउ कहै हरिदास हमारे जु यों करि ठानत
वाद विवादू ।

और तौ सन्त सबै सिर उपर सुन्दरके उर हैं
गुरु दादू ॥

• विभास—चौतावा

कोउ विभूति जटानखधारी कहै यह भेष
हमारो ही आदू ।

कोउक कान फराई फिरे पुनि कोउक सिङ्गी
बजावत नादू ॥

कोउक केश लूचाइ करै वृत्त कोउक जङ्गम
कै शिव वादू ।

ये सब भुलि परे जितहीतित सुन्दरके उर हैं
गुरु दादू ॥

२

जोगी कहै गुरु जैनि कहै गुरु बोधि कहै गुरु
जङ्गम माने ।

भक्त कहै गुरु सञ्चासी कहै बनवासी कहै गुरु
और वखाने ॥

शेष कहै गुरु सोफि कहै गुरु याहितै सुन्दर
होत हराने ।

वाउ कहै गुरु वाहु कहै गुरु वहै गुरु सोई
सबै भ्रम माने ॥

३

सो गुरुदेविनिपै न छिपै कहु सत्वर जो तम ताप
निवारो ।

इन्द्रिय देह मृषा करि जानत शीतलता समता
उर धारो ॥

व्यापक ब्रह्म विचार अखण्डित हैत उपाधि सबै
तिन टारो ।

शब्द सुनाई सन्देह मिटावत सुन्दर वा गुरुकी
बलिहारो ॥

४

है गुरु कौ उरध्यान हमारे ।

पूरण ब्रह्म बताइ दियो जिन एक अखण्डित
व्यापक सारे ।

रागर दोष करै अब कौन सौ जोई है मूल सो
ईश कुड़ारे ॥

संशय शोक मित्यो मनकी सब तख्व विचार
कह्यो निरधारे ।

सुन्दर शब्द किये मल धोइ जु है गुरु कौ उर
ध्यान हमारे ॥

५

ज्यों कपड़ा दरजी गहि व्योतत काठही कौ
बढ़ई कसि आने ।

कञ्चन कौं जु सुनार कसै पुनि लोह की घाटल-
हारहि जाने ॥
पाहन कौं कसि लेत सिलावट चाक कुम्हार कै
हाथ निपाने ।
तैसे ही शिष्य कसै गुरुदेव जु सुन्दर दास
तबै मन माने ॥

ललित—विताला

ऐसे गुरुदेवको हमारे जु प्रणाम है ।
शत्रु है न मित्र कोउ जाके सब है समान देह की
ममता छाड़े आत्माही राम है ॥
औरहु उपाधि जाके कबहु न देखियत सुखके
समुद्र मै रहत आठो जाम है ॥
रिद्धि और सिद्धि जा के हाथ जोरि आगै
खड़ी सुन्दर कहत ताके सबही मुलाम है ॥
अधिक प्रशंसा हम कैसे करि कहि सकै ऐसे
गुरुदेव की हमारे जु प्रणाम है ॥

चौताला

ज्ञानकी प्रकाश जाके अन्धकार भयो नाश देह
अभिमान जिन त्यजो जानि सारधी ।
सोई सुखसागर वैराग जो जाके दैन सुनत
बिलात है मनको विकार धी ॥
अगम अगाध अति कोऊनहिं जानै गति आत्माकी
अनुभव अधिक अपारधी ।
ऐसी गुरुदेव वन्दनीक तिहुं लोक माहि सुन्दर
विराजमान शोभित उदारधी ॥
को
सोई गुरुदेव जाके दूसरी न बात है ।
काहू सौं न रोष तोष काहू सौं न राग दोष काहू
सौं न बैरभाव काहूकी न घात है ।
काहू सौं न बकवाद काहू सौं है न विषाद काहू
सौं न सङ्ग न कोऊ पक्षपात है ॥
काहूसौं न दुष्ट बैन काहूसौं न लैन दैन ब्रह्मकी
विचार कहु और न सुहात है ।

सुन्दर कहत सोई ईसनकी महाईस सोई गुरुदेव
जाके दूसरी न बात है ॥

चौताला

सिष्य पलटै सो सत गुरु जानिये ।
लोहे कौं जु पारस पखान ह पलट लेत कञ्चन
कुवत होत जगत मै प्रमाणिये ।
द्रुमकी जो चंदनहु पलटै लगाइ वास आपके
समान ताके शीलता आनिये ॥
कीट की जौ भृंगहुं पलटि के करत भृङ्ग सोई
उड़ि जाइ ताकी अचरज मानिये ।
सुन्दर कहत यह सगरी प्रसिद्ध बात सद्य सिष्य
पलटै सो सत गुरु जानिये ॥

२

गुरु विन ज्ञान नाहीं गुरु विन ध्यान नाहीं गुरु
विन आत्म विचार न लहत है ।
गुरु विन डेम नाहिं गुरु विन प्रीति नाहिं गुरु विन
शोलहु सन्तोष न गहत है ॥
गुरु विन प्यास नाहिं बुद्धिकी प्रकाश नाहिं
भ्रमहु को नाश नाहिं संशयई रहत है ।
गुरु विन बाढ़ नाहिं कोड़ा विन हाट नाहिं सुन्दर
प्रकट लोक वेद यों कहत है ।

अलैया बिलावल—चौताला

पढ़े कै न दैठे पाश अक्षर न वाचि सके विनहो
पढ़े सै कैसे आवत है फारसी ।
जौहरीके मिलै विनु पारध न जानै कोउ हाथ
नग लिये फिरै संशय नहिं टारसी ॥
वेदहु मिल्यो न कोउ बूटो कौ बताई देत भेद
विनु पाये वाके औषध है छारसी ।
सुन्दर कहत मूरख रंचक न देखो जाइ गुरु विन
ज्ञान जौ अंधेरे माहि आरसी ॥

चौताला

गुरु के प्रसाद बुद्धि उत्तम दशा कौ यहि गुरुको
प्रसाद भवदुःख विसराइये ।

गुरुके प्रसाद प्रेमप्रीतिहु अधिक बाढ़े गुरुके प्रसाद
रामनाम गुण गाइये ॥
गुरुके प्रसाद सब योगकी जुगति जानै गुरुके प्रसाद
शून्य मैं समाधि लाइये ।
सुन्दर कहत गुरुदेव जो कृपाल हों हि तिनके प्रसाद
तखजान पुनि पाइये ॥

देवगिरि—चौताला

जग मैं न कोऊ हितकारो गुरुदेव सो ।
बूडत भव सागर मै आइ कै बंधावै धीर पारज
लंघाय देत नामकी जो खेव सो ॥
घरउपकारो सब जीवनके सारे काम कवहु न आवै
जाके गुननिकी छेव सो ।
बैनउ सुनाइ भय भ्रम सब दूरि करे सुन्दर दिखाइ
देत अलख अभेव सो
औरज सनेहो हमनोके करि देखे सोधि जगमें
न कोऊ हितकारो गुरुदेव सो ॥

चौताल

गुरु तात गुरु मात गुरु वन्धु तिज गात गुरुदेव
नखसिख सकल सखाखो है ।
गुरु दिये दिव्य नयन गुरु दिये मुखवन गुरुदेव
अवण देशवद उचाखो है ॥
गुरु दिये हाथ पाव गुरु दिये सोसभाव गुरुदेव
पिण्डमाहि प्राण आइ डाखो है ।
सुन्दर कहत गुरुदेव जु कृपाल हो हि फेरि घा
घटि करि मोहि निस्ताखो है ॥

कोऊ देत पुत्रधनै कोऊ देत बलघन कोऊ देत
राजसाज देवरिषि सुन्यो है ।
कोऊ देत यशमान कोऊ देत रिसअन कोऊ देत
विद्यादान जगत मै गुण्यो है ॥
कोऊ देत रिद्धि सिद्धि कोऊ देत नवनिधि कोऊ
देत और कछू ता तै सोस धुन्यो है ।
सुन्दर कहत एक दिषो जिन रामनाम गुरुसो
उदार कोऊ देख्यो है न सुन्यो है ॥

ककुभ—चौताला

गुरुके अनन्त गुण का पै कहे जात हैं ।
भूमिहुंको रेणु कौतो संख्या कोऊ कहत है
भारहु अठारहु द्रुम तिनके जो पात हैं ॥
मिघनकी संख्या सोऊ ऋधिन कछो विचारि
बुन्दनकी संख्या तेऊ आइके विलात हैं ।
तारनको संख्या सोऊ कहो है पुराण मांहि
रोमनिकी संख्या पुनि तितनेऊ गात हैं ।
सुन्दर जहां लौ जत सबहो कौ आवै अन्त गुरुके
अनन्त गुण का पै कहे जात हैं ॥

गुरुको तो महिमा अधिक है गोविन्द तै ।
गोविन्दके किये जीव जात है रसातलकी गुरु
उपदेशे सो तो कूटे यमफन्द तै ।
गोविन्दके किये जीव वस परे कर्मनिके गुरुके
निवाजे सोतो फिरत सुखन्द तै ॥
गोविन्दके किये जीव बूडत भवसागर मै सुन्दर
कहत गुरु काढ़े दुःखदन्द तै ।
औरउ कहालौ ककु मुख तै कहं बनाइ गुरुको
तो महिमा अधिक है गोविन्द तै ॥

ऐसी कौन भेट गुरुदेव आगे राखिये ।
चिन्तामणि पारस कल्पतरु कामधेनु औरहु
अनेक निधि बारि बारि नाखिये ।
जोई कछू देखिये सो सकल विनाशवन्त बुद्धि मै
विचार करि बहु अभिलाखिये ॥
ताते अब मन वच कर्म करि करजोरि सुन्दर कहत
सोस मेलि दौन भाखिये ।
बहुत प्रकार तौनी लोक सब सोधि हम ऐसो
कौन भेट गुरुदेव आगे राखिये ॥

मनहरनकन्द

खट—तिताला

कान गरातें कहा कान ऐसे होत मूढ़ मनके गराते
कहां नैन ऐसे पाइ है ।

नासिका गराते कहां नासिका सुगन्ध लेत मुखके
 गराते कहां मुख ऐसे गाड़ है ॥
 हाथ कोमुते कहां हाथ ऐसी काम हात पांवके
 गएते कहां पांव ऐसे धाड़ है ।
 याही ते विचार देखि सुन्दर कहत तोहि देहके
 गरातेरे सो देह नहीं आड़ है ॥

२

बार बार कछो तोहि साव्य धान कौत होहि
 ममताकी पोढ़ सिर काहे कौ धरत है ।
 मेरो धन मेरो धाम मेरो सुत मेरो वाम मेरे पशु
 मेरो ग्राम भूल्यो फिरत है ॥
 तूतो भयो बाबरो विकाड़ गई बुद्धि तेरो ऐसो
 अन्धकूप गृह तामे क्यों परत है ।
 सुन्दर कहत तोहि तेकहु न आवि लाज काज कौ
 विगारके अकाज क्यों करत है ॥

३

तेरे तो कुपेच पखो गाढ़ मति घुरि गई ब्रह्मा आड़
 छोरे कौड़ कुटत न जबहं ।
 तेल सौ भिजोइ करि चौथरा लपेट राखि कूकरको
 पूछ संधो होइ नहीं तबहं ॥
 सास देत सीख बहुकौरो कौ गनत जात कहत
 कहत दिन बीत जात सबहं ।
 सुन्दर अज्ञान ऐसो छाड़ो नहि अभिमात निकसत
 प्राण लागि चेत्यो नहो कबहं ॥

४

वारु मांहि तेल नहि निकसत काहू विधि पाथर
 न भोजि बहु वरषत घन है ।
 पानीके मथे तें कछु घोव नहि पाइयत कूकसके
 कूटे नहि निकसत कन है ॥
 सून्य कौ सुठो भरे ते हाथन परत कछू ऊसरके
 बोये कहां उपजत अन है ।
 उपदेश ओषध कौन विधि लागे ताहि सुन्दर असाध
 रोग भयो जाके मन है ॥

५

बैरो घर माहि तेरे जानत सनेहो मेरे दारासुत
 वित तेरो खोसि खोसि खांहिगे ।
 औरज कुटुम्ब लोक जूटे चहु ओरहो ते मोठी मोठी
 वार्ते कहि तोसों लपटांहिगे ॥
 सङ्कट परेगो जब कोज नहि तेरो तब अतिही
 कठिन वाकी बेरि हट जांहिगे ।
 सुन्दर कहत ताते भूठोई प्रपञ्च यह सुपनेको नाई
 सब देखत बिनांहिगे ॥

सिन्धु—तिताला

बालूके मन्दिर माहि बैठि रह्यो थिर होइ राखत है
 जीवनकी आशा कोज दिनकी ।
 पल पल छोजत घटत जात घरो घरो विनशत वार
 कहा खवरि न छिनकी ॥
 करत उपाय भूठे लेन देन खान पान मूसा इत उत
 फिरि ताकि रह्यो मिनकी ।
 सुन्दर कहत मेरो मेरो करि भूल्यो सठ चञ्चल
 चपल माया भई किन किनकी ॥

६

अवण ले जाइ करि नाद के ले डारे पास नेना
 ले जाइ करि रूप वश कखो है ।
 नासिका ले जाइ करि बहुत सुधावे फूल रसना
 ले जाइ करि खाद मन दुखो है ॥
 चरम ले जाइ करि नारी सौं स्पर्श करे सुन्दर
 कोउक साधु ठगन तें डखो है ।
 कामठग क्रोधठग लोभठग मोहठग ठगनिको
 नगरी मौ जीव आइ पखो है ॥

७

पायो है मनुष्य देह औसर बन्धा है आइ ऐसो देह
 बार बार कहौ कहां पाइ है ।
 भूल्यो के बारंतू अबके सयानो हाड रतन अमोल
 यह काहेकौ ठगाइ है ॥

समुभि विचार देखि ठगनि की सङ्ग पाय
ठगबाजी देखि कहुं मन न डुलाइ है ।
सुन्दर कहत तोहि अब सावधान होहि हरि की
भजन करि हरि मै समाइ है ॥

महादेव वामदेव ऋषभ कपिल देव व्यासदेव
शुकहुं जयदेव माम देव जू ।

रामानन्द सुखानन्द कहिये अनन्तानन्द
सुरसुरानन्द हुं की आनन्द अछेव जू ॥

रैदास कबीरदास सोभादास पोपादास धनादासहु
कै दास भावही की टव जू ।
सुन्दर सकल सन्त प्रकट जगत माहि तैसे गुरु दादू
दास लागे हरिसेव जू ॥

गुरुदेव सब्बापर अधिक विराजमान गुरुदेव सब
हीतै अधिक मरिष्ट हैं ।

गुरुदेव दत्तात्रय नारद शुकादि मुनि गुरुदेव
ज्ञानघन प्रकट वसिष्ठ हैं ॥

गुरुदेव धरम आनन्दमय देखियत गुरुदेव
बरवरियान हु बरिष्ट हैं ।

सुन्दर कहत कछु महिमा कही न जाइ ऐसे
गुरुदेव दादू मेरे सिर इष्ट हैं ॥

जोगी जैन जङ्गम सश्यासौ बनवासी वोधी और
कोज भेष पक्ष सब भ्रम भान्यु है ।
तापस ऋषीश्वर मुनीश्वर कवीश्वर हु सबनि की मत
देखि तत्त्व पहिचान्यु है ॥

बेदसार तन्त्रसार स्मृतिपुराणसार ग्रन्थनिकी
सार सोई हृदय माहि आन्यु है ।

सुन्दर कहत कछु महिमा कही न जाइ ऐसे
गुरुदेव दादू मेरे मन मान्यु है ॥

जीत है जू काम क्रोध लोभ मोह दूर किये
और सब गुणन की मद जिन भानु है ।

उपजे न कोज ताप सोतल सुभावजाकौं सबही
मी समता सन्तोष उर आनु है ॥
काहू सी न राग दोष देत सबही कौं पोष जीवत ही
पायो मोष एक ब्रह्म जानु है ।
सुन्दर कहत कछु महिमा कही न जाइ ऐसे
गुरुदेव दादू मेरे मन मानु है ॥

रागिणी रामकली—भूपताल

उपदेश चितावनी हंसालकन्द

राम हरि राम हरि बोल सुवा ।
तो सही चतुर तू जान प्रवीण अति परे जिन
पिछरि मोहकूवा ॥

पाइ उत्तम जस्य लाइ लै चपल मन गाइ
गोविन्द गुण जीत जूवा ।

आपही आप अज्ञान नलिनी दंध्यो विना प्रभु
विमुख कै बार भूवा ॥

दास सुन्दर कहै परमपद ती लहै राम हरि
राम हरि बोल सूवा ।

हकतू हकतू बोल तोता ।
न फस शैतान कौं आपनि कैद करि क्यौं दुनी मै
परा खाइ गोता ।

है गुनागारभी गुनहही करत है खायगा
मार तब फिरै रोता ॥

जिन तुम्हें खाक सौं अजब पैदा किया तू उसै
क्यौं फरामोश होता ।

दास सुन्दर कहै धरम तबहो रहै हकतू हकतू
बोल तोता ॥

भांपताल

भौ तुही भौ तुही बोल तूती ।
आवकी वद आजूद पैदा किया नयन मुख

नासिका कर संजूती ।
ख्याल ऐसा करै हबी लीए फिरि जागि करि

देख क्या करै सुती ।